



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:


- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.


About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>


A

809,668





3
765
T6
1902



B
765
.T6
1902

THOMAE^u (HEMERKEN) Á KEMPI
CANONICI REGVLARIS ORDINIS S. AVGVSTINI

OPERA OMNIA

VOLVMINIBVS SEPTM EDIDIT ADDITOQVE
VOLVMINE DE VITA ET SCRIPTIS EIVS DISPVAVIT

MICHAEL IOSEPHVS POHL

VOLVMEN TERTIVM

TRACTATVVM ASCETICORVM PARTEM TERTIAM
COMPLECTENS

MEDITATIO DE INCARNATIONE CHRIS
SERMONES DE VITA ET PASSIONE DOMI

CVM TRIBVS MISCELLANEIS

CVM ADPROBATIONE REV. ARCHIEP. FRIBVRGENSIS

FRIBVRGI BRISIGAVORVM
SVMP TIBVS HERDER

TYPOGRAPHI EDITORIS PONTIFICII

MDCCCCIII

VINDOBONAE ARGENTORATI MONACHII S. LVDOVICI AMERICAE

THOMAE HEMERKEN A KEMPIS

CANONICI REGVLARIS ORDINIS S. AVGVSTINI

EDITATIO DE INCARNATIONE CHRISTI

ARMONES DE VITA ET PASSIONE DOMINI

ALPHABETVM MONACHI

VAN GOEDEN WOERDEN TO

HOREN ENDE DIE TO SPREKEN

ORATIONES DE PASSIONE DOMINI ET

BEATA VIRGINE ET ALIIS SANCTIS

ADIECTIS EPILEGOMENIS ADNOTATIONE CRITICA

INDICIBVS TABVLIS PHOTOGRAPHICIS

PRAETER ORATIONES EX AVTOGRAPHO

EDIDIT

MICHAEL IOSEPHVS POHL

FRIBVRGI BRISIGAVORVM

SVMP TIBVS HERDER

TYPOGRAPHI EDITORIS PONTIFICII

MDCCCCIII

VINDOBONAE ARGENTORATI MONACHII S. LVDOVICI AMERICAE

THOMAE^w (HEMERKEN) Á KEMP
CANONICI REGVLARIS ORDINIS S. AVGVSTINI

OPERA OMNIA

VOLVMINIBVS SEPTVM EDIDIT ADDITOQVE
VOLVMINE DE VITA ET SCRIPTIS EIVS DISPVTAVIT

MICHAEL IOSEPHVS POHL

VOLVMEN TERTIVM

TRACTATVVM ASCETICORVM PARTEM TERTIAM
COMPLECTENS

MEDITATIO DE INCARNATIONE CHRISTI
SERMONES DE VITA ET PASSIONE DOMINI

CVM TRIBVS MISCELLANEIS

CVM ADPROBATIONE REV. ARCHIEP. FRIBVRGENSIS

FRIBVRGI BRISIGAVORVM
SVMP TIBVS HERDER

TYPOGRAPHI EDITORIS PONTIFICII

MDCCCCIII

VINDOBONAE ARGENTORATI MONACHII S. LVDOVICI AMERICAE

THOMAE HEMERKEN A KEMPIS
CANONICI REGVLARIS ORDINIS S. AVGVSTINI

EDITATIO DE INCARNATIONE CHRISTI
SERMONES DE VITA ET PASSIONE DOMINI
ALPHABETVM MONACHI

VAN GOEDEN WOERDEN TO
HOREN ENDE DIE TO SPREKEN

ORATIONES DE PASSIONE DOMINI ET
BEATA VIRGINE ET ALIIS SANCTIS

ADIECTIS EPILEGOMENIS ADNOTATIONE CRITICA
INDICIBVS TABVLIS PHOTOGRAPHICIS

PRAETER ORATIONES EX AVTOGRAPHO
EDIDIT

MICHAEL IOSEPHVS POHL

FRIBVRCI BRISIGAVORVM
SVMPTIBVS HERDER
TYPOGRAPHI EDITORIS PONTIFICII
MDCCCCIII

VINDOBONAE ARGENTORATI MONACHII S. LVDOVICI AMERICAE

B
765
T6
1902

Imprimatur.

Friburgi Brisgoviae, die 7. Aprilis 1904.

‡ Thomas, Archiep̃ps.

Omnia iura reservantur.

Typis Herderianis, Friburgi Brisigavorum.

THOMAE HEMERKEN A KEMPIS
CANONICI REGVLARIS ORDINIS S. AVGVSTINI

OPERA OMNIA

VOLVMINIBVS SEPTEM EDIDIT ADDITOQVE
VOLVGINE DE VITA ET SCRIPTIS EIVS DISPVTAUIT

MICHAEL IOSEPHVS POHL

3

VOLVMEN TERTIVM

TRACTATVVM ASCETICORVM PARTEM TERTIAM
COMPLECTENS

MEDITATIO DE INCARNATIONE CHRISTI
SERMONES DE VITA ET PASSIONE DOMINI

CVM TRIBVS MISCELLANEIS

CVM ADPROBATIONE REV. ARCHIEP. FRIBVRGENSIS

FRIBVRGI BRISIGAVORVM
SVMPVIBVS HERDER

TYPOGRAPHI EDITORIS PONTIFICII

MDCCCIII

VINDOBONAE ARGENTORATI MONACHII S. LVDOVICI AMERICAE

3
755
.T6
1 .22



B
765
.T6
1902

THOMAE^u (HEMERKEN) Á KEMPI
CANONICI REGVLARIS ORDINIS S. AVGVSTINI

OPERA OMNIA

VOLVMINIBVS SEPTEM EDIDIT ADDITOQVE
VOLVMINE DE VITA ET SCRIPTIS EIVS DISPVTAVIT

MICHAEL IOSEPHVS POHL

VOLVMEN TERTIVM

TRACTATVVM ASCETICORVM PARTEM TERTIAM
COMPLECTENS

MEDITATIO DE INCARNATIONE CHRIS
SERMONES DE VITA ET PASSIONE DOMI

CVM TRIBVS MISCELLANEIS

CVM ADPROBATIONE REV. ARCHIEP. FRIBVRGENSIS

FRIBVRGI BRISIGAVORVM
SVMP TIBVS HERDER

TYPOGRAPHI EDITORIS PONTIFICII

MDCCCCIII

VINDOBONAE ARGENTORATI MONACHII S. LVDOVICI AMERICAE

THOMAE HEMERKEN A KEMPIS

CANONICI REGVLARIS ORDINIS S. AVGVSTINI

EDITATIO DE INCARNATIONE CHRISTI

SERMONES DE VITA ET PASSIONE DOMINI

ALPHABETVM MONACHI

**VAN GOEDEN WOERDEN TO
HOREN ENDE DIE TO SPREKEN**

**ORATIONES DE PASSIONE DOMINI ET
BEATA VIRGINE ET ALIIS SANCTIS**

**ADIECTIS EPILEGOMENIS ADNOTATIONE CRITICA
INDICIBVS TABVLIS PHOTOGRAPHICIS**

**PRAETER ORATIONES EX AVTOGRAPHO
EDIDIT**

MICHAEL IOSEPHVS POHL

**FRIBVRGI BRISIGAVORVM
SVMPITIBVS HERDER**

TYPOGRAPHI EDITORIS PONTIFICII

MDCCCCIII

VINDOBONAE ARGENTORATI MONACHII S. LVDOVICI AMERICAE



INCIPIT MEDITATIO DE INCARNATIONE
CHRISTI, SECVNDVM TESTIMONIA
SANCTARVM SCRIPTVRARVM.

Scrutamini scripturas dicit Dominus. O dulcissime Domine⁵
Iesu . concede mihi indigno
famulo tuo, incarnationis tuae
mysterium devote pensare; sagaciter in-
vestigare, sublimiter intellegere, non in-
tellectum humiliter venerari: et tibi sem-¹⁰
per gratias agere, pro dignatione tanta,
et caritate tam inaestimabili. Hoc enim
mysterium me magis delectat considerare;
et inter cetera mirabilia tua suavius sapit,
vehementius afficit: fortius astringit, et¹⁵
totum spiritum meum in te rapit. Da
ergo mihi in hoc frequentius versari: et
qualiter a sanctis prophetis praecogni-
tum ac praedictum fuerit diligentius spec-
ulari. Revela oculos meos: et conside-²⁰
rabo mirabilia de lege tua. Tu etenim
conditor legis, tu inspirator et instructor
prophetarum: quorum oraculis miris et

multiplicibus modis prae-nuntiatus es et
 praefiguratus; nunc aperte, nunc obscure:
 sicut evidenter inspecta tota veteris Testa-
 menti series protestatur. Nil quippe in
 5 ea vacat a mysterio: sed tam divinitatis
 tuae quam etiam humanitatis fidelissima
 ibidem testimonia continentur. Et quam-
 vis hominis testimonium tibi necessarium
 non fuerit qui veritas es, et homines
 10 cum volueris prophetas facis; propter
 nostram tamen eruditionem et fidei con-
 firmationem, longe haec ante voluisti per
 sanctos tuos praedici et conscribi: atque
 tantam etiam auctoritatem illorum eloquiis
 15 tradere, quibus nulla ex parte auderet
 quis contradicere; quatenus et cum prae-
 sens adesses in carne, Rex Israel et Sal-
 vator mundi posses agnosci: quem tot
 scripturae commendaverant adventurum.
 20 Et hoc est quod praesentialiter legis doc-
 toribus non credentibus: sed curiose te
 observantibus et callide temptantibus re-
 spondisti. Scrutamini scripturas: in qui-
 bus vos putatis vitam aeternam habere.
 25 Illae enim sunt, quae testimonium per-
 hibent de me.

Perhibent patriarchae: perhibent pro-
 phetae et ceteri iusti, testimonium in-
 carnationi tuae. Nam *Abraham* patriarcha-
 30 rum primus ob fidei suae meritum, et
 perfectae oboedientiae opus: tale suscepit

promissum. In semine tuo benedicentur omnes gentes terrae. In quo nimirum semine, tu designatus es et prophetatus: qui de Maria virgine natus, veram de carne Adam, veramque de stirpe Abra-⁵ham originem duxisti. Qui etiam cunctis per orbem gentibus hanc benedictionem transmisisti dicens. Qui crediderit et baptizatus fuerit: salvus erit. Haec inquam benedictio non terrena sed caelestis¹⁰ est promissio: non transitoria ubertas, sed perpetua felicitas; vita immortalis cum angelis: non longiturnitas temporalis. Quae sicut fidei Abrahae promissa est: ita et per te ipsi donata est, et omnibus¹⁵ veram fidem sectantibus. Non enim qui secundum carnem ex Abraham nati sunt, hi tantum filii promissionis censendi sunt: sed qui vestigia fidei eius imitantur, in benedictione deputantur; sive ex eo car-²⁰naliter editi: sive ex gentibus ceteris spiritaliter fuerint regenerati. Et ideo dictus est pater multarum gentium non Iudaeorum tantum: sed omnium in te credentium per orbem nationum.²⁵

Perhibet quoque praeclarum testimonium tibi, *Isaac* filius Abrahae gestis^{ISAAC} suis. Eius siquidem nativitas ab angelo praedicta, tuae nativitatis gerit praesagium: quae longe tamen superexcellit omnium³⁰ natorum modum. Ille per promissionem

angeli de sterili matre editus est: sed tu ab initio mundi promissus, pro salute nostra ineffabili ordine de virgine matre natus es. Ille genitus gaudium fecit parentibus et amicis: tu vero natus gaudium magnum angelis fecisti et hominibus. Dat credulitatem magnam virginei partus: ipsum miraculum factum in utero senectutis. Qui ergo hoc egisti in servulo tuo: profecto maius potuisti in temet ipso. Conditor enim cum sis naturae, omnia sub tua potestate habes: nec ullius lege stringeris aut iure.

Lucet etiam in eo passionis tuae figura: quando a Patre iussus est immolari, divino ad se responso per angelum prius facto. Ille ligna portavit holocausti: tu lignum crucis baiulasti, ad delendum chirographum primordialis delicti. Ille ligatus mox arae imponitur; tu ligatus et fortiter caesus, tandem in cruce exaltaris, ut omnia ad te ipsum traheres. Ille oboediens fuit Abrahae patri suo: et tu oboedisti, usque ad mortem crucis Deo Patri tuo. Ille immolatur, sed non occiditur; quia ille figura tu veritas: ille signum, tu verum sacrificium. Ille mori non debuit, quia redemptor mundi non fuit; tu vero mori debuisti, non tamen ex proprio sed nostro pro delicto: quia verus Redemptor mundi in hoc natus

fuisti, et hoc mandatum a Patre accepisti.

Perhibet quoque *Iacob* patriarcha, testimonium verissimum tibi. Hic prophetico spiritu doctus: multa filiis suis ventura⁵ praedixit. Nam tribum de qua nasciturus, et tempus quo esses adventurus innotuit: cum benedicens Iudam filium suum inter alia diceret. Non auferetur inquit sceptrum de Iuda, et dux de femoribus eius,¹⁰ donec veniat qui mittendus est: et ipse erit expectatio gentium. Quod quidem testimonium sane intellectum constat sine dubio in te completum, qui de tribu Iuda ortum dignissimum habuisti; et illo in¹⁵ tempore hanc lucem mundi intrasti, quando legitimus dux in Iudaea defecerat: et rex externae nationis Herodes, illic arcem principatus tenebat. Non ergo expectaris ut delirat Iudaeus; sed iam venisse cre-²⁰ deris in carne Deus: sicut profitetur christianus, et docet catholica fides. Defecit certe dux in Iudaea, desiit lex in ea; sacerdotium conticuit, templum cecidit, regnum periit, gens illa dissipata²⁵ est per mundum: ut cognoscat totus mundus, quia tu Salvator Israel, expectatio gentium et desideratus earum advenisti. Cessare igitur lex vetus debuit, postquam nova gratia et veritas te apparente illuxit: 30 quoniam omnis illa antiqua institutio, ad

perhibendum tibi testimonium ministra
fuit. Huic concordant voces propheta-
rum: qui adventum tuum praescientes,
dies gratiae in quibus stamus praenun-
5 tiarunt.

·MOY-
SES· Dicit namque *Moyses* legislator et doctor
populi Israel, testimonium credibile nimis.

Prophetam de gente tua et de fratribus
tuis: sicut me, suscitabit tibi Dominus
10 Deus tuus. Rudi populo locuturus *Moyses*,
simpliciter te prophetam nominavit: qui
fortassis altius de te capere nomen nec-
dum idoneus inveniebatur. Quod etiam
ex evangelio satis colligitur, ubi facto
15 signo de quinque panibus et duobus
piscibus, vox populi talis ferebatur: quia
hic est vere propheta, qui venturus est
in mundum. Nos vero certiori iam veri-
tate et altiori intellectu fidei imbuti: non
20 solum prophetam, sed et Dominum te
prophetarum verumque Dei filium, vera-
citer confitemur et credimus. Nec mirum
si illi populo multa per *Moysen* servum
tuum obscure, et nobis per te ipsum plura
25 manifestius sis locutus: quia sic con-
gruebat ordini iustitiae, sic legi denique
et gratiae. Hic itaque *Moyses*, desiderio
adventus tui, oravit et dixit. Obsecro
Domine: mitte quem missurus es.

30 Iste est *Moyses* qui ad liberandos filios
Israel, in Aegyptum dirigitur: cui etiam

potestas faciendi signa et prodigia pariter
 condonatur. Fecit magna et insolita, quae
 audita vel lecta, admirationem non par-
 vam habent; sed mystice intellecta et ad
 te debite relata: piis ac fidelibus menti- 5
 bus altiore sensum et salubriorem fruc-
 tum ingerunt. Ille eduxit filios Israel
 de terra Aegypti: tu electos tuos de vita
 veteri, de captivitate diaboli, de claustris
 inferni exemisti. Ille per mare rubrum 10
 submerso Pharaone, eos fecit terram in-
 gredi promissionis: tu fideles tuos per
 aquam baptismi extincto originali peccato,
 regnum facis intrare supernae mansionis.
 Ille in monte Sinai legem decalogi in 15
 tabulis lapideis exaratam suscepit, ac
 populo custodiendam tradidit; tu novi
 Testamenti mediator effectus, legem gra-
 tiae discipulis in monte praedicasti: quam
 et eorum mentibus per amoris spiritum 20
 artius impressisti. Ille quadraginta annis
 in deserto cum filiis Israel ambulavit:
 multis signis et prodigiis inter eos emi-
 cuit; tu triginta et tribus annis in terris
 visus et cum hominibus conversatus, tam 25
 multa signa divinae potentiae tuae ex-
 hibuisti: ut ea vix capere mundus suf-
 ficeret, si cuncta scripta fuissent. Ille
 agebat tamquam fidelis servus; tu opera-
 tus es sicut Dominus et unicus Patris 30
 filius: cui Pater omnia dedit in manus.

Ideo nec ille potest comparari tibi: sed nec quisquam angelorum vel hominum. Omnibus enim datus est spiritus ad mensuram; tibi autem cum Patre manet
 5 aequalis semper potestas: manet et longe a ceteris sanctis secundum humanitatem excellentia singularis dignitatis, nulli creaturae communicabilis. Cui enim angelorum aliquando dictum est, filius meus
 10 es tu, ego hodie genui te? Aut quis sanctorum Patrem loquentem sibi audivit, sede a dextris meis? Magnum est angelo ut sit minister; magnum cuilibet sanctorum, ad mensam sedere in regno
 15 Patris tui: tibi autem data est omnis potestas in caelo et in terra. Et si in substantia nostrae carnis mortalis apparuisti; es tamen super omnia Deus incommutabilis: nostra suscipiens, et propria
 20 non amittens. Indubitanter ergo et constanter te confitemur Christum, Dei unigenitum mundi Salvatorem ac sanctum sanctorum in lege promissum; a patriarchis desideratum: a prophetis prae-
 25 visum et praenuntiatum. Quorum testimoniis si quis credere haesitaverit, se ipsum veritatis luce privat; non servans fundamentum quo fidei pedem ponat: nec intendens lucernae lucenti in caliginoso loco. Lex enim lux est, et prophetia pretiosa lucerna, perducens nos

ad te verum animae lumen: in quo credentes per fidem salvi fiunt. Sine fide namque et agnitione nominis tui, nulla spes vitae: nulla acquisitio salutis invenitur. Tu equidem salus nostra, spes et redemptio nostra: quem expectabant priores sancti, qui hanc acceperant promissionem.

Multis autem rerum significationibus, multis et mirandis etiam visionibus, salus haec de te promissa diu praecessit et latuit; sed celebrato incarnationis passionisque mysterio: haec secreta patefacta sunt et completa. Te igitur agnus ille paschalis: qui singulis annis in memoriam priscoe liberationis ex Aegypto, iussus est immolari, praesignavit. Te vitulorum et arietum oblatio, te thymiamatis incensio: te varia sacrificiorum celebratio, ac sanguinis crebra aspersio praefiguravit. Tu in candelabro aureo septem lucernis ornato: tu in pontifice magno qui in sancta sanctorum semel ingreditur in anno, mystice praesignaris. Sed haec omnia legis sacrificia: unico corporis tui sacrificio semel in ara crucis oblato, plene consummasti. Ideo nec ulla iam in priorum cultu remanet utilitas: quia quid illa significabant innotuisti nobis aeterna veritas. Leguntur autem et a fidelibus doctoribus spiritaliter discussa ad aedi-

FIGURAE DE CHRISTO.

AGNVS PASCHALIS.

VITVLORVM OB-
LATIO.

CANDELABRVM AVREVM.

ficationem nostram utiliter proferuntur; placetque eorum intellectus mysticus: sed observantia litteralis non admittitur. Et si olim tibi placuere talia sacrificia, hoc
5 occulta egit fides, quae revelanda erat; sed nunc vetera illa finem acceperunt: quia verum sacrificium iam venit, quod fidei devotione sancta per orbem frequentat ecclesia.

**PETRA
DESERTI.** Te etiam petra dulces aquas sitiēti populo manans: te manna pastum mirabilem esurientibus praebens; te serpens aeneus exaltatus infectos a morsu sanans: te virga Aaron sacerdotis florens,
15 nucesque producens, pulchriter praemonstravit.

IOSUE. Te Iosue nobilis actu et nomine; te Gedeon victoriosissimus, te Samson fortissimus, te Samuel propheta fidelissimus:
20 te Nazaraeorum et iudicum singulorum laudata virtus mirifice expressit.

**DAVID
REX** Te *David* rex et propheta eximius, electus secundum cor Dei, egregiusque psalmista patenter canit: devote exorat,
25 ardentemque desiderat dicens. Domine inclina caelos tuos et descende. Excita potentiam tuam et veni: ut salvos facias nos. Ostende nobis Domine misericordiam tuam: et salutare tuum da nobis.
30 Vbi sunt misericordiae tuae antiquae Domine; sicut iurasti David servo tuo? His

et aliis deprecationibus desiderium pectoris sui psallendo saepe aperit: sed et altiora horum revelatis cordis oculis in testimonium tibi asserit. Hic est David sanctus; cui incerta et occulta sapientiae⁵ tuae manifestasti: et quod de eius stirpe incarnandus esses promisisti. Hic est David forma decorus, manu validus, consilio providus; sapiens in verbis, in iniuriis mansuetus, in oculis suis humilis,¹⁰ cultor sacrae legis: praecentor evangelii, verax testis adventus tui. Hic de natiuitate passione resurrectione et ascensione tua plenissime vaticinatus est. Tu es ergo de quo ait. In sole posuit tabernaculum suum: et ipse tamquam sponsus procedens de thalamo suo. Exultavit ut gigas ad currendum viam: a summo caelo egressus eius: et occursus eius usque ad summum eius. Tu veritas de terra²⁰ orta; tu iustitia de caelo prospiciens: quae nos Deo Patri post lapsum reconciliavit. Tu speciosus forma prae filiis hominum; in cuius labiis diffusa est gratia: immo a quo omnibus misericordia pro-²⁵ fluxit et gratia. Tu Deus rex noster ante saecula: qui operatus es salutem in medio terrae. Tu homo natus in Iudaea: cuius nomen permanet ante saecula. Tu sicut pluvia in vellus descendisti in Mariam:³⁰ et sicut stillicidia stillantia super terram,

☞ MEDITATIO DE INCARNATIONE CHRISTI ☞

salutarem evangelii sparsisti doctrinam.
Tu ex Patre ante Luciferum genitus, et
veste nostra mortalitatis indutus: sacer-
dos manes in aeternum, secundum ordi-
nem Melchisedech a Deo constitutus.
Tu de torrente in via bibisti: pro nobis
indignam mortis passionem sicut verus
viator patiendo. Propterea in die resur-
rectionis indutus es fortitudinem et de-
corem; nec nostro more vidisti corruptio-
nem: sed ipsam eandem in qua passus
es carnem, resuscitasti ad vitam immor-
talem; cum qua laetantibus angelis as-
cendisti in iubilo: reversurus in voce
tubae die novissimo. Sicque impleta sunt
carmina David fidelia: in diversis psal-
morum passibus conscripta.

O Iesu unicum desiderium propheta-
rum: tu es Emanuel, quem virgo con-
cepit, virgo peperit, virgo post partum
permansit: de quo *Isaias* luculento ser-
mone prophetavit. Parvulus natus est
nobis: et filius datus est nobis. Et factus
est principatus super umerum eius; et
vocabitur nomen eius admirabilis, con-
siliarius, Deus, fortis, pater futuri sae-
culi: princeps pacis. Multiplicabitur eius
imperium: et pacis non erit finis. Tu
radix Iesse qui stas in signum populo-
rum; quem gentes deprecabuntur: cuius
sepulchrum usque hodie cernitur glorio-

sum. Tu flos de radice lesse ascendens; super quem requiescit spiritus sapientiae et intellectus, spiritus consilii et fortitudinis, spiritus scientiae et pietatis: et spiritus timoris Domini. Tu agnus dominator terrae: missus de petra deserti ad montem filiae Sion. Tu mons domus Domini praeparatus in vertice montium, elevatus super colles; ad quem omnes gentes confluunt: ut de plenitudine tua accipiant. Tu lumen Ierusalem, et gloria Israel: cuius ortus et splendor illuminat mundum. Tu lapis probatus, angularis pretiosus: fundatus in fundamento Sion. Tu germen Domini in magnificentia, et fructus terrae sublimis; sedens nunc ad dexteram Dei Patris: subiectis tibi principibus et potestatibus universis. Haec Isaias, qui spiritu magno vidit futura: et consolatus est omnes lugentes Sion adventu tuo. Vnde et dicit. Consolamini consolamini popule meus dicit Dominus Deus vester: quia ego ipse qui loquebar assum. O quam ardenti desiderio optavit impleri promissum incarnationis tuae: cum impletus spiritu audaciae clamaret. Vtinam disrumperes caelos et descenderes: a facie tua montes defluerent. Qui ardorem desiderii sui temperare non valens: sed omnibus palam insinuare curans rursus aiebat. Propter Sion non tacebo,

et propter Ierusalem non quiescam; donec egrediatur ut splendor iustus eius: et Salvator eius ut lampas accendatur. Et quis indagare sufficit omnes mysticos
 5 eius sermones; quos de tua praecipua incarnatione, passione glorificatione, et iudicii expectatione, nec non de gentium vocatione et sancti evangelii praedicatione digessit? Sic narrat futura quasi essent
 10 praeterita; sic singula enumerat: tamquam oculis conspexisset universa. Verumtamen vidit: sed intellectualibus oculis non carnalibus. Spiritualibus enim oculis cernuntur divina mysteria: quae animalis
 15 homo percipere non potest. Vnde Pharisaei qui solum exterius considerabant praesentiam in te corporalem: non potuerunt ad divinitatis maiestatem assurgere. Sed Isaias caelitus illuminatus et sublevatus:
 20 de utraque natura protulit testimonia veritatis. Nam de divinitate sic dicit. Vidi Dominum sedentem super solium excelsum et elevatum: et plena erat omnis terra maiestate eius. De humanitate vero sic.
 25 Vidimus eum: et non erat aspectus. Et nos putavimus eum quasi leprosum: et percussum a Deo, et humiliatum. Ipse autem vulneratus est propter iniquitates nostras: attritus est propter scelera nostra.

•IERE-
 MIAS• Similiter et Ieremias propheta sanctissimus, testimonium tibi perhibet: cum

magnum hereditatis mysterium hoc modo describit. Quia creavit inquit Dominus novum super terram: femina circumdabit virum. Quid tam novum Domine Iesu, sicut conceptio tua de Spiritu sancto, 5 nativitas ex virgine? Haec est novitas a saeculo inaudita: quae nec primam similem visa est, nec habere sequentem. O vere beata novitas; qua vetus expulsa est iniquitas: et nova introducta sanctitas. 10

Eia nova mater gaude Maria; tu es benedicta illa femina, de qua loquitur ista prophetia: quae et huius novitatis felicissimo partu laetificari meruisti. Eum namque quem omnis creatura non capit: 15 tu omnibus creaturis celsior facta, immaculato alvo circumdedisti. Et quamvis parvulum ac teneris indutum membris intra virginea viscera diu clausum gestasti; erat tamen vir etiam Iesus non- 20 dum natus: sed virtute non corpore; perfectione sapientiae, non aetatis dimensione: immo mox ut conceptus est plenus gratia et veritate. Sic ergo intellegendo, magnum fuisse probatur mysterium: ex 25 ore Ieremiae praedictum.

Hinc et in *Baruch* illud memorabile testimonium ponitur. Hic est Deus noster: et non aestimabitur alius adversus eum. Post haec in terris visus est: et cum ho- 30 minibus conversatus est. *Ezechiel* pro-

•BA-
RUCH•

•EZE-
CHIEL•

pheta qui multa de caelestibus viderat:
hoc notanter de te commemorat dicens.
Et super similitudinem throni, quasi aspectus
hominis desuper. Et item. Vir quo-
5 que unus in medio eorum vestitus lineis:
et atramentarium scriptoris ad renes eius.
Tangit et sacratissimae nativitatis tuae
mirabile sacramentum: cum de porta
orientali, divinum meruit audire respon-
10 sum. Porta haec clausa erit, et non
aperietur: et vir non transibit per eam;
quoniam Deus Israel ingressus est per
eam: eritque clausa principi. Tu es prin-
ceps iste; Maria quoque clausa porta:
15 quae in concipiendo et pariendo mansit
semper virgo intacta.

DANIEL. *Daniel* vir desideriorum et sublimium
secretorum cognitor, cum regi Nabucho-
donosor somnium suum prudenter edis-
20 serit: tuum profecto adventum fideliter
praedicat. Videbas inquit ita, donec abs-
cisus est lapis de monte sine manibus;
qui percussit statuam in pedibus eius
ferreis et fictilibus: et comminuit eos.
25 Lapis autem qui percussit statuam, factus
est mons magnus: et implevit universam
terram. Tu per lapidem istum signaris;
qui de monte hoc est de regno Iudaeo-
rum abscisus es sine manibus: id est sine
30 maritali opere de virgine procreatus. Qui
percussisti statuam in pedibus eius: quia

statum mundani culminis ad oboedientum fidei, verbis et signis etiam inter bella persecutionum mirabiliter incurvastis. Et factus es sicut mons magnus, implestique universam terram; quia qui prius 5 apud Iudaeam paucis notus eras: postmodum coruscante evangelii gratia, toti mundo te ipsum revelasti.

Aliud testimonium idem Daniel profert dicens. Aspiciebam in visu noctis; et 10 ecce cum nubibus quasi filius hominis veniebat, et usque ad antiquum dierum pervenit: et in conspectu eius obtulerunt eum. Et dedit ei potestatem et honorem et regnum: et omnes populi, tribus 15 ac linguae ipsi servient. Potestas eius potestas aeterna quae non auferetur: et regnum eius quod non corrumpetur. Quid hoc clarius testimonio; in quo uterque adventus tuus, in carne, et ad iudicium 20 manifeste praedicatur?

Michaeas tale dat testimonium: quod neque scribae et Pharisei requisiti, poterant reticere. Nam sciscitante ab eis Herode rege, ubi Christus nasceretur: 25 illi responderunt secundum verba huius prophetae, in Bethleem Iudae. Sic enim ait isdem beatus propheta. Et tu Bethleem Ephrata, parvula es in milibus Iuda: ex te mihi egredietur qui sit dominator in 30 Israel. Et egressio eius ab initio, a diebus

aeternitatis. In quibus plane verbis, utriusque nativitatis tuae contextitur veritas: dum unus egressus aeternus ex Patre, alter temporalis ex matre denuntiatur.

• HABA-
CVC. *Habacuc* propheta super custodiam suam stat et gradum figit; ut audiat quid sibi de futuris dicatur: ac te in cruce speculetur. Quia adhuc inquit visus procul: et apparebit in finem, et non mentietur.

10 Si moram fecerit, expecta eum: quia veniens veniet et non tardabit. Et de passione tua sic. Splendor eius ut lux erit: cornua in manibus eius. Ibi abscondita est fortitudo eius: ante faciem
15 eius ibit mors. Egressus es in salutem populi tui: in salutem cum Christo tuo. Iste prae ceteris prophetis specialiter exprimit dulcissimum nomen tuum quod est super omne nomen: ita inquires. Ego
20 autem in Domino gaudebo: et exultabo in Deo Iesu meo.

• SOPHO-
NIAS. *Sophonias* consolatoriam textit prophetiam: et ad spiritalem laetitiam erigit mentem, longa expectatione iam fessam.

25 Laetare inquit filia Sion, iubila tu Israel: laetare et exulta in omni corde filia Ierusalem. Rex Israel Dominus in medio tui: ipse salvabit.

• AG-
GAEVS. *Aggaeus* quoque praedixit. Adhuc unum
30 modicum est, et ego commovebo caelum et terram, et mare et aridam; et movebo

omnes gentes: et veniet desideratus cunctis gentibus.

Zacharias laetabundo corde et quibusdam rerum indiciis testimonium perhibet dicens. Lauda et laetare filia Sion: quia 5 ecce ego venio, et habitabo in medio tui. Et iterum. Exulta satis filia Sion: iubila Ierusalem. Ecce rex tuus venit tibi iustus et Salvator: ipse pauper et ascendens super asinam, et super pullum 10 filium asinae. Hanc prophetiam tunc implesti: quando Hierosolymam humilis aselli terga insidens perrexisti. Et ne dubitet quis de te ista praedicta; additur unde non sit dubitandum: quia iam tenetur 15 eius experimentum. Et loquetur inquit pacem gentibus: et potestas eius a mari usque ad mare. Quod per praedicatores sacri evangelii fideliter actum constat: qui pacem annuntiaverunt his qui prope, 20 et his qui longe erant. Dehinc ad passionem se convertit: ostendens quia sanguine tuo redempturus esses mundum. Tu quoque in sanguine testamenti tui emisisti vinctos tuos de lacu: in quo non 25 erat aqua. Et alia quidem multa isdem propheta et ceteri prophetae protulere testimonia: e quibus non pauca novo sunt inserta Testamento. Nec infideliter movere debet legentem: si interdum aliter 30 apud evangelistas, et aliter apud prophe-

· ZACHA-
RIAS ·

62 MEDITATIO DE INCARNATIONE CHRISTI 62

tas quaedam audiat testimonia recitari. Evangelistae etenim breviter et clarius asserunt; utpote liberiori Spiritus sancti institutione formati: quod prophetae longo
5 saepe sermone et obscure praelibarent.

•CON-
TRA IV-
DAEOS-

Tantis igitur auditis assertionibus veritatis: noli ultra diffidere Iudaeae vel gentilis. Agnosce Christi incarnationem: per ora prophetarum praedictam et comple-
10 tam. Et si nostris litteris non credis; tuos consule codices, et profecto ita invenes. Tantum carnalem remove intellectum, et nudam litteram noli insano ausu defendere; spiritum inquire, et ad
15 mysteria Christi cor converte: si vis sanam in scripturis sanctis habere intelligentiam. Alioquin si praeter Christum in lege gloriaris aut prophetis; inanis est gloriatio tua: et caecus intellectus quem
20 sequeris. Non tibi proderit Moyses: si Christum non audis de quo scripsit Moyses. Nec prophetae tibi proficient si Dominum prophetarum non receperis. Frustra per legem iustificari quaeris: quando et
25 multi patres ante dationem legis inventi sunt iusti. Ex fide Noe dictus est iustus: et Abraham credens Deo, etiam ante circumcisionem, iustitiae laudem accepit. Non igitur te iactes de nobilitate generis;
30 non de patrum virtutibus, nec de divinis tibi traditis eloquiis, caelestibus promissis

sionibus refertis: quia Deus corda humilium respicit, et fidem recte credentium attendit; atque idcirco gloriosus, et Deo acceptabilis eris: si in Christum credendo priorum patrum fidem, moresque fueris imitatus. Qui utique meritum non de legis observantia, non de multitudine victimarum, nec de propriis actibus sperabant: sed de sola gratia Salvatoris nostri Iesu Christi. Sic enim promisit Deus per 10
Isaiam prophetam. Gratis venundati estis: et sine argento redimemini. Resipisce Iudae resipisce: et ad verum lumen mundi Iesum Christum convertere. Ipse est dominator Dominus, et angelus testa- 15
menti: sicut ait Malachias. Ipse venit ad salvandum omnes gentes; tibi specialiter missus: sed pro dolor a multis filiis tuis, nec agnitus nec susceptus. Enimvero si credis quia venit salvaberis: si 20
non credis, veniet contra te, et damnaberis. Ait enim. Si non credideritis quia ego sum: moriemini in peccato vestro. Quam excusationem poteris afferre ad defensionem erroris tui? Habes legem 25
et prophetas; sed accusatores potius quam defensores: qui contra te stabunt in testimonium, quia credere noluisti. Moyses dicit. Audite rebelles et increduli. Adhuc enim vivente me et ingrediente vo- 30
biscum, semper contentiose egistis contra

Dominum; quanto magis cum mortuus fuero? Perseverat haec obduratio usque hodie in te, et in semine tuo. Cum conversus fueris, repropitiabitur tibi Deus: sicut et ceteris gentibus. Convertere convertere ad Dominum Iesum Christum Israel: et non eris ultra obprobrium in gentibus.

CAVSA
PER-
FIDIAE
IUDAEORVM.

Duo sunt enim quae te praecipue in perfidia detinent: amor temporalium, et carnalis sensus in scripturis. Attamen leva Ierusalem in circuitu oculos tuos: et vide Israel numerum Christi fidelium per totum mundum dilatatum; et erubescere erroneus semper inveniri: qui credendo poteris perpetuam salutem adipisci. Non te offendant multitudo neglegenter viventium, qui paenitendo possunt citius corrigi: sed bonorum magis christianorum exempla intueri; quorum milia et si humanos oculos latent: numquam tamen in ecclesia deficient.

Sed iam dimissa turba Iudaeorum, ad Christum convertere anima mea: quia ipse salus et redemptio tua. Si credere non vult Iudaeus tu fide sta: quia Iesus est filius Dei, cui testimonium perhibent omnes prophetae divinitus praemoniti et inspirati. Quibus si crederent Iudaei, crederent et evangelio Christi: sicut illis dicebat. Si crederetis Moysi: crederetis

forsitan et mihi. Ille enim de me scripsit. Sed non mirum si credere ei detrectant carnales, sola visibilia sequentes; cum lex spiritalis sit: et neminem ad sui intellegentiam nisi spiritalem intromittat.⁵ Quia vero humilis venit Dominus Iesus Christus, non est cognitus ab eis: quamquam et taliter venturum legant in prophetis. Sed offenderunt miseri in lapidem offensionis et petram scandali: hu-¹⁰ milem contemnentes, et divina operantem blasphemantes. Haec audiens anima mea esto velut apis prudentissima, perfidorum vesaniam detestando: et piorum semper fidem humilibus gressibus sectando. Nec¹⁵ te terreat multorum pravitas, et paucorum pietas: cum Domini sententia sit, multos esse vocatos, paucos vero electos. Nec ad te pertinet ista investigatio: quia solius Dei est haec discretio. Ad te oculos²⁰ reflecte; et quanta tibi a Deo donata sint attende: atque pro tua vocatione et illuminatione quibus vales gratiis referendis insiste. Laetare et toto corde exulta in Deo salutari tuo: qui te visitare digna-²⁵ tus est oriens ex alto. Nam totum gratiae fuit, et eximiae dilectionis indicium: quod sic venire voluit, qui potuit subvenire. Et si debitorem in promittendo se fecerat; non tamen liberalitatis gra-³⁰ tiam sibi idcirco abstulit: quia sine om-

nibus praecedentibus meritis eius dona extiterunt.

O vere magnum venerandumque mysterium a saeculo absconditum; multis
 5 praecurrentibus testibus promissum, diu expectatum, ardentem desideratum: et tandem mundo exhibitum, et fideliter commendatum. Hoc magnum incarnationis sacramentum pauci vulgares intellexerant;
 10 rant; et paene soli prophetae visi sunt penetrasse intima eius: quibus de speciali revelationis munere concessum est praenoscere et scribere. Illi enim sicut electi amici Dei tam caelestis consilii
 15 secretum intrare sunt permissi: ut intellegerent humanum genus ob primae praevocationis culpam, in tantam cecidisse miseriam; quae aliter aboleri nequibat, nisi per Mediatoris gratiam: quo incarnato et passo, redemptionem acciperet
 20 homo. Hoc lucide aures populares quibus omnia in figuris contingebant: comprehendere non valebant. Ipsis magnam erat, si quid terrenae promissionis donum
 25 acciperent; prophetis nil magnum et laetabile videbatur: nisi quod aeternae beatitudinis dulcedinem redolebat. Vnde unus ex summis prophetis cuncta terrena supervolitans: quid peculiarius amaret
 30 ostendit dicens. Quid mihi est in caelo; et a te quid volui super terram? Deus

cordis mei: et pars mea Deus in aeternum. Sed hic amor caelestium atque spes futurorum non omnibus inerat: et quid inter umbram et veritatem differret, multi ignorabant; donec de caelo pax⁵ vera descenderes: et in hanc mundi vallem pro illuminandis hominibus Iesu bone introires. Postquam ergo verbum caro factum legeris, atque inter homines Creator hominis dignatus es apparere; quod¹⁰ clausum diu latebat, manifestari per te coepit: et quod intellectu difficile, factum est capabile; et quod multis incredibile videbatur, ex tua salutari praesentia reddidisti visibile: et quodammodo ut ita¹⁵ dixerim manibus palpabile.

Denique quaedam sicut ad litteram sonant humiliter implesti: ostendens quia^{DE SENSU SCRIP-} de te scripta erant. Quaedam vero non^{TVRA-RVM.} litteraliter observasti, sed ad mysticum²⁰ sensum melius rettulisti; docens non omnia ad litteram accipienda prophetarum esse oracula: quae tamen secundum spirituales intellectum semper salva sunt et integra. Siquidem testante evangelista,²⁵ litteraliter haec in te completa est scriptura, de agno paschali. Os non confringetis ex eo. Spiritualiter autem ista quae dicit. Erit autem agnus absque macula: masculus anniculus. Nam agnus sine³⁰ macula: te innocentem designat, et sine

omnimoda culpa. Apertis ergo prophetiis simplices erudis ad fidem: obscuris vero dictis subtiliores ad alta quaerenda mysteria suspendis. Aperta prophetia
⁵ est: foderunt manus meas et pedes meos, dinumeraverunt omnia ossa mea. Occulta est: ego sum vermis et non homo. Aperta prophetia est: videbunt in quem transfixerunt. Occulta est: super lapidem
¹⁰ unum septem oculi sunt. Secundum hunc modum et alia multa inveniuntur testimonia de te verissime praedicta: quae destruere non poterit Iudaeorum fallacia. Ipsi enim conabantur falsum inducere
¹⁵ contra te testimonium: et non erat conveniens testimonium eorum. Vae tibi perfide: qui eligis potius perire quam credere. Esto consentiens sermonibus veritatis: ne tibi dicatur quod Saducaeis
²⁰ carnaliter in lege et prophetis caligantibus dictum est. Erratis nescientes scripturas: neque virtutem Dei. Omnis enim prophetia ad Christum tendit: et in Christo consummationem accipit.
²⁵ Verumtamen Domine Iesu non tantum Iudaeorum salutem praesens in carne cogitasti; sed et omnium qui in te credituri erant, per sacram apostolorum praedicationem: quos specialiter ad hoc opus
³⁰ elegisti. Qui licet primum simplices et sine litteris homines fuerint; tua tamen

cotidiana allocutione, et largiori postea Spiritus sancti infusione, ut eis promissisti, in omnem inducti sunt veritatem: ita ut totius scripturae caperent plenitudinem. Et tanto magis admiranda eorum 5 praedicatio, et certior eis fides adhibenda; quanto verius constat, quod tanta magnalia ex se ipsis nullatenus patrassent: nisi eos omnipotentissima manus tua roborasset; cum omnino arduum sit et vere 10 opus divinum: sacris fidei legibus totum subdidisse mundum.

O sapientia Dei quae ex ore Altissimi prodisti; quanta pro nostra salute egisti: ut illuc nos revocares, unde cecidimus. 15 Praemisisti patriarchas et prophetas: qui tuum nobis adventum praenuntiarent. Dehinc apostolos et evangelistas destinasti: qui omnia esse completa docerent. O ineffabilis misericordia tua Domine: 20 quae supra id quam cogitari potest declarata est. Nam nescientes te sollicite quaesisti: deserentes te non deseruisti; peccantibus tibi benignissime indulxisti: aversis longius a te, viam ostendisti 25 aeternae salutis. Si tam pius factus es inimicis; quid eris amicis? Certe omnia in omnibus, ut nil desit tecum epulantibus et gaudentibus in regno Patris tui. Amen.

SEQVNTVR TESTIMONIA NOVI
TESTAMENTI.

Sed iam ex novo Testamento: pauca sunt etiam requirenda testimonia.

5 Cuncta quae inibi scripta lego: tua esse testimonia inhaesitanter credo. Et non sicut olim in figuris et aenigmatibus: sed planis ac patentibus verbis te Christum Dei filium praedicant.

ANGE-
LVS GA-
BRIEL

Testatur hoc primo angelus *Gabriel*, missus ad Mariam virginem dicens. Quod nascetur ex te sanctum: vocabitur filius Dei.

Testatur et angelus loquens pastoribus: 15 quia natus est nobis hodie Salvator, qui est Christus Dominus in civitate David.

TRES
MAGI

Testantur et illi devotissimi *magi*, qui ab oriente venerant Hierosolymam; a qua in Bethlehem directi: mysticis honorare 20 muneribus, quem praeviderant in sidere.

Testatur hoc idem memorandus ille 30 *Simeon* iustus et timoratus: qui expectabat consolationem Israel. Hic enim accepto responso a Spiritu sancto non visurum se mortem, nisi prius videret Christum Domini: in spiritu venit in templum. Accipiens ergo infantilis corporis tui membra in ulnas suas, sed maiestatem intus agnoscens: cum gratiarum actione devote canebat. Nunc di-

mittis servum tuum Domine: secundum
verbum tuum in pace. Quo expleto can-
tico: ait etiam ad venerabilem matrem
tuam. Ecce positus est hic in ruinam
et in resurrectionem multorum in Israel: 5
et in signum cui contradicetur. Et tuam
ipsius animam pertransibit gladius: ut
revelentur ex multis cordibus cogitationes.
O devota et sincera fides, huius beatis-
simi senis. Ipse namque te adoravit in- 10
fantem: quem scribae et Pharisei con-
tempserant miracula facientem. Ipse te
verum Deum confitetur et hominem: illi
seductorem vocant et daemonium haben-
tem. Propterea iste veneratione et laude 15
dignus habetur: et illi tamquam filii per-
ditionis merito refutantur.

Testatur et venerabilis *Iohannes Bap-* IOHAN-
tista: qui ad perhibendum tibi testi- NES
monium, divinitus directus est in mun- BAP-
dum. Et clamabat dicens. Post me venit TISTA.
vir qui ante me factus est: cuius non
sum dignus solvere corrigiam calciamenti
eius. Videns autem te inter homines
conversantem: sed ab omni peccatorum 25
labe innocentem, ait. Ecce Agnus Dei:
ecce qui tollit peccata mundi. Ille erat
lucerna ardens et lucens: sed tu lux vera
quae illuminat omnem hominem venien-
tem in hunc mundum. Ille praeco: sed 30
tu iudex. Ille humilis servus: et tu om-

nium Dominus. Ille amicus sponsi: tu sponsus ecclesiae. Ille propheta Altissimi: tu unigenitus filius Dei coaeternus Deo Patri. Ille tamquam lucifer matutinus te praecessit viam praeparando: tu sicut sol rutilans secutus es omnem iustitiam implendo. Qui et beatos apostolos tuos tamquam solares radios misisti in orbem universum: ad praedicandum fidei lumen cunctis gentibus in salutem.

**PATER CAE-
LESTIS.** Habes adhuc aliud testimonium maius Iohanne. Pater enim de caelis testatur dicens. Hic est filius meus dilectus: in
15 quo mihi complacui. Spiritus sanctus in columbae specie apparens: super te descendit ac mansit. Tu praesens in carne, quantae gloriae esses ac potentiae fidelissimo amico Iohanni altius declarasti:
20 ita ut prae magnitudine tunc sibi factae revelationis, priorem tui cognitionem quam acceperat, potius ignorantiam reputans diceret. Et ego nesciebam eum. O virum sanctitate excellentissimum, ad
25 tam singulare altissimumque intuendum mysterium Trinitatis praelectum; cuius vita et mors, baptismus et praedicatio: tui adventus in carne, verissima extitit testificatio.

PETRVS. Veniat nunc beatissimus *Petrus* apostolus, fervidus amator tuus, et devotus

confessor veritatis; quid sentiat et qualiter in te credi oporteat: suppressis errantium opinionibus palam edicat. Tu es inquit Christus filius Dei vivi. O vere apostolica confessio, quam caro et sanguis non docuit: sed caelestis revelatio filio columbae inspiravit. Ideoque ob firmitatem fidei suae meruit et Petrus a petra dici: quia tibi tamquam solidae petrae omnibus relictis adhaesit. Si miratur quis rudem piscatorem apostolici ordinis factum principem: miretur et Moysen ducem populi ac David regem, prius aliquando pastores ovium fuisse. Qui ergo Moysen in prophetam, et David de post fetantes suscitavit in regem: ipse profecto beatum Petrum quondam piscatorem totius ecclesiae promovit in principem.

Procedat iam *Paulus* magister gentium et doctor orbis, vas electionis, et lumen ecclesiae universalis: ad dandum tibi testimonium. Vbi inquit venit plenitudo temporis misit Deus filium suum factum ex muliere factum sub lege; ut eos qui sub lege erant redimeret: ut adoptionem filiorum reciperemus. Hic est ille gloriosissimus Paulus: cui de caelo locutus es ego sum Iesus Nazarenus quem tu persequeris. Hunc de persecutore praedicatorem, de Phariseo apostolum fecisti;

iubens ut nomen tuum quod antea per-
 sequebatur, per totum veheret mundum:
 nec timeret illud portare coram gentibus
 et regibus et filiis Israel. Qui strenue
 5 apostolatus sui implens officium: ac per
 diversas mundi discurrens partes evan-
 gelica cecinit tuba; pervenitque sonus
 nominis tui in fines orbis terrae: per os
 gloriosissimi Pauli. Iam enim non est
 10 in orbe ecclesia: quae beati Pauli non
 fulciatur doctrina, sub pace catholica.
 Confudit Iudaeos; et vehementer eos auc-
 toritate sanctarum scripturarum convicit:
 affirmans quoniam tu es Christus filius
 15 Dei. Gentiles convertit, idola nihil esse
 docuit; barbaros subiugavit, philosophos
 confutavit: et omnes pariter ad fidei lu-
 men traxit. Hic est ille divinus Paulus,
 qui ad caeli tertii secreta raptus: evan-
 20 gelium quod praedicavit, non ab homine
 neque per hominem, sed per revelationem
 tuam Iesu Christe didicit. Ideoque con-
 fidentius illud praedicare, et magnificen-
 tius de eo scribere potuit: sicut et fecit.
 25 Magnum est inquit sacramentum pietatis:
 quod manifestatum est in carne, iustifi-
 catum est in spiritu, apparuit angelis;
 praedicatum est gentibus, creditum est
 in mundo: assumptum est in gloria.

AN-
 DREAS. Dicat et *Andreas* frater Simonis Petri,
 ardentissimus amator crucis; unus ex

discipulis beati Iohannis, sed postea te secutus, a quo etiam in apostolum est electus: dicat inquam testimonium tibi, ut audiamus et credamus. Invenimus ait Messiam: qui dicitur Christus. O simplex et constans fides: cunctis imitanda christianis. Simplici etenim corde te secutus, devota oris professione Simoni fratri suo mox pandere curavit: quam a te fonte veritatis hauserat fidem. Et ad-10 duxit eum videlicet Petrum, ad Iesum. Hoc est enim vere te invenisse, fraternae saluti consulere: eique iter caelestis vitae ostendere. Non sic Iudaei: qui temptantes dicebant. Si tu es Christus: dic 15 nobis palam. Vae vobis scribae et Pharisaei: qui nec signis nec verbis Christi credidistis. Andreas homo sine litteris, audiens Christum semel loquentem: secutus est eum et credidit. Vos scientes 20 legem et prophetas, insuper audientes veritatem ex ore Christi; videntes quoque signa et mirabilia eius quae nemo alius fecit: necdum credidistis ei. Propterea gravius accipietis iudicium; et iudicabit 25 vos pia simplicitas fidelium, cum his qui dixerunt, non est Deus: et vani sunt qui serviunt ei.

Loquatur et ille praedilectus apostolus *Iohannes*: qui in cena super pectus tuum Domine Iesu recubuit. In principio

IOHAN-
NES
APO-
STOLVS

inquit erat verbum; et verbum erat apud Deum: et Deus erat verbum. Et infra. Et verbum caro factum est: et habitavit in nobis. Et vidimus gloriam eius, gloriam quasi unigeniti a Patre: plenum gratiae et veritatis. Hic est discipulus ille: qui testimonium perhibet de his, et scripsit haec. Et scimus, quia verum est testimonium eius. Sed o dulcissime Iohannes, quae est causa huius evangelicae descriptionis? Haec autem scripta sunt, ut credatis quia Iesus est Christus filius Dei: et ut credentes vitam habeatis in nomine eius. Hic est Iohannes quem saepe sibi socium accivit Petrus: ac pari constantia principibus et magistratibus restitit. Qui ab eisdem etiam caesus non tacuit: sed pro nomine tuo Iesu contumelias atque verbera gaudens sustinuit. Missus exinde ab apostolis cum Petro, promptus Samariam adiit: ut credentes Spiritum sanctum acciperent oravit, et impetravit. Hic est theologus Iohannes summae Trinitatis limpidissimus inspector ac relator; columna primitivae ecclesiae, rector ac fundator totius Asiae: qui propter verbum Dei et testimonium Iesu in exilium trusus, Apocalypsis liberum caelestibus visionibus plenum, in eodem loco conscripsit; perhibens in principio et in fine: quia spiritus prophetiae

eius, est testimonium Iesu. Hic in epistulis suis caritate divina flagrantibus: pulcherrima quaedam de incarnatione testimonia internectit. Omnis spiritus inquiring qui confitetur Iesum Christum⁵ in carne venisse: ex Deo est. Et omnis spiritus qui solvit Iesum: ex Deo non est.

Delectat et testimonium *Philippi* audire: PHI-LIPPV. qui inveniens Nathanaelem, dicit ei. Quem scripsit Moyses in lege et prophetae: invenimus Iesum filium Ioseph a Nazareth. Sic enim adhuc a multis patiebaris te dici et putari: priusquam temet ipsum mundo revelares. Revera autem non¹⁵ filius Ioseph, sed filius es intactae puerperae, perpetuae virginis Mariae; de qua Spiritus sancti conceptus es opere: et sine omni labe peccati procreatus.

Huic veritati altius testimonium perhibet *Nathanael*, verus Israelita, in quo dolus non est: et ait. Rabbi tu es filius Dei: tu es rex Israel. NATHANAEL.

Si etiam legislatoris testimonium quaeritur: adest *Nicodemus* princeps Iudaeorum dicens. Rabbi scimus, quia a Deo venisti magister. Nemo enim potest haec signa facere quae tu facis: nisi fuerit Deus cum eo. NICODEMVS.

Iam nunc perpendite o Iudaei, et videte³⁰ quot testes habet Christus: quem vos

LATRO
IN
CRUCE
CENTV-
RIO IN
VOCE

negare non timuistis. Si adhuc plures desiderastis, arguet vos fides latronis, et confessio centurionis: quorum uterque Christum cognovit; ille in cruce pendentem: iste cum clamore expirantem, et ait. Vere hic homo filius Dei erat. Falsa est ergo obiectio vestra: quam adversus Christum tulistis dicentes. Tu de te ipso testimonium dicis: testimonium
10 tuum non est verum. Quoniam quidem Christo non desunt testes, nec in veteri nec in novo Testamento: si ea recipere velletis. Sed quia vobis caritas deest, nec habetis verbum Dei in vobis manens:
15 propterea nulla vos potest auctoritas informare.

Quid mihi et Iudaeis istis? Quae pars fidelis cum infideli? Non plus quam lucis conventio ad tenebras. Attamen
20 dum eorum manifestus error vincitur: nostra fides in te Domine Iesu amplius solidatur. Prodest mihi stulta eorum interrogatio, ad cautelam: prodest multo fortius tua dulcissima responsio ad doc-
25 trinam veram. Dixisti itaque eis. Ego sum lux mundi; qui sequitur me non ambulat in tenebris: sed habebit lumen vitae. Libenter audio prophetas de te loquentes: sed dulcius mihi insonat ver-
30 bum ex ore tuo. Gratum est testimonium prophetarum: sed gratius accipio

testimonium a te prolatum. Si enim testimonium hominis accipitur; testimonium tuum maius est, quia veritas es quae non fallit: sapientia quae omnia novit. Propter nostram tamen imbecillitatem firmandam 5 adhibuisti prophetas; qui nobis profuere non tibi: sicut etiam quibusdam respondisti. Non propter me vox haec venit: sed propter vos. Gaudeo igitur amatissime Iesu in omnibus quae locuti sunt 10 prophetae: exulto et in his quae apostoli nobis tradiderunt et evangelistae. Quorum omnium una fides, unus spiritus fuit: et intellectus summe sibi concordans. Spiritus enim sanctus adimplevit corda 15 eorum: ut praeteritorum simul et futurorum caperent arcana. Quae dum lego vel audio; tota fidei devotione amplector: et in tui nominis amore quamvis indignus peccator accendor. Mihi deserviunt pro- 20 phetarum eloquia: eorum visiones et caelestes allocutiones. Mihi evangelistarum proficiunt scripta: atque discipulorum tecum conversantium, corporalis aspectus, auditus et tactus. Pro me viderunt qui 25 digni fuerunt; pro me audierunt qui enarrare debuerunt: pro me tetigerunt, qui me in fide confortaturi erant.

Perhibent consequenter gloriosissimi ^{MAR-} martyres tui validissimum testimonium ^{TYRES.} tibi. Hi namque non tantum oris con-

fessione; sed et pretiosi sanguinis sui effusione testimonium reddidere: quos nec poenarum acerbitas, nec blandimentorum mollities, potuit a vera ulla tenus fide deflectere.

HA-
S. Sanctus *Stephanus* protomartyr tale perhibet testimonium. Ecce video caelos apertos: et filium hominis stantem a dextris virtutis Dei.

REN-
JVS Beatus *Laurentius* martyr cum esset in tormentis: haec verba locutus est. Domine Iesu Christe, Deus de Deo, misereere mei servi tui; quia accusatus non negavi nomen sanctum tuum: interrogatus
15 te Dominum confessus sum.

VINCEN-
TIVS Beatus *Vincentius* levita martyrque magnanimus, licet toto extenderetur corpore; non est tamen confractus corde: sed viva voce audacter exclamavit. Haec
20 est gloria nominis christiani. Paratus sum Christi servus ad omnia.

IGNA-
TIVS. Sanctus *Ignatius* beati Iohannis apostoli discipulus, plumbatis caesus, ungulis laceratus, vivisque carbonibus traditus,
25 magnum fidei dedit testimonium: et quantum in eius corde exarserat fortis ut mors dilectio: ferventi indicavit responso, dicens. Nec ignis ardens, nec aqua ebulliens: poterit in me Iesu Christi extinguere caritatem. O insignem martyrem:
30 cuius constantia ad admirationem duxit

Traianum imperatorem. Quis inquit Graecorum, tanta toleraret pro Deo suo? Eia quam maxime decet eum venerari, ac devotis laudum praeconiis ubique prosequi: qui inter tot tormentorum genera, numquam ab invocatione dulcissimi nominis tui Domine Iesu legitur cessasse. Super quo requisitus ait. Hoc nomen cordi meo inscriptum habeo: et ideo ab eius nominatione cessare non valeo. Quod postea ab eius corpore extractum, atque per medium scissum: inventum est habuisse, Iesus Christus aureis litteris inscriptum. O bone Iesu quam amabile et iucundum est nomen tuum: in corde te diligentium. O quam summe etiam mihi necessaria est frequens invocatio melliflui nominis tui: inter tam multimoda temptamenta versanti. Dignare igitur Domine Iesu dulcissimum nomen tuum tamquam memoriale perpetuum cordi meo inscribere; et tam forti zelo caritatis illud accende: quod nec tristia nec laeta me queant ab amore tuo separare.

25

Perhibent etiam venerabiles confessores atque doctores, gestis et doctrinis suis, multa laudabilia testimonia tibi. Hi enim sunt qui se murum pro ecclesia posuerunt: et fortissimos contra haereticorum ver-
sutas dedere latratus.

CONFES-
SORES

Ex his est gloriosus Hieronymus presbyter, egregius doctor Ambrosius; beatissimus praesul Augustinus, dulcissimus papa Gregorius: venerabilis Beda, devotissimus Bernardus, ceterique huiusmodi nominati ac famosi viri; strenui opere, eloquentes sermone, fide catholici, scientia divites, se et alios quam plures aedificantes: ac posteris suis dignam memoriam divinae eruditionis relinquentes.

HIERONYMVS

Ait namque gloriosus pater *Hieronymus*: cum positus in extremis sacram esset accepturus communionem. Tu es ille, qui cum Deus esses solus ante omnia tempora et sine principio genitus a Deo Patre aeterna et investigabili generatione intra unius puellae id est virginis gloriae corpusculum te clausisti factus homo. Sic enim in virginali utero hominem suscepisti: quod nec sine homine Deus es, nec sine Deo homo. Tu certe vita es qua omnis vivit creatura: et sine qua moritur. Tu es vita vitalis dulcis et amabilis atque iucunda. Odoris tui suavitas aegros recreat et debiles: quos tuos facit sapor salubres et fortissimos.

AMBROSIVS

Dicit hymnidicus orator *Ambrosius*. O mira circa nos tuae pietatis dignatio. O inaestimabilis dilectio caritatis: ut servum redimeres filium tradidisti.

Ait eruditissimus doctorum *Augustinus*. <sup>AVGV-
STINVS.</sup>
Redemptor et conditor noster filius Dei
ante saecula existens, filius hominis fac-
tus est in fine saeculorum; ut qui per
divinitatis suae potentiam creaverat ad
perfruendam vitae beatitudinem perennis: 5
ipse per fragilitatem humanitatis nostrae
nos restauraret ad percipiendam quam
perdidimus vitam. Hic est sublimis ille
contemplator Augustinus; cuius cor cari- 10
tas Christi ita vulneraverat, ut eius verba
quasi sagittas acutas in visceribus gestaret:
qui in primordiis conversionis suae non
satiabatur dulcedine mirabili considerare
altitudinem consilii divini, super salute 15
generis humani. Vnde et desiderio di-
vinæ cognitionis accensus, cum supra
se incommutabilem veritatem inquireret:
hanc in vocem iubilationis erupit. O
aeterna veritas, et vera caritas et cara 20
aeternitas; tu es Deus meus: tibi suspiro
die ac nocte.

Dicit praeclarissimus papa *Gregorius*. <sup>GRE-
GORIVS.</sup>
Venit inter homines mediator Dei et
hominum homo Christus Iesus ad prae- 25
bendum exemplum vitae hominibus sim-
plex: ad non parcendum malignis spiriti-
bus rectus; ad debellandam superbiam
timens Deum: ad detergendam vero in
electis suis vitae immunditiam, recedens 30
a malo. *Idem*. O quanta est misericordia

conditoris nostri. Servi digni non sumus:
et amici vocamur.

ORI-
GENES

Origenes. Vnigenitus filius Dei qui ante
saecula ineffabiliter ex solo Patre natus
5 est: iam saeculi appropinquante fine ex vo-
luntate Patris in humano corpore sancto
cooperante Spiritu inter homines venit.

ISI-
DORVS.

Isidorus. Cernens Deus quod nec er-
rores suos admonitus agnosceret mundus;
10 misit filium suum ut carnem indueret
et hominibus appareret: et peccatores
sanaret.

LEO
PAPA.

Leo Papa. Ingreditur haec mundi in-
firma filius Dei, de caelesti sede de-
15 scendens, et a Paterna gloria non re-
cedens: novo ordine nova nativitate gene-
ratus. Novo ordine: quia invisibilis in
suis, visibilis factus est in nostris. In-
comprehensibilis voluit comprehendere:
20 ante tempora manens, esse coepit ex
tempore.

MAXI-
MVS.

Maximus episcopus. Salvator mundi
per matrem nascendi tempus accepit: qui
de patre nascendi non habet tempus.
25 Habitatator caeli venit ad terras: qui ter-
rarum incolas evocaret ad caelum. Ver-
bum caro factum est, non ut Deus vacua-
retur in hominem: sed ut homo glorifi-
caretur in Deum.

FVLGEN-
TIVS.

Fulgentius episcopus. Christus Dei filius,
de Deo vero Deus verus, et unus cum Patre

naturaliter Deus; semper ex se ipso sanctos angelos pascit: sed tamen angelicam naturam Dei filius non accepit. Vt autem suam caritatem Deus commendaret in nobis: filius eius naturam nostram suscepit ex nobis; ut Deus unigenitus qui panis est angelorum, ut etiam homini se ipsum faceret panem: simul hominis et animam suscepit et carnem. Accepit utramque veram, utramque sanctam: utramque mundam. Accepit animam nostram sine iniquitate; accepit carnem nostram cum mortalitate: ut secundum ipsam moriens, mortem vinceret. Accepit animam iustam: per quam nostris animabus iustitiam redderet.

Chrysostomus. Christus venit suscipere infirmitates nostras, et suas nobis conferre virtutes: humana quaerere, patrare divina; accipere iniurias, reddere dignitates: ferre taedia, referre sanitates. Sustinuit has necessitates: ut homo verus humanis actibus probaretur.

Beda. Verbum caro factum est, id est, Deus homo factus est, et habitavit in nobis; ut per cognatum nobis hominis habitum, nobis conversando congruere, nos alloquendo instruere, nobis vivendo viam praebere, pro nobis contra hostem configere: nostram mortem moriendo ac resurgendo posset destruere.

CHRY-
SOSTO-
MVS

BEDA

BER- *Bernardus.* Vnigenitus Dei sol iustitiae,
NAR- tamquam immensi et praeclari luminis
DVS. cereus, huius mundi carcerem illumina-
 turus est accensus; ut omnis qui illumi-
 5 nari voluerit, accedat ad illum, illique
 iungatur: ut nihil medium sit inter illum
 et ipsum.

Idem. Ego arbitror invisibili Deo fuisse
 causam, quod voluit in carne videri et
 10 cum hominibus conversari; ut carnalium
 videlicet qui nisi carnaliter amare
 non poterant, cunctas primo ad
 suae carnis salutarem amorem af-
 fectiones traheret: atque ita gradatim
 15 ad amorem perduceret spiritalem.

Perhibent quoque illustrissimum tibi
 testimonium *Maria* et *Martha* scilicet
 Lazari: quae unica devotione tibi in-
 haeserant in carne conversanti. apprehendi:

MARIA *Maria* haec est devotissima loquitur ex
MAGDA- dum tuorum; quae non externas
LENA. sed contriti cordis sui lacrimas ac ab-
 luendum optulit: capillos ad extergendum
 expandit; labia ad osculandum praebuit:
 25 manus et brachia ad ungendum paravit.
 Totum quippe ad pietatem convertit: quid-
 quid prius saeculi vanitate contraxerat.
 O felix huius mulieris contritio: quam
 mox sequitur omnium peccatorum re-
 30 missio. Nam quae anxia venerat: libera
 redit in pace. Haec iustior Phariseo,

fideliior Simone leproso; quia ille dubitat, ista credit: ille reprehendit, ista veneratur et diligit. Ille falsam iustitiam praetendit: ista veram humilitatem ubique ostendit. Haec est gratissima et familiaris amica tua; quae post multa humanitatis obsequia: etiam testis resurrectionis tuae fieri meruit, et nuntia prima.

Martha autem soror eius satagens circa frequens ministerium: perfectae fidei tibi reddit testimonium. Ego inquit credidi: quia tu es Christus filius Dei qui in hunc mundum venisti. Haec est illa dilecta hospita tua, quae honorifice te saepius in domum suam recepit corporaliter; sed intra domum mentis suae gratiorem paravit locum mansionis: ubi fide, spe, atque dilectione congaudente spiritaliter recubuisti. ferre us quoque perfectam fidem aemulandam mulier quaedam de turba: sublimitate clamabat. Beatus venter qui te produxit: et ubera quae suxisti. Magnae devotionis et fidei haec mulier fuisse cognoscitur: quae scribis et Phariseis te blasphemantibus, tanta incarnationis tuae mysterium sinceritate confitetur.

Perhibent etiam sacrae virgines testimonium tibi: quarum sponsus et consolator dignatus es fieri.

Beata *Agatha* ingenua virgo et speculabilis genere ait. Mens mea solidata

est: et in Christo fundata. Haec est quae laetissime et glorianter pro nomine tuo ibat ad carcerem. Haec post torturam et abscisionem mammillarum suarum, 5 nullum carnale medicamen quaesivit; sed habeo Dominum meum Iesum Christum: qui solo sermone restaurat universa.

·LVCIA· *Lucia* virgo devota, iucundum tibi habitaculum in sua virginitate praeparans: 10 magnam fidei suae ostendit virtutem dicens. Ego per tres annos sacrificavi Deo vivo; iam quia nihil superest: me ipsam offeram in sacrificium Deo hostiam viventem. Et cum incendio traderetur: 15 orando vim ignis repressit dicens. Rogavi Dominum meum Iesum Christum: ut ignis iste non dominetur in me.

AGNES. *Agnes* virgo beatissima, tua specialis et dilecta sponsa; tam evidens tibi per- 20 hibet testimonium: ut non humanum sed divinum videatur fuisse oraculum omne quod dixit. Naturam et aetatem superat: quod haec nobilis virguncula, de fide et castitate, de amore et pulchritudine sponsi 25 sui proferebat. Amo inquit Christum, in cuius thalamum introivi; cuius mater virgo est: cuius pater feminam nescit. Ipsi soli servo fidem; ipsi me tota devotione committo, cui angeli serviunt: cuius 30 pulchritudinem sol et luna mirantur. Et gloriabatur sicut dignum omnino erat di-

cens. Anulo suo subarravit me Dominus meus Iesus Christus: et tamquam sponsam decoravit me corona.

Caecilia virgo clarissima in pectore suo gerens evangelica verba, tibi que soli placere desiderans, nulli animum voluptati dedit nec vanitati: sed ieiuniis et orationibus intenta, in corde suo decantabat dicens. Fiat Domine cor meum et corpus meum immaculatum: ut non confundar. Inter-10 rogata autem de fide: magna constantia respondit. Nos scientes sanctum nomen: omnino negare non possumus.

Similiter et ceterae sacrae virgines, *Catharina Barbara, Vrsula et Christina*, in fide constantes, in amore tuo ferventes: lenocinia carnis calcantes, angelicam puritatem diligentes, sexum vicere cum saeculo: et nomen sempiternum meruerunt in caelo. 20

Perhibent etiam testimonium tibi: ipsa elementa quae condidisti. Dignum quippe fuit, ut et irrationales creaturae suum cognoscerent creatorem; et quem vocibus nuntiare non poterant: eximiis signis de-25 clararent. Tibi enim sicut Creatori suo: omnis tenebatur famulari creatura. Praebens ergo insolitae novitatis obsequium: factis sine dubio ostendit se cognovisse Dominum. Nam caelorum te esse Do-30 minum *caeli* cognoverunt: quia in osten-

CAECILIA.

CATHARINA, BARBARA VRSULA CHRISTINA.

ELEMENTA

CAELI


sione nativitatis tuae stellam protinus
TERRA. miserunt. *Terra* cognovit; quae quatri-
duanum mortuum Lazarum ad vocem
clamoris tui reddidit: sed et in passione
MARE. tua mota est et contremuit. *Mare* cogno-
vit; quia solidum iter pedibus tuis prae-
buit: ac Petro apostolo viam ad te mea-
AER. bilem fecit. *Aer* cognovit: quia a duris
SOL. flatibus te iubente mox siluit. *Sol* quo-
10 que cognovit; quia passionis tempore
radios sui luminis subtraxit: ne morien-
tem cerneret, quem suae pulchritudinis
PETRAE fabricatorem intellexit. *Petrae et saxa*
ET
SAXA. cognoverunt: dum eadem hora ad com-
NVBES. passionem scissa sunt. *Nubes* cognoverunt:
quia ascendentem in caelum susceperunt.
Cum ergo omnia haec elementa Deum
ac Dominum suum in carne venisse pro-
clament; noli tu homo rationalis crea-
20 tura dubius esse aut segnis ad confiten-
dum mysterium incarnationis Christi, pro
tua praecipue salvatione gestum: plenum
divinis miraculis, firmatum undique scrip-
turarum testimoniis; ne forte insensatis
25 insensibilior, aut iumentis stolidior fias:
quemadmodum contra Iudaicam perfidiam,
intonat per Isaiam Dominus. Cognovit
bos possessorem suum, et asinus prae-
sepe Domini sui; Israel me non cogno-
30 vit: populus meus non intellexit. Sed
his iam sub moderamine perscrutatis,

ORATIO AD SALVTANDVM DOMINVM

sint gratiae et laudes tibi Domine Iesu
Christe infinitae; atque in nomine tuo
flectatur omne genu caelestium terrestrium
et infernorum: et omnis lingua confiteatur,
quia tu es in gloria Dei Patris. Amen. 5

EXPLICIT MEDITATIO DE INCARNATIONE
CHRISTI SECVNDVM TESTIMONIA SANC-
TARVM SCRIPTVRARVM VETERIS ET NOVI
TESTAMENTI.

ORATIO AD SALVTANDVM DOMI- 10
NVM NOSTRVM IESVM CHRISTVM.

 Ave Domine Iesu Christe rex sanc-
torum angelorum, cui omnes vir-
tutes oboediunt caelorum, quem cherubin
atque seraphin adorant, laudant, et bene- 15
dicunt in saecula saeculorum.

Ave Domine Iesu Christe verus Mes-
sias et sanctus sanctorum missus ab arce
Patris in hunc mundum, quem omnes
sancti ab origine expectaverunt, quem 20
patriarchae magnis desideriiis videre cu-
pierunt, quem prophetae variis prae-
coniis venturum cecinerunt. Ave Domine
Iesu Christe creator ac redemptor generis
humani, quem apostoli et evangelistae, 25
mundo praedicaverunt, et verum Dei
filium pro nobis incarnatum passum et
resuscitatum docuerunt, atque gloriosis
signis et prodigiis coruscantes, sanctam

per orbem ecclesiam plantaverunt. Ave Domine Iesu Christe, fortissimus propugnator, et fidelissimus adiutor sanctorum, quem gloriosi martyres spretis mundi huius delectationibus, spretis et corporis sui suppliciis, beatae passionis agone imitati sunt, atque pro testamento fidei se morti constanter tradiderunt. Ave Domine Iesu Christe summus sacerdos et verus pontifex, et pastor aeternus, quem sacerdotes et levitae, doctores atque confessores, vita scientia et virtutibus clarificaverunt quem monachi et eremitae per artam angustamque viam
 15 gradientes, tota mentis devotione dilexerunt. Ave Domine Iesu Christe sponsus virginum, solamen viduarum, spes pupillorum, refugium destitutorum, levamen tristem, aeterna salus credentium,
 20 portusque latissimus omnium ad te venientium, quem speciali castitatis decore, virginum chorus sequitur innumerabilis, ferens immaculatam aureolam suae integritatis. Ave Domine Iesu Christe lux mundi,
 25 fons vitae, paradisus animae, iucunditas cordis, dator gratiae, restitutor innocentiae, in quo sunt omnes thesauri sapientiae et scientiae Dei absconditi, quem nosse vivere, cui servire regnare est, quem semel
 30 vidisse est omnia didicisse, in quem angeli videre concupiscunt, ac novo semper

desiderio contemplando satiantur. Tibi laus tibi gloria tibi gratiarum actio, cum Patre et Spiritu sancto in saecula saeculorum. Amen.

ORATIO AD CHRISTVM, QVI EST⁵
VERA LVX, VIA, VERITAS ET VITA.

Domine Iesu Christe lumen verum aeternum et incommutabile, qui ad illuminandas humanae ignorantiae tenebras, in huius mundi carcerem descendere¹⁰ dignatus es, ut viam nobis ostenderes ad patriam claritatis aeternae, ubi sanctis angelis semper praesens es et sine defectu lucas, exaudi preces humilitatis meae, et deificum illud lumen quod mun-¹⁵do praedicasti, et cunctis per orbem gentibus praedicari iussisti, cordi meo gratiosa largitate infunde, ut cognoscam in terra peregrinationis meae viam tuam, quatenus saeculi vanitate relicta et curis²⁰ carnis abiectis te Creatorem meum ac Redemptorem, passibus sequar amoris usque ad exitum vitae meae in omni paupertate et humilitate, in patientia et longanimitate, in fide spe et caritate, in²⁵ sobrietate, in castitate et oboedientia perfecta. Tu es enim speculum vitae et lucerna totius sanctitatis, qui me praecessisti in via virtutis, ut me reduceres in

agnitionem veritatis, qui multis erroribus
et peccatis eram involutus. Te ipsum mihi
proposuisti in exemplum vivendi, ut si
quempiam sanctorum imitari taederet,
5 saltem te Deum meum sequi non pigeat.
Et ne hoc impossibile iudicarem, multa
mihi milia exempla sanctorum reliquisti,
qui tua vestigia ardentem sunt secuti.

Da ergo mihi amantissime Iesu fer-
10 vorem spiritus tui, accende in me ignem
quem venisti mittere in terram, ut cuncta
haec infima despiciam, et tibi soli vivere
desiderem, tibi soli placere studeam, ac
pro amore tuo ab hominibus despici et
15 neglegi non timeam. Esto tu gaudium
meum dulcedo animae meae, habita me-
cum et ego tecum, toto excluso mundo.
Sis doctor meus et magister meus, doc-
trina mea et sapientia mea. Te sequendo
20 errare non possum, te semper inspiciendo,
retrahentium sermones non curabo. Om-
nis labor pro te parvus mihi videatur,
omnis adversitas levis, omnis gravitas
tolerabilis efficiatur. Praestet haec mihi
25 amor tuus qui omnia vincere facit, sequa-
tur et humilitas cordis quae omnia im-
plens nil dignum se egisse reputat. Tu
es expectatio mea et adimpletio desiderii
mei, tu recreatio mea et illuminatio cordis
30 mei, qui numquam deseris sperantes in
te, quamvis ad horam patiaris eos temp-

ORATIO AD CHRISTVM

tari, ut melius se cognoscant, et memores sint quia nihil sine te facere possunt. O unice dilecte Iesu ne derelinquas me inconsolatum in huius mundi exilio, sed sicut dixisti et promisisti ita mecum age, ⁵ ut vadas et venias iterum ad me tempore opportuno, donec finito probationis certamine assumas me ad te ipsum in aeternam gloriam tuam. In qua vivis et regnas Deus per omnia saecula saeculo- ¹⁰ rum. Amen.



[SERMONES DE VITA
ET PASSIONE DOMINI SCILICET
AB ADVENTV DOMINI]



DE DESIDERIO PROPHETARVM ET
DEVOTA PRAEPARATIONE ERGA
ADVENTVM CHRISTI.

SERMO PRIMVS.

Ecce veniet desideratus cunctis⁵
gentibus. Attendite et auscul-
tate omnes fideles et devoti:
quid de Christo loquantur pro-
phetarum libri. Decet namque nunc in
tam sacro tempore adventus Domini: 10
specialem habere memoriam de pro-
phetiis incarnationis Iesu Christi. Idcirco
etenim nobis cotidie sanctorum prophe-
tarum scripta de Christo palam reci-
tantur: quatenus audita voce praecedentium¹⁵
patrum, magis ac magis in amore
verbi incarnati, totus affectus cordis nostri
accendatur. O quanto desiderio olim ar-
debant sancti patriarchae et prophetae:
de sola futura promissione. Pudendum²⁰
nobis valde est, si minori nunc flagremus
desiderio ad exhibitam Christi in carne

praesentiam: quando illi sic ardebant ad
 solam verbi incarnandi memoriam. Ex-
 ultavit Abraham pater omnium creden-
 tium ut videret diem Christi, quem in
 5 spiritu de sua stirpe nasciturum prae-
 viderat; et gavisus est gaudio non mo-
 dico: propter certam spem quam de
 Christo nascituro acceperat. Similiter
 autem et alii multi antiqui sancti id ipsum
 10 frequenter desideraverunt, qui per spiri-
 tum hoc praesciverunt; cupientes tam
 magnum citius impleri mysterium: quod
 nos iam gaudemus esse completum. Quod
 satis evidenter Dominus ostendit: cum
 15 praesens in carne discipulis suis ait.
 Multi reges et prophetae voluerunt vi-
 dere, quae vos videtis: et non viderunt.
 Parvum igitur amorem videtur habere
 ad Christum, quisquis in desiderio ani-
 20 mae suae non recogitat, quam divinum
 sit mysterium, quam magnum beneficium
 homini collatum: quod Christus incar-
 nari voluit. Attamen libenter pius Do-
 minus de se meditantibus gratiam
 25 devotionis dare consuevit, qui ad dan-
 dam benedictionem in hunc mun-
 dum venit; quia sine unctione
 non est Christus: nec sine dul-
 cedine cogitatur Iesus. Neque
 30 enim dubitandum quin studiosis mentibus
 multae latae ac pulchrae sanctae medita-

tionis occurrent materiae, quae desidiosis et negligentibus velatae sunt et remotae; quia Christi mysteria intellegere digni non sunt: qui ea cum humilitate et desiderio non requirunt. Hinc ad discipulos ipse dicit. Vobis datum est nosse mysterium regni Dei: ceteris autem in parabolis.

Trahit autem vehementer amor Iesu amatores suos ad ruminandum melliflua verba ex ore eius procedentia, et ad cogitandum divina eius opera in carne patrata: ad quae digne pensanda, nulla sufficiunt tempora vel momenta. Talibus enim familiare est in quibuslibet necessitatibus suis et causis ad dilectissimum amicum et consolatorem suum Iesum recurrere; quia ipse fons omnium gratiarum et virtutum: qui solo verbo et unico nutu cuncta potest indisposita reformare. Diversis autem modis ab ipso consolationem recipiunt; et interdum valde magnas mentis illuminationes merentur: qui sic devote ac humiliter ad ipsum confugiunt. Et quanto intius se ad ipsum convertunt: tanto altiores mentis excessus ab ipso visitati incurrunt. Danda est ergo magna opera his devotis diebus, et semper aliquid salutare in corde versandum, de lege et prophetis; de desiderio antiquo-

rum patrum, de caelestium profunditate
mysteriorum, de revelatione futurorum:
amplius autem de adimptione omnium
promissorum.

- 5 Frequenter etiam et instanter est oran-
dum, ut affectus noster ad Christum in-
time trahatur: et intellectus spiritualium
rerum cum prophetis nobis aperiatur. Sic
enim in agnitione filii Dei proficere po-
10 terimus, et in virtutibus amplius crescere:
qui pro nostra salute dignatus est homo
fieri. Quam excusationem poteris anima
mea praetendere; si tantam neglexeris
gratiam cogitare? Quid inquam Christo
15 in futuro respondebis; si non fueris
grata tantis beneficiis, quibus te prae-
rogavit prae multis gentibus et linguis?
Quanti enim fuerunt qui Christum non
cognoverunt: nec de illo audierunt, quanti
20 etiam qui contempserunt et credere no-
luerunt. Tibi autem datum est non solum
credere et audire: sed etiam quae de
Christo scripta sunt et prophetata, legere
ac intellegere. Sis igitur de exhibitione
25 talium beneficiorum Deo grata: et in con-
sideratione operum divinorum studiosa.
Totum utique est plenum spiritu et veri-
tate; totum plenum amore et suavitate:
quidquid de Christo scribitur vel can-
30 tatur. Non deest materia exercendae de-
votionis: nec tempus sacrae meditationis.

Libri etiam aperti sunt, et sermones sanctorum multiplicati: et omnia bene ordinata a patribus in agendis divinis officiis. Quid igitur habes dicere, non sum valens pro bona meditatione; cum 5 tanta sint praeparata in cunctorum fidelium consolationem? Tempus etiam hoc hiemale aptum satis est pro devotione exercenda: et unione cum Domino possidenda. Quamvis enim frigidum sit: tamen 10 interni amoris incendium impediri non potest, nec extingui. Sed et noctes solito longiores, diutius orandi atque psallendi tribuunt facultatem: nec non asperitas imbrium ventorum vis et albor, evagandi 15 tollunt opportunitatem. Omnia enim videntur nunc dicere; maneat unusquisque apud se: et occupet se tantum cum Iesu die ac nocte. Nullus egrediatur extra ostium tabernaculi sui, quia tempus non 20 patitur; sed sabbatizet sabbatum mentis: et praeparet Domino locum pulcherrimae in se mansionis. Nam quanto sensus exteriores magis restricti sunt et uniti; tanto spiritus intus liberior fit: et ad di- 25 vina contemplanda potentior. Sed iam nil restare videtur, quam gratia et virtus Spiritus sancti; sine qua inops est vita nostra: et infra iacens hominis quaelibet diligentia. Haec autem si as- 30 sit, cito ad superiora rapit: et satis est

amanti, etiam si litteras nesciat. Scienti
autem litteras, ad intellectum necessarius
est spiritus; quia sine spiritu litterae
cassae sunt: sicut et preces insipidae
5 omnes.

Insiste igitur devotioni maiori in tam
sacro tempore adventus Domini. Ab eo
autem specialiter die quo cantatur, o sa-
pientia in festo beatae virginis Luciae;
10 tunc sursum cor et anima ad Christum
affectuosius sunt sublevanda: quia ipse
est quem advenire desiderat sancta mater
ecclesia. Haec siquidem exclamatio sanc-
torum prophetarum desiderium ingens
15 insinuat: nec non cuiuslibet fidelis animae
affectum Christi optantis adventum. Tam-
quam inter votivas preces diceret. O
bone amantissime Iesu, vera et aeterna
sapientia Patris, qui nos mirabiliter cre-
20 asti: veni et salva iam lapsos mirabili
ordine quo id agere disposuisti. Veni ad
visitandum nos in ergastulo carnis, na-
scendo sine contagio carnis; ut liberen-
tur electi tui quos pondus peccatorum
25 gravat: et horror mortis graviter affligit.
Veni ad illuminandum mundi tenebras,
et tenebrosas expurga conscientias; qua-
tenus peccatorum vinculis absoluti, in
tua miseratione laetemur: atque gratia
30 tua erecti, spe aeternorum bonorum con-
solemur. Per te Iesu Christe verum

~~~~~ [2] ~~~~~

animae lumen: ex Patre ante saecula  
genitum. Amen.

DE OCCVRSV ET SVSCEPTIONE  
CAELESTIS REGIS.

[II]

5

**D***icite filiae Sion: ecce Rex tuus venit  
tibi mansuetus.* Olim Deus loquens  
patribus et prophetis, multos testes suae  
incarnationis praemisit: et nunc sub eis-  
dem paene verbis cuilibet animae fidei,<sup>10</sup>  
sui adventus tempus denuntiat. Dicite in-  
quit filiae Sion, vos qui spiritales estis  
et prophetiae spiritum habetis; aut vos  
qui prophetas legistis et scripturas nostis:  
dicite inquam animae expectanti, et meum<sup>15</sup>  
adventum plurimum desideranti; ut ocu-  
los fidei suae aperiat: et me statim ad-  
esse cognoscat. Nam talem animam  
quaero quae me videre desiderat: et de  
me frequenter cogitat. Huic mando et<sup>20</sup>  
remando ne taedio torpeat: sed evigilet,  
surgat et expectet. Oret proinde et legat  
litteras meas de caelis sibi destinatas;  
intendat eis frequenter: et donec veniam  
recreet se in eis, et consoletur valenter;<sup>25</sup>  
nec desistat a precando et desiderando:  
quia veniens veniam et non tardabo. Lon-  
gam satis moram protraxi, repente venire  
nolui: plures tamen et sollemnes nuntios

praeire feci; frequenter per illos mandavi  
 et annuntiavi, ut desiderium excitarem:  
 et gaudium de adventu meo magnificarem.  
 Nam magnus rex alicubi venturus: magno  
 5 desiderio est suscipiendus. Qui ergo vehe-  
 menter me desiderat: magis de praesen-  
 tia mea cum venero gaudebit. Qui autem  
 mundo deditus est: me desiderare non  
 potest. Qui vero omne mundi solacium  
 10 spernit, ac distractiones cordis fugiens,  
 se in intimis recolligit, aeterna desiderans,  
 praesentia fastidiens: ipse diem visitatio-  
 nis meae et horam adventus Sancti sanc-  
 torum, caelestis quoque Regis gloriosam  
 15 praesentiam accelerare deprecatur dicens.  
 Veni Domine visitare me in pace: ut  
 laeter coram te corde perfecto. Veni de-  
 siderium cordis mei: lumen oculorum  
 meorum et pax. Tu spes mea expectatio  
 20 Israel. In te speravi, ne confundas me  
 ab expectatione mea: quia ad te animam  
 meam cum desiderio levavi. Tali animae  
 sic desideranti, et me de die in diem quae-  
 renti cito apparebo: et me ipsum mani-  
 25 festabo. Ego enim sum Dominus Deus  
 eius: qui locutus sum in prophetis. Et  
 usque nunc loquor omnibus: sed specia-  
 liter tamen amicis meis fidelibus; singu-  
 lariter autem ei qui prae ceteris me magis  
 30 affectat: atque reverentius suscipere et  
 ad se introducere concupiscit. Et nunc

prope sum dicit Dominus; iam tempus meum impletum est: ultra non morabor. Implebo verbum meum quod dixi; satisfaciam promissioni meae: non differam desiderium animae; erit quod petivit fiet<sup>5</sup> quod optavit: quia ego ipse qui loquebar ecce assum. Gaude et laetare anima fidelis: quia venit tibi Rex de caelis. Hic est Dominus Deus tuus, Conditor et Redemptor tuus; diu expectatus, ardentem desideratus: et ad veniendum iam paratus. Noli timere filia Sion: ecce Rex tuus venit. Ecce caelum unde egreditur: ecce mundus quem ingreditur. Ecce in dextera eius ignea lex: in sinistra eius divitiae et<sup>15</sup> gloria. Ecce in circuitu eius angeli et archangeli; ante eum prophetae, iuxta eum apostoli: post eum innumerabiles sanctorum chori. Ecce quantus est hic qui ingreditur; cui dominationes occurrunt: et<sup>20</sup> omnes virtutes caelorum famulantur. Ecce venit pius et mansuetus pauper et humilis Rex in humanitate: qui iudicaturus est orbem terrae in aequitate. Beati oculi qui ista vident, et aeterni<sup>25</sup> Regis opera ad suam aedificationem considerant; quia non in eis pompam huius mundi videbunt: sed omnem humilitatem et mansuetudinem in tanti Regis adventu invenient. Beati<sup>30</sup> omnes qui spiritualis intelligentiae oculos

habent: et in lumine fidei aeternae Veritatis lumen aspiciunt. Videtur mundus iste visibilis oculis carnis etiam ab infidelibus et paganis; sed ipse invisibilis  
 5 Conditor orbis, oculis cernitur mentis ab universis Christi fidelibus: ex totis praecordiis Christum amantibus. Nam credere in Christum, mente cernere est: et ardent  
 10 amare, ipsum tenere est. Sic enim videbant eum sancti patriarchae et antiqui prophetae: qui longe ante adventum eius praedixerunt: et multa de eo propheta-  
 15 bantur videntes: quia quem ceteri nesciebant praevidebant: et aliis inductis, verbis et scriptis suis insinuare curabant. Sic etiam et nos Christum videmus, qui post eius incarnationem ad fidem venimus;  
 20 quia cuncta quae de eo legimus vel audimus, firmiter animo retinemus: et a prophetis veraciter praedicta, et ab apostolis fortiter confirmata, confitemur, laudamus et praedicamus. Beati ergo oculi  
 25 eorum qui licet Christum in carne non viderunt, tamen fideliter in eum credunt; devote venerantur, caste diligunt: arden-  
 terque suscipere desiderant.

Ecce Rex noster advenit de caelis; laeti  
 30 occurramus ei: et devotis illum ample-  
 xibus suscipiamus. Laetentur caeli, id est

alti contemplativi; et exultet terra id est  
simplices activae vitae dediti, ante faciem  
Domini quia venit: quoniam venit sal-  
vare nos et dare se nobis. Iubilare  
montes laudem; et stillate doctores  
verbi dulcedinem: et fluant colles lac  
et mel ad omnium nostrum spiri-  
tualem consolationem. Canite tuba  
in Sion: excitentur omnes torpentes, dis-  
persi congregentur in unum; conforten- 10  
tur pusillanimes, consolentur tristes, eri-  
gantur infirmi: omnes conveniant, singuli  
de locis suis properent; quia magnus dies  
in Israel: dies sanctus Domini, dies festus  
Regis aeterni appropinquavit. Laetare 15  
Ierusalem et conventum facite cuncti fide-  
les qui diligitis Iesum Christum gaudium  
omnium se amantium; quia non in tu-  
multu, nec in apparatu visibili apparebit:  
sed in spiritu lenitatis et mansuetudinis 20  
illum ab intus videbitis. Gaudeant igitur  
et praeparent se universi populi tribus  
et linguae: sed tu anima devota filia Sion,  
cuius tota intentio ad Deum conversa est,  
tu inquam magis exulta. Tibi enim per 25  
prophetam a Domino dicitur, tibi specia-  
liter mandatur; tu ex nomine amica-  
biliter vocaris: ut audias et videas qua-  
lis est qui ad te venturus est. Ecce Rex  
tuus, venit tibi. Ecce Rex tuus; non ter- 30  
renus non temporalis, nec mortalis: sed



caelestis aeternus et immortalis. Ecce venit non regnare in mundo: sed salvare: mundum sanguine suo. Ecce Rex, non rex Romanorum aut Francorum: sed Rex  
 5 regum et Dominus omnium dominorum. Per hunc reges regnant in mundo: et sine eo nemo coronabitur in caelo. Rex caeli est iste; et venit non terram accipere: sed regnum dare caeleste. Qui ei  
 10 servire voluerit, faciet illum secum regnare; et quicumque sibi oboedire contempserit: a regno eius exclusus erit. Ecce Rex tuus quem desideras quem amas: in quem credis, et in quo speras. Omnibus  
 15 quidem creaturis Rex est generalis; tibi autem per amorem specialis: sicut proprius sponsus et amicus familiaris. Tuus inquam; quia pro te sollicitus amplius, tibi vigilantius intentus: tibi affectuosius  
 20 inclinatus, propiorque coniunctus; ita ut dicere vere possis: Rex meus et Deus meus. Nam ab aeterno te dilexit: et nunc ut te liberet et salvet, de caelo a regalibus sedibus venit. In quo si gloriari  
 25 volueris: nescio quomodo poteris contristari vel desperare. Ipse enim Rex et Gubernator omnium: et quae potenter fecit, sapientissime regit; ut merito Rex et Dominus dici debeat universorum: et tuus tamen ex speciali gratia  
 30 donorum. Ab ipso dependet caelum et

terra: et eius imperio regitur omnis creatura. Huius potentiae nemo resistere potest: eius sapientia disponuntur universa. Sapientia et virtus eius cum ipso; et ipse fecit omnia: et non est finis magnitudinis eius. O quam excelsus et immensus est iste prae cunctis regibus et principibus: de quo propheta loquitur in psalmo. Deus autem Rex noster ante saecula: operatus est salutem in medio terrae.<sup>10</sup> Ecce venit. Venit non in auro et argento, nec indutus purpura et bysso; non in equis phaleratis, aut armis splendentibus, non in clangore bucinae et citharae: sed in humilitate et paupertate, in mansuetudine et caritate; ut amaretur potius quam timeretur: ut attraheret magis ad se peccatores quam fugaret.

Sed propter quid venit? Venit propter suam nimiam caritatem qua te dilexit: ut redimeret quem perditum sciebat. Venit propter tuam necessitatem et defectibilitatem: quae multiplex et magna nimis erat. Venit a peccatis te liberare: et pretiosi sanguinis sui effusione purgare.<sup>25</sup> Venit ignorantiam tuam illustrare: et viam veritatis ostendere. Venit infirmitatem tuam adiuvere: et tolerantiam in adversis docere. Venit a terrenorum appetitu revocare: et ad caelestia amanda<sup>30</sup> sustollere. Venit virtutes praedicare: et

finem vitiis imponere. Venit gratiam  
 infundere: et caelestium consolationum  
 dulcedine laetificare. Venit omnibus  
 bonis te replere: et ab omnibus  
 5 malis eripere. Venit aeternam beati-  
 tudinem tibi donare: et pro te tempora-  
 lem miseriam sustinere. Venit omnia  
 sua tibi conferre: et super omnia dona  
 se ipsum tibi in perpetuum fruendum  
 10 praeberere. Vt enim tu aeternaliter gau-  
 deres: venit ipse laborem et dolorem  
 suscipere. Vt tu ditesceres: venit de-  
 pauperari. Vt tu regnares: venit exulare.  
 Venit ad errantem via; ad ignorantem  
 15 veritas, ad mortuum vita: ad caecum  
 lumen, ad infirmum medicus; ad desola-  
 tum consolator, ad damnatum liberator:  
 ad seductum consiliator, ad desperatum  
 salvator. Ecce propter quid venit: et  
 20 quantum tibi suo salutari adventu con-  
 tulit. Non misit angelum, non archange-  
 lum, non patriarcham non prophetam; sed  
 venit ipse Rex angelorum, et Dominus  
 prophetarum ad liberandum te: quoniam  
 25 ipse est Dominus Deus tuus qui fecit te.  
 Siquidem omnes reges et prophetae qui  
 ante eum fuerunt, non potuerunt quem-  
 quam de manu mortis liberare, neque  
 ad aeternam vitam perducere; sed iste  
 30 Rex potentissimus et magnificus per sae-  
 cula, de manu mortis populum suum

liberabit: vincula inferni destruet, et in paradisum electos suos perducet.

O si bene intellegeres et diligenter animadverteres qualis ac quantae maiestatis sit iste Rex gloriae; attolleres utique portas cordis tui affectuosissime, et introduceres ad te Regem perennis gloriae: quia cum summa exultatione, cum ingenti honore, et sollemni praeparatione, decet talem ac tantum Regem suscipere.<sup>10</sup> Si enim mandasset tibi rex aliquis terrenus, aut unus ex principibus eius, cras veniam ad te, para mihi hospitium, volo apud te mansionem facere; qualem putas haberes sollicitudinem, quantamque du-<sup>15</sup> ceres admirationem? Nunc ecce mandat tibi Rex de caelo loquens per prophetam, praeparare in occursum Dei tui Israel: quia ego veniam et habitabo in medio tui. Idcirco ad hunc suscipiendum ho-<sup>20</sup> spitem, cordis tui adorna thalamum; quia non solum ad te venire, sed etiam in te habitare desiderat: et tamquam in thalamo suaviter requiescere. Felix anima quae in se huius tanti hospitis meretur<sup>25</sup> adventum: et quem omnis creatura digne non capit, ipsa amativis desideriiis in secretissimum trahit secretum; ut tanto felicius intus quiescat: quanto exterius nihil eam delectat. Beata plane,<sup>30</sup> ad quam venire dignatur Altissimus de

caelis Rex regum Dominus; non ut iudicet aut terreat: sed ut pie eam tamquam bene cognitam et sibi praelectam visitet et consoletur. Venit enim Rex  
 5 mansuetus visitare et consolari omnes lugentes Sion: dare pacem habitantibus in terra; differre districtum iudicium, praerogare misericordiam: veniam tribuere peccantibus, suscipere paenitentes;  
 10 nulli denegare gratiam: et postremo omnibus expectantibus se in salutem, gloriam praestare sempiternam. Amen.

IN NATIVITATE CHRISTI. DE FESTIS  
 ANIMAE.

15

[III]

**V***x venit in mundum.* Adiuva me  
 omnipotens Pater, ut secundum desiderium cordis mei, dulcis aliqua et devota materia, de sollemnitate hodiernae festivitatis dilectissimi filii tui  
 20 Domini nostri Iesu Christi, mihi meditati occurrat: quae ad devotionem et gratiarum actionem meum torporem excitet. Illustra cor meum invisibili luce  
 25 sapientiae tuae; qui hanc sacratissimam noctem veri luminis ortu fecisti clarescere: et hunc diem sollemnem festivi gaudiis sanxisti celebrandum. Neque enim quitquam iucundum erit mihi aut  
 30 festivum: nisi tu ipse mentem meam

prius illustraveris; quatenus ab omni vi-  
 tiorum tumultu serenata: in tantae sol-  
 lemnitatis contemplatione rapiatur. Felix  
 festivitas quando et mentis iucunditas  
 sentitur: et spiritalibus epulis anima a 5  
 te invitata large reficitur. Non enim  
 festum mihi est: si in corde non est.  
 At vero idcirco saepe exterius recolitur:  
 ut gratius et iucundius intus celebretur.  
 Nam exteriora festa, internorum sunt in- 10  
 citamenta festorum: et aeternorum quae-  
 dam praesagia gaudiorum. Quando igitur  
 exterioribus festivitibus interior homo  
 meus bene concordat et congaudet; non  
 mihi iam simplex sed duplex festum esse 15  
 videtur: quia quod foris agitur, abintus  
 sanctius tenetur. Est etiam maius duplex  
 festum: est et sollemne. Quae anima  
 spiritalis et devota melius intellegit: quae  
 talia in spiritu et veritate celebrare con- 20  
 suevit. Spiritualis enim omnia  
 iudicat. Et quantum unum festum cor-  
 dis ab altero differt, atque iucunditate  
 speciali praecellit: ipsa ad quam Iesus  
 venire et se in die festo manifestare 25  
 dignatur, suavi docta experientia satius  
 novit. Ipse est enim de quo praecipua  
 festa sollemnizantur: et beata, cui oc-  
 currit, ac sese laetanter videndum con-  
 cesserit. Aestimo autem quod non sem- 30  
 per uno eodemque devotionis affectu

anima ad Deum trahitur, nec pariformi-  
 ter a suo dilecto visitetur. Et ideo se-  
 cundum minores et altiores visitationes,  
 potest non inconvenienter festorum dis-  
 5 cerni varietas; ita ut nunc duplex fe-  
 stum in anima sit: quando secundum  
 prophetam David cor et caro pariter in  
 Deo vivo exultant; dum tanta laetitia  
 cordi infusa sentitur, ut exterioribus eam  
 10 vocibus et motibus prodere oporteat: ac  
 Deo devote iubilare hymnis et canticis  
 delectet. Tunc autem maius duplex agi-  
 tur; quando tanta est interioris hominis  
 inebriatio, et exterioris sensibilis quae-  
 15 dam iucunditas: ut hanc capere et suf-  
 ferre prae aestu amoris humana nequeat  
 infirmitas; sed neque per aliqua verborum  
 signa exprimi potest: quae anima  
 secum geri in tali festo a Deo visitata  
 20 sentit. Silentio magis contegenda  
 sunt: si quando aliqua huiusmodi divini-  
 tus sentiri donantur. Soli autem Deo  
 secretius illa confert: qui eam in silen-  
 tio suo et sine voce melius intellegit.  
 25 Oportet enim tunc omnem silere  
 creaturam: quando Deus loqui-  
 tur animae supra naturalem intellegen-  
 tiam. Et tunc optime docetur:  
 quando sic sermo cum solo Deo  
 30 habetur. O doctor veritas: quam cito  
 et perfecte imbuitur, cui te ipsum mani-

festas. In hoc festo aperiuntur tabulae altaris et sanctorum reliquiae ostenduntur; quia huic amanti animae abscondita scripturarum panduntur: et secreta caelestis patriae, sanctorum status, ac praemia aeterna pro speciali consolatione revelantur.

O magnum et iucundum festum: non omnibus sed paucis ad celebrandum concessum. Quam longe sunt haec sancta 10 celebria a dilectoribus mundi; qui terrena tantum sapiunt: et ad sola exteriora respiciunt. Stultum est illis, et prope nihili esse videtur: quitquid exterius non fulget. Mirantur plerumque quomodo 15 boni Deo vacare possunt, et a voluptatibus carnis abstinere; quia ignorant quantum intus consolationem spiritus habet et sentiunt: qui pro amore Dei cunctis voluptatibus mundanis renuntiant. Ignorant autem tales et errant: qui sola visibilia sequuntur et diligunt.

Sed quando sollemne animae festum agitur? Vtinam sit qui dicat et ad me pervenire faciat; si tamen dici valeat 25 quod tam altum est et secretum: ut ab omnibus praecedentibus motibus sit remotum. Si quando igitur in excessu mentis anima posita, omnium praesentium et sui pariter oblita, so- 30 lius Dei memor extiterit, atque ab omni



corporea imaginatione libera in Lique-  
 luminis abyssum transierit spe imper-  
 aeterna; quis hanc neget sollemne fe-  
 stum agere, quae aeterni solis radiis  
 5 illustrata, supra cuncta creata stat tam  
 eleganter suspensa? Hoc autem totum  
 magis spectare videtur ad aeternae beati-  
 tudinis gloriam: quam ad praesentis vi-  
 tae miseriam. Nomen igitur et memo-  
 10 riam sollemnis festi nunc tui quam  
 veram experientiam habemus: quia per-  
 perfecta eius claritas sanctis reservatur in  
 caelis. O festivitas festivitatum: lu-  
 mines et angeli congregati pariter  
 15 laudant trinum et unum. O quam suf-  
 niter ibi cantant, quam dulciter at  
 ubi Deum semper praesentem  
 clare intuentur, iucundeque specu-  
 Nimirum ex memoria illius iubila-  
 20 et perpetuae caelestis sollemnitatis: dis-  
 sonat mihi omnis iucunda festivitas praesentis  
 temporis. Ad illud igitur sollempne  
 et aeternum festum, quod pro sui magni-  
 tudine nec concipi potest nec dici; totus  
 25 affectus nostrae devotionis vehementer  
 aspirare debet et incitari: quotienscum-  
 que in terris festa sollemniter celebran-  
 tur. Unde omnia festa nostra potius sunt  
 illius aeternae festivitatis quaedam prae-  
 30 ambula: quam vera festa dicenda. Hic  
 tamen in lumine fidei inchoantur: sed

filiosque luce gloriae cuncta perficientur.  
 riam. Enim angelica laus, et animarum  
 sanctarum concentus suavissimus: ibi in  
 praesentia Conditoris cuncti laetantur  
 unanimiter. Nobiscum vero bene agitur: 5  
 si quid parum inde aliquando sentire  
 donatur. Quem non delectaret hymni-  
 dicis angelicis choris interesse; ubi  
 nulla vox dissonantia, nulla levitas  
 dissolvens? nulla occupatio impediens, 10  
 nulla necessitas perurgens, nulla affectio  
 inficiens, nulla imaginatio distrahens;  
 nulla materia turbationis, nulla occasio  
 distractionis, nulla negligentia, nulla con-  
 fugio, nullus labor, nullum taedium, nulla 15  
 molestia; sed summa pax et tranquillitas,  
 summa laetitia et dulcedo melliflua, summa  
 gloria et deifica claritas, plena felici-  
 tas. Perfecta securitas? O quam breve  
 est et modicum quod nos celebrando agi- 20  
 mus; quam imperfectum et obscurum  
 quod nos recolimus. Quamdiu enim cor-  
 ruptionis nostrae tenebras patimur, quam-  
 diu mortale corpus gerimus: vix clare ali-  
 quid de immortalitatis luce et incircum- 25  
 scripto spiritu comprehendimus. Nam una  
 paene nocte ac die nostra decurrit sol-  
 lemnitas: quia nec diu in devotione  
 potest nostra subsistere infirmitas.  
 Et utinam maior pars temporis spirituali- 30  
 bus expendereetur harmoniis: et minus

haberet de externis frequentis. Lique-  
 satis considerata veritate, quod imper-  
 perfecta sint nostra hic sollemnia quantum-  
 cumque alte cantetur vel pulsetur; quan-  
 5 tumcumque interius iucundetur aut iu-  
 biletur: quia cito praesens laetitia per  
 diversa distrahitur obstacula. Nec tamen  
 id nimis mirum cum advenae simus et  
 peregrini super terram; et totum tempus  
 10 nostrae peregrinationis luctui magis ap-  
 tum sit quam laetitiae: et festa celebrare  
 potius spectet ad caeli cives quam ad  
 exules filios Evae. Sed ne propriis mi-  
 seriis deiciamur et gravemur, et divino-  
 15 rum beneficiorum immemores efficiamur:  
 providit aeterna Dei sapientia, et sancta  
 mater instituit ecclesia; quatenus in de-  
 siderio animae singulis annis Christi et  
 sanctorum eius agantur sollemnia: ut de-  
 20 votio excitetur, fides incalescat, et cari-  
 tas augeatur. Nam tanto devotius quis  
 festa celebrat, digniusque in sanctis suis  
 Deum honorat: quanto in spiritu plus  
 proficit, et ad amorem aeternitatis se la-  
 25 tius extendit. Propterea enim venit Lux  
 in mundum, ut viam nobis demonstraret  
 ad caelum: ut cor nostrum in sui amorem  
 accenderet, et a cunctis terrenis extra-  
 heret; ut nobis lumen daret sapientiae,  
 30 et tenebras fugaret ignorantiae: ut nos  
 unum secum efficeret participes regni,

filios gratiae, consortesque aeternae gloriae. O gloriosa Lux de Patre nata; o inclita Dei Sapientia de virgine hac nocte procreata: da devote ac digne tibi gratias agere; da nomini tuo altissime psallere,<sup>5</sup> reverenter inclinare, humiliter genuflectere, honorifice adorare: atque cum angelis sanctis gloria in excelsis tibi sollemniter decantare. Te enim decet laus et honor Domine: qui pro nostra salute<sup>10</sup> dignatus es incarnari. Amen.

IN NOCTE NATIVITATIS CHRISTI  
DE QVAERENDO PARVVLO IESV.

[III]



*Quaerite Dominum dum inveniri pot-<sup>15</sup>  
est: invoke eum dum prope est.*

Surgite universi Christi fideles: concurrite ad hanc sollemnitatem Dominicae nativitatis. Adest namque nox sacratissima: in qua Redemptor mundi Iesus<sup>20</sup> Christus nasci voluit de gloriosa virgine Maria. Surgite igitur omnes et vigilate: praeparate corda vestra et orate. Dominus venit: venite et adorate. Quaerite Iesum et invenietis; pulsate ad ostium,<sup>25</sup> et aperietur vobis: intrate domum et videbitis. Rex noster advenit: Christus natus est nobis. Venite adoremus et procidamus ante eum: quia ipse est qui fecit nos. Venite angeli et archangeli:<sup>30</sup>

cantate et exultate et psallite. Gaudete iusti in Domino; hymnum dicite Deo nostro: annuntiate inter gentes opera eius. Dominus nobiscum: nolite timere.

5 Venit Deus in carne; nobiscum est humanitate: qui nusquam deest divinitate. Venite parvuli et magni: senes et grandaevi, iuvenes et virgines; cantate Domino canticum novum: quia mirabilia

10 hodie fecit. Levate corda vestra cum manibus ad caelum: et super omnem exultationem date gloriam laudi eius. Dominus nobiscum: nolite contristari. Induite vos electi Dei

15 vestimentis iucunditatis et laetitiae; abicite opera tenebrarum et induimini arma lucis: sicut in die clara, sic nocte hac sancta vigilemus. Gaudeamus et exultemus; cantemus et hymnizemus: iubile-

20 mus Deo salutari nostro. Offeramus ei vota nostra: praebeamus illi oris nostri obsequia. Dominus nobiscum, nolite recedere; nolite attaediari: sed state viriliter: et psallite ei alacriter.

25 Quis potest iam dormire; quando angeli cantant in caelo, et vox laudis resonat in excelso? Quis maneret in strato suo; quando omnes gestiunt esse cum Iesu in iubilo? Quis non surgeret hac

30 nocte cum desiderio; quando omnia videntur esse in gaudio? Propterea gaude

et laetare filia Sion, iubila Ierusalem: quia hodie pax vera descendit de caelis, ad pacificandum et instaurandum quae in caelis sunt et quae in terris. Hodie lux vera illuxit super terram: ut omnem 5 hominem illuminaret in se credentem. Hodie facta est laetitia magna in Israel: quia natus est Christus in Bethleem. Hodie per totum mundum melliflui facti sunt caeli; quia ex ore doctorum ema- 10 nant sermones suavissimi: unde recreantur infirmi, consolantur devoti; instruuntur ignari, excitantur pigri: animantur fideles, et confunduntur increduli.

Hodie exultant angeli, laetantur archan- 15 geli: et omnes iusti in devotione sunt et gaudio spiritali. Hodie nox conversa est in diem et claritatem magnam: quia exortum est in tenebris lumen rectis corde, misericors et miserator Dominus. Sit nox 20 ista in perpetuum benedicta: et inter dies sollemnes computata. Benedicant ei qui benedicere solent diei; et laudent eam omnes filii lucis: quia natus est in ea Christus filius Dei lux aeternae lucis. 25 Non sit haec nox solitaria: nec a laudibus aliena. Non sit obscura; sed illustretur lumine desuper: atque in universa ecclesia accendantur luminaria multa. Nil in ea praetereatur quod ad 30 decorem eius pertinet: sed usque ad or-

tum surgentis aurorae laus eius perse-  
 veret. Cumque dies inclaruerit: luceat  
 sol iustitiae qui natus est in cordibus  
 omnium se amantium: et rursus nova  
 5 oriatur devotio in mentibus omnium ce-  
 lebrantium. Dies sanctificatus hodie illu-  
 xit; gaudeant omnes fideles: quia Deus  
 olim praedixit. Fiat lux: et facta est  
 lux. O vere beata nox veri luminis illu-  
 10 strata natali, atque angelicis adornata  
 fulgoribus: quorum canticis et laudibus  
 gaudiosior effecta est cunctis per orbem  
 fidelibus. O vere beatissima nox, clarior  
 omnibus saeculi noctibus; quae scire  
 15 meruit tempus et horam: quando de vir-  
 ginali utero egressus est Dei filius no-  
 strae fragilitatis corpore indutus. O sacra  
 et illibata nativitas: quam dedit virgina-  
 lis fecunditas. O supra naturam fecun-  
 20 ditas; quam ornavit virginea puritas, et  
 summa elegit maiestas: ut salvaretur hu-  
 mana mortalitas. O benedicta et gaudiosa  
 nativitas; quae maledictionem primorum  
 parentum nostrorum, in caelestem con-  
 25 vertit benedictionem: et eorum maero-  
 rem in gaudium mutavit sempiternum.  
 Merito haec nox venerabilis est et ama-  
 bilis omnibus hominibus: in qua Chri-  
 stus nasci dignatus est pro omnibus libe-  
 30 randis. Benedicta sit ergo sancta Trini-  
 tas: cuius bonitate et consilio, hominis

~~~~~ [5] ~~~~~

dignitas est reparata, et diaboli decepta
calliditas. Benedico te Pater caelestis: qui
dilectum filium tuum ad nostram redemp-
tionem in mundum misisti. Benedico te
fili Dei unigenite Iesu Christe: qui propter 5
nos homines redimendos naturam nostram
assumpsisti. Benedico te Spiritus sancte
paraclite: qui cuncta redemptionis nostrae
sacramenta ab initio usque in finem gloriose
et mirifice perfecisti. Sit tibi infinita laus 10
et gloria; sit honor tibi et imperium o
summa sempiterna Trinitas: cuius pro-
videntia et ordinatione facta est nobis tam
iucunda et sollemnis festivitas. Amen.

DE DEVOTA VISITATIONE NATI 15
PVERI IESV.

[V]

N*um quem diligit anima mea vidistis?*
Vobis loquor angeli sancti: dicite
mihi de Iesu meo quod nostis. Vbi est 20
parvulus qui natus est nobis? Indicate
mihi quem diligit anima mea. Quod si
mihi indicare non vultis: dicite saltem
per eos quos dignos iudicaveritis. Vobis
loquor pastores: dicite mihi de Iesu meo 25
quod nostis. Vbi est parvulus qui natus
est nobis? Quid annuntiavit vobis an-
gelus? Annuntio inquit vobis gaudium
magnum: quia natus est vobis hodie Sal-
vator qui est Christus Dominus in civi- 30

tate David. Et quod vobis signum dedit?
 Invenietis ait infantem pannis involutum:
 et positum in praesepio. Et quid can-
 taverunt angeli sancti? Gloria in ex-
 5 celsis Deo cantaverunt: et in terra pax
 hominibus bonae voluntatis addiderunt.
 Et post haec quid vos fecistis? Statim
 cum festinatione et gaudio transivimus
 usque Bethleem: et invenimus Iesum in
 10 praesepio iacentem. O mi quid audio:
 quam dulce est et iucundum quod per-
 cipio. Sufficit mihi modo. Vadam et
 videbo hunc puerum: antequam moriar.
 Expectate tamen paulisper; ibo vobiscum:
 15 et hospitium unum erit omnium nostrum.
 Et vos angeli omnes concurrite: et recto
 itinere ad praesepe Christi me perducite.
 Aperite mihi Ioseph et Maria; aperite
 ostium dilecti mei: ut ingressus taber-
 20 naculum eius, adorem sancta vestigia eius.
 Omnes reges terrae desiderabant videre
 faciem Salomonis: et audire sapientiam
 eius. Et ecce plus quam Salomon hic.
 Sinite ergo me introire: ut deosculer sca-
 25 bellum pedum eius. Hic est enim de quo
 praelocuti sunt prophetae; quem annun-
 tiaverunt angeli: quem visitaverunt pa-
 stores. Hic est quem quaero quem amo:
 quem videre desidero.
 30 Quid trepidas anima mea? Clama pete
 pulsa: donec aperiatur tibi ianua. In-

grederet locum tabernaculi admirabilis:
 usque ad domum Dei. Accede fiducialiter,
 et iunge te parvulo recens nato cordi-
 aliter; quia non abiciet te nec fugabit:
 sed libenter admittet, et gratiam suam⁵
 tibi ostendet. Ne timeas a facie vagientis
 in praesepio: plangit tua peccata, non sua
 incommoda. Venit enim te quaerere: non
 perdere. Venit te salvare: non iudicare.
 Venit te solvere: non ligare. Venit mala¹⁰
 pati: non irrogare. Cupit te liberare: non
 incarcerare. Quid trepidas ad pauper-
 culum puerum? Deus est inquis: et in
 manu eius potestas et imperium. Verum
 est. Sed non modo venit ut iudicet: sed¹⁵
 ut peccata dimittat. Praetendit miseri-
 cordiam: suspendit vindictam. Offert gra-
 tiam: differt iram. Ostendit amorem: ex-
 cludit timorem. Appetit magis amari:
 quam timeri. Dic ergo. Salvator meus²⁰
 et Redemptor meus es tu: Domine Deus
 meus bene advenisti hodie. O desidera-
 bilis et nimis amabilis puer; ostende mihi
 misericordiam tuam: qui nondum idoneus
 sum videre gloriam tuam. Porridge mihi²⁵
 dexteram tuam: qui non sufficio portare
 iustitiam tuam. Propter immensam cari-
 tatem tuam, dele omnem iniquitatem
 meam. Infirmus sum et ulcerosus, sana
 animam meam. Caecus sum et nudus;³⁰
 illumina tenebras meas: et orna me vir-

tutibus veris. Aridus sum et claudus; irriga faciem meam lacrimis, et dirige omnes gressus meos in semitis tuis. Tibi dicit cor meum, ex-
 5 quirir te facies mea; faciem tuam Domine Iesu videre desidero: et cum angelis et pastoribus devote visitare. Tu es enim salutare vultus mei et Deus meus: vere super omnia mihi amandus. Nemo te
 10 pulchrior, nemo amabilior: nemo te nobilior, nemo te sanctior. Tu omnibus sapientibus sapientior: omnibus ditior, omnibus maior. Tui sunt caeli, et tua est terra: mare et omnia quae in eis sunt.
 15 Tuus est dies et tua est nox: aestatem et ver tu plasmasti; et omnia certis temporibus ordinasti: qui in obscura nocte et hiemali frigore nasci voluisti.

O mira et ineffabilis dilectio Dei et
 20 Domini mei Iesu Christi vagientis in praeseptio: quem laudant et adorant omnes angeli in caelo. O quam magnas gratias teneor retribuere amantissimo Domino meo Salvatori ac Redemptori meo pro salute meo nato: qui in stabulo coram ani-
 25 malibus non refugit hospitari quasi pauperculus homo. Certe nil dignum laudis habeo: sed tamen voluntatem bonam libenter tibi offero in signum
 30 caritatis et gratitudinis. Quid amplius? Cantabo cum angelis sanctis;

an plorabo ex compassione, recogitando lacrimas pueri vagientis? Vtrumque placet, utrumque agere delectat: et cum Iesu plorare, et cum angelis Iesum laudare. Et hoc totum ad gloriam Dei opto facere; 5 atque me ipsum coram oculis maiestatis eius humiliare: qui se ipsum usque ad formam parvuli pueri humiliavit.

DE MANSIONE APVD VENERABILE
CHRISTI PRAESEPE. 10

[VI]



Quam reverendus est locus iste: non est hic aliud nisi domus Dei et porta caeli. Intra intra anima mea hoc Regis pauperculum domicilium; pete hic 15 hodie hospitium: colloca hic mansionem tuam; mane apud Iesum et Mariam: et celebra cum eis festivitatem hodiernam. Noli alibi divertere; sed sta hic hodie: aut sede humiliter prope praesepium. 20 Bonum est tibi hic esse: et multo melius quam in auratis regum domibus habitare. Multum tibi placere debet habitatio huius domunculae, et societas istorum trium simul hic commo- 25 rantium; quia et si offendunt parietes propter suam vilitatem: sunt tamen incolae eius valde nobiles propter suam patientiam et virtutem. Hic ergo hodie habitabis: hic subsistes, hic perseve- 30

rabis. Ingredere tamen melius et con-
 templare structuram huius loci diligen-
 tius; inquire et inspice ubi positum sit
 illud venerabile praeseptum, continens
 5 Creatorem mundi: servans Deum puerum,
 caelestem thesaurum, redemptionis pre-
 tium, angelorum gaudium et hominum.
 Vide quomodo Deus homo natus iacet
 ligatus in cunis et tacet; quam abscon-
 10 dite et pauperrime degit in alienis: qui
 cuncta largitur cum Patre in caelis. Am-
 plectere hoc nobile praeseptum amorosis
 brachiis; et osculare illud frequentibus
 oculis: dehinc et Iesu pedibus humiliter
 15 provolvaris. Hic Deum adora: hic ex
 devotione plora. Hic vigila hic ora: hic
 lege, hic canta. Hic psalle, hic iubila:
 hic toto corde tripudia. Huic puero mani-
 festa si quid triste habes vel grave; huic
 20 desideria tua expande: et cum eo cuncta
 pertracta. Dulcis et amandus puer do-
 cebit mites vias suas: et humilium sus-
 cipiet preces. Ipse novit curare infirmos;
 sanare contritos corde, et alligare contri-
 25 tiones eorum: dare remissionem lugen-
 tibus, et liberare ab omnibus passionibus.
 Da huic cor tuum: et pete ut in eo scri-
 bat dulcissimum nomen suum. Da ei
 totum quod habes: et esto eius totus,
 30 amodo et usque in sempiternum. Amor
 Iesu aeternus et immensus faciet hoc, ut

te ipsum relinquo: et Iesum super omnia diligas.

Vide nunc anima mea, et considera: quanta hic sint divitiae et gloria. Non noto gazas perituras, nec saeculares laetitias; sed incarnatam Dei sapientiam, virginem puerperam: Ioseph ministrantem, et angelicam turbam concinentem. Vere Dominus est in loco isto: et ego suadeo tibi nullatenus hinc recedere. Vbi invenies quod hic repertum habes? Si universum lustrares mundum, non invenires talem societatem: tam sanctum conventum, tam unanimem congregationem. Sanctissimi in caelo et in terra sunt hic congregati: licet a mundanis valde neglecti sint, et quasi nihil reputati. Nam in toto orbe non sunt facta tanta mirabilia, nec tam rara nova visa; nec tam iucunda audita gaudia: sicut in hoc brevi tugurio, ubi degunt Ioseph et Maria, et Iesus infans positus in praesepio. Coniuncti sunt hic Deus et homo, mater et virgo: senex et puer.

Pensa quid sibi velit ista dignatio, tanta pietas, tanta dilectio; tanta humilitas, tanta paupertas, tanta dulcedo, tanta gratia: et tam abundans misericordia. Revolve omnia antiqua gesta de Christo prophetantia; et vide quomodo hodie adimplentur scripturarum testimonia: et

sanctorum prophetarum devota desideria. Intuere etiam beatissimae virginis Mariae pia obsequia; quam ingens ei sit exultatio cum nobili prole sua: quam sublimis contemplatio, videre Dei filium de se genitum, ante se in praesepe locatum. Sic omnia pertracta et considera: tamquam singulis praesentialiter interesses. Non enim minor debet esse affectus et
 10 devotio ad ista cogitanda quae iam actu transierunt: quam si eadem coram te hodie fieri cerneres. Maneat ergo apud te recordatio sancta renovata per singulos annos; immo non tantum semel
 15 in anno recordetur Iesus natus et in praesepe collocatus: sed saepius tuis exercitiis interseratur. Magna ab hoc puero discitur sapientia; magna puritas et patientia: quae totam vitam tuam aedificare
 20 sufficiant. Omnis siquidem Christi actio, tua est instructio: et omnis eius passio tua est consolatio. Ipse enim factus est tibi et omni populo, salus et redemptio. Docet te exemplo suo magis quam verbo;
 25 efficacius persuadet factis propriis: quam actibus alienis. Semper ergo nova tibi sit sacra Christi nativitas: nec umquam sine attenta consideratione pertranseat tam honoranda festivitas. Et si exterior veneratio transit cum tempore: non tamen
 30 diligens consideratio transibit a mente.

Non sis igitur paupercula anima mea Deo pro hac gratia ingrata, quae tam sollicitè es quaesita; tam misericorditer attracta, tam benigne vocata, tam dulciter visitata: tam copiose hodie laetificata. Non enim 5 fas est te esse in tristitia ubi natalis est vitae: nam ubique dies agitur laetitiae. Tibi hodie parvulus Iesus natus est, tibi datus est filius; ut cum parvulo parvula fias, cum paupere pauper, cum humili 10 humilis, cum patiente patiens, cum miti suavis ac mitis. Inclina te ergo illi humiliter, submitte te libenter; ut sic merearis cum eo exaltari aeternaliter: qui pro parvulis colligendis descendit ab altis 15 caeli sedibus Iesus Christus Dei filius.

Collige nunc in hoc brevi temporis spatio: quae per totam vitam tuam tibi proficiant. Quid scis si hoc ultimum festum tuum sit in mundo? Et utinam tam de- 20 vote hoc modo celebres, tam studiose recolas; ut magnam erga Iesum fiduciam concipias: quatenus et in extremitatis tempore, ad aeternum festum merearis cum ipso transire. Nec dubium quin a 25 te districtè exigetur: quantum te illi in vita conformaveris. Cum ergo tempus adhuc superest, et exercendi studium iuvat, age ut infructuose non transeat; sed talem cum eo amicitiam ineas; quatenus 30 inter electos amicos eius cognoscaris. Si

Christo placuit haec pro salute tua exhibere: non sit tibi pigrum, de his intentius cogitare. Tacet Christus ore: sed loquitur opere. Tacet lingua: sed fantur
 5 tenera membra sua. Loquitur eius humilitas: loquitur et magna eius indigentia. Tacet etiam beata virgo Maria: sed non tacent elementa. Absconditur in praese-
 10 et abiectus apparet in pannis: sed pretiosus declaratur in signis. Turbatur Herodes: sed requirunt eum pastores. Dignantur scribae et Pharisei: sed adorant eum beati tres magi. Considera
 15 itaque in eo non solum magna et sublimia, sed etiam parva et humilia; quia in utraque natura apparet magnus Dominus et laudabilis nimis: excelsus super omnes angelos, et humillimus inter ho-
 20 mines. Coniuncta sunt humana divinis, summa imis; pretiosa vilibus, magnifica parvis: digno honore cunctis simul veneranda fidelibus. Non ergo te scandalizent panni: qui humilitatem praedicant filii
 25 Dei. Nec te conturbet pauperculum praeseptum: quod sibi elegit Rex regum et Dominus angelorum. Vide non quid oculis carnis sit nitidum: sed quam magnum salutis hic agitur mysterium. In-
 30 spice Iesum et Mariam, Dominum mundi et dominam: quia non habent

aliquam cum saecularibus curam. Non sunt hic magna palatia: sed caelestia solacia. Non hic resonat clangor tubae aut citharae: sed audiuntur voces caelestis militiae. Vtinam in spiritu sentias te omnibus istis interesse: nec alibi posse durare. Prope est nunc Verbum Dei ori tuo: tantum recto si quaesieris corde. Nam invenitur in gremio matris: qui ante saecula erat in sinu Patris. Tam propinquus factus est tibi Deus, ut possit teneri tamquam puerulus; portari ut infantulus: quoniam Verbum caro factum est, et habitavit in nobis. Ecce quem totus mundus non capit: ut pauper in praesepio iacet. Et qui omnia verbo virtutis suae portat: ipse a matre portatur. Quem laudant cherubin atque seraphin: modico lacte alitur. Quid horum non mirabile; quid non amabile? Quid vis amplius habere? Quomodo potuit tibi propinquior et similior esse? Ecce os tuum et caro tua: Deus tuus factus est frater tuus. Quis vidit huic simile; aut quis audivit umquam tale? Vae tibi si ab illo recesseris: et bene tibi si toto corde ad eum accesseris. Accede cum fiducia ad thronum gratiae eius; quia licet pauper sit rebus: sunt tamen in ipso omnes thesauri sapientiae et scientiae Dei reconditi. Para proinde labia munda ad osculan-

dum; oculos lava lacrimis ad videndum: purga manus ad tangendum; expande brachia ad amplexandum: flecte humiliter genua ad adorandum. O si haberes nunc
 5 scrinium mundum, pulchriter auro ac gemmis undique decoratum: ut in eo reponeres Deum puerum natum. Sed nullum est scrinium tam aptum et dignum ad recipiendum Deum puerum: sicut cor
 10 tuum ab omni malitia purum. Ipse enim non requirit exteriorem ornatum: sed quod exterioribus ornamentis mystice signatur, hoc est sibi valde carum et gratum. Sed quo-
 15 modo apta eris ad digne recipiendum eum? Nigra es et deformis: et ille pulcher nimis et decorus. Quid facies? Recedere ab eo non expedit: et accedere illota facie non decet. Quomodo mundaberis
 20 multis irretita vitiis? Sed noli nimis vereri: nec de plagis tuis desperare. Displiceat tibi quod talis sis: defle maculas culpae, abluere intima contritione reatus conscientiae; et pete ab eo oleum
 25 misericordiae, largitionem plenae indulgentiae: ac restitutionem novae gratiae. Non eris desperata: quamvis valde maculata. Puer iste scit immunda purgare, nigra candidare, turbulenta serenare,
 30 amara dulcorare; gravia levigare, et omnia vitiosa extirpare: gaudium et pacem

cordis cito praestare. Talis est qui maculari non potest: cuius attactu morborum sanantur, et convalescunt infirmi. Nunc ergo para illi abintus pulchrum prae-sepium: in quo reponas Iesum Dei filium. 5

DE GAUDIO HVIVS DIEI ET DEVOTO
OBSEQUIO IESV.

[VII]

G*Audens gaudebo in Domino: et ex-
ultabo in Deo Iesu meo.* O dul- 10
cissime Iesu et amantissime puer, gau-
dium meum et corona mea: tibi cantare
et iubilare desiderat anima mea. Sine
me unum laetum diem tecum peragere:
et spiritalibus gaudiis hunc sanctum 15
diem expendere. Licet enim brevis sit
dies et transitoria nox natalis tui; materia
tamen exercendae devotionis magna est,
et velut indeficiens ignis in altari. Opto
ergo hunc diem fore longiorem, et me 20
solito in eo devotiorem; ut fervor non
transeat cum tempore: sed magis augea-
tur sedula meditatione. O dies laetitiae,
dies Regis aeterni; noli me tam cito re-
linquere: sed esto mihi causa gaudii per- 25
petui. O quando veniet dies illa cui nox
non succedit: quae temporum vices nescit,
sed semper lucet et diescit; ubi facie ad
faciem videtur Deus, ubi perfecte amatur
et laudatur Iesus, ubi numquam distrahi- 30

tur ab illo cogitatio, nec inquinatur cordis affectio: sed est ipse omnia in omnibus. Propter illum aeternitatis diem ista temporalis colitur; et ut ibi semper cum Iesu
5 viverem: voluit ipse hic unus esse mortalium.

O venerande et summe amande Iesu, o dulciter amplectende, digne adorande et semper praedicande puer illustrissime;
10 tu es unicus dilectus meus, prae omnibus et super omnia exquisitus: cui me debeo totum, et quidquid adicere vel desiderare possum, non est satis ad votum. Tu enim excellis totum: et quidquid capere
15 possum vel dare, paene nihil est et minus quam modicum. Ego scio et credo fideliter, quia propter me huc venisti: propter me hic poni humiliter voluisti. Fecisti enim haec omnia propter meam aeternam salu-
20 tem: et propter tuam immensam caritatem, mihi carius commendandam.

O quantum te teneor diligere, quantum laudare et benedicere cum angelis et archangelis, cum sanctis et omnibus
25 bonae voluntatis hominibus: quia pro me incarnatus es et homo factus. Mirum si umquam poterit a te cogitatio mea avolare: et post tuae dulcedinis gustum, ad aliud quidquam divertere. Vere tu es
manna absconditum, omne habens in se delectamentum: et omnem vincens alie-

Iesus
manna
abscon-
ditum

nam suavitatem. Tu paradisos voluptatis,
 tu hortus deliciarum; tu fons sapientiae,
 sol iustitiae, lux mundi, gaudium caeli,
 pax cordis, solacium animae: spes in
 tribulatione, refugium in temptatione,⁵
 auxilium in omni necessitate. Tua prae-
 sentia gaudium mihi facit: tua absentia
 luctum saepe parit. Hoc autem totum
 amor facit, qui extra non sinit amantem
 quiescere: sed aut laetari in te, aut ¹⁰
 dulciter pro te flere compellit. Quis me
 huc adduxit; nisi amor? Et quis de
 caelo te traxit: et ad me inclinavit; nisi
 amor? O amor et amor: quam dulcis
 et fortis est hic amor. Inde fit tam in-¹⁵
 gens intus clamor, et tam vehemens
 nascitur ardor: cui nihil sapit nec libet,
 nisi Iesus aeternus amor. Iste facit mun-
 dum contemnere: et omnia tamquam
 nihilum reputare. Iste facit propria re-²⁰
 linquere: et sub iugo oboedientiae vivere.
 Iste facit delicias carnis respuere: et la-
 borem paenitentiae ardentem appetere. Iste
 facit tumultus saeculi fugere: et Deo in
 silentio vacare. Iste facit mundo mori:²⁵
 et soli Deo vivere.

Amor Iesu trahit cor meum ad prae-
 septum: et vult ut ei exhibeam devotum
 obsequium. Et nunc quid faciam dilecto
 puero Domino Deo meo, parvulo pro me ³⁰
 facto? Numquid mei indiges; qui caelum

Amor
 Iesu cor-
 dialis

et terram ad nutum possides? Et si mei
servitii non eges: ego tamen tui indigeo,
cui servire teneor pro posse; cum mihi
gratia et virtus semper ex te crescat: et
5 totum bonum meum ex te pendeat. Vti-
nam possem aliquid agere tibi acceptabile:
hoc enim mihi esset valde desiderabile.
Et si in carne tibi ministrare non potui,
nec ad hoc dignus fui admitti: in spiritu
10 tamen cuncta agere possum affectu cor-
dis, et studio bonae voluntatis. Nam et
fratribus meis pro nomine tuo ser-
viendo, multa implere possum pietatis
opera: quae tu reputas quasi tibi facta.

Excitatio
per
verba
amativa

Siquidem devotionem meam erga tuam
sacram infantiam: excitare cupio verbis
amativis. Certe abhinc non ibo, sed hic
iuxta te sedebo; et contemplabor inter-
dum amabilem faciem tuam: ut sic melius
20 meam obliviscar miseriam. Hic medi-
tabor in mandatis tuis: et exercebor in
mirabilibus tuis. Hic sublevabor a ter-
renis: et caelestibus associabor. Hic
cogitabo dies antiquos: et annos aeternos
25 in mente habebo. Hic considerabo no-
vissima mea: et annos meos in gemitu-
bus. Hic placabo faciem tuam precibus:
et iudicem meum deprecabor. Hic memor
ero operum tuorum: et innumerabilium
30 beneficiorum humano generi collatorum.
Hic inveniam cor meum: hic relinquam

me totum. Melius est enim ut cor
 meum Iesus habeat quam ego;
 quia cum illo est in pace: mecum autem
 in inquiete. Hic dormiam hic requiescam:
 et suavis erit somnus meus. Hic media⁵
 nocte surgam ad confitendum tibi: et pro
 delictis meis deprecabor. De mane evigi-
 labo ad te: et nomini tuo cantabo tota
 die. Si exiero dicam cito revertar: et si
 diu tardavero, veniam impetrabo. Iterum¹⁰
 orabo et faciem tuam placabo: nec gratias
 agere cessabo. Surgam in admiratione
 magna: et laudabo mellifluum nomen tuum
 benedictum in saecula. Sedebo iterum
 in paupertate mea; sciens quod non sum¹⁵
 dignus nec sufficiens cogitare tam in-
 effabilia bona: super omnia desiderabilia
 mundi suavia. Deinde reverenter te ado-
 rabo: et omnia bona tua tibi praesentabo;
 volens et cupiens ut omnia opera tua te²⁰
 laudent: quamvis plene te laudare ne-
 queant. Propterea rogo ut te ipsum
 tu ipse laudes; quia nisi te ipsum
 laudaveris: numquam eris plene
 et digne laudatus. Lauda nunc anima²⁵
 mea Dominum: lauda Deum tuum Sion.
 Lauda Iesum Salvatorem; et si perfecte
 laudare non potes: tamen ex parte pro
 viribus tuis laudare ne cesses.

Laudabo te Iesu bone, dulcis puer et³⁰
 amande in vita mea: psallam Deo meo

quamdiu fuero. Tu enim invitasti me, ad tuum sanctissimum praesepe: in quo dignatus es pro me indigno iacere. Quis me hinc possit abducere?

5 Nemo Domine Iesu: quia dilectus meus es tu a quo nolo separari in aeternum. Manebo igitur hic in servitio Domini mei, et dominae meae sanctae Mariae, et sancti Ioseph nutritoris tui: si forte opus sit aliquid ministrare. Faciam igniculum, conflabo diligenter: parabo mensam, et aquam apportabo. Mundabo aream, scopabo domunculam; rimas obstruam et foramina:

15 propter vim ventorum et pluviam. Sternam hoc nobile et regale praesepe; componam decenter in eo faenum vel stramina: quia non sunt hic aliqua pretiosa lintheamina. Dehinc rosas colligam

20 et lilia: flores afferam et gramina; adornabo hoc sanctum cunabulum, quod mihi non sordet ut stabulum: sed magis delectat quam imperiale palatium. Aperiam etiam fenestram; ut claritas Dei intus

25 fulgeat, et sancti angeli desuper involent: atque totam hanc domum dulci iubilatione repleant. Ianuam caute custodiam; ne Herodes intret ad perdendum puerum: quem suscepisti fideliter custodiendum. Nam

30 prius me paterer occidi: quam sacrilegas manus in illum mitti. Et si necesse fuerit

fugere, et ille sic voluerit habere: ero paratus etiam in Aegyptum transire. Venientibus autem pastoribus, cum gaudio eis aperiam: et in hanc summi Regis aulam introducam. Ipsi sunt enim quibus angelus istud mysterium nuntiavit: et ad visitandum direxit; quos devotio adduxit: et divina laudatio reduxit. Dehinc adventantibus sanctis magis ab orientis partibus, alacriter occurram tam honestis hospiti-¹⁰ bus regibus et comitibus; salutatisque reverenter ut decet omnibus, invitabo eos ad ingressum huius curiae, ad videndam faciem Regis et reginae: cuius signum fulget in caelo mirabile. Cum in-¹⁵ trantibus introibo; cum adorantibus adorabo, cum offerentibus me ipsum offeram ex toto: et quidquid habere potero, hoc totum do in holocaustum Domino. Illis autem rever-²⁰ tentibus ad propria: ego manebo hic in curia; et serviam Domino meo Regi: suaeque benedictae matri, perpetuae et gloriosae Mariae virgini. Nullus me de hac curia revocare poterit: nulla bulla,²⁵ nulla auctoritas, nulla dona vel promissio avertere. Hic statuam testamentum meum; hic firmabo pactum aeternum: hic vivam hic moriar, et erit totum factum.

Placeat tibi obsecro domina mea sancta³⁰ Maria: ut sim in obsequio tuo filiiue


tui Domini mei, cum omni devotione et
 reverentia. Magis enim delector hic esse
 et vobiscum mendicare: quam cum regi-
 bus et principibus mundi deliciari. Quod
 5 si necesse fuerit etiam mendicare: exhibeo
 protinus, et sufficienter mendicabo nobis.
 Et si nemo voluerit aliquid dare; rogabo
 sanctos angelos suppliciter: et illi nobis
 de caelo ministrabunt sufficienter. Nam
 10 pro pane terreno: pluent nobis manna
 caeleste. O Iesu manna cordium habens
 in se omne delectamentum: tu es cibus
 noster et solacium. Affectus devotionis
 hic loquitur: et optime sapit amanti quid-
 15 quid hic coquitur. Obsecro quoque te
 venerande pater Ioseph, qui ita appellaris
 pro dignitate ministerii tui, et occulta-
 tione sacri secreti: quatenus me digneris
 in adiutorium tuum admittere. Iube ali-
 20 quid afferri pro solacio matris et pueri:
 ego ero paratus ad obsequia huiusmodi.

O si scivissem quando huc primum
 venistis; ivissem utique vobiscum: et
 bovem vel asinum duxissem. Mantellum
 25 dominae meae vel saccellum Ioseph per
 tantum viae spatium libenter portassem:
 aut etiam hospitium procurassem. O uti-
 nam tam prope fuisset, ut sanctos ange-
 los cantare audivissem, et hoc gaudium
 30 magnum mihi nuntiatum fuisset; eia quam
 laetanter et festinanter usque Bethleem

transissem, et ipsos pastores si potuissem, citius praecucurrissem: ut sic Dominum meum natum, primus videre meruissem. Et si illi reverterentur ad gregem suum: ego tamen permansissem apud Deum⁵ puerum. Maluissem omnes oves relinquere: quam Iesum meum deserere; aut etiam totum gregem vendere: ut inde Dominum meum cum sua familia pascere. Sed non est omnibus datum, videre Ver-¹⁰bum Dei incarnatum: et tam innocenter in praesepio collocatum. Omnibus tamen pro nunc est praedicatum, et toti mundo propalatum: ita ut si quis credere voluerit et salvari petierit, atque integro et puro¹⁵ corde ad hunc puerum accesserit; omnium peccatorum suorum remissionem ab eo accipiet: et vitam aeternam post hanc mortalitatem ipso donante possidebit. Amen.

DE DESIDERIO VIDENDI ET 20
OSCVLANDI IESVM.

[VIII]

 *stende mihi faciem tuam: sonet vox tua in auribus meis. Vox enim tua dulcis et facies decora.* Haec sunt²⁵ verba amantis animae, ad te dulcissime Iesu Christe. Sed obsecro te puer bone: ut mihi peccatori concedas etiam haec verba in desiderio animae dicere. Quando enim potero satiari, de te cogitare et lo-³⁰

qui? Tu enim salutare vultus mei, et
 Deus meus. Ostende ergo mihi faciem
 tuam: et salva erit anima mea. Quo-
 tienscumque tristis fuero, aspice in me
 5 et miserere mei: et consolabitur anima
 mea. Tu enim spes mea a iuventute
 mea: et usque in senectam et senium
 ne derelinquas me. O quam amabilis et
 suavis factus es hominibus: pro quibus
 10 dignatus es puer parvulus fieri. Nam
 tali amore me trahis ad te, et constringis
 vehementer in tua dilectione. O dulcis-
 sime et amantissime puer Iesu: dignare
 mecum hodie parumper solaciari. Anima
 15 mea diligit te: quia tu prius dilexisti me.
 Propter nimiam enim caritatem tuam, et
 incomparabilem dulcedinem quam ad me
 gessisti: de illa occulta habitatione cae-
 lesti ad visitandum et consolandum me
 20 in carcerem huius mundi descendisti. Et
 nunc bene fecisti veniendo: et multum
 sapienter et dulciter egisti tali modo
 apparendo. Formam pulcherrimi pueri
 assumpsisti, naturam humanam induendo:
 25 qui in divinitate purus et simplex sine
 omni figura permanens omnem intellec-
 tum excedis. Sed ego rudis talem sub-
 stantiam omnem formam excedentem ca-
 pere non valui: ideo condescendendo
 30 mihi naturam meam tibi unisti, notam
 proponens hominis formam; ut sic propin-

quitate naturae maiorem affectum ostenderes: et per visibilem aspectum hominis ad invisibilem Deitatis substantiam manu duceres.

O dulcissima incarnata Dei sapientia: 5
 quam dulciter et sapienter me allicis tua
 amabili infantia. Converte nunc faciem
 tuam ad me Iesu bone, et noli me re-
 probare a pueris tuis; sed iucundum
 praebe mihi aspectum: ut te viso laete- 10
 tur cor meum, et novum sentiat exinde
 gaudium. O felix hora quando pietatis
 tuae oculis me intueris: et gratiam de-
 sideratam mihi ostendis. Hoc enim si-
 gnum clementiae est: hoc mihi fiduciam 15
 praebet et solamen. Hoc etiam invitat
 accedere ad osculandum pedes, manus, pedes
 et os tuum benedictum. O sacri et omni Iesu
 amplexu dignissimi pedes Domini mei
 Iesu Christi parvi et teneri, intra prae- 20
 seps angustias artati; qui pro me adhuc
 ambulabitis: et saepe fatigati eritis. Heu
 frigus non modicum sustinetis: quia suf-
 ficiens tegimentum ad induendum, et
 ignem ad calefaciendum forsitan non 25
 habetis. Isti sunt tenelli et dilecti pedes
 Domini mei Salvatoris: adhuc in cruce
 acutis clavis perforandi. Et tunc vehe-
 menter cruentabitis: qui modo validum
 gelu patienter sustinetis. Isti sunt pedes 30
 ad evangelizandam pacem rectissimi; ad

calcandum iter asperum praeparati: ad ostendendam viam perpetuae salutis mundo destinati. Isti sunt pedes misericordiae et iustitiae; ante quos procident
 5 Aethiopes, fugient daemones: et adorabunt reges et principes. Tunc accedent peccatores paenitentiam agentes; et devote eos deosculantes: veniam consequentur et gratiam.

10 O amande puer, non tantum pedes:
 Manus sed et manus et caput ac cetera membra
 Iesu praebe mihi ad osculandum, benedicendum et laudandum. O pulcherrimae et mundissimae manus, vere tornatiles: ni-
 15 hil superfluum vel diminutum habentes. Istae sunt manus tuae Domine quae me fecerunt et plasmaverunt: et nunc ad reparandum me venerunt. Istae me iuvabunt operari fideliter: et confortabunt
 20 contra varias temptationes viriliter. Istae sustentabunt me in bono ne corruam: et erigent a malo ne desperem. Istae benedicent parvulis: et donabunt sanitatem multis infirmis. Istae contra
 25 diabolum pugnabunt: et omnem virtutem eius ad nihilum deducunt. Istae post multos annos cruci affigentur: et tunc latos sanguinis rivos emittent. Istae in cruce extensae pro me supplicabunt: et
 30 peccatorum mihi indulgentiam vulneratae impetrabunt. Istae portas paradisi

aperient; valvas inferni destruent: et
vinctos eius inde liberabunt. Ista in
iudicio cum suis cicatricibus hominibus
apparebunt: et quanta Deus pro salute
eorum operatus sit et passus, patenter
demonstrabunt. Sit haec laeva sub ca-
pite meo: et dextera ista amplectatur
me. O si tantum bonum meruero: quam
felix et laetus ero. Ex hoc iam fiducia-
lius ad oris osculum audebo accedere: 10
et labia mea sanctis labiis tuis ausu cari-
tatis imprimere. Et si terret altitudo di-
vinitatis; provocat tamen maxime simili-
tudo humanitatis: et mira suavitas in-
fantilis parvitat.

15

O sacrum et illibatum os Domini mei, Os Iesu
plenum sapientia et gratia; tu me docebis
vias vitae, tu me replebis iubilo: tu me
consolaturus es sermone bono. Si enim
gratus est nonnumquam hominis docti 20
sermo; quanto magis sapiet verbum gra-
tiae ex ore tuo? O mellifluum os Do-
mini mei, quam pulchra sunt labia tua;
quam candidi dentes tui: quam suaviter
stillabit eloquium tuum. Hoc ergo os 25
Domini loquetur iudicium et iustitiam;
percutiet labiis suis impium: et conteret
scelestos de terra. Aperiet abscondita
scripturarum: et arcana caelestia resera-
bit. Manifestabit consilia cordium: et 30
hominum sapientiam destruet atque con-

silium. Tacebunt ad te ins
buntur reges et principes
vertentur nobiles et ignobile
ori suo silentium imponen
5 quente Deo, obmutesc
orbis: et omnis virtus ca
tui oboediet imperio.

O pretiosum et aureum es
torum; quis dignus erit
10 osculari, aut tui capitis
gere? Nimirum anima pi
quae ait. Osculetur me os
Quae diligit osculum
autem timet, veretur accede
15 reconciliat, nil sic Deu
sicut purus amor Dei est co
tus sui. Obsecro te puer bono
dulcissime, puer parve et magn
misericordiam hanc cum servo tu
20 patiaris te humili dignatione tang
plecti, et osculari amoris osculis: q
diu parvulus es et in praeseptio
Nam sic dulcius amaris; carius ten
levius portaris, et minus formidaris.
25 vir factus non sic agere licet: sed
maturiora transire oportebit. Omnia te
pus habent. Nunc tempus est amplexan
postea erit tempus plangendi: quando p
osculo oris dabitur tibi poculum amara
30 confectionis. Nunc melius sapit gaudium
nativitatis: sed postea sentietur maior

acebunt ad te in sionis; quando extenderis
 res et principes e: qui modo fascia cinctus
 obiles et ignobilesepe. Da mihi puer aman-
 titium imponen tis tuae osculum: et recipe
 , obmutesc meae obsequium. Intuere
 nis virtus ca derium, et praebe sacrum
 verio. sculum; et sit mihi hoc
 aureum co ac mutuae dilectionis
 us erit et bile vinculum. Scio et
 capitis ris actus tuus sanat; amplexus 10
 ima pi mea um amorem imprimit.
 me os rime intus, ab affectu carnali
 ulum pr amplecteris, tibi coniungis:
 acceder mar more fervere facis, dulciter
 c Deu bar Nunc dicito mihi quid tibi 15
 dei et co: et fac me experiri quod dicitur.
 puer bon ne inquit puer iste osculum, et
 et mag e mysterium; quia nemo scit nisi
 i servo accipit: nemo accipit, nisi qui in
 one tam ambulare didicerit. Tunc osculor 20
 osculis: quando donum amoris mei tibi in-
 tesepio. Tunc te amplector; cum om-
 rius te affectiones cordis tui ad me
 vidaris ho: ita ut nil in creaturis sit, quod
 et: sa abstrahere aut allicere possit. Sed 25
 omnia ac tu me oscularis; cum sincero amore
 plex mpungeris: et de nulla creatura sola-
 ande um requiris. Oscularis pedes meos:
 am bi humilitatis meae vestigia, ex amore
 lud magis quam ex timore sequeris. Oscularis 30
 me manus meas: si cuncta bona opera facta

aut facienda, non tibi sed mihi totum
 ascribis. Et tunc me amplecteris; quando
 intimo cordis affectu te mihi unitum
 sentis, et tam ardentem astringis: ut totus
 5 meus esse velis, et nihil tibi de pri-
 vato amore reservas. Tunc poteris cum
 sponsa in canticis dicere. Dilectus meus
 mihi et ego illi: qui pascitur inter lilia.
 Si te sponte relinques, et omnia terrena
 10 vilipenderes; ego te in meum familiarem
 reciperem: et in virtutibus divitem face-
 rem. Qui enim mihi devotus fuerit, et
 totus deditus: ego ero illi rursum totus
 ex toto apertus; quia ideo sum Deus
 15 homo incarnatus: ut homo in me esset
 perpetue beatus. Dedi me totum homini:
 ut homo totus esset deditus mihi. Nam
 deliciae meae esse cum filiis hominum;
 quibus veni dare etiam regnum caelorum:
 20 et per contemptum mundi perducere ad
 aeternum consortium angelorum.

AD BEATAM VIRGINEM, VT OSTEN-
 DAT NOBIS IESVM FILIVM SVVM.

[IX]

25 **E**xultavit spiritus meus: in Deo salu-
 tari meo. Exulta hodie sancta
 Maria: novae salutis pariens gaudia. Ex-
 ulta mater intacta: quia tibi perseverat
 virginitatis florida gloria. Exulta virgo
 30 puerpera: quia a maledicto et obprobrio

mulierum es libera. Merito exultare
 potes in Iesu salutari tuo; quia quem
 caeli non capiunt, tu foves in gremio:
 et sanctis manibus tuis ipsum collocas in
 praesepio. Merito adoras ex te in tem-⁵
 pore natum: quem super te scis habere
 Deum Patrem. Merito illi exhibes matris
 officium: qui tibi inviolabilis generationis
 dedit effectum. Merito in illo super omnia
 exultat spiritus tuus: cuius gratia facta¹⁰
 es tam sublimis et caelestis. Laudent
 te caelum et terra: et omnis ornatus
 eorum gratiarum tibi referat actiones.
 Laudet te anima mea domina carissima:
 et omnia interiora mea iubilent¹⁵
 coram te cum summa reverentia.
 Non sufficit lingua, tua enarrare prae-
 conia: nec mens meditari tua magnalia.
 Ideo cum humilitate praecipua: tibi in-
 clino alma Dei genetrix Maria. Suscipe²⁰
 vota mea: et pio affectu attende cordis
 mei desideria.

Quaerit anima mea videre Iesum: quia
 scio ipsum esse bonum meum. Ostende
 mihi thesaurum absconditum: quem apud²⁵
 te habes reconditum. Credo Iesum filium
 Dei esse unigenitum: et tuae fecundae
 virginitatis primogenitum. Ipsum con-
 fiteor Deum meum, Creatorem ac Redemp-
 torem meum: pro mea salute hodie natum.³⁰
 Ipsum per te quaero videre: et reverenter

adorare. Tu pannis eum involvisti; et
 ideo facile non potest intueri: nec ab
 extraneis agnosci. Nisi enim tu mater
 sancta ipsum dignaris ostendere;
 5 quis merebitur inspicere? Per
 te enim accessum habemus ad Filium:
 et per Filium ad Patrem. Ostende ergo
 illum mihi: et sufficit pro primo mihi.
 Non peto nec quaero aliud solacium,
 10 nisi Iesum filium tuum: meum speciale
 refugium, tuum singulare gaudium. Do-
 mina mea sancta Maria, magno desiderio
 desidero Iesum videre: quem scio te
 prae omnibus et super omnia diligere.
 15 Cor meum Iesum desiderat: affectus meus
 post Iesum clamat. Si vis ait Iesum vi-
 dere: tunc oportet te puros et claros
 oculos habere. Si vis Iesum videre:
 studeas te devote et humiliter in omnibus
 20 habere. Si vis Iesum videre: debes omnia
 terrena relinquere, et te ipsum despiciere.
 O dilectissima Maria scio me nimis im-
 purum: et ad videndum filium tuum
 nimis indignum. Sed tamen nequeo quie-
 25 scere: nisi prius videam illum. Non possum
 omnino tacere: sed ex nimio affectu cogor
 instantiam facere. Scio quia ipse vult
 rogari; et tu libenter vis orantem iuvare:
 ideo non debeo faciliter a petendo cessare.
 30 Iesu fili Dei, miserere quaeso mei;
 ostende te animae quaerenti: et vultum

tuum cernere cupienti. Quare voluisti
 in mundum venire; si non vis ab homini-
 bus videri? Quare dignatus es nasci;
 nisi velles etiam agnosci? Et quare
 hic elegisti poni; nisi ut posses melius
 inveniri, et manifestius videri ac teneri?
 Non potui ad te ascendere in caelum,
 ut te viderem: et ideo tu venisti ad me
 in mundum ut te coram me haberem.
 Noli ergo te mihi negare: alioquin me ¹⁰
 cogis plorare. Si non vis videri; quare
 te pastoribus revelasti? Nam illi venerunt
 festinantes et viderunt. Si vis latere;
 cur magos ab oriente ad tuum cunabu-
 lum stella praeunte vocasti? Sed vis ¹⁵
 utique videri: quia facis te a multis in-
 quiri. Volo ergo et ego videre. Et licet
 non sum pastor aut rex, sum tamen unus
 qui libenter esset de ovibus tuis: et
 regi cupit a praelatis suis. Nisi ²⁰
 enim te videro non quiescam: et nisi
 teneam non tacebo. Concede ergo te
 mihi videre: et videbis me in pace silere.
 Tu es enim dilectus ille: quem cupio
 videre. Caelum terra mare et omnia quae ²⁵
 in eis sunt, non curo aspicere: ut te vel
 semel possim inspicere. Omnia mihi an-
 gusta sunt et parva comparatione tui:
 donec te merear videre ac frui. Semel
 dico: sed semper noto. Modicum peto: ³⁰
 sed longum esse cupio. Nunc ergo satis-

fac voto meo: et imple me laetitia cum vultu tuo. Si mihi hoc denegas: scito quod non modicum me contristas. Et si tu me contristas; quis est qui me con-
 5 soletur? Nonne ut a te consolarer veni ut te viderem; et ex tua visione multum gauderem?

Veni ait desiderator bone: veni et vide. Ego sum Iesus quem quaeris. Si ergo
 10 me quaeris: sine omnia alia abire. Ap-
 plica cor tuum: et vide Dominum tuum. Vide in spiritu, quemadmodum olim sancti prophetae viderunt: qui fide il-
 luminati, de virgine me nasciturum
 15 praedixerunt. Nam cordis oculus hic re-
 quiritur, et talis oculus me intuetur; sed corporis oculus non est hic necessarius: qui plerumque nocivus invenitur. Qui enim credit in me: videt me. Et qui
 20 diligit me: habet me. Ergo credendo videbis me: et amando habebis me. Vide nunc diligenter et considera: et con-
 solabitur anima tua. Vide humilitatem meam et paupertatem: et invenies
 25 aedificationem magnam. Vide omnia quae circa me sunt: et nulla curiosa re-
 peries. Vide quia cum essem dives et plenus: propter te factus sum pauper et egenus. Vide quia tamquam peregrinus
 30 hospitor super terram: nec in propria domo, sed in diversorio sum natus. Vide

bene haec omnia. Etiam Domine Iesu. Vnde et compatitur tibi anima mea visa egestate tua: et arguitur satis conscientia mea super impatientia et superfluitate sua. Si sic est initium tuum; qualis erit adhuc finis? Sed qui pati venisti: paupertatem et abiectiorem pro divitiis et honoribus elegisti. Vide insuper manus meas et pedes; quia ligatus sum sicut homo impotens sub matris cura manens: et 10 quasi unus ex filiis hominum plorans. Quomodo potes tu ridere; qui cogitas Deum pro te plorare? Vide faciem meam pulchram, iucundam, gratiosam: omnem valentem expellere tristitiam et turbulentiam. Noli tamen istam exteriorem tantum considerare pulchritudinem, quae a bonis et malis aequaliter potest videri; et quae ab inimicis adhuc deturpabitur: sed ad interiorem et permanentem pulchritudinem, cordis dirige visum. Vide igitur qualem caritatem ad te habui: qui pro te homo mortalis fieri volui. Vide sapientiam meam quam servavi; quia naturam sine vitio assumpsi: et poenam sine culpa 25 subivi. Vide plenitudinem gratiae quam mundo attuli: et supermirabilem lucem quam omnibus credentibus infundere concupivi. Nullus sanctorum aut hominum tantum desiderium ad incarnationem meam 30 habuit: quantum desiderium ego habui ad

incarnandum. Nam mox ut tempus praeordinatum advenit: angelo edocente et Maria consentiente, sine mora Deus homo conceptus fui. Vide ergo inaestimabilem dilectionem meam; quia pro salute et redemptione hominis totus exarsi: et nihil utile aut necessarium sibi denegare potui.

O si nunc ardentissimum cor meum
 10 videres, et saltem in modico divinum illum amorem quem ad te gero sentires; numquam ab amore et laude cessares: numquam tuum laborem vel dolorem ponderares. Vide internis fidei oculis humanam et divinam
 15 naturam in unam convenisse personam; et inseparabiliter permanere hanc excellentissimam unionem: et speculare de utraque natura quantum placet et possibile est. Nam in me absconditi sunt omnes thesauri sapientiae Dei; et praeter me non est salus cuiquam viventi: nec spes aeternae vitae morienti. Sint ergo oculi tui semper ad me, et cor tuum
 25 maneat apud me: et super omnia desiderabilia requiescas in me. Ego enim sum Dominus Deus tuus qui feci te: et naturam tuam assumpsi ut traherem te ad me. Veni secure ad me: frater
 30 tuus sum, mori etiam paratus pro te. Quid moraris? Accede festina; et di-

mitte omnia aliena abire: quae te possunt impedire. Si sic feceris invenies dilectum tuum, in quo felicissime exultabis: et omnia onerosa facilius portabis. Caveas praecipue, ne quid devium vel lubricum in cor tuum veniat, quod te laedat, aut perturbet: aut vane occupet, vel intus obscuret. Inter me et te nihil mediare debet, quod unionem impedit; aut caritatem minuit, aut libertatem diripit: aut puritatem maculat, aut cordis secretum inquietat. Et quis istud apprehendet Domine? Qui nihil sibi sufficere credit nisi summum bonum quod ego sum: a quo omne bonum in quo omnia bona in caelo et in terra in mari et in omnibus abyssis. Qui me unum solum ante omnia et super omnia quaerit, et mente semper gerit; qui despicit se propter me, et diligit me pure propter me: iste potest contemplari, et me laudare et cum Maria in Spiritu sancto exultare, nunc et in aeternum. Amen.

DE PERDITIONE ET INVENTIONE
IESV IN TEMPLO.

25

[X]

R*Emansit puer Iesus in Ierusalem:
et non cognoverunt parentes eius.*
Audisti anima fidelis, quod ante paucos

hos dies amabilis Iesus se revelavit pastoribus et regibus; et quanta laetitia tunc fuit parentibus eius: sed et tibi non modicum accrevit gaudium ex tot bonis
 5 auditis. Sed heu hodie res nimis infortunata et dolorosa accidit; quae merito corda concutit: et auditores omnes stupidos reddit. Refertur enim quod dilectus Iesus a parentibus sit perditus; et eo pro
 10 dolor tempore: cum ad templum festivitatis gratia parentes eius ascenderunt. O subita mutatio dexteræ excelsi. Nam si perditus est Iesus, quae tunc laetitia poterit esse in corde hominis? Qui enim
 15 perdidit Iesum: perdidit plusquam universum mundum. Nonne melius fuisset domi remansisse; quam Iesum in via perdidisse? Heu, qualis est haec festivitas: quam obscurat tanta calamitas. Nam nulla
 20 maior gravitas: quam ut perdita dicatur maerentium iucunditas. Nemo piorum dubitet: quin Maria in ista perditione filii sui multum contristata fuit. Nonne gaudentius in Nazareth latuisset; quam
 25 in Ierusalem hodie comparuisset? Sed voluit sancta mater sacrae legis consuetudinem observare: et perfectæ oboedientiae exemplum omnibus dare. Ideo domum ac civitatem suam reliquit: et templum
 30 Dei cum filio et Ioseph visitavit. Verum pro ostensione patientiae eius, et pro

magna utilitate nostra, Deus permisit, ut Maria filium perditum dolens quaereret, atque dum in sancto templo inventumque thesaurum laetior ferret.

Sed o boni parentes quomodo potuit evenire; ut tam dilecti permetteretis a latere vestro. Vbi erant oculi vestri; quando in Iesum defixi? Quomodo vos de negligentia tanta? Non perdidistis; quem minus caute. Sed rursum qualiter audeam quo reprehendere: quos novi sanctos et devotissimos esse modo audebat etiam bonus hic scitu vestro et absque licentia ire? Nonne videtur occasio dedisse ingentis tristitiae; cum tavit tamdiu ab oculis reverenti. An ei licuit facere omne quod quia omnia cum Deo egit? quia sic voluit: quoniam Deus arguere nemo potest. Non enim aeterna Patris sapientia aliquid agere: qui orbem terrae disponit. Bene ergo omnia fecit, praesentiam suam amicis revelare etiam quandoque ex certis causis suam dilectis occultando.

Ascendit autem Iesus ad celebritatem festi legalis, non ut secundum legem se sanctificaret: aut precibus conscientiam mundaret, qui sanctus natus erat; sed
 5 ut indulgentiam nobis impetraret: et ecclesiam frequentandam esse doceret, pro donis caelestibus adipiscendis. Intravit templum ad audiendum magistros et doctores, qui fuit omnium
 10 magister et Dominus; ut discant pueri et iuvenes a primaeva aetate litteras legere, scholas frequentare: doctrinae intendere, magistris audientiam praebere; non vagari per plateas: nec vanis lusibus
 15 occupari. Ornat namque valde iuvenilem aetatem, ardor discendi artes: quibus iuvatur intellectus ad proficiendum in scripturis divinis; quatenus hinc amplius ametur Deus quo saepius fuerit
 20 sermo Dei auditus, et per doctores clarius expositus: atque bonae memoriae libro firmitus commendatus. Dedit ergo puer Iesus exemplum pueris et senibus ad continuandum studium sapientiae salu-
 25 taris: ut nemo otio torpeat, nemo ad inania auscultet; sed pueri humiliter magistros suos audiant, diligenter quaerant: et cum omni disciplina discant. Senes vero secundum datam sibi gratiam et iuvenum
 30 capacitatem prudenter doceant: et regulas fidei a sanctis apostolis et prophetis

traditas fideliter tradant: ut Iesum in medio doctorum sedentem, omnes verbi auditores cognoscant, et in melius semper proficiant: ac Deum qui talem gratiam doctoribus contulit, devote collaudent. Et sicut doctrina et sapientia magistri ceteros praecellunt: ita vitae merito et morum disciplina omnes praeire debent. Studeant ergo docti pariter et indocti, tam sanctae humilitatis et oboedientiae exempla Iesu Christi imitari atque divinae se subdere voluntati. Exemplificavit enim utrumque in se Christus puer duodennis et doctor caelestis; dum more parvulorum magistris aurem praebuit, et reverenter caput inclinavit: atque a beatissima matre benignissime correptus, sponte mox paruit parentibus, et ivit cum illis; sicut tractabilis moribus, ita et subiectus legibus tam divinis quam humanis: prout oportuit ac decuit in agendis et dimittendis.

Vtinam Domine Iesu mihi concedas huius facti tui historiam diligentius speculari. Nam sentio mecum in spiritu frequenter actitari; quod praesens in carne semel cum matre egisti: cum ab ea perditus esses et reinventus. Heu quotiens te perdo peccatis meis exigentibus; quam tristis incedo cum fuero a gratia tua desertus: et propriae paupertati sine con-

solatione relictus. Quid mirum si tunc
doleo et graviter ingemisco, tua salutari
dulcedine orbatus; et paene omni spe
recuperandae suavitatis destitutus? O
5 quam longa mora, et molesta hora mihi
videtur, carere consolatione divina; quia
abest dilectus Iesus consolator meus: et
nescio quando iterum sit venturus. Quid
faciam; aut quo vadam ad quaerendum
10 Iesum quem diligit anima mea? Vbi est
ille modo; qui me laetificare solet gaudio
magno? Scio scio quia si se occultare
voluerit, nemo eum inveniet; nemo at-
tinget, nemo apprehendet: quia nondum
15 venit hora eius. Et si se dignatur re-
velare, statim adest in foribus; intrat
ianuis clausis: visitat domum mentis, et
manifestat se indiciis tam certis; ut
non sit opus interrogare, tu quis es: quia
20 ignis amoris cordi infusus declarat, quod
Iesus venit, et ipse fecit haec omnia. In
hoc probationis articulo, saepius contur-
bor et affligor in memet ipso: et satis ad-
miror super occulta dispensatione tua
25 Iesu dulcissime. Cur quaeso me sic pro-
bas in certamine tam saepe et improvise;
cum tamen sis totus suavis et sine amari-
tudine? Norunt experti quod dixi: ex-
perientur in brevi, quicumque cupiunt
30 esse discipuli tui. Non venit hoc ex
dolo; non de ignorantia: sed ex bono

zelo, pro occulto profectu nostro. Ideoque quod plene non capio, totum potius tuae sapientiae committo; quae nihil agit sine certa ratione: licet causa mihi sit ignota. Habeo tamen in hoc cardine rerum non modicum miseriae meae solacium: quia et dulcis domina mea Maria perdidit aliquando Iesum, et doluit valde amisisse filium; nec erat contenta redire ad domum: donec invenisset Iesum singulare gaudium suum. Quem cum non invenisset ubi aestimabat: invenit ubi non coniecurabat. Si enim scivisset eum cum tanta admiratione inter doctores sedentem; aut minus doloisset de eventu tali: aut congratulata fuisset de actu tam sollemni: in responsis sui beatissimi filii. Itaque Iesus non semper ibi invenitur ubi quaeritur: sed saepe ibi existit ubi minime putatur. Nemo ergo de se praesumat quasi Iesum solus habeat: nemo alium despiciat; quia nescit quantum quis Deo in occulto placeat: licet homines lateat, et abiectus deforis videatur. Nam et ipse Iesus tunc multis incognitus erat: et qualis ac quantus esset paucis innotescebat. Quibus voluit se prodebat; et quando voluit se abscondebatur. Nam et ipse Iesus tunc multis incognitus erat: et qualis ac quantus esset paucis innotescebat. Quibus voluit se prodebat; et quando voluit se abscondebatur. cuncta autem dispensative et utiliter faciebat. Cum ergo perdidero Iesum, non est mirum nec novum; sentio tamen id

mihi fore nocivum: et cordi meo valde
dolorosum. Me autem fateor reum, et
plagis gravibus dignum: quia non custo-
divi satis bene cor meum, sed nimis
5 tepidus et negligens incesi; ideo gratiam
Iesu perdi: et nescio quis restituet eum
mihi, nisi ipse dignetur iterum pauperis
sui misereri. Huic calamitati meae suc-
curre clementissima mater Dei; subveni
10 domina mea: adesto carissima virgo Maria
ianua vitae, misericordiae porta. Solacium
quaero, auxilium a te posco; tu melius
nosti quanti doloris sit Iesum perdidisse:
quantaeque laetitiae Iesum invenisse. Si
15 sic tibi o beatissima virgo contigit, quae
sine culpa fuisti; quid mirandum, si mihi
peccatori eius gratia pro voto non assit,
qui in tam multis offendo? Quid ergo
faciam; ut eum iterum inveniam? Si
20 enim est aliqua spes inveniendi: erit uti-
que per consilium tuum; fiet et meritis
tuis: quae propinquior es, et carior uni-
versis. Doce ergo modum recuperandi
dilectum: et comitare mecum usque dum
25 inveniam illum. Quo viso et reperto:
cantabo tecum in iubilo. Congratulamini
mihi omnes, quia invenit quem diligit
anima mea: ipse est enim quem tu pepe-
risti castissima virgo Maria.
30 Ad haec illa. Audi consilium bonum;
imitare exemplum meum: et consolabitur

anima tua. Si quando perdideris Iesum,
 noli diffidere, noli turbari nimium; noli
 pigritari, noli ab oratione cessare, noli ad
 consolationes terrenas exire; sed quaere
 secretum, plange te ipsum, et invenies
 Iesum in templo cordis: quem amisisti
 peccatis tuis, delectando in rebus vanis.
 Non enim invenitur Iesus in plateis civi-
 tatis; nec in coetu ludentium, neque in
 terra suaviter viventium: sed in congre-
 gatione iustorum, et in ecclesia sanctorum.
 Cum gemitu est quaerendus: qui per
 dissolutionem est amissus. Cum magna
 cautela est servandus: qui per incuriam
 est elapsus. Cum timore et reverentia
 est supplicandus: qui pigros detesta-
 tur et ingratos. Cum summa hu-
 militate est revocandus, qui per
 elationem est fugatus. Cum crebra et
 intenta oratione est placandus: qui propter
 evagationem mentis non audit susurran-
 tes. Cum ingenti gratiarum ac-
 tione est laudandus: qui gratiam suam
 dare est paratus. Cum ardentissimo
 amore est amplectendus: qui omnibus
 parcat, omnibus miseretur; qui gratis dona
 sua largitur: et nemini se quaerenti de-
 esse probatur. Quod si quandoque tar-
 dat: perseverantem tamen in oratione non
 relinquit; sed etiam dum nescit revisitat,
 clarius illuminat, et cautius informat:

ne umquam de se praesumat, sed
 in eo humiliter et devote confidat.
 Si igitur haec bene attendis, Iesum cito
 placabis; Iesum in Ierusalem inuenies:
 5 quia in pace factus est locus eius. Iesus
 in templo cordis tui sacra oris sui verba
 praedicabit; Iesus tecum tota die sicut
 in thalamo morabitur: Iesus docebit
 te de omnibus quae sunt salutis;
 10 cuius est utique totum quidquid est gra-
 tiae et virtutis, in angelis et hominibus:
 quidquid etiam boni relucet in creaturis.
 Iesus ergo semper invocandus est, semper
 quaerendus; semper desiderandus, sem-
 15 per memorandus, semper laudandus: sem-
 per venerandus, semper amandus, nec
 in aliquo offendendus; sed in omni
 sanctitate et puritate colendus et adoran-
 dus: qui est super omnia Deus benedictus
 20 in saecula. Amen.

DE QVATVOR MODIS VIDENDI
 IESVM SECVNDVM DEVOTIONIS
 AFFECTVM.

[XI]

25 **B** *Eati oculi: qui vident quae vos vi-*
detis. Hoc dulce verbum Domini
 Iesu Christi, saepius est ad memoriam
 reducendum; ad quem interiores oculi
 mentis in spiritu sunt sublevandi: in quem

angeli desiderant prospicere. Nam eius visio super omnia laetificat; eius fruitio omne desiderium animae implet: eius facies omnes sanctos in caelo beatificat. Sed quid facient qui adhuc peregrinantur⁵ in terra; nec valent perfrui aeternae claritatis gloria? Videbunt eum: sed non modo. Videbunt eum alonge: sed nondum prope. Vident enim eum nunc per fidem: sed necdum per speciem. Vident etiam¹⁰ nunc per speculum in aenigmate: tunc autem facie ad faciem. Vident nunc raptim: tunc autem continue. Vident nunc imperfecte et obscure: tunc autem clare et aperte. Vident nunc vere; quia¹⁵ credunt firmiter et bene: tunc autem videbunt sine velamine omnia plene. Beati ergo oculi isti qui Iesum nunc intuentur in lumine fidei: ut postea eum videant in regno suo cum angelis Dei. Horum²⁰ autem conversatio est in caelis secundum spiritum: quamvis corpore teneantur adhuc in terris.

Sed nunc dicito mihi anima devota et fidelis, quae Christum toto affectu cordis²⁵ diligis, et Christi vestigia sequi niteris; dic inquam mihi si tibi optio daretur et possibile foret: in quali forma Iesum videre velles et optares. Quid tibi magis placeret si eum videre liceret; utrum in³⁰ praesepio iacentem, an in medio docto-

rum sedentem, vel populis praedicantem,
aut etiam in cruce pendentem? Quid
horum plus affectas; quid dulcius sapit,
quid movet amplius? Nolo inquit in
5 hac parte eligere; nolo mei iuris esse,
nolo meam inclinationem sequi,
nec propriis motibus duci: sed
volo omnimode Domini mei Iesu
Christi beneplacito contentari;
10 qui novit cordis mei secreta rimari ac
invisibiliter penetrare: ut ipse sit mihi
omnia in omnibus, secundum exigentiam
meae fragilitatis. Quod sibi magis pla-
cuerit hoc libere agat; qualem se voluerit
15 demonstrare, talem se mihi exhibeat: gra-
tum enim erit omne quod fecerit. Totus
est mihi in singulis cum recte attendo;
nec ulla varietas formae vel aetatis mu-
tabit fidem veritatis: quia indivisus est
20 Christus, in omnibus his modis vere
adorandus. Sentio enim mihi fore tutis-
simum: eius arbitrio sine meo volito stan-
dum. Habeo tamen desiderium incessa-
biliter fervidum: ad ipsum amabiliter
25 intuendum. Magnum utique et pretiosum
gratiae donativum: si vel unum istorum
quae petivi concesserit mihi speculandum.
In his praeaccepto suum velle et nolle:
ut fiat mihi secundum verbum suum, in
30 omni re desiderabili vel contristabili abs-
que delicto. Tantum velit et se ipsum

mihi indicet; non causabor de qualitate formae humanae: dummodo liceat illum cernere in Deitate. Sed quia hoc genus speculandi, altissimum est et beatorum; contentabor interim omnium fidelium⁵ more, si Iesum videre merear in humanitatis effigie: prout interdum aliquibus devotis se revelavit in secreta visione. Itaque si se parvulum in cunabulo iacentem exhibuerit; adorabo prorsus Deum puerum¹⁰ in carne pro me exinanitum; laudabo et gratulabor de tantae pietatis ac parvitat¹⁵is suae munere a saeculo inaudito: omni dulcedine et gaudio pleno. Quem enim non delectaret, tam gratiosum videre¹⁵ infantulum angelicis laudibus celebratum; tam sanctum amplecti puerulum ab omni contagio purum: a sanctis pastoribus visitatum, a nobilissimis magis venerabiliter adoratum. Ecce hoc sapit dulcius, et afficit²⁰ tenerius; hoc informat carius primordia mea prae ceteris actibus eius et signis: quibus claruit in mundo verus Deus et homo, vagiens in praesepio parvo. Ad huiusmodi conspectum requiritur ocu-²⁵lus mundus, mens humilis, fides firma, conscientia pura; ut videatur Deus gloriae in fragili carne: et in forma servi, Creator caeli et terrae.

Quid autem in medio doctorum audiens³⁰ illos, et ad quaesita respondens aeterna

sapientia Patris? Certe intueri libet pulcherrimum adolescentulum duodecim annorum aetatem habentem, omni honestate morum florentem; a planta pedis
 5 usque ad verticem nulla macula fuscum: qui iam perfecte loqui potest, et responsa dare, et ingenuae probitatis indicia declarare; ita ut cunctorum oculi prae admiratione subita in eum essent defixi:
 10 et omnes cuperent eius praesentia ac dulcibus colloquiis recreari. Idcirco et ego aliquantulum curiosius in faciem Christi Iesu affecto intendere: et quae aedificationis sunt ex eius ore verba prudentiae
 15 notare. Ecce sedet in medio doctorum, puer Iesus Dominus angelorum. Audit magistros in terris, qui docet angelos in caelis. Interrogat seniores: ut discant omnes iuniores coram maioribus
 20 tacere et revereri. Habet se valde modeste; sedet quiete, tacet verecunde: cum interrogatur respondet discrete; nil levitatis gerit actu vel sermone: et inter sapientes, perfectae maturitatis imaginem
 25 in annis pueritiae repraesentat. Si quis totam Ierusalem perlustrasset; putas talem puerum, tam decorum et sapientem invenire potuisset? Minime. Sed neque in omnibus finibus Israel talis: etiam si
 30 Salomon et omnes filii regum affuissent. Vere non est similis ei neque in caelo

neque in terra: neque in cunctis legislatoribus et magistris. Quapropter non erat mirum, si Maria doluit multum: cum perdidisset tam dilectum filium prae filiis hominum decoratum. Facies namque eius 5 mira iucunditate serena; oculi clari, labia pura: eloquium dulce, responsio sapientia plena. Dum tacet aedificat; cum respondet instruit: virtutis est omne quod agit et dicit. Si tam dulces fructus emittit in 10 flore; quantos producet in messis ubertate?

O quam delectabile est amanti animae contemplari Iesum Nazarenum virum approbatum a Deo, signis et prodigiis coruscantem in populo: ac verba vitae super 15 mel et favum dulciora discipulis praedicantem. Si mihi uno tantum die datum esset cum Domino meo conversari in mundo, felicem me putarem: nec umquam huius diei oblivisci deberem, propter emi- 20 nentem doctrinam et humilem conversationem filii Dei cum filiis hominum; qui nullum pauperem vel debilem vitavit: sed etiam cum publicanis et peccatoribus manducare solebat. Heu quantum delirat: 25 qui ab hoc sanctissimo exemplari in mundo accenso, vel ad momentum breve, cordis oculum deflectit. Aestimandum est quod diu indoctus et insipiens manebit, qui vitam suam ad hu- 30 militatem humilis Dei non con-

format. Optime sensit et scripsit magnus Paulus a Deo illuminatus dicens. Mihi Christus vivere est: et mori lucrum. Igitur ad Dominum meum Iesum
 5 Christum oculi mei semper: quoniam ipse est regula mea et sapientia mea. Nam perfectio omnium virtutum relucet in eo tamquam in speculo mundo; nec potes taliquid melius et perfectius in omni libro
 10 et scientia inveniri et sciri et contemplari: quam in hoc libro vitae, et lumine vero omnem hominem illuminante, et praecipue pauperem spiritu in amorem sui transferente.
 15 Super omnia autem pretiosa ungenta flagrat passio Domini mei Iesu Christi: continens in brevi summa omnium gratiarum apothecam. Ideo summe delectat videre Iesum pendentem in cruce, atque
 20 sacrosancta corporis sui vulnera mihi demonstrantem; dolore quidem livida, sed amore fulgida, prae omnibus gestis eius compunctiva: ut praeter Iesum Christum et hunc crucifixum, nil libeat menti meae
 25 cogitare, nec legere, nec loqui, neque audire. Haec faciat mihi Deus et haec addat, qui misericordiam peccatoribus non negat, et devotorum affectibus pie adest et favet; ut numquam a memoria mea sacra-
 30 tissima passio Domini mei Iesu Christi recedat: sed dolor et amor amantis-

simi Crucifixi, cor meum penetrent et vulnerent, ac firmissime uniant et accendant; ut totus mundus mihi vilescat, et Iesus crucifixus solus super omnia sapiat: atque ad intima passionis suae secreta ⁵ secretius me et frequentissime introducat.

Potest et aliis multis modis pro desiderio amantis animae dilectus Iesus se mirabiliter revelare: et de sanctissima vita sua et pretiosa morte ac resurrectionis ¹⁰ gloria plenius informare; ut quae sacra evangelia docent et pandunt verbis exterius: adveniente spiritu Iesu spiritaliter et sagaciter ipse aperiat intus sine strepitu verborum, cum multa illuminatione ¹⁵ summae veritatis, ad capiendum etiam gloriam Deitatis; prout potiri conceditur purgatis mentibus quandoque per excessum spiritus, pro consolatione humanae fragilitatis: secundum quod ipse ²⁰ benedictus Iesus promisit dicens. Ego sum ostium; per me si quis introierit salvabitur: et ingredietur et egredietur, et pascua inveniet. Amen.

DE SACRA INSTITVTIONE IEIVNII ²⁵ SECVNDVM FORMAM IESV CHRISTI.

[XII]

E*Cce nunc tempus acceptabile: ecce nunc dies salutis.* Advenit sanctum quadragesimae tempus salubriter ab ³⁰

ecclesia institutum: omnibus Christi fidelibus maxime autem religiosis devote suscipiendum. Praepara ergo te serve Dei in hoc tempore ad emendatius vivendum,
 5 ad strictius ieiunandum, ad frequentius orandum, ad diligentius psallendum; quatenus et in die Dominicae resurrectionis tanto amplius cum Domino merearis gaudere: quanto nunc abstinenter vixeris.
 10 Suscipe laetanter crucem Domini: quam sponte pro te Salvator mundi suscepit. Nam crux est omnis afflictio carnis et quaelibet mortificatio sensualitatis; quae semper edomari debet: ne adversus spiritum
 15 praevaleat. Hanc crucem levem ac dulcem facit amor et gratia Christi: qui suo et suorum exemplo sanctorum, formam tradidit abstinendi. Ne ergo timeas homo fragilis: nec ad ieiunandum pusillan
 20 imis existas. Christus in causa est: Christus exemplum dedit; Christus etiam ad perficiendum bene iuvabit: qui tam sacras observantias instituit. Nam pro te est quod agis: pro tua salute laboras
 25 cum ieiunas. Quid trepidas caro et sanguis? Habuerunt etiam carnem et sanguinem sancti homines priores: multis temporibus in abstinencia viventes. Si non esset afflictivum corpori, nec onerosum naturae;
 30 quomodo diceretur et esset tempus paenitentiae? Paenitentiam

ergo agere debes in hoc brevi spatio quadagesimae ad redimendas negligentias vitae praeteritae; et pro Deo animam tuam affligere in recompensationem divinae iustitiae: in vigiliis, in ieiuniis, in orationibus, et laboribus, in silentio et custodia cellae; nec non in aliis observantiis sacris secundum morem ecclesiae: quae macerationi carnis amplius nunc insistit. Nam ubique vigilias nunc protrahit; tantum multiplicat, preces prolongat, genuflectit saepius, inclinat profundius: celebrat ferventius, adorat reverentius, ieiunat prolixius, legit studiosius, praedicat instantius; gravitatem assumit, pietatem exhibet, honestatem servat, disciplinam custodit: et omnem observantiam sanctitatis adauget. Omnis enim anima quae non fuerit afflicta die hoc, peribit de populo suo; quia non est digna in sanctorum coetu computari: quae noluerit sanctorum vitam per abstinentiam imitari. Nunc tota antiqua vita in melius est commutanda, et dignis castigationibus caro refrenanda: quatenus resurrectionis tempore refloreat in novitate vitae. Redimendi sunt dies negligentiae nostrae: et exigendum aliquid amplius in fervore spiritus pro afflictione carnis. Nam spiritus est qui vivificat: caro non prodest quitquam, id est delectatio carnis. Iacta

itaque cogitatum tuum in Domino: et ipse
 te enutriet magis verbo quam ferculo.
 Non in solo pane inquit vivit homo: sed
 in omni verbo quod procedit de ore Dei.
 5 Timor quem sentis amor tui ipsius est:
 plus pavens quam oportet. Saepe magis
 affligit timor nimius, et sollicitudo cordis
 pro defectu corporis: quam praesens ipsa
 fatigatio laboris. Si aliquantulum laborio-
 10 sum non esset; quid tunc magni esset?
 Vivere secundum commodum naturae:
 non est vita paenitentiae. Ferventi vero
 spiritui et viriliter agere cupienti: modic-
 um videtur totum quod agit. Appetit
 15 enim non solum superflua et noxia re-
 secare: sed a multis etiam licitis absti-
 nere. Sit ergo animus fortis, et volun-
 tas prompta ad ieiunandum: habes enim
 multa exempla tecum pariter ieiunantium.
 20 Propone nunc unum diem, et cras alterum
 devotius adiunge: sicque in Dei nomine
 reliquos consummabis. Nonne pro regno
 Dei et amore Christi, totum leve ac breve
 ducendum tam sanctum ieiunium? Non
 25 est declinandi locus; et multum inde sol-
 licitari quid importat? Sufficiat unicui-
 que diei sollicitudo sua ut non duplices
 tibi mala: magis autem te praepara ad
 subeundum artiora. Quanto promptior
 30 fueris, tanto levius tibi facis: et Deo erit
 magis acceptum. Forte ultimum erit ieiun-

nium tuum in hac vita: et magnum gaudium dabit bene consummatum. Quanti anno praeterito ieiunaverunt: qui modo ex hoc mundo migraverunt. Gratum omnino Deo erit: si sponte et hilariter fiat,⁵ quod tamen fieri ex necessitate oportet.

Igitur abiecto timore carnali: viriliter et alacriter aggredere ieiunium salutare. Ambula in spiritu libertatis: et sollicitudo non occupabit carnis. Intuere diligenter¹⁰ exempla sanctorum prophetarum Moysis et Eliae et Danielis: quorum mira fuit abstinencia victus, et amica solitudo multis temporibus. Attende et beatissimum Iohannem Baptistam optimae conversa-¹⁵ tionis puerum, quem Spiritus sanctus ex utero matris replevit; ducens illum in tenera aetate ad eremum: ubi in magna abstinencia et austeritate vitae solitarie diu vixit. Deinde Dominum nostrum²⁰ Iesum Christum prae cunctis sanctis intueri, ac pro singulari exemplo abstinentiae tibi antepone; qualiter ipse Sanctus sanctorum Rex regum et Conditor saeculorum, Sacrator et Institutor omnium²⁵ temporum, ieiunium quadraginta dierum totidemque noctium nihil interim manducando peregit: suo sanctissimo te docens exemplo ieiunare, et contra diaboli temptationes fortiter certare. Quid enim non³⁰ tolerabile, quid non amabile illius fieret

exemplo? Qui utique magis pro te, quam pro se creditur ieiunasse. Et non tantum ieiunium eius considera: sed longam etiam solitudinem eius studeas, tibi in
 5 exemplum trahere; quomodo secrete in deserto latuit, cum bestiis mansuetissime vixit, et a diabolo tripliciter temptatus sit: praebens formam solitariae vitae, fugam mundi, vitationem tumultuum; frequen-
 10 tiam orandi, aptitudinem contemplandi: vacationem Dei, inclusionem et custodiam tui.

O si aliquanto illic tempore cum Domino Iesu stetisses, ab omni humano
 15 consortio separatus; nonne tibi praedulce fuisset nil manducasse illis diebus? O quam felix fuisses si cum filio Dei eremitare potuisses: et illius consortio perfrui, cui deserviebant angeli. Vbi putas
 20 erat domuncula eius, aut spelunca protegens illum; vel qualis matta substrata corpori eius? In terra sedet, in terra dormit et quiescit: qui caelum terramque regit. Aspice nunc sedentem, nunc stan-
 25 tem: nunc genua sua in oratione flectentem ad Deum Patrem suum omnipotentem. Associare igitur ei devotionis gratia: et libenter esto solus cum solo, habendo Iesum tantum pro solacio; quia melior
 30 est tibi solus Iesus pro socio: quam totus angelorum chorus in caelo. Revera

numquam est solus, nec totus derelictus: cum quo dulcissimus est Iesus. Nam sine Iesu: totus mundus taedium est et onus. Disce ab illo quam patiens sit et mitis in hac vasta solitudine; quam lucidum⁵ iter pandit religiosi ad locum secretum: ostendens prius Deo et sibi fore vacandum, antequam in publicum sit procedendum.

Interroga tamen ab eo huius vitae cau-¹⁰ sam et dic. Quid hic agis Domine Iesu? Quare homines fugis; qui ab hominibus impediri nescis? Quid turbas devitas; qui a nullo turbari vales? Vt quid etiam tam districte ieiunas, et sanctam carnem tuam¹⁵ sic castigas; cum in te nihil sit, quod refrinari debeat? An propter nos et nostram salutem ista facis? Revera ita est. Propter electos meos omnia facio et patior: ut et ipsi salutem consequantur. Veni²⁰ enim dare omnibus exemplum vivendi: demonstrans in memet ipso qua via quanto labore, quo etiam fructu perveniatur ad regnum mecum sine fine gaudendi.

Sed obsecro te Domine noli me de-²⁵ serere in deserto huius saeculi; sed esto mihi nubes per diem in umbraculum ab aestu temptationum: et columna ignis per noctem ad depellendam mentis caliginem. Praecedat me Dominus meus,³⁰ aut angelus eius semper; inducatque in

terram lacte et melle manantem: hoc
 est ad internam gustandam suavitatem.
 Ego inquit faciam petitionem tuam: si
 tu meam fueris secutus conversationem.
 5 Ostendi paenitentiae viam: per quam itur
 ad aeternam gloriam. Sequere me per
 laborem et tribulationem: si vis habere
 requiem et consolationem. Ieiunavi esu-
 rivi, temptatus sum et restiti: contemps-
 10 mundum et gloriam eius, vici diabolum
 et consilium eius; ut et tu meo exemplo
 discas ieiunare, vigilare, et orare, mun-
 dum contemnere, diabolo resistere, car-
 nem subiugare: et usque ad mortem in
 15 oboedientia perseverare. Si ego pro sa-
 lute tua tantum laboravi, et tantam abs-
 tinentiam peregi, qui sine peccato fui
 et vixi; quanto magis tu qui in peccato
 natus es, et peccati fomitem adhuc habes,
 20 carnem tuam debes macerare, et omnem
 peccandi occasionem amputare? Stude
 igitur pro modulo tuo iniunctam explere
 ieiunii regulam: plus execrando ventris
 concupiscentiam quam naturae necessi-
 25 tatem. Ego libenter spontaneam obla-
 tionem tuam suscipiam; et licet modicum
 sit quod agis, humilis tamen et munda
 oblatio mihi semper grata existit.



DE FERVENTIORI EMENDATIONE
NVNC ASSVMENDA.

[XIII]

A*dvenerunt nobis dies paenitentiae:*
*ad redimenda peccata et salvandas*⁵
animas. Benedictus Deus qui contulit
nobis tempus et formam ad faciendam
aliquam pro peccatis paenitentiam. Sic
enim meremur eius misericordiam: nec
non gratiam uberiores atque gloriam.¹⁰
O sacrum paenitentiae tempus, datum
in salutem omnibus hominibus; finem
indicens vitiis, parans virtutibus iter,
compunctionem ingerens, devotionem
nutriens: torporem exuens, fervorem re-¹⁵
novans, et ad omne bonum incitans. O
fervor devotionis, o desiderium emenda-
tionis, iam nunc ostende virtutem tuam:
appareatque in opere, quod prius con-
cepisti in mente. Vtinam modo vel unum²⁰
vitium perfecte superes: aut aliquam ma-
lam consuetudinem dediskas. O si vel
unum gradum virtutis iam ascendas: aut
aliquam specialem gratiam a Domino
apprehendas. Si modo non laboraveris²⁵
pro profectu; quando tunc proficies, et
quando emendabis te in aliquo defectu?
Raro namque alio tempore religiosus de-
monstratur: quisquis hoc tempore religio-
sior non invenitur. Alio tempore cavere³⁰

illicita laudabile est: modo non continere
 a licitis vituperabile. Sanctum tempus
 sanctam conversationem requirit: et multa
 milia exempla fidelium ad imitandum
 5 magis accendunt. Si omnem christianum
 decet nunc sanctius vivere; quanto magis
 religiosum, qui debet aliis exempla sanc-
 titatis et abstinenciae praebere? Assu-
 menda est ergo nova devotio, et maior
 10 sensibus adhibenda custodia: ac totius
 hominis interioris et exterioris perfecta
 emendatio sectanda. Sit mens devota,
 oratio pura; frequens meditatio, intenta
 lectio, sermo rarus et utilis, solitudo grata
 15 et stabilis: labor in manibus, pietas in
 intentione, Christus semper in corde.
 Vigilandum enim nunc est sollicitius con-
 tra inimici insidias: qui acrius solet iam
 devotos impetere et temptare; si forte
 20 tepidos eos reddat, aut impatientes: ut
 fiat labor eorum inutilis, aut paenitentia
 gravis, et chorus taediosus. Nec mirum
 si nos temptare audeat: qui Christum
 Dominum temptare non timuit. Sed mi-
 25 ser ille victus est et confusus abscessit;
 ut nobis spes vincendi daretur: et ne
 diabolus timeremus qui nobiscum Chri-
 stum victorem habemus. Viriliter igitur
 resistamus: et constantes in omnibus ad-
 30 versitatibus maneamus. Sine causa uti-
 que tam crebro in ecclesia non canitur:


commendemus nosmet ipsos in multa patientia per arma iustitiae virtutis Dei. Est nunc valde necessaria patientia; quia multa occurrunt naturae contraria: quae bene portari nequeunt sine interna gratia. 5 Alius tamen hoc, alius illud amplius ponderat: secundum quod suae naturae aut consuetudini magis adversari sentit. Ideoque beatus et sapiens: qui iam virilis est, et patientia praemunitus. Nam optimum 10 remedium est non cedere timori, nec terga adversario dare: sed viriliter agere, et libenter etiam velle artiora pro Domino subire. Sic enim fecerunt sancti viri gloriosi patres nostri divino amore accensi, 15 qui haec instituerunt: et nobis similiter agenda reliquerunt. Denique Christus Iesus Dominus noster gravia crucis supplicia subiit: et patientiam suam nobis in consolationem et perpetuam imitatio- 20 nem praemonstravit. Quisquis igitur devotius se modo in cunctis gesserit: non dubium quin iucundius sanctum pascha suscipiet. Quicumque nunc abstinentior et sollicitior ad profectum interiorem 25 fuerit: laetior utique Domino resurgente cum ipso iubilabit.

O Iesu bone dulcis hospes et amice fidelis; adesto desideriis et gemitibus meis: conforta me pusillum in hoc sacro 30 ieiunio a te legitime consecrato. Da ro-

bur mentis et gratiam internae pingue-
dinis: ut haec corporalis ieiunatio, pec-
catorum meorum fiat expurgatio. Da sic
ab escis corporalibus abstinere: ut ab
5 omnibus vitiis et passionibus ieiunem in
mente. Custodi me a callido inimico;
qui omni modo nititur conceptum pro-
positum impedire: et a sancto fervore
retardare. Da dexteram tuam Iesu bone;
10 ut sine taedio, sine elatione, sine distrac-
tione cordis in conspectu tuo his sacris
diebus in choro psallam: ac tota fide-
litate decimam dierum meorum devotus
tibi offeram. Amen.

15 DE ASCENSU MOYSI IN MONTEM
SINAI.

[XIII]

 *scendit Moyses in montem: et fuit*
ibi quadraginta diebus et quadra-
20 *ginta noctibus.* Quid putas sanctus iste
homo ibi egit cum Domino? Quis in-
dicabit mihi secretum istud? O si inter-
fuissem: ut Moysen loquentem cum Do-
mino audire meruissem. Nam Moyses
25 loquebatur: et Dominus respondebat.
Fruebatur ergo ibi solus colloquiis di-
vinis: longe abstractus ab hominum con-
sortiis. Ibi legem decalogi suscepit: ibi
secreta Dei et multa mysteria fidei no-

strae perspexit. Didicit ibi in abscondito: quae postmodum docturus erat in populo. Ibi instructus est de factura tabernaculi: de ritu sacrificii, de ordine sacerdotali. Ibi in spiritu cognovit et intellexit, quid ista exteriora et visibilia instituta significabant: et quid de futuris mystice praenuntiabant. Ibi ab omnibus mundialibus curis liber, vacabat et videbat quam suavis est Dominus: quam beatus vir qui¹⁰ requiescit in monte sancto eius. Ibi nullum taedium corporis passus: pane vitae et intellectus est refectus. Ibi in silentio venas divini susurri suscepit: et spiritu sapientiae impleri meruit. Vnde ex longa¹⁵ cohabitatione et frequenti colloctione cum Domino in monte, illud mirabile ei accidit: ut splendida facies eius ex intuitu Dei fieret, et cornuta inspicientibus videretur; ita ut non possent filii Israel²⁰ in eum intendere, sed territi abscederent, donec ille velamen sibi superimponeret: ac sic inspicientibus claritatem sui vultus temperaret. O virum Dei gloriosum et inclitum: lumine divinae claritatis intus²⁵ et foris perfusum et penetratum. Sic etiam quidam devoti amatores Christi quando sunt in secreta contemplatione cum Domino, nonnumquam in novae vitae claritatem transformantur; et tantam³⁰ secum gratiae copiam reportant, ut

ceteris admirationi sint et timori: propter zelum fervoris et affluentiam doctrinae caelestis quam producunt. Sed ne nimium importabiles videantur infirmis, 5 prudenter gratiam supernae visitationis contegunt; solum quae prodesse possunt et melius comprehendere humiliter dicunt: quae autem obscura sunt et alta clauso pectore servant; soli Deo et sibi 10 haec cognita esse cupiunt: cui et gratias maximas ex intimo referunt.

O si posses et tu cum sancto Moyse in montem virtutum ascendere, et nunc in hoc sancto tempore aliquantulum ibi- 15 dem cum Domino moram trahere: ad audiendam vocem Dei loquentis de medio nubis et caliginis; forsitan et tibi donaretur aliqua specialis divinae agnitionis gratia et illustratio mentis: qua 20 inebriatus et impletus cuncta terrena neglegeres, et supercaelestia tantum amares; ita ut de esu corporali modicum pensares, sed potius experimentaliter in te gustares, quam verus sit ille sermo Moysi 25 dicentis: quia non in solo pane vivit homo, sed in omni verbo quod procedit de ore Dei.


Sed quid est quod solus Moyses iubetur ascendere, et pauci cum eo seniorum Israel? Nimirum paucitas perfectorum, 30 et altitudo vitae contemplativae in hoc exprimitur: quoniam maxima multitudo

hominum circa terrena et sensibilia magis amat conversari. Nullus tamen verticem montis ascendit, nec medium caliginis in qua Deus erat intravit: nisi solus Moyses speciali gratia a Domino vocatus, et ad se introire iussus, cui dicitur. Ascende ad me in montem: et esto ibi. Vocatur per gratiam, ascendit per oboedientiam: manet per stabilem perseverantiam. Non expedit ascendere, nisi praeveniente gratia, quae mentem ab omni infima delectatione levet; et tunc oportet tractum gratiae sequi usque ad fruibilem unionem Dei, et ibi ab omni consideratione quiescere; donec iterum Domino praecipiente ad caritatis opera descendatur. Nam et ipse Moyses post diutinam cum Domino habitationem, propter populi instructionem iubetur descendere, cui per pastorem praeerat sollicitudinem; ut ostendatur quia omnis qui sublimiter ac suaviter Deo vacat: post expertam suavitatem utiliter ac humiliter ad pia rursus opera redire debet. Et sic ascendendo ac descendendo profectum semper inveniet; ita ut numquam otiose resideat: sed aut intus Deo, aut exterius utilitati proximorum intendat. Descende inquit Dominus: peccavit populus tuus. Devotio apud Deum eum tenebat: periculum populi redire ad externa coge-
bat. Ascendit per

contemplationem: descendit iterum per
 compassionem. Caritas Dei sursum tra-
 hebat: caritas proximi deorsum revoca-
 bat. In monte tantummodo caelestia co-
 5 gitabat: inferius lites et contentiones
 compescebat. Ibi Dominum clare cerne-
 bat: hic raro a tumultu populi liber erat.
 Ibi supra se in spiritu rapiebatur: hic
 magno taedio saepius propter eos vexa-
 10 batur. Ibi spiritualibus delectabatur: hic
 a carnalibus gravabatur. Ibi divinas re-
 velationes suscipiebat: hic inferius mur-
 murationes frequenter audiebat. Ibi de-
 votus et quietus erat: hic mitis et patiens
 15 esse studebat. O quam bonum et iucun-
 dum est esse cum Domino in monte: et
 de nullis forinsecis rebus curam habere.
 O quam miser et miserabilis ille status,
 rumoribus saeculi interesse: et trans-
 20 itoriis occupationibus implicari. Felix
 mens quam nulla actio saecularis re-
 tinet, nec ulla affectio carnis inclinatur:
 sed semper pura intentio ad Deum
 sine tardatione levatur.

25 DE VERBIS IESV, ET MVNDITIA
 CORDIS.

[XV]

 *Verba quae ego locutus sum vobis:*
spiritus et vita sunt. Si sacra Iesu
 30 *verba capere desideras, ad interiora te*

converte: et disce in spiritu ambulare.
 In Iesu enim verbis vivitur: et in talibus
 vita spiritus tui. Est siquidem Iesus
 ignorantiae lumen: et unicum doloris
 solamen. Audi ergo verbum quod egre-
 ditur de ore Dei: et de labiis benedicti
 Iesu. Ait namque mundissimus Iesus.
 Beati mundo corde: quoniam ipsi Deum
 videbunt. Altum verbum: quia ab Altis-
 simo prolatum. Magna promissio: sed ¹⁰
 a summa veritate firmata. Beati mundo
 corde. O dulce dictum: quod merito
 invitat animum ad beatitudinis promis-
 sum; nam Deus est praemium: et nihil
 hic sonat terrenum. Si placet beatitudo ¹⁵
 promissa; placeat et cordis munditia: ut
 videas Deum deorum in Sion. Ad cor
 mundandum tota vigilet intentio: et cre-
 bra fervescat oratio. Habet enim cor
 serenum: infinitum bonum sibi promis-
 sum. Sperne igitur mundum: et optine-
 bis caelum. Relinque creaturas: et in-
 venies Creatorem. Desine temporalia:
 et dabuntur tibi sempiterna. Non pos-
 sunt simili lance pensari caelum et terra: ²⁵
 nec potest pariter frui Deus cum crea-
 tura. Qui creatis rebus innititur: Deo
 vacare impeditur. Mundus a mundanis,
 et liber a passionibus: caelesti visione
 fit dignus. Quanto enim quis mundior: ³⁰
 tanto Deo gratior. Deus lux est: et lu-

cidos amat. Deus puritas est: et im-
 puros reprobat. Fragilis est amor mundi;
 insatiabilis usus omnium rerum: quod
 autem manet in aeternum, hoc animae
 5 verum bonum. Crescit amor summi boni:
 omni re mundana contempta. Orietur
 tibi gaudium intrinsecus: si fortiter vitiis
 reluctaris. Dumque foris nil transitorium
 appetis: splendor lucis aeternae clarius
 10 infulget. Sancto viro gravis est naturae
 necessitas: carnis vero voluptas casto
 cordi infernalis calamitas. Nihil enim
 aliud pariunt carnales illecebrae: quam
 incendia aeternae gehennae. Det Deus
 15 haec praecavere: et angelicae puritatis
 dignitatem servare. Iuvant maxime ad
 cordis munditiam, perfectus contemptus
 saeculi; abnegatio sui propter amorem
 Christi: et frequens meditatio verbi in-
 20 carnati. Munda itaque speculum cordis:
 si Deum intueri concupiscis. Delecta-
 bilissimum est veritatem atque aeternam
 sapientiam speculari. Ad statum purioris
 vitae: perducit interioris hominis refor-
 25 matio sana. Seducit autem et confundit
 mentem: curiosa sectatio sensibilium.
 Trahat te avide ad interna gustanda, opta-
 bilis mentis tranquillitas: qua suaviter
 fruuntur qui in puritate vitam agunt. Si
 30 huius puritatis gestis habere delicias;
 cave turbationes: atque turbationum re-

seca materias. Nil altum, nil delicatum, nil curiosum, nil transitorium concupiscas: et maximas inquietudines amputasti. Siquidem ab omni temporalitate remotus: liber pergit ad Deum. Qui 5 enim a nullo tenetur: caelum facile conscendit dum orat. Nec mundi moles, nec carnis mollities: hunc retardare potest. Penetrat et aereas potestates securus: purae conscientiae custos. Multum de- 10 sideranda est haec cordis puritas: quae Deum et angelos sibi facit amicos. Pro hac beatitudinis gratia luctandum fortiter; orandum frequenter: operandum non segniter. Beatitudo munditiae in humili- 15 tatis valle fundatur; precibus acquiritur: fletibus enutritur. O quam gratiosa et decora est haec virtus, quae omnes passionem transcendit: et impassibili Deo optat uniri. Puritati namque cedit omne 20 nefandum: subest illi omne creatum. Agit enim cum Deo integre et sincere; ideo vinci non novit: sed in omnipotente omnia excedit. Famulantur huic superiora: et infima cooperantur ad bonum. Hanc 25 fugiunt daemones; hanc zelant angeli: verentur carnales, amplectuntur spirituales. Sanctus David post humilem peccatorum confessionem: petit sibi cordis praestari munditiam dicens. Cor mun- 30 dum crea in me Deus. Deflet delicta

peracta, arguit se insipienter egisse: precatur carnis exuri lapsus: ut possit in conspectu Dei iterum mundus inveniri, et salutari laetitia repleri: nec umquam
 5 ad illicita gesta devolvi. Haec cordis munditia scala est rectissima, clarissima firmissima, attingens cacumen caeli, et perveniens ad intuitum gloriae Dei: gloria haec est omnibus sanctis eius.

10 O pulcherrime Iesu auctor omnis puritatis qui mundis corde aeterna promisisti gaudia; da mihi hanc electam et pretiosam virtutem gemmis et auro clariorem perpetue possidere: ut omni peccati conta-
 15 gione remota, libera mente in fragili carne tibi grate deserviam; et quidquid puritatem impedire potest funditus abiciam: totisque desideriis tibi niter adhaerere, quamdiu inter mundi turbines vivo mi-
 20 sellus; donec me iubeas aspectibus tuis assisti: tuncque secundum magnam misericordiam tuam propitius mihi esse digneris.

DE AMORE IESV ET ABNEGATIONE SVI.

[XVI]

25




Qui amat animam suam: perdet eam.
 Haec loquitur amantissimus Iesus: volens te separare a mundi curis et illecebris. Ecce amor et perditio. Aeternum
 30 Patris Verbum id dicit: non te fallit, sed

saluti tuae consulit. Amor mundi perditio: amor Iesu animae redemptio. Amor carnis stultitia: amor Iesu sapientia. Amor creaturae minuit Creatoris amorem: amor Creatoris dat omnibus creaturis abeundi 5 licentiam. Non enim similia sapiunt: nec merito conveniunt. Amor sui, plenus timore et angore: abnegatio sui, ineffabilis libertas. Amor sui intestinum malum: qui raro vincitur nisi Deus perfecte dili- 10 gatur. Contemptus sui salutis indicium; et qui a contemptu incipit: in amore Iesu perficietur. Amor sui cor obscurat, parit rixas, tollitque profectum. Qui autem propter Iesum se abnegat: liber fit et pa- 15 catus. Amor Iesu tutus et fortis: nescit molles et se ipsos quaerentes. Amor Iesu dat totum quod est et habet: nec quaerit nisi quod novit Deo placere. Si vis plene purgari et in spiritu clarificari: contemne 20 te ipsum et omnia propter Iesum. Omne magnum in mundo, nihilum tibi sit, omne iucundum amarescat: ut solus Deus et dulcis Iesus super omnia tibi dulcescat. Quid est in veritate amor Iesu, nisi con- 25 temptus tui ipsius et omnium propter amorem suum? Et hic est qui invenit se, et omne bonum in Deo. Salvare vis animam tuam: contemne nunc vitam praesentem. Si tenueris modo asperam viam: 30 ibis in vitam aeternam. Durus videtur

carnalibus et saecularibus sermo abnegationis, et perditionis vitae praesentis; sed
 amantibus Christum super mel et favum
 sapit dulcius: quia aeternum praeparat re-
 5 gnum, verax abnegatio sui propter Deum.
 Amor Iesu scit pati mala praesentia: et
 valet disrumpere commoda temporalia.
 Non timet vilipendi: nec affectat honores.
 Scit tacere ad iniurias: non cogitat red-
 10 dere vicem laedentibus. Amor Iesu habet
 consolationem invisibilem: expectat fruc-
 tum immarcescibilem. Ego inquit elegi
 vos de mundo, per gratiam meam vocando:
 ut eatis a vobis ipsis propriam voluntatem
 15 deserendo; et fructum caritatis afferatis
 me super omnia diligendo: et fructus
 vester maneat in aeterna beatitudine me-
 cum regnando. Fructus autem carnis mors
 est: quem vermis non moriturus sequitur
 20 et ignis aeternus. A quo nos custodiat,
 qui mundum contemnere, et carnem do-
 mare docuit: Iesus Christus amor et red-
 emptio nostra. Amen.

25 DE PAVPERTATE IESV SECTANDA,
 ET CVRA TEMPORALIVM
 ABICIENDA.

[XVII]

ulpes foveas habent, et volucres
 caeli nidos: filius autem hominis
 30 non habet ubi caput suum reclinet. Hic

sermo Iesu tibi frequenter pensandus est, et diligenter cordi inserendus: qui religiosam affectas ducere vitam. Commendat tibi Iesus sanctae paupertatis suae nobilitatem, qua regnum caeleste emitur; 5 quam et ipse in mundo pauper elegit ac strictissime servavit. Immo nullam te vult quaerere consolationem terrenam; quia nec ipse temporalem hic habuit requiem: nec materialem sibi statuit in 10 terra domum ad commorandum. Habent animalia ad latitandum latibula, et volatilia ad quiescendum nidos vel foramina; sed Iesus nulla penitus sibi erexit tabernacula: nec per interpositam personam 15 aedem procuravit aut mensam. Vixit autem ut pauper mendicus; pertransiit viam mundi velut peregrinus festinus: recessit ut hospes alienus. Non domum manufactam aeterna sapientia sibi aedificavit 20 in vicis vel urbibus, nec extra urbem conduxit in locis uberrimis; sed communi contentus amicorum diversorio, simplicitatem egenorum sectatus est in omnibus: nusquam delectatus altis tabernaculis pec- 25 catorum. Quae autem sibi sustentationis gratia dabantur, haec in communi conferebat: et alteri deferenda committebat. Nil proprium pro se habere volebat: parce autem usus est his quae naturalis 30 necessitas poscebat. Si quid forte super-

erat in donariis aut cibariis: haec pau-
peribus erogari faciebat. Proinde super-
fluum rerum curam perfectis sectatoribus
suis interdixit: infirmioribus autem fra-
tribus necessaria vitae clementi bonitate
concessit.

Suadebat aliquando ei Petrus, tria fa-
bricari tabernacula, cum in monte caelesti
visione frueretur stupidus, praesentia
10 Iesu clariori et sanctorum Moysi et Eliae
consortio delectatus: sed in hac petitione
quia minus congruentia petebat non est
exauditus; quia Christi et beatorum habi-
tatio non in terrenis tabernaculis, nec in
15 corporeis imaginibus consistit: sed in
caelestis regni mansionem felici, quae om-
nem sensum et mortalium cognitionem
excedit. Et quidem poterat fabricator
caeli et terrae Iesus fabri filius dictus,
20 facile condere domum vel templum no-
mini suo etiam absque securi et ascia:
sed caelestis magister et artifex omnium
virtutum non propter corporalia refor-
manda descendit ad ima; quoniam non
25 de lignis et lapidibus, non de bobus et
pecudibus, non de praediis et redditibus
illi cura extitit: sed de animabus curan-
dis, instruendis ac redimendis. Decla-
ravit autem potentiam suam factis potio-
30 ribus, sanitates perficiendo tactu levi aut
unico verbo; sapientiam quoque docuit

operè et sermone bono: loquens de re-
gno Dei, dissuadens saeculi gaudia peri-
tura: collegit simplices et humiles, ac
fastidiosos divites dimisit inanes.

Depone ergo et tu omnem inutilem
sollicitudinem rerum temporalium, de fu-
turis proventibus penitus te exoccupando:
iacta autem cogitatum tuum in Domino
caelestia meditando. Nec pro necessariis
vitae avare labores: ut abundes in po-
sterum. Permitte et alios pro se labo-
rare: ut habeant unde vivant. Potius
labora pro anima tua, et pro gratia ac-
quirenda: quam ut caro bene pascatur,
vermibus corrodenda. Vide ne nimium
pro temporalibus desudes: et in spiri-
tualibus exercitiis te neglegas. Bonum
est quaerere commune bonum: sed spiri-
tale magis quam terrenum. Bonum est
in sudore vultus edere panem: sed noli
oblivisci panis caelestis. Vtere labore
tuo in diebus vanitatis tuae ait Sapiens:
ne forte homini otioso et ingrato omnia
dimittas. Non vales tu solus omnes po-
steros ditare: nec cuncta damna prae-
cavere. Stude potius post te relinquere
exemplum virtutis: quam sufficientiam
terreni census. Quid scis an expediat
tibi et aliis amplius habere? Noli in-
tuta desiderare. Nam desiderio numquam
satis erit: nec extinguitur cupido pretio

rerum. Tu paupertatem Christi sectare;
et modicitate naturae esto contentus: ob
amorem eius qui nec praedia nec redditus,
nec cistas nec domos habere voluit. Pro
5 dolor multi tempora sua, cassa sollici-
tudine consumunt; parum vel raro ad in-
teriora se convertunt: et valde insensi-
biles intus fiunt. Erige cor sursum: noli
cum bestiis inhaerere terrenis. Ange-
10 lorum esca nutriendus es: verbum Dei
animarum est cibus. Iste est panis vitae
quem dabit tibi Dominus Iesus: ne in de-
serto deficias. Bonus et pius Dominus
qui promisit aeterna: non negabit tem-
15 poralia. Tu quaere caelestia: et ipse abs-
que dubio adiciet necessaria quamdiu es
in hac vita.

DE FATIGATIONE IESV ETSALVTARI EIVS DOCTRINA.

20

[XVIII]

Iesus *fatigatus ex itinere: sedebat*
super fontem. Patientissimus Ie-
sus pro nobis fagitari dignatus est. Non
vehiculo non curru non equo usus est
25 dum ambularet per terram: sed in no-
mine Domini pedester incessit. Semel
legitur asinum ascendisse, et per modi-
cum spatium asinasse: magis ad exem-
plum humilitatis quam ad usum com-
30 moditatis; non ad captandum honorem:

sed ad explendum propheticum sermonem. Exemplum igitur bonum sanctis praedicatoribus et religiosis personis ostendit, ne pompaticae equitent; nec sumptuosas expensas in itinere faciant: ne saecularibus scandalum, et conventibus suis occasionem murmuris generent. Attende hic frater religiose Iesum fatigatum ex itinere: non transeuntem spatiari pro recreatione. Quod si recreari opus est, non palam nec longe abeas: ne tua evagatione alios offendas. Declina autem in partem sortis sanctorum, ubi verbum Dei audias: vel sanctitatis exempla conspicias. Male tendit recreatum: qui conscientiae perdit iucunditatem. Valde vacuus intus est et modicae devotionis: qui ad excursandum facilis invenitur. Esau vir gnarus venandi dum moratur foris in agro: privatus est iure paterno. Iacob autem homo simplex et habitans in tabernaculo dum matri humiliter oboedit, et ab evagatione pedes restrinxit: benedictionem patris mira celeritate accepit. Fallitur astutus in viis suis, spem habens in arcu et pharetra: adiutus est in opportunitatibus suis vir simplex Deo intentus, homo sine querela. Solent ad exitum et saeculi negotia pigriores existere: qui circa interiora sua diligentius curam gerunt. Desides vero

mentes cotidie defluunt: et ad impotentiam sui usu curarum, aut violentiaurbationum ducuntur. Volens ab hac evagatione sanari, et lumen cordis recuperare:
 5 strenuus sit ad custodiam: penset dierum suorum finem, et districti iudicii horam.

Disce et in hoc opere Iesu: virtutem cum discretione pariter esse servandam. Fatigari namque labore communi, caritate
 10 suadente, vel oboedientia dictante: insigne virtutis est meritique non parvi. Pausare autem tempore competenti, et corpus reficere cibo, aut animam lectione sacra instruere: utriusque hominis discretiva
 15 gubernatio est. Tolerabilis itaque fatigatio pro nomine Salvatoris, nec abhorrenda devotis: cum pro mundo fatigantur paene innumerabiles. Discretus tamen labor sit, ne corrumpat infirmum: aut ad
 20 divina reddat ineptum. Nam quod moderatum est: melius perseverat. Bene licet pro reparatione virium quandoque modicum ire sessum: et propriae fragilitatis esse memorem. Ipse enim Iesus post
 25 itineris fatigationem residebat super fontem: expectans cibum, et humiliter postulans aquae potum.

Est etiam in hoc fontis loco consideranda doctrina Iesu, utilis vitae morali.
 30 Instruit te quid agere debeas cum a labore desistis; et qualis sit recreatio ap-

petenda. Neque enim si diutius laborare nequeas, decet intendere fabulis, aut somno delectari: aut extra vagari per officinas. Sed quid? Super fontem sedeas; solacium spiritus quaeras: et dona sapientiae salutaris cum Samaritana avide petas. Scripturae sanctae fluentis intende, lectaque revolve; ut animum repares, ut torporem excutias: ut otium vites, et compunctionem novam acquiras. Sileat lingua 10 foris: ut mens pascatur interius. Non pigeat saepius orare: et de pio Iesu meditari. Disce de materialibus rebus ad interna transire: et de creaturis ad Creatoris ascendere laudem. Fecit etenim et 15 sic ipse Iesus. Nam ex occasione huius terreni fontis, et interrogatione mulieris adventantis: verbum coepit praedicare salutis, et haustum gratiae propinare caelestis. Aquam fontis illa quaesivit: sed 20 doctrinam vitae de caelesti rivo gaudens reportavit. In tantum recreata est et laetata sermone melliflui Iesu: ut oblita vasculi sui, curreret civibus nuntiare miranda opera Dei. Et hoc est signum magnae 25 adeptae gratiae; cum quis legendo orando et meditando ita compungitur: ut immemor commodi praesentis, totus fervescit in amore fontis vivi. De quo sanctus David sitibundo pectore ita psallit. Sitivit anima 30 mea ad Deum fontem vivum.

Rursum, venientibus de civitate discipulis, cum ad manducandum hortarentur Iesum: ipse oboedientiae panem qui animam Deo subiectam gratiosissime pascit, ostendit omni corporali cibo esse praeferendum. Nullus quippe potus dulcior gratia caelesti; quae lavat inquinatum, potat aridum: refrigerat temptatum. Nec sapidior ullus gustatur cibus, nec pinguior mensa amantis oculis praeponitur, quam impletio mandati caelestis: sicut ipse oboedientissimus Iesus effatur. Meus cibus est: ut faciam voluntatem eius qui misit me. Nam inquirere beneplacitum Dei in agendis, super omnia sapit amanti; et bene enutrit oboedientem discipulum: ac gaudio refovet spiritali propter oboedientiae meritum. Sic Elias deserti vasta penetrans, et apud se libere commorans, ab angelo admonitus surrexit et comedit; et dum implet verbum angeli: ambulavit in fortitudine cibi illius usque ad montem Dei. Ducit enim vera oboedientia per brevem laborem ad perfectionis culmen, et ad montem quietis aeternae: ubi plena ab omni aestu et labore refectio ac totius beatitudinis possessio, in praesentia Patris et filii eius Iesu Christi cum fruitione Spiritus sancti. Amen.



DE SCRIPTVRA IESV ET MISERICORDIA EIVS IN PECCATRICEM.

[XIX]

Iesus autem inclinans se deorsum:
 digito scribebat in terra. Amabilis
 Iesus doctor pius, magister verax, iudex
 iustus, et misericors Salvator scriptor esse
 refertur: qui non atramento, sed digito
 scribebat in terrâ. Bonus scriptor qui
 misericordiam pauperi ascripsit: et pec-
 catrici veniam indulsit. Nec contra legem
 fecit: quando legis rigorem temperavit.
 Egent enim misericordia miseri: et vere
 paenitentibus merito debet ignosci. O
 quam pulchra scriptura, et quam arti-
 ficialis iste digitus Dei: cum peccatricem
 contritione madidam, verbis lenit clemen-
 tiis; et malitiosos insidiatores pronos
 ad vindictam, duos ad misericordiam,
 sapienter convicit: ac confusione dignos
 suis vocibus ostendit dicens. Qui sine
 peccato est vestrum: primus in illam la-
 pidem mittat. Hoc contra accusatores:
 et pro liberatione paenitentis ab ore lu-
 porum. Et nunc bone Iesu quid dicis
 mulieri? Expectat rea criminis, verbum
 bonum, dic sentire tuum; submittit se
 iudicio tuo: da responsum solaciosum.
 Sicut consuevisti semper esse misericors:
 ita et nunc. Nec ego te inquit condem-

nabo. Quid clementius et copiosius ad indulgentiae largitatem? Consolare rea conscientia: audito tantae pietatis verbo. Si Deus pro te, quis stabit contra te? 5 Christus Iesus qui iustificat; quis est qui condemnet? Et quid ultra facies; quid in recompensationem delicti offeres? Paenitet te perpetrati sceleris: sed adhibenda est cautela maior futuris, antequam re-
10 cedas. Vade ait clementissimus Iesus: et iam noli peccare. Quid brevius et plenius ad absolutionem; et ad perfectae paenitentiae satisfactionem? Qui corda novit: sciebat quantam contritionem pec-
15 catrix habuit. Vsus est ergo Iesus abundantiori clementia, ne absorberetur graviore tristitia: quae publice accusata passa est magnum pro culpa sua ruborem.

Audisti clementiam Salvatoris cum
20 multa consolatione peccatorum; stude et tu culpas tuas agnoscere, et digne deflere: antequam deprehensus a nequissimis spiritibus cogaris in iudicio futuro de omnibus rationem reddere. Dic cum publi-
25 cano. Deus propitius esto mihi peccatori. Nec dubites de misericordia Redemptoris; dummodo de cetero velis ex totis viribus perpetrata cavere: et perfecte vitam emendare.

30 Considera et in hoc opere Iesu, quid egerit scribendo. Nec mireris si scribere

noverat; nec quaeras cum Iudaeis unde sciverit legere vel scribere: cum ab homine litteras non didicerit. Stulta est huiusmodi interrogatio; et mendax fabulosa confictio de schola Iesu: quoniam 5 sapientia Dei non eguit magisterio humano, qui ad illuminandum omnes filios hominum magister natus est in mundum. Cui non solum promptum fuit per se legere et scribere: sed etiam homines sine 10 litteris apostolos scilicet in omni linguarum scientia peritissimos absque verborum strepitu repente efficere. Et quid mirabile, si characteres a mortalibus inventos auctor vitae lucide agnovit; qui 15 secretissima cordium et abscondita a saeculis mysteria semper clarissime intuetur. Delectat tamen audire quia Iesus legere noverat et scripsit: ut ars scribendi ac ardor legendi sacros codices magis pla- 20 ceat. Quam artem multi sanctorum didicerunt; et ore ac manu diligentissime executi sunt dum in carne viverent: et sanctam ecclesiam scriptis suis maxime illustrarunt. Fuit ergo Iesus doctor magni- 25 ficus, praedicator optimus; scripturarum auctor et amator: exemplaris moribus, aedificativus verbis, atque mirificus signis. Placeat igitur tibi Iesum imitari legendo scribendo, et alia sanctae religionis 30 instituta servando; ut ceteros aedifices


digne Deo vivendo: qui idoneus non es
ad praedicandum. Valde bonum opus
est scribere libros quos amat Iesus: in
quibus ipse agnoscitur, legitur et prae-
dicatur. Nec dubium quin ab ipso ama-
beris et copiose remuneraberis: si dili-
genter ad honorem Dei, et utilitatem
proximorum, libros ecclesiasticos scrip-
seris. Si mercedem suam non perdet
10 qui calicem aquae frigidae sitiendi por-
rigit; quantam mercedem recipiet, qui
animae perpetuae victurae, salutaris sa-
pientiae aquam scribendo ministrat? Quot
enim litteras debite formas: tot Deo ho-
15 stias laudis offers. Meritorium est ergo
et devotum scribendis libris operam dare,
et eos in magna reverentia ac diligenti
custodia servare; quibus divinum officium
cotidie celebratur: et multiplex eruditio
20 inde seminatur.

Sunt namque libri sacri arma clerico-
rum, ornamenta ecclesiarum: divitiae ac
thesauri doctorum, tubae sacerdotum; so-
lacia religiosorum, epulae devotorum, te-
25 stamenta sanctorum: luminaria fidelium,
seminaria virtutum, organa Spiritus sancti.
Scribere ergo libros opus Deo acceptabile,
legere utile, docere commendabile: prae-
dicare salubre. Quis autem legeret, vel
30 praedicaret nisi sanctorum scripta nosset;
et nisi scriptor prius scripsisset? Bene-

dicta ergo manus scribentis: et benedicti
 digiti in tali opere occupati. Exemplo suo
 te docet Iesus digito scribens in terra:
 quatenus et tu libenter scribas Dei verba;
 quae dum alius legit, alius etiam prae-⁵
 dicat: praemium maximum de multiplici
 fructu laborum manuum tuarum conse-
 queris. Praestante Domino nostro Iesu
 Christo omnium bonorum remuneratore;
 apud quem omnes capilli capitis numerati ¹⁰
 sunt: et singulae litterae scriptae non po-
 terunt deperire. Eia feliciter amen.

DE CVSTODIA HVMILITATIS EX
 CONSIDERATIONE PROPRIAE
 FRAGILITATIS. 15

[XX]

 *Q*Uoniam feceritis omnia quae praecepta
 sunt vobis: dicite servi inutiles
 sumus. Praesens Domini Iesu sermo
 multum nos informat ad humilitatis cu-²⁰
 stodiam: et ad exclusionem omnis vanae
 gloriae et tumoris. Praecipue admonet
 altitudinis cupidos, ut propriae fragilitatis
 et neglegentiae sint memores: nec de
 operibus suis licet humano iudicio bene ²⁵
 gestis se extollant; sed Dei iudicium supra
 se metuentes, misericordiam ipsius hu-
 militer potius deprecentur: quam de suis
 meritis praesumant. Ita namque sanctus
 et humilis David, pavidus ad Deum clamat. ³⁰


Non intres in iudicium cum servo tuo: quia non iustificabitur in conspectu tuo omnis vivens. Ecce quam viliter tibi sentiendum est de te ipso; quam graviter expavescendum tibi supernum iudicium: qui longe distas a sanctitate David magni regis et prophetae. Neque tu rex, neque propheta, neque sanctus, neque electus secundum cor Dei: sicut et ille meruisti aliquando
 10 appellari. Implevit tamen ipse sermonem Domini, inutilem servum se confitendo; etiam culicem canem ac vermem se nominando: nil elatum post mirifica gesta de se ipso sentiendo. Reduc ad memoriam mala
 15 praeterita: vitia praesentia, pericula futura; et nequaquam elates senties: sed magis timebis, et vilem atque inutilem te pronuntiabis. Non indiget Deus servitio tuo, etiam si recte egeris; nec ei digne placebis: nisi te indignum et inutilem servum cognoveris. Cum feceritis inquit omnia quae praecepta sunt vobis: dicite servi inutiles sumus. Si hoc dicere debes omnibus mandatis expletis, nec ius habes
 25 in aliquo gloriandi; quam viliter et indigne sentiendum est tibi, cum in tam multis cotidie deficis et delinquis: et paene nihil ad perfectum ducis. Quando potuisti per unam diem vel horam, ita probe et
 30 custodite coram Deo et hominibus conversari; ut nihil eorum neglegeres quae

te facere oportuit et sicut decuit? Tanta est infirmitas humana: ut contagione non careant, etiam quae humano iudicio tamquam iusta laudantur. Depone ergo omnem vanam complacentiam, et arrogan-⁵tiam: atque propriae inutilitatis attende multitudinem. Discute cogitationum tuarum pravitatem et instabilitatem; et invenies te non solum inutilem ad bona: sed multis malis obnoxium, dignumque¹⁰ contumeliis et poenis. Hoc autem unicum est remedium et solacium contribulati spiritus: ut pro tam innumeris neglegentiis et maculis peccatorum, in veritate se quilibet humiliet, atque omnibus inferiorem¹⁵ se reputet et ineptum; nummo confessionis et scuto bonae voluntatis peccata praeterita et neglegentias cotidianas sollicitate redimendo: ac devotis orationibus frequenter insistendo. Igitur contra ir-²⁰ruentia vitia viriliter te oppone; quia tanto quisque in virtutibus proficit: quanto acrius sua vitia odit ac vincit. Et licet saepius temptaris et cadis; tamen iterum debes niti resurgere, et bonum propositum²⁵ cum maiore cautela arripere: et cum propheta dicere. Iuravi et statui, custodire iudicia iustitiae tuae. Quotiescumque ergo ab incepto proposito deficis, et vires perficiendi non habes; nequaquam de-³⁰speres, nec te deicias: sed in Domino

confidendo, cum omni humilitate et instantia magna clama et ora. Adiuvam et salvus ero: et meditabor in iustificationibus tuis semper.

5 DOMINICA IN PASSIONE.
DE PLANCTU SUPER PASSIONEM
DOMINI.

[XXI]

 *Vos omnes qui transitis per viam:*
10 *attendite et videte si est dolor similis sicut dolor meus. Agitur nunc memoria Dominicae passionis in sancta ecclesia: et dignum est ut filii ecclesiae suo Domino compatiantur; qui pro ipsis*
15 *mori dignatus est corporaliter: ut ipsi corpore et spiritu simul viverent aeternaliter. Non ergo ingrati sint, aut alienos se reputent; sed pie meminerint quia ipsi ecclesia et sponsa Christi sunt qui filii*
20 *dicuntur: si tamen filiali amore et unica fidei devotione Christo adhaeserint. O quanta caritas summi Patris; quanta dilectio unigeniti filii Dei: quanta benignitas Spiritus sancti superabundavit in*
25 *omne genus humanum. Quid dices ad haec anima mea? Numquid ingrata eris; aut immemor esse poteris tantae caritatis? Quomodo poteris neglegere eum; a quo tam diligenter quaesita es? Quo-*
30 *modo non reamares eum; qui te tam*

ardenter amavit? Ama amantem et tam valide te amantem; ut potius eligeret mortem subire: quam te perire. Haec fuit caritas qua nemo maiorem habuit: et ideo plene pro omnibus satisfecit. 5

Sed quid facies; et quid Domino pro morte sua retribues? Aliquid agere oportet: quamvis dignam illi retributionem reddere non vales. Omnis enim creatura et omnes sancti digne Deo regratiari pro 10 morte sua non sufficiunt: quam ille sponte pro te suscepit. Recordare igitur sanctae passionis eius, et pro modulo tuo studeas eam imitari; quia hoc est illi magnas gratias agere: libenter pro eo velle tribula- 15 tiones sustinere. Ab exterioribus itaque curis mentem abstrahe: et totum cogitatum tuum in crucifixi Domini tui imaginem converte. Per hanc enim poteris alienas imagines a mente melius excludere: nec non huius sanctae imaginis 20 impressione, quoslibet etiam corporis dolores mitius sufferre. Et quia iam secundum tempora ecclesiae convenit de passione Domini cogitare: ideo ad eam 25 exercitia tua intentius debes dirigere. Si praecedentes ieiunii dies negligentius transierunt: saltem nunc in hac quinquena, ob Christi passionem nova devotio te reaccendat. Et si quid bene egisse te 30 recolis: adde meliora prioribus. Esto

sollicitior et ferventior modo; sic enim requirit specialis memoria Dominicae passionis: et generalis ecclesiae assumpta compassio pro morte sui Redemptoris.

5 Non sit onerosum nec pigrum amaram Christi passionem percogitare: quam ille paratus fuit pro te sustinere. Per singulos dies istos de vinea Domini Sabaoth collige et exporta fasciculum murrae,

10 quem inter ubera tua pro custodia cordis recondas; quia ex eo odor vitae exhalat: et si bene masticaveris, mirabilem confortationem inter adversa et obprobria percipies. Siquidem probatum est a mul-

15 tis et gustatum, quod exercentibus se frequenter in passione Salvatoris, sanctae plagae eius et benedicta vulnera tam dulciter sapuerunt, ut ex vehementi dolore lacrimis fluerent: et prae nimio de-

20 siderio amoris et compassionis, etiam ad tolerandas contumelias et poenalitates pro Christi amore valide accenderentur. Quid dicam quod quidam extra se educti, et a proprio amore totaliter immutati, cupie-

25 bant in intima Iesu pergere, ad sentendum eius exinanitionem usque ad mortem crucis; optantes cordetenus humiliari et vilipendi ab omnibus creaturis: ut solus Christus in eorum cordibus magnifi-

30 caretur, et ipsi tantummodo despicerentur. Ita ignitus est, sanguis Christi ex

amore fusus; quod intime meditantem fortiter ardere facit, et sui ipsius in tantum oblivisci, ut contemptum gaudium deputet: et quae corpori poenalia sunt, pro minimo ducat. Sic enim vehemens amator suo dilecto amatori configurari per passiones incipit: dum se totaliter ac libere illi tribuit: qui pro se redimendo in nullo sibi pepercit. Hinc maxima oritur dilectio, recipitur gratissima¹⁰ consolatio, excrescit singularis devotio; moritur carnalis affectus, elevatur in Deo spiritus: illuminatur intellectus: et gustatur verbum prophetae dicentis. Et calix meus inebrians quam praeclarus est. Sed¹⁵ quia hoc valde magnum est et arduum, nec alicui per se attingibile: propterea pete quaere, et pulsa anima mea; quatenus benignissimus Iesus, plenus Spiritu sancto et virtute, dives in omnes qui in-²⁰ vocant illum, hunc optimum thesaurum quem in se reconditum habet misericorditer tibi aperiatur: ac pretiosissimum devotionis unguentum ex sacris stigmatibus suis in te emanare faciat; ut discas²⁵ et tu sugere mel de petra, oleumque de saxo durissimo: quod superbis absconditur, sed humilibus devotisque cordibus aperitur; carnalibus et terrena sapientibus velatur: sed puris et simplicibus³⁰ saepius degustare conceditur. Haec est

mirabilis Dei dispensatio; ut mites et
humiles capiant: quod elati et curiosi
capere non valent. Vides quam multi
multa legunt, alta scrutantur, et subtilia
5 quaerunt; sed parvam aut paene nullam
devotionem erga Christi passionem ha-
bent: quia ad exteriora se fundunt, et in
terrenis consolari quaerunt; ideo aridum
et insipiens factum est cor eorum in-
10 terius: et quae Iesu Christi sunt sentire
non possunt. Occupantur multis: et aedi-
ficantur in paucis. Neglegunt utilia, omit-
tunt necessaria: amant subtilia, despi-
ciunt simplicia; rapiuntur in diversa, et
15 nova quaeque rimantur: et nec sic qui-
dem inveniunt requiem, neque auditis
rebus satiantur; quia quamdiu Iesum per
passionem et crucem non quaerunt: ad
veram internam dulcedinem, et ad Deitatis
20 eius cognitionem nequaquam perveniunt.
Solutus enim Iesus praestat per suam sanc-
tissimam humanitatem, aditum ad divini-
tatem. Quod bene sapuit beatus Paulus cum
diceret: quia in ipso sunt omnes thesauri
25 sapientiae et scientiae Dei absconditi. Et
ideo praetermissis mundanae sapientiae
verbis: in Christi se exercebat vita et pas-
sione dicens. Nihil enim iudicavi me scire
inter vos: nisi Iesum et hunc crucifixum.
30 Animadvertite haec anima mea; et omis-
sis curiosis et vanitatibus universis: ad

Iesum crucifixum interiorem cordis oculum dirige. Vigila pro nunc sollicite, et cum Iesu in monte Oliveti ora ad Patrem; ut sicut ei datus est calix benedictae passionis ad bibendum: ita et tibi donetur ardens affectus ad amorose sibi compatiendum. Plus enim invenies in vulneribus Iesu Christi: quam in possessione totius mundi. Et in ampliorem mentis stuporem adducet te unica Christi passio: quam omnium rerum conditarum speculatio. Hoc ideo dico, ut erga passionem Christi amplius fervescas; intentius inde cogites: immo nullam horam nec diem sine eius recordatione praetermittas. Nam quidquid in aliis dictis vel factis sanctorum legis et audis, hoc multo copiosius et saporosius in vita et passione Christi invenies. Excellit siquidem Christi veneranda passio, omnes sanctorum passiones multis modis; quia omnium sanctorum passiones ex sola Christi passione sanctificatae sunt: et Deo acceptabiles atque meritoriae per mortem ipsius effectae. Ipse est enim Sanctus sanctorum qui habet potestatem dimittendi hominibus peccata eorum; qui gratificat cuncta bona opera ipsorum: ac semet ipsum dedit in oblationem sanctam Deo, in redemptionem omnium peccatorum.

Tribus autem specialiter modis super-
 excellit Christi passio electorum suorum
 passiones, dignitate scilicet et acerbitate :
 ac fructu seu utilitate. In dignitate eminet
 5 persona patientis: quia filius Dei erat.
 In acerbitate consideratur gravissima lae-
 sio corporis: quia nobilissimae ac tener-
 rimae complexionis fuit. In fructu vero
 apparet humani generis redemptio; quia
 10 per mortem suam quam sine culpa per-
 tulit, ab aeterna nos morte liberavit: et
 caelestis beatitudinis introitum et gloriam
 nobis promeruit. Ideoque per prophetam
 omnes fideles suos ad considerandam
 15 magnitudinem doloris sui ita alloquitur
 dicens. O vos omnes qui transitis per
 viam: attendite et videte si est dolor si-
 milis sicut dolor meus.

Heu heu Domine quam multi incon-
 20 siderate coram te transeunt; siccis oculis
 et incompassibili corde imaginem tuam
 pertranseunt: vix alonge Crucifixum in-
 tuentur; sine reverentia et genuflexione
 per ecclesias discurrunt: festinant magis
 25 exire quam intrare; plus libet fabulari
 quam orare: suavius trahit mundus ad
 forum, quam divinus et caelestis cantus
 ad chorum; vix valent modico tempore
 in laude tua consistere: cum tu longo
 30 horarum spatio pro ipsorum salute in
 cruce repletus doloribus multis et ob-

probris, pependisti. Vbi sunt oculi nostri Domine; et aures quo dimisimus, ut te non attendamus? Converte nos ad te: quia valde cito avertimur a te. Cito obliviscimur magnae caritatis tuae: 5 quam nobis in benedicta passione tua exhibuisti. Tanta passus es, tam gravia tam indigna, et sine omni noxa, ab hominibus pro hominibus quos ipse creasti; a propria gente et populo quibus tam 10 multa beneficia a diebus antiquis et in praesens praestitisti: et adhuc duri remanemus et ingrati. Commota quidem sunt in morte tua insensibilia elementa: et non commoventur filiorum hominum 15 corda. Heu me miserum et infelicem, super sterilitate et insensibilitate cordis mei; quod tam celeriter moveor ad modicam iniuriam: et ad tantas contumelias Domini mei Iesu Christi nihil permoveor. 20 Parvam corporis laesionem sentio: et gravissimas Domini mei poenas non pondero. Quam exigua caritas apparet: quia caput graviter pungitur, et cor inde non dolet. Si sumus invicem membra; cur 25 non compatior, et quare cor dolore non scinditur? Domine mi quid ad haec dicam; et quid miser faciam? Cur citius moveor quandoque ad hominem mortalem; quam ad te Creatorem meum Spon- 30 sum immortalem? Cur me amplius sti-

mulat, vanarum rerum curiositas; quam
tua pro me in cruce suspensio? Prop-
ter hoc doleo vehementer, quia ista non
magis ad cor transeunt: nec totaliter me
5 convulnerant sicut merito deberent. Pro
pudor quod tam facilis sum ad risum;
tam sensibilis ad proprium damnum: et
tam tardus et aridus ad Domini mei plan-
gendam amarissimam passionem. Quod
10 si aliquando compunctionem induo; ni-
mis cito iterum remitto: ideo non pro-
ficio, nec ad interiorem saporem perfecte
venio. Ah Deus meus quod tanta de te
bona audio, et nihil digne ago; tam gra-
15 via te perpeccatum lego: et adhuc plus me
d durum quam emollitum sentio. Non est
hoc signum perfecti amoris: nec indicium
amorosae compassionis. Vsque quo in-
sensibilis ero; et cum patiente non com-
20 patior?

O nunc dilectissime et fidelissime Iesu,
pallens ac pendens in cruce: spes unica
animae desolatae; concede mihi in tam
sancto tempore, passionis tuae memoriam
25 digne peragere: atque per amorosam com-
passionem in aperta vulnera tua transire;
ubi mei oblitus, et tui solius doloris me-
mor, in nulla tribulatione ultra deficiam:
sed me ad tuam voluntatem libere re-
30 signem. Quomodo possum scire aut aesti-
mare quod te diligam; nisi ex sufferentia

tribulationum pro nomine tuo? Nam ex amore libenter pati, et sine querimonia omnem gravitatem posse portare: carior est retributio quam homo potest tibi exhibere. In hoc enim cognoscuntur veris amatores crucis: videlicet in voluntaria perpeessione cuiuslibet gravitatis. Et quamvis iam impassibilis sis, et nullis obnoxius passionibus, sed gloria et honore coronatus, et super omnes caelos ¹⁰ elevatus: mihi tamen proficit et multum iuvat, quod in passionibus meis tuae benedictae recordor passionis: quod te tamquam in carne adhuc passibilem attendo: videlicet captum et ligatum, vestibis ¹⁵ exutum, derisum, consputum, colaphizatum, flagellis caesum, spinis coronatum, cruci affixum; felle et aceto potatum, lancea perforatum, cum latronibus condemnatum, oblocutum, blasphematum, ²⁰ despectum, derelictum, reprobatum ab omnibus: et tandem in cruce mortuum, ac lamentabiliter sepultum. Non debeo praeterire, vel unum punctum: sed de silva evangelica, omnia verba et facta ²⁵ tua fideliter congregabo; et non tantum mirabilia opera tua considerabo, sed multo carius passiones et vituperia tua percogitans amplexabor: quia haec mihi necessaria sunt ad salutem. Signa tua in- ³⁰ clite Iesu ad fidem et sancti nominis tui

venerationem me informant: vituperia
vero tua et dura verbera pro me suscepta,
ad piam sufferentiam, ad humilitatem et
caritatem perfectam me magis provocant
5 et accendunt. Cavendum autem ei est
valde qui signa tantum veneratur, et
magna in te solummodo considerat: ne
ex consideratione ignominiosae mortis
tuae scandalum sumat. Admirandus qui-
10 dem es in operibus divina virtute patra-
tis, et de his super omnia laudandus;
sed tamen impropria ac maledicta pa-
tienter ferre non es dedignatus: atque
eo amplius adamandus.

15 Animadvertite igitur haec anima fidelis:
et esto Deo grata pro his omni-
bus. Consolari te debet in omni pres-
sura et tribulatione tua pauper et hu-
milis Iesus: qui a Deo et homini-
20 bus fuit in maxima necessitate derelictus.
Non es maior Domino tuo serve piger
et inutilis: nec innocentior Christo chris-
tiane. Si ille tanta pro te pertulit; quid
pro te ipso facies, et quid illi digne re-
25 feres? Si sic etiam derelictus est et
contemptui traditus qui filius erat caris-
simus; quid gravaris si aliquando dere-
linqueris et despiceris, qui tam indignus
es servus? Aspice exemplar tuum cae-
30 leste, memoriale perpetuum. O speciose
et praecarissime Iesu fili Dei; quid magis

in te admirabor, alta vel humilia? Et quid plus notabo; digna an indigna? Sed utraque simul melius et verius. Formosum et altum te conspicio in natura divina: deformem vero et despectum in specie humana. Hoc semper manes: istud ad tempus passus es. Insuper et spiritui meo pulcher es intus et amabilis, purus et inviolabilis; quia ab omni delicto alienus: licet ad extra multum¹⁰ deturpatus et plagatus videaris. Propter peccata mea denigratus et percussus es, et crucifixus. Scandalizantur forsitan oculi corporei insipientium et superborum: non autem amantium atque pio-¹⁵rum; magis autem compatiuntur et plorant: qui in veritate te diligunt. Cum talibus vivere desidero: qui te toto corde diligentes, usque ad ignominiam crucis sequuntur. Non es scandalum mihi: sed²⁰ maximus honor et gaudium. Nam deformitas tua mea est pulchritudo; plagae tuae et singula vulnera sanitas animae meae: et mors tua vita mea. In his vivo et in talibus vita spiritus mei; corripies²⁵ me si non meminero tui: si non proposuero passionem tuam in principio laetitiae meae. Scio enim quis sis Sanctus Dei qui haec pati voluisti: et credo quia pro peccatis meis³⁰ libenter ista pertulisti.

Plorans igitur plorabo die ac nocte;
 et lacrimae meae in maxillis meis: super
 contritione et amara Domini mei pas-
 sione. Planxit David planctu magno su-
 5 per Saul et Ionatham filium eius; et ego
 non plangam mortem Domini mei Regis
 mei? Videns Iacob vestimenta Ioseph
 filii sui, scidit vestimenta sua cum fletu;
 et ego cessare potero a fletu, considerata
 10 Domini mei morte dolorosa? Videns
 etiam Ioseph, Benjamin fratrem suum
 uterinum coram se stantem: statim com-
 mota sunt viscera sua, festinavitque et
 ploravit, nec se poterat a lacrimis con-
 15 tinere; et ego audiens Dominum meum
 atrociter occisum, sine lacrimis ero?
 Nemo mihi hoc persuadeat; nemo me
 a dolore et planctu prohibeat: alioquin
 plus me cruciabit. Fudit Dominus meus
 20 pro me pretiosum sanguinem suum; et
 ego non fundam pro eo planctum modi-
 cum? Vtinam possem sic plangere: ut
 etiam sufficerem omnes homines mecum
 commovere. Non est omnium flere: sed
 25 religiosae mentis est ex interna compas-
 sione pro Domino plangere; non ad pro-
 priam captandam placentiam: sed ad ip-
 sius promerendam gratiam ampliorem.

O praecordialissime dilecte Iesu splen-
 30 dor aeternae gloriae; quomodo sic oc-
 cumbis sol iustitiae? Compatiatur tibi

anima mea; et ex magno compassionis affectu scindatur cordis mei duritia: sitque hodie cum memoria passionis tuae seriose occupata. In spiritu humilitatis et in animo contrito tibi fideliter assistat: 5 et in omni loco passionis tecum vadat, atque omnia quae pateris dolenter attendat; tecum etiam pati et commori tibi ardentem concupiscat: pensans quid David de filio suo Absalon dicebat. Quis 10 inquit mihi det ut ego moriar pro te fili mi Absalon, Absalon fili mi? Praevaluit in David pius affectus super interitu filii sui se persequentis: ita ut eius mortem vehementer lugeret, et pro illo mori optaret, qui suam conabatur vitam auferre; quanto magis in me praevalere debet dolor eximiae compassionis: super innocente morte tua pro me in cruce consummata. Plus me movere debet quod 20 pro me crucifixus es et mortuus: quam si totus mundus mihi datus fuisset et pro me expensus. Moriatur ergo anima mea morte beata: et fiant novissima mea Domino meo similia. Da 25 Domine felicem mortis horam: et beatam tecum invenire requiem. Felicius mihi erit tecum iam mori: quam una hora sine te diutius vivere. Quod si negatum fuerit: faciam quod devotus affectus facere consuevit. Secretum petam: et ob

hoc praecipue ut liberius plangam. Mortis tuae Domine recordabor: et omnium vulnerum tuorum cicatrices intimis cordis osculis crebrius osculabor. Nemo me
 5 hodie alloquatur: nemo mihi de aliquo solacio molestus sit, nec aliquam levitatem innuat; quia non accipiam ab aliqua creatura consolationem: ne impediatur lugere Domini mei amarissimam passionem.
 10 Recedite recedite domestici et externi; dimittite me solum et desolatum sedere: ut plangam paululum dilectum meum pro me crucifixum. Prae dolore deficiant lacrimae in capite meo: et non sit qui
 15 abstergat, nec qui me consoletur, nisi ille quem plango. Lacrimate mecum sol et luna, et lugete mecum omnes creaturae: quoniam occisus est Dominus noster hodie. Et dignum est ut omnia sint
 20 in maerore, ubi auctor patitur naturae: et omnes induant tristitiam: ubi filius Dei tantam sustinet miseriam. Non libet amplius loqui, sed tantum flere mihi libet: quia Deus meus clamans voce
 25 magna expirat. Exite exite lacrimae uberrimae: et usque ad fundum excurrite. Cadite super dilecti Domini mei corpus occisum: et promeremini mihi interiorum cordis visum; ut illum merear
 30 aliquando videre gaudiosum: quem nunc plango affectuosis luctibus crucifixum.

Sit mihi sepulchrum illius locus pacis
et requietionis: ut gloriosa eius resur-
rectio, finis doloris omnis fiat atque mae-
roris. Amen.

DE CRUCE IESV, QVAM PRO NOBIS 5
IPSE PORTAVIT.

[XXII]

S*Vsceperunt autem Iesum et eduxe-
runt: et baiulans sibi crucem, ex-
ivit in eum qui dicitur Calvariae locum.* 10

Libet dolorosum hunc Domini transitum
considerare: et pio mentis oculo tam fle-
bile hoc spectaculum intueri. Ecce inno-
cens Iesus gravi sarcina crucis oppres-
sus, inter duos latrones educitur: et heu 15
ad publicum suspendium cum clamore
trahitur. Amplectitur ipse contemptibile
lignum caritatis suae bracchiis; supponit
ei dorsum flagellis caesum, et umerum
sanctum: omnes quoque corporis sui de- 20
biles artus. Effert onus immeritum, iu-
gum tollit insuetum; ducit illud ad locum
sibi deputatum: ut gignat salutis nostrae
fructum, contra aeternae mortis venenum.

Grande ludibrium impiis: sed sacrum 25
mysterium fidelibus cunctis. Malis est
testimonium perditionis: quia innocentem
crucifigunt; bonis salvationis est signum:
quia compatiuntur ei et plangunt. Illorum

risus vertetur in fletum: horum gemitus
 erit in gaudium. Incedit igitur mansuetus
 Dominus per viam confusionis valde man-
 suete; vadit ultroneus extra portam Ieru-
 5 salem, super quam flevit in die palma-
 rum: fert patienter suae suspensionis
 derisum, a propria gente sibi illatum.
 Non reclamat de iniuriis sibi factis: nec
 recalcitrat, violenter retro stimulatus.
 10 Non convocat angelos in auxilium: nec
 amicorum requirit succursum; sed per-
 git indilate, oboedit malivolis prompte.
 Solus gestat onus gravissimum: solus
 confusionis patitur obprobrium; sed non
 15 vult solus honoris gaudium; quia cunctis
 in se credentibus desiderat donare pas-
 sionis suae meritum. Non retrahitur ab
 itinere crucis affectu matris, nec carorum
 impeditur fletibus: non inquietatur occur-
 20 rentium tumultibus, nec malignantium
 movetur stridoribus; non *fatigatione* cor-
 poris ab incepto opere retardatur: nec
 scandalorum obruitur procellis. Vnus
 idemque constantissime perdurat; liber
 25 et quieto corde ad supplicii tendit ago-
 nem: sicut mundi gloriam parvi pendens,
 ita et ignominiam aequaliter ferens; sem-
 per in aeterni Patris laude persistens:
 nullum a sua caritate excludens; sed ar-
 30 denti desiderio cupiens praeceptum Pa-
 tris ab aeterno dispositum adimplere: et

opus humanae restorationis sibi iniunctum, per passionem et crucem consummare.

Iam in hoc praeclaro exemplo demonstrat: quod prius salubriter docuit verbo.⁵ Qui vult inquit venire post me abneget semet ipsum: et tollat crucem suam et sequatur me. Ecce habes praecessorem asperioris viae Iesum filium Dei: ducem ac praeceptorem gentibus ut liberet eas.¹⁰ Sequere ergo serve fidelis Dominum: sequere discipule magistrum; imitare caput egregium, fragile membrum: ut eo duce pervenias ad aeternae felicitatis regnum. Si prospera appetis et iucunda:¹⁵ ne formides adversa. Sequere peccator iustum; homo Deum, creatura Creatorem: exul Redemptorem. Abice timorem terrenum, indue fortitudinem: certa ut bonus miles vincendo naturam. Per crucem²⁰ itur ad salutem: per poenam pervenitur ad coronam. Noli erubescere Christi ignominiam: si vis Christi contemplari faciem gloriosam. Pro te portat hanc crucem: pro te subit et crucis mortem.²⁵ Dat tibi exemplum sustinendi; complanat pedibus suis asperitatis semitam: ostendit crucis ignominiam, non fugiendam sed amplexandam. Baiulat humilis Iesus crucem suam pro impiis, ut sanctificet³⁰ impios; patitur pro vilibus servis dolores:

ut regni sui faciat coheredes. Quis non
 concupiscat iam sustinere convicia et con-
 temptus hominum; cum innocens Chri-
 stus pertulerit ab hominibus tam gravia
 5 et indigna sine culpa? Levius namque
 fert miles: quod regem facere cernit.
 Ascendit itaque Rex nobilis, Rex regum
 omnium Dominus, contra principem mundi
 bellaturus: non clipeo protectus, nec ferro
 10 munitus; sed cruce armatus et vallatus,
 cruci affigendus: in cruce denique pro
 amicis suis moriturus. Veniens igitur
 ad locum Calvariae, cum crucis vexillo,
 elegit ibi nominis sui erigere titulum, et
 15 nostrae salutis operari mysterium; prae-
 noscens locum confusioni deditum, miri-
 ficis signis illustrandum: atque crucis
 suae patibulum in honorem converten-
 dum; in brevi quoque tempore per mun-
 20 dum praedicandum: et a regibus et prin-
 cipibus terrae adorandum. Est quippe
 crucis venerabile signum in christiana
 militia decus insigne; et super omnia
 armorum genera munimen singulare:
 25 atque contra diaboli saevitiam et ter-
 rorem, inexpugnabile scutum. Ibi ergo
 Iesus vexillifer crucis, omnium cruci-
 ferorum princeps et patronus, stetit in
 loco horrendi foetoris: qui propter ca-
 30 davera interfectorum, valde despectus
 fuit et immundus. Ibi mox suis expolia-

tur vestibus; et nudam crucem nudus ascendit: et pro crucifigentibus se exoravit. Ibi omnipotens tamquam nullius potentiae esset, in modum crucis se permisit extendi; clavis affigi, lancea perforari: et a malignis derideri. Ibi omni humano solacio privatus: perfectae abnegationis formam, et extremae paupertatis exemplum reliquit. Ibi sacrae carnis suae tactu, lignum vitae sacravit: et pretiosi sanguinis sui effusione aram crucis dedicavit. Ibi omnia veteris Testamenti sacrificia, passionis suae figurativa consummavit: et semet ipsum hostiam Patri pro salute mundi in odorem suavitatis obtulit. Ibi vitam suam felici agone per oboedientiam in cruce terminavit; mortem moriendo devicit, paradisi portam aperuit: et latronem sero paenitentem secum ad gaudia promissa perduxit.²⁰

Quia ergo Iesus crucem suam propriis umeris portavit, qui absque peccato fuit; porta et tu crucem tuam, quia graviter et saepe peccasti: et aeternam poenam iuste meruisti. Videtur infirmis mentibus via crucis amara esse et gravis: sed finis eius laetus est et fructuosus, atque amantibus dulcis et salutaris. Nonne melius est modo lugubrem et laboriosam ducere vitam pro Christo et compati Crucifixi; quam post modicum corruptibilis

vitae gaudium, cum diabolo aeternaliter
 cruciari in inferno? Tanto enim eris
 Deo acceptior, et ampliori gloria dignus
 in regno caelesti; quanto pro nomine
 5 Iesu graviores nunc pertuleris dolores
 et labores, non respiciendo ad temporales
 consolationes: sed ad Christi passionem,
 ac duras sanctorum vias, qui transierunt
 per tribulationes multas. Transit velut
 10 umbra cito omnis temporalis poena et
 iniuria illata; sed permanet in caelo
 perennis mercedis gloria: quae pro bona
 patientia in fine tibi reddetur, Christo
 annuente. Stude ergo viam sanctae cru-
 15 cis tenere; et dolorosam imaginem cruci-
 fixi Iesu in corde portare: atque in fra-
 gili corpore pro posse viriliter imitari.
 Libenter temet ipsum resigna, atque
 divinae voluntati omnia tua fidenter com-
 20 mitte; qui tanta pro tua salute fecit et
 pertulit, quod numquam poteris ei pro
 minimo puncto passionis suae dignas gra-
 tias reddere: etiam si omnium sanctorum
 martyrum passiones et labores posses
 25 sustinere. Sed heu quod tam tepide
 Dominicam crucem sequeris; quod non
 intentius doloribus Christi compateris:
 quod non ferventius illi servis, et in-
 desinenter gratias agis; qui tam carum
 30 te aestimavit et prae ceteris creaturis
 dilexit, ut mori pro te non renueret: sed

sua innocenti morte, ab aeterna morte liberaret. Fuisses enim aeternaliter condemnatus: nisi Christus pro te crucifixus fuisset et mortuus. Quis enim potuit pro omnibus peccatis hominum satisfacere; nisi Iesus Christus filius Dei agnus immaculatus?

DE MERITO DOMINICAE PASSIONIS, ET DIGNITATE SANCTAE CRUCIS.

[XXIII]

10

Nos autem gloriari oportet in cruce Domini nostri Iesu Christi: in quo est salus vita et resurrectio nostra. Haec verba in sancta ecclesia de sancta cruce leguntur et cantantur; in quibus meritum 15 Dominicae passionis commendatur: quae omnibus sacrificiis legalibus et omnibus laboribus ac virtutibus sanctorum dignissime praefertur. Nam in passione et cruce Christi vera salus nostra, et re-20 demptio humani generis plenissime constat; per quam Christus nos redemit, et pro peccatis nostris Deo Patri satisfecit: et paradysum nobis devicta morte reseravit. Hoc patet in latrone pendente in 25 cruce: cui dictum est, hodie mecum eris in paradiso. O mira Dei clementia; o suavissima responsio: o salutaris crucis benedictio; quae latronem ab omni reatu

absolvit: et inter christianos ipsum priorem in paradisum introduxit. Dicant ergo grates Christo omnes fideles signo sanctae crucis signati; Christi sanguine loti
 5 et mundati, Christi passione redempti; Christi morte vivificati, Christi vulneribus sanati: Christi doloribus mitigati, Christi obprobriis honorificati. Dicant omnes dicant singuli devoto corde et ore
 10 consono ad honorem Crucifixi, ad confusionem diaboli, ad exaltationem sanctae crucis: ad consequendam spem aeternae salutis, ad habendam firmam fiduciam in hora mortis; dicant, legant, cantent,
 15 resonent, cogitent, et ruminent verba suavissima, et vere sanctissima: atque super omnia aromata Deo gratissima. Nos autem gloriari oportet in cruce Domini nostri Iesu Christi.

20 Felix anima cui ad cor transit acerbissima passio Christi: et in illa cotidie se exercet, meditando, legendo, orando. Beata quae crucem suam tollit, omnibus terrenis renuntiando; et quid-
 25 quid adversitatis sibi intus vel foris occurrit: hoc totum patienter pro Christo sustinet et tacet. Nam hoc est gloriari in cruce, *propter Christum in tribulatione gaudere; a deliciis carnis*
 30 *abstinere, honores fugere, propriam voluntatem relinquere: et usque ad mortem*

humiliter oboedire. Haec agere est Christum per crucem imitari: et veraciter eum *amare*. In hoc enim Christus cognoscit quis ad eum pertinet, et quis eum amplius diligit: si non sola cogitatione, sed cotidiana mortificatione passioni eius se nititur conformare.

Et ad haec quis idoneus? Putas invenietur aliquis crucem tollere paratus? Magnum et profundum mysterium ver-¹⁰bum crucis, quod non capiunt omnes; immo quamplures abhorrent et fugiunt crucem: ipsa tamen ducit in vitam aeternam. O vere beata crux, quantam habes intus dulcedinem: et quam magnam effi-¹⁵caciam praestas contra omnium vitiorum languorem et cordis dolorem. O lignum vitae pretiosum, decorum, salutiferum: et super omnia ligna paradisi benedictum; honorandum ab angelis, adorandum²⁰ ab hominibus: osculandum labiis devotis, amplexandumque brachiis extensis. Propter te facti sumus liberi, et Deo reconciliati: qui eramus natura filii irae, et servi damnati. Propter te venit gaudium²⁵ in mundo: tristitia et luctus in infernum. Tu salus credentium, gloria apostolorum, clipeus martyrum; laus confessorum, diadema virginum, solamen viduarum, fortitudo senum, disciplina iuvenum: specu-³⁰lum religiosorum, refugium tribulorum.

O crux splendidior astris, pulchrior luna, candidior sole; caelum illustrans, tartarum penetrans, daemones fugans, homines protegens, malos terrens, bonos
 5 laetificans: superbos deprimens, humiles exaltans. O crux gloriosa, signum mirabile: vexillum insuperabile, scutum impenetrabile. O dulce lignum omni honore dignum; tu Regem caelorum portasti: et
 10 inter brachia tua Dei filium morientem sustentasti. Propter te omnia signa crucis de quacumque materia facta, et in quocumque loco posita: in honore sunt et reverentia. Tibi inclinant reges et
 15 principes, dominus et domicella, servus et ancilla, dives et egenus, monachus et clericus, magister et discipulus; omnis aetas, omnis sexus fidelium te adorant, laudat et benedicit: propter Christum qui
 20 in te pepercit, et omnes redemit.

O crux benedicta, per te namque omnia sacramenta ecclesiae benedicuntur: sacerdotes consecrantur, infirmi inunguntur, defuncti muniuntur; imagines scul-
 25 puntur, parietes pinguntur: altaria decorantur.

O crux speciosissima in corpore Christi dedicata, et ex membris eius tamquam margaritis ornata; roseo sanguine rubri-
 30 cata, clavis transfixa, profundo terrae infixata: tu per quatuor mundi climata ex-

pandis tua cornua, omnia ad te trahens,
et amplexens quae in caelo sunt et in
terra.

O crux nobilissima, super omnia armo-
rum genera fortissima; mundum vincens
et daemonia, ad nulla pavens mortis sup-
plicia: tu in omni angustia et necessitate
tam in vita quam in morte, iuvamen es
tutissimum, et solacium singulare.

O crux amantissima a Christo prae-¹⁰
electa: atque in umeris eius ad locum
Calvariae baiulata, nec ante mortem ab
ipso separata; iuxta quam stabat mater
Iesu Maria, dolore plena, cum dilecto
discipulo Iohanne et pia Magdalena: ob-¹⁵
secro te assiste mihi et protege me
semper hic et ubique die ac nocte; ne
praevaleat contra me inimicus malignus,
insidiator animarum: sed sacrosancto po-
tentiae tuae signaculo me defende et cor-²⁰
robora; quatenus in fide recta, spe firma,
atque caritate perfecta, perseverem: pro-
pter eum qui mortuus est in te propter me.

O crux virtuosissima, et omni honore
dignissima: ecce ante te tremunt impia²⁵
tartara; sub tua quoque potestate cur-
vantur imperia: tibi flectunt genua cae-
lestia et terrena. Nam in tua virtute
fiunt in multis locis signa et miracula;
cedunt fulgura et tonitrua: in bellis quo-³⁰
que et locis obscuris, in periculis maris

et aeris, optima es custodia, et firmissima tutela.

O crux sanctissima, summe veneranda, digne recolenda, intime amanda, cordi
5 inscribenda, fronti ac pectori imprimenda, rogo pie, peto sedule, adesto mihi in omni tribulatione mea; salva libera, benedic sanctifica omnia membra mea: rege sensus meos, omnia verba mea et opera
10 quamdiu sum in hac vita; ut per te me recipiat, qui per te me redemit: Iesus Christus Dominus meus pro me crucifixus.

O crux arbor salutifera, super omnes
15 arbores elevata; tu cedro altior, cypresso redolentior: palma pulchrior, balsamo pretiosior, oliva pinguior, vite fecundior, ficu dulcior, buxo viridior, rosa rubicundior; omnibus aromatibus et speciebus
20 salubrior: omnibus medicamentis et emplastris efficacior. Tu animas sanas et corpora: tu dolores mitigas, et lacrimas consolaris; tu spem miseris donas: et iustis praemia spondes. Tu paenitentibus
25 veniam praebes: et omnibus ad te confugientibus gratiam et misericordiam impendis. Tu largam benedictionem devotis infundis; errantibus lumen aperis, corda compungis: et cunctis per orbem
30 fidelibus, consolationis oleum ferre non cessas; et usque in finem saeculi fruc-

tum aeternae vitae germinare non cessabis: per virtutem Domini nostri Iesu Christi pro salute mundi crucifixi.

O crux dulcissima, fronde latissima, flore vernantissima, fructu fertilissima; 5 tu primatum tenes et dignitatem, super omnes imagines sacram passionem Christi repraesentantes: ubicumque fuerit nomen Christi auditum vel praedicatum. Ideoque propter reverentiam divinae poten-
tiae in te latentis: digne ab omnibus adoraris, coleris, et honoraris. Tu in ecclesiis et capellis, in claustris et castellis, in urbibus et villis, in portis et ianuis, in parietibus et fenestris, in turri-
bus et tectis, in pavimentis et sepulchris, in altaribus et laqueariis, in casulis et stolis, in cappis et mantellis, in frenis et vexillis, in libris et chartulis, in tabulis et scabellis, in cameris et cellis, 20 in variis aedificiis et picturis: signaculum virtutis tuae imprimis et inscribis. Tu etiam auro et argento, gemmis ac lapidibus pretiosis, decenter adornaris; tu purpura et bysso, sindone et serico, 25 floribus et rosis reverenter circumponeris et investiris: propter insignem Redemptoris nostri imaginem, in te triumphantis et pendentis. Haec omnia devota obsequia tibi a fidelibus digne exhibentur: 30 pro eo quod magnam confusionem et

derisionem in passione Christi a perfidis Iudaeis sustinuisti. Iustum igitur est o bona et sancta crux, ut sis socia honoris et exaltationis: quae fuisti particeps confusionis et maeroris. Nemo tamen mortalium sufficientem laudem et honorem poterit dignitati tuae exhibere; etiam si omnium angelorum virtutibus emineret: aut sanctorum miraculis corroboraret. Omnis laus et honor inferior est et longe minor in verbis, quam dignitas tua requirit: quia ex beneficiis Christi nobis copiose collatis, et ex tua perseveranti adhaesione in mortis articulo cum
 15 Christo, ampliora tibi laudum praeconia iure debentur. In hoc maxime fidelitas amicitiae cognoscitur; cum quis amico suo in ultima necessitate astat, et condolet et obsequitur: et usque ad vitae
 20 exitum individuus comes perseverat. Ita certe egisti o fidelissima crux cum Salvatore Domino nostro Iesu Christo; qui te primum in umeris suis patienter portavit: et tu versa vice Creatorem tuum
 25 dignanter inter brachia tua accepisti. Sed nec ipsum amatorem tuum finaliter reliquisti: a quo tam clementer amplexata es, et longe deportata. Vnde et veris christicolis et cruciferis speculum tolerantiae
 30 in castigatione carnis es effecta: sed et omnium laborum victricem, et aeterno-

rum praemiorum donatricem, te laudant crucis amatores; sicut in beato Petro apostolo, et sancto Andrea clare satis apparet: qui ambo per crucem ad Christum pervenerunt. 5

O nimium felix et super omnia devota solacia crux amanda; semper in mente habenda, semper oculis aspicienda: tu reclinatorium Sancti sanctorum; qui cum non haberet ubi caput suum dolens et 10 infirmum reclinaret: tu pulvinar eius extitisti. Tu lectulus ulcerosi dorsi Salvatoris nostri, non mollis nec floridus: sed rigidus asper et nimis angustus. Tu neminem tecum morari, nec quiescere, nec 15 appodiare inter brachia tua permisisti; nisi sanctum deificum corpus Iesu de virgine natum: a quo in diversis locis pretioso sanguine eius meruisti tangi aspergi et consecrari. Tu scabellum 20 sanctorum pedum filii Dei in agone constituti; tu altare summi sacerdotis: in quo Christus semet ipsum optulit pro peccatis nostris hostiam Deo in odorem suavitatis. Tu arca foederis Domini, 25 continens conditorem utriusque testamenti: tu urna aurea habens manna absconditum, verum corpus Christi pro nobis immolatum. Tu altissimi Regis gazophylacium, caelestibus thesauris plenum; in 30 quo continentur sacratissimae reliquiae

totius orbis terrae: corpus scilicet Dominicum, clavi cruenti, spinea corona, et omnia vulnera pretiosa.

O crux vere sancta: quam magnifice
 5 meruisti a Deo decorari, ditari et honorari. Nam tantis bonis ac reliquiis sanctis adornaris: ut nulla arca, nulla apotheca, nulla aula regia, nulla domus eburnea, nulla columna marmorea, tuae dignitati
 10 sit comparanda. Merito ergo et iuste tota devotione omnis terra adoret te et psallat tibi: psalmum dicat nomini tuo in saeculum saeculi ad honorem Crucifixi. Legat itaque et ruminet frequenter
 15 omnis anima fidelis verba de sancta cruce scripta: et dicat cum beato Paulo apostolo, et tota sancta ecclesia. Nos autem gloriari oportet in cruce Domini nostri Iesu Christi: in quo est salus vita et resur-
 20 rectio nostra. Amen.

DE MVLTIPlici FRVCTV EX RECORDATIONE DOMINICAE PASSIONIS,
 ET DE GRATITVDINE EIVS.

[XXIIII]

25 **R**ecogitate Dominum Iesum Christum qualem sustinuit a peccatoribus adversus semet ipsum contradictionem: ut non fatigemini animis vestris deficientes. Multa bona confert homini passio Christi

ad memoriam reducta; et quanto saepius et intentius de ea cogitatur: tanto dulcius sapit, et vehementius compungit. Est enim incentivum divini amoris; est doctrina patientiae: est solacium in 5 tribulatione. Est fuga dissolutionis; est materia sacrae compunctionis: est exercitium internae devotionis. Est exclusio desperationis; est certa spes remissionis peccatorum: est utilis recuperatio tem- 10 porum malorum praeteritorum. Est optima fiducia in mortis articulo, ne homo desperet de semet ipso: est reconciliatio divinae districtiois in iudicio futuro. Est mitigatio anxiae turbationis: est susten- 15 tatio durae increpationis. Est expulsio perversae cogitationis: est repressio carnalis temptationis. Est informatio humilis subiectionis: est consolatio corporalis aegritudinis. Est refutatio saecularis 20 honoris: est vituperatio abundantiae temporalis. Est consultatio voluntariae paupertatis; est abdicatio propriae voluntatis: est refrenatio superfluae necessitatis. Est excitatio tepidae conversationis: est in- 25 flammatio fervidae emendationis. Est impetratio gratiae amplioris; est inductio caelestis consolationis: est comprobatio fraternae compassionis. Est praeparatio divinae contemplationis: est augmentatio 30 futurae beatitudinis. Est alleviatio poenae

praesentis; est purgatio ignis sequentis:
est magna satisfactio pro peccatis coti-
dianis. His et aliis quamplurimis bonis
redundat et floret passio Christi devote
5 pensata: frequenter lecta, intime masti-
cata. Hoc melius novit et sapit anima
Deo dedita, mundo aliena, solitudinis
amica: oris sui custos, corde humilis, et
quieta a curis. Ista sancta recordatio
10 summe Deo placet; angelos laetificat,
homines aedificat: conscientiam purificat,
taedium repellit, dolores lenit, amaritu-
dines dulcorat: iram reprimit, concupi-
scentiam frenat. Revera passio Christi
15 est thesaurus Dei absconditus, plenitudo
omnis virtutis, perfectio religiositatis:
summa totius sanctitatis.

Sed heu quanta est ingratitude homi-
nis, quanta desidia cordis humani: quanta
20 neglegentia in recordatione beneficiorum
Dei; quae tanta sunt, tam magna et pre-
tiosa: ut nec aestimari queant, nec ab
aliquo plene explicari. Redi ergo ad cor
tuum o serve Christi; et omissis vanis
25 et caducis rebus, recale beneficia Dei,
et praecipue de passione Christi frequen-
ter et seriose meditare: quatenus ex hoc
ad amorem ipsius ferventius
accendaris. Tunc eris Deo accep-
30 tus, et in corde tuo valde laetus et quie-
tus; si memor fueris beneficiorum Dei,

et gratias ei devote referas: a quo omne bonum accepisti. Tunc tempus tuum fructuose expendis, cum de malis tuis doles: et de donis Dei gratias agis. De hoc autem multum do-
leas, quia numquam dignas Deo gratias pro tam immensis beneficiis suis exhibuisti; sed nec adhuc satis regratiari ei potes: etiam si ad aliud nihil vacares. Debes tamen cor tuum ad Deum niti¹⁰ erigere: et quantum praeuales Dei beneficia cum magna attentione pensare. O quantum te dilexit, qui tanta mirabilia in pulchritudine creaturarum ostendit: ut haberes promptam materiam ex sen-¹⁵ sibilibus mundi rebus semper regratiandi Deo, qui te et ista bona creavit. Quapropter stude cum summa reverentia ei servire in laetitia cordis, sicut angeli sancti in caelis; prout possi-²⁰ bile est in fragili corpore et statu vitae praesentis: qui comparatione futurae beatitudinis carcer animae potius est appellandus. Propter hoc enim Deus dignatus est homo fieri, pati crucifigi, et mori; ut per²⁵ passionem crucem et mortem suam, tibi monstraret, quantum te diligeret: pro quo tantum laboravit et sustinuit. Non sis ergo ingratus, nec obliviscaris omnium eorum quae fecit Dominus Iesus in ter-³⁰ ris: sed diligenter retracta magna opera

Dei toto generi humano largifue data.
 Qui adhuc multo maiora bona promisit,
 et certissime reddet tibi in caelis: si
 tamen gratus fueris de praesentibus bo-
 5 nis, et usque ad mortem permanseris in
 modico fidelis.

Magnum vitium est ingratitude: et apud
 Deum et homines vituperabile nimis. In-
 dignus est enim beneficio divino: qui
 10 gratias non agit Deo corde devoto. Nec
 ampliora meretur accipere, qui se ex-
 tollit in aliquo: aut neglegenter operatur,
 uno tantum sibi talento concesso. Ma-
 gnum utique est: quod Deus dignatur
 15 homini aliquid dare. Nec parvum
 debet reputari, quod tam magnus
 Dominus et excelsus super omnes
 dat homini pauperi et peccatori:
 qui nil dignum habet ad retribuendum.
 20 Multum ergo Deus ametur; semper laus
 eius in ore versetur: et parvum pro
 magno capiatur. Totum illi retribuatur;
 totum ei ascribatur: qui totum utique
 dedit, et indigno benefecit. Nec aliud
 25 Deus requirit, nisi ut pure ametur, et
 pro omnibus digne laudetur; quatenus
 eum super omnia amando, laudando,
 honorando, et gratias agendo: homo in
 ipso perpetue beatificetur. Amen.



DE VTILI EXERCITIO IN CHRISTI PASSIONE.

[XXV]

E*Go dilecto meo: et ad me conversio* ^{VOX}
eius. ^{ANIMAE.} Inter dilectos mutua placet
sermocinatio, et secretum diligitur con-
siliu: quale et saepe agitur inter ani-
mam devotam et Iesum crucifixum. Haec
ergo dicit. Ego dilecto meo sum id quod
sum: et praeter ipsum non curo alium. 10
Ipsi soli cupio intendere: ipsi me tota-
liter commendo; quia ipsi cura est de
me: et ad me sine dubio conversio eius.
Nolo ergo ut oculi mei alicubi divertan-
tur; sed ut totum cor meum in dilectum 15
meum convertatur: qui pro me passus
est et crucifixus: immo totus ex amore
vulneratus et vulneribus sauciatus. Olim
quaesivi parvulum vagientem in prae-
sepio: sed nunc cupio aspicere penden- 20
tem in patibulo. Sicut enim tunc me
converti ad adorandum parvulum natum:
ita et nunc me converto ad ipsum ut
plangam pro me neci datum. In omni-
bus his mihi dilectus est qui totus mihi 25
datus est: pro me vere natus, pro me
vere passus et immolatus. Fudit quando-
que compassionis lacrimas: nunc autem
pretiosum dat sanguinem. Ecce quomodo
amabat me: qui se tradidit in mortem, 30

ut me liberaret a morte. Nonne merito
 ceteris neglectis ad hunc dilectum quae-
 rendum habendum et amplexandum me
 convertere debeo; cuius inenarrabilis me
 5 indesinenter respicit dilectio? Fit autem
 specialis ad me conversio eius: quando
 internis amoris stimulis ad recondendam
 passionis suae memoriam me excitat, et
 sibi regratiari, ac intime conformari po-
 10 stulat: quia in nulla re tantum pro me
 laboravit. Ibi redemptionis mysterium
 mihi aperit: et ad sapiendum quae Dei
 sunt plenius instruit. Nam supra homi-
 nem est haec sapientia quae de sursum
 15 venit; docens et suadens non aliunde
 gloriari nisi in cruce Domini mei Iesu
 Christi: in quo tota salus et redemptio
 mea consistit. Per quem etiam mihi
 mundus crucifixus est et ego mundo;
 20 ut fiducialiter dicere ad eum libeat: ego
 dilecto meo, et ad me conversio eius.
 Multa mihi dulcedo in hoc verbo clausa
 videtur; et si non capio omnia: non ta-
 men despero vel minima accipere. Tan-
 25 tum dilectus ad me convertatur, et dicat
 quodcumque placuerit: scio, quod non
 frustra loquetur.

VOX
 ANIMAE.

Dic mihi dilecte Iesu verbum mysterii
 tui: verbum passionis tuae et crucis, quod
 30 in carne manifeste gessisti. Non enim
 omnes capiunt verbum crucis; quod aliis

quidem scandalum videtur, aliis autem stultitia est: mihi vero Dei virtus et sapientia salus quoque mundi et vita aeterna. Si quis aliter sapit, infidelis est et desipit: et iudicium Dei adversum se portabit.

Passio mea ait dilectus est tamquam nobilis quaedam herba aromatica optimi odoris et dulcissimi saporis; quae diligenter in corde percogitata, tamquam in mortariolo bene trita, fortissimum spargit odorem: omnium vitiorum morbum sanans et languorem. In hac siquidem invenies medicamentum animae tuae: et plenum solacium cuiuscumque pressurae. Sed oportet ut frequenter in ea te exerceas: et ex toto corde te illi studeas conformare. Tunc etenim religiose vivere incipies, et veraciter in virtutibus proficies, atque secure morieris: si me in vita et in morte per passionem et crucem fueris imitatus. Sed pro dolor ego sum abiectus in domo mea: et retrorsum proiectus. Nam valde alienus et exclusus videor a multorum cordibus, quibus vita mea non sapit; quos passio mea non movet nec trahit, neque eis ad cor transit ut deberet: sed vanis et superfluis rebus implicantur. Suam cotidianam miseriam et necessitatem studiose pensant; et qualiter mala temporalia decli-

VOX
CHRISTI.

nent sollicitantur: sed quanta pro ipsis
 passus sum raro vel modicum recog-
 tant. Miseri sunt et miserabiles, pleni
 curis et querelis: qui modicum pro me
 5 pati possunt; multum autem agere pro
 sua voluntate concupiscunt: quin etiam
 pro suo explendo desiderio, nullum paene
 laborem sentiunt. Heu tales ex passione
 mea fructum salutiferum non trahunt;
 10 sed propter suam nimiam mollitiem quam
 ad se ipsos habent: gravem animae per-
 niciem incurrunt. Si enim perfecte sanari
 vellent, et a passionibus liberari: tota hu-
 militate ad vera animae remedia in pas-
 15 sione mea abscondita confugerent; et ex
 merito et virtute passionis meae fortiores
 fierent: et omnia contraria patienter ferre
 discerent. Non sapit passio mea, nisi
 morose et seriose eam meditantibus: et
 20 ferventer cupientibus eandem imitari.
 Lignum vitae est apprehendentibus eam:
 et qui bene sequitur eam, beatus in facto
 suo erit. Nam et in praesenti maiorem
 gratiam: et in futuro ampliorem obtinebit
 25 gloriam.

VOX
 CHRISTI.

Recollige ergo sensus tuos, et maneat
 apud temet ipsum: omnem excludendo
 tumultum. Dehinc brevem assume ex
 passione particulam: et diligenter eam
 30 percogita secundum tempus et horam.
 Haec siquidem singulis diebus ad me-

moriam reducta: magis ac magis sapiet, confortabit et accendet meditantem. Omnis namque spiritualis profectus et perfectio in ea reperitur: sed non nisi ab amantibus et desiderantibus eam aemulari, haec 5 bona gustantur. Carnalibus et saecularibus videtur amara et dura: sed piis et devotis dulcis est atque solaciosa. Qui enim tendunt ad honores, vel ad terrenas captandas facultates, quaerentes ubique 10 propria commoda; isti passioni meae non congruunt: nec eius internam suavitatem attingere possunt. Qui vero mundum quaerit contemnere, nec non carnem suam cum vitiis et concupiscentiis eius 15 crucifigere; hic maximam repperit consolationem: et singularem in passione mea sentiet devotionem. Tali etenim animae ego loquor. Columba mea in foraminibus petrae: in cavernis maceriae. 20 Huic et illud frequenter ingero: quod cuidam dilecto dixi discipulo. Mitte manum tuam huc, et cognosce loca clavorum meorum; et noli esse pusillanimus et trepidus: sed fortis et magnanimus in 25 passionibus meis imitandis. Habebit et unicum refugium in dextri lateris mei aperto vulnere: quicumque se nititur abnegare: et ab omni creaturarum affectione exspoliare. Fiet quoque eo liberior 30 ad invisendum me in profundo amoris

vulnere: quo nulla ei iam cura est de creato solamine. Ego enim traho omnia interiora eius ad me ipsum: ut sese non sentiat qui vulneratum cor meum sentit.

- 5 Fac ergo te alienum ab omni occupatione terrena: vacuas postpone sollicitudines, elonga te ab amicis et notis; serva te purum et liberum ab omnibus: ut possis intrare ad dilectum per ostium lateralis
10 vulneris. Talem induc affectum qualem habuerunt mulieres sanctae, quae me pendentem in cruce conspexerunt: et sicut unigenitum filium suum amarissime deplanxerunt. Tunc enim poteris
15 vere cognoscere et sapere quantum passio mea in corde amantis valeat, si dilectae matris viscera indueris; si nil ita diligendum sicut me ex toto corde tuo censueris: quia ex magnitudine amoris, trahitur ma-
20 gnitudo compassionis.

VOX
ANIMAE.

- Bene et optime placent mihi verba tua Domine Iesu Christe. Vnde rogo te, ut quamvis in omnibus non valeo te perfecte imitari: concede tamen exigue tibi
25 compati. Levabo igitur oculos cordis mei ad Dominum meum in cruce nude suspensum; attente singulas plagas et puncturas corporis tui considerabo: atque unica devotione vulneratas manus et perforatos
30 pedes cum suis clavis amplexabor et osculabor. Dehinc et in apertum vulnus

lateris tui tamquam in cameram dilecti mei dormientis introibo; ubi abscondite vivam, et ab omni nocumento protegar: ac felici quiete in pace divina repausem. Non timebo mala quaecumque mihi illata⁵ fuerint; nec quaecumque de me dici vel sentiri despective potuerint, dummodo tu mecum sis mecumque permanseris. Ego ero fidens in te: et in latere tuo die ac nocte morabor. Tu fidelior es¹⁰ amicus quam totus hic mundus: tu fortior ad muniendum murus, quam omnis angelorum exercitus. Et ideo numquam tui immemor esse debeo; sed quantum possibilitas permittit et infirmitas: tuae¹⁵ amarissimae passionis dolens recordabor. De qua tamen satis cogitare loqui et scribere, nulla creatura plene et digne sufficit, etiam si ad aliud nihil omnes vacarent; quia omnem creaturae compre-²⁰hensionem excedit, quod tu Deus Creator omnium homo fieri et pro hominibus mori dignatus es.

Oro igitur suppliciter te Domine ut me peccatorem misericorditer respicias; et²⁵ per ineffabilem gratiam tuam interius illumines, frequenter visites: lacrimis irriges, compunctione conteras et emundes; ut quem pretioso sanguine tuo redemisti: sedula passionis tuae meditatione renoves³⁰ et accendas. Concede mihi in ea devote

proficere: et cunctarum passionum mearum salutaria remedia exinde semper suscipere. Vtinam magis et profundius mihi ad cor transeat quam hactenus fecit: et sic me afficiat atque informet, quemadmodum multos sanctos et sanctas saepius accendit et compunxit; quatenus etiam in vita mea similitudo mortis tuae resultet per operationem spiritus et mortificationem carnis: possimque illud memorabile verbum apostoli dicere, quia Christo confixus sum cruci. Et illud aequè amantissimum verbum, contra omnes carnales et vaniloquos mundi sapientes praedicare.

15 De cetero nemo mihi molestus sit: ego enim stigmata Iesu in corpore meo porto. Portabat beatus apostolus Paulus gloriosa et pretiosa stigmata tua in corpore suo: cum praeter cotidianam passionis tuae

20 memoriam, toto cordis affectu exterius affligi, et vilipendi pro nomine tuo gaudebat; et quicquid corporaliter grave, vel spiritualiter molestum sentiebat: hoc totum leve et multum tolerabile ex amoris


25 consideratione vulnerum tuorum ducebat. Et ideo hortabatur omnes fideles amatores tuos dicens. Semper mortificationem Iesu in corpore nostro circumferamus: ut et vita Iesu in corporibus

30 nostris manifestetur. Stude et tu anima mea hoc ipsum iam facere, his praecipue

diebus, quibus in ecclesia venerabilis memoria Dominicae passionis agitur; ac lugubri mente et devota attentione illuc oculum speculationis dirige: ubi Iesum noveris in gravioribus poenis pro te fuisse. Dic affectuose cum sponsa, memor semper Sponsi tui ex amore crucifixi: ego dilecto meo: et ad me conversio eius.

DE SEPTEM NOTABILIBVS PVNCTIS ¹⁰
COGITANDI DE PASSIONE CHRISTI.

[XXVI]

ttendite et videte: si est dolor similis sicut dolor meus. Super omnia Dei beneficia humano generi impensa, passio Christi altius eminent: et corda plus compungit. Ideo ad tam magnum beneficium memorandum mens evigilare debet; et cum magna cordis compassione, de amaritudine passionis Christi sedulo ²⁰ pensare: quia hoc est Deo placitum, et salubre cogitanti. Nam singula vulnera, medicamina sunt animarum; et dura flagellorum verbera, divini amoris sunt indicia: et peccatorum nostrorum purga-²⁵ menta. O quantas gratias teneor Christo reddere pro quolibet verbere ac duro vulnere: quae in corpore suo pertulit pro me vili peccatore.

Pensa igitur primo quis est qui haec patitur; secundo a quibus patitur: tertio quanta patitur; quarto pro quibus patitur: quinto quam longo tempore patitur; sexto in quibus locis patitur: septimo in quibus membris patitur. Multum enim iuvant ad intimam compassionem: si haec septem notabilia per ordinem considerentur. Nam si personam patientis attendis; nulla dignior, nulla maior: nulla sanctior, nulla excellentior est. Siquidem filius Dei est iste qui patitur: unigenitus Dei Patris, primogenitus virginis matris, de Spiritu sancto conceptus, sanctitate et gratia plenus; signis et virtutibus clarus: in mundo sine peccato conversatus. Ipse est verus Agnus Dei absque macula, in lege praefiguratus: a prophetis praenuntiatus, a multis regibus et iustis desideratus; a Patre in mundum pro salute mundi passurus destinatus, ad crucem et mortem sponte paratus: pro peccatis nostris in ara crucis Deo Patri immolatus. Hic ergo talis ac tantus verus sacerdos et summus pontifex, sanctus, innocens, immaculatus, Rex regum Dominus, Creator omnium rerum, angelorum Conditor, hominum Redemptor, non refugit ab hominibus despici, capi, ligari, flagellari, crucifigi mori sepeliri: sicut docet textus sacrae passionis eius aperte.

O lamentabile spectaculum omni trans-
eunti per viam huius vitae ad inspicien-
dum foris expansum: et ad imitandum
intus omnibus fidelibus in exemplum da-
tum. Quaeso diligenter perpende singula
verba ac verbera in passione descripta:
quia pro tua salute omnia sunt gesta. Nam
maximam caritatem Christi tibi commen-
dant: et patientiam in omni tribulatione
servandam ostendunt. Certissime con-
stat quod in comparatione dolorum et ob-
probriorum Christi: nullius ponderis sunt
angustiae tuae quas pateris. Bonum est
ergo tibi hic oculum frequenter habere;
et in dolorosa passione Christi solacium
quaerere: et tamquam columba in fora-
minibus petrae habitare et pro poenis
lesu gemere. Plus enim consolabitur te
solus Iesus in meditatione suae benedictae
passionis: quam totus hic mundus in om-
nibus honoribus et divitiis suis. In pas-
sione Christi invenies quod te aedificet,
et conscientiam purificet; sed in delec-
tatione mundanorum brevis est laetitia:
et sordida remanet conscientia. Omne
enim quod de Deo non est vanitas est:
et pro nihilo reputandum. Passio autem
Christi vivus sermo est et efficax lectio
ad instruendum et igniendum et purifi-
candum: atque omni gladio acutior per-
tingit usque ad intima cordis. Nam neg-

legentiam increpat, duritiam emollit; ad
compassionem cor amantis scindit: atque
ad fletum saepissime movet. Totiens
enim anima devota compungitur, et quo-
5 dammodo intus vulneratur; quotiens pas-
sio Christi legitur, aut praedicatur: vel
quando crux aspicitur, aut Iesus Christus
et hic crucifixus nominatur. Et hoc est
animae, magnum solacium, si de passione
10 Christi cogitans dolorem eius sentit in
mente: quem Christus passus est et sensit
multipliciter in corpore.

*De primo
puncto
quis est
qui pati-
tur.*

Nunc ergo attende et quasi praesentem
intuere Christum: qui pro te ista patitur.
Primo cogita dignitatem personae: et con-
tristare vehementer quia Deus in carne
tam contumeliose tractatur. Ecce altis-
simus super omnes infra omnes deprimi-
tur; nobilissimus dehonestatur, speciosis-
20 simus sputis inquinatur: sapientissimus
deridetur, potentissimus ligatur; innocen-
tissimus flagellatur, sanctissimus spinis
coronatur: mitissimus colaphizatur, ditis-
simus depauperatur; largissimus spolia-
25 tur, castissimus denudatur: dignissimus
blasphematur, optimus vituperatur; doc-
tissimus fatuus reputatur, amantissimus
oditur: veracissimus abnegatur, dulcissi-
mus felle potatur; benedictus maledicitur,
30 pacificus molestatur: iustus accusatur, in-
noxius condemnatur; medicus vulneratur,

Dei filius crucifigitur: immortalis occiditur, Dominus pro servo suspenditur. O facinus inauditum: o horrendum et execrabile maleficio Iudaeorum; quod tamen Deus per suam piissimam misericordiam et sufferentiam convertit in tam magnum bonum: scilicet in salutem omnium credentium. Nam unde ad horam lux mundi extinguitur: inde aeterna lux in mentibus fidelium reparatur. Et unde ad 10 breve tempus vita moritur: inde aeterna mors in electis trucidatur. Denique ex passione Christi diabolus vincitur, et confunditur; infernus despoliatur, latro convertitur, mundus redimitur: iustorum 15 animae de limbo liberantur; portae caeli aperiuntur, angelorum ruinae restaurantur: salus aeterna per Christum facta toti mundo declaratur.

Secundo pensa a quibus haec mala Christus patitur. Certe a propria gente, a populo peculiari sibi dilecto; a cognatis suis secundum carnem: ab Israelitis Abrahæ filiis, quos olim tam multis beneficiis ditavit; tot privilegiis sublimavit: prae- 25 ceptis ac legibus et caerimoniis prae ceteris gentibus instruxit; ab hominibus quos ipse condidit, quibus optimam terrae partem tradidit: propter quos in mundum venit et salvare desideravit. Ab his igitur tam magnifice beneficiatis et exaltatis 30

De secundo puncto a quibus Christus patitur.

Christus inique spernitur; invidiose accusatur, sine causa affligitur, et tandem morte turpissima condemnatur. Non fuerunt memores multitudinis misericordiarum suarum quae a saeculo sunt: neque mirabilium operum suorum quae ostendit eis, etiam postquam offenderunt in multis. Non attenderunt quam humiliter inter eos vixit; quam salubriter eos docuit: quomodo paupertatem amavit et divitias contempsit; quomodo honores fugit, et humiles ac simplices elegit: quam multos infirmos sanavit, caecos illuminavit daemones eiecit, leprosos mundavit; ac aliis multis gloriosis signis clarens, factis Deum se probavit: et necessitatibus corporis nostri fruens verum hominem se esse monstravit. Pro istis utique bonis et eximiis virtutibus divina potentia patratis, non contumeliam meruit, sed gloriam; non poenam sed gratitudinem, non odium sed amorem: non derisum sed magis honorem recipere ab omnibus debuit. Sed pro dolor perversi et increduli, ingrati omnibus beneficiis extiterunt: et pro multis bonis multa mala reddiderunt; nec non alios quamplures pro augenda malitia sua ad idem facinus instigarunt: minis et clamoribus mortem innocentis petierunt. Nam persuasione principum, et sacerdotum agitatione, populi commoti

sunt: omnes Christo adversantur; senes cum iunioribus clamitant, terribilibus vocibus: tolle tolle crucifigatur. Versa est omnis anterior laus et honor in lamentum: omnis plausus et cantus Hebraeorum puerorum, in ululatum saevientium luporum. Nulla aetas defuit, nullus sexus conticuit; nullus status praetermissus est, omnes pravicordes Iudaei et gentiles concordant et consentiunt, ut Iesum morti cito tradant: et innocentem animam in cruce suspendant. Quapropter omnes isti efficiuntur aeternae damnationis rei in morte Christi; vere maligni homicidae et crueles nimis deicidae, qui filio Dei in nullo pepercerunt: sed omnia mala quae potuerunt in eum perpetrarunt. Nam falsa finxerunt: et bene ac inclite gesta perverterunt. O mira Dei clementia; o inestimabilis Christi patientia: quae tantis iniuriis commoveri non potuit nec poenis superari. Exemplum enim optimum et fortissimum solacium, omnibus iniuriam patientibus in hoc articulo dedit; ut saltem pauca verba volantia sustineant: qui dura verbera nequeunt adhuc sustinere.

Tertio pensare debes quanta Christus patitur: et a quam multis multa mala sibi irrogantur. Constat profecto evangelio teste, quia primo pro parva pecunia a proprio discipulo venditus fuit; postea

*De tertio
puncto,
quanta
Christus
patitur.*

osculo fictae pacis hostibus traditus est:
a sacerdotibus graviter obiurgatus; a pon-
tifice blasphemus vocatus: a scribis et
Pharisaeis diffamatus; a maioribus civi-
5 tatis accusatus: a ministris iudici prae-
sentatus; ab Herode spretus et illusus:
a Pilato morti adiudicatus; ab armigeris
captus et ligatus: a militibus flagellatus
et coronatus; a servis convitiatus, con-
10 sputus et colaphizatus: ab ancillis abomi-
natus; ita ut Petro dicerent, vere ex illis
es: et tu cum Iesu Galilaeo eras. Vix ali-
quis tam inops et vilis est inventus: qui
de poenis Iesu non est gavisus. O dolor
15 super dolorem; o pauperem et humilem
Iesum: non habentem consolatorem nec
adiutorem a filiis hominum. Noti reces-
serunt; amici longe steterunt: flere po-
terant, adiuvere nequibant. Inter hostes
20 nequissimos Iesus est derelictus; a maiore
usque ad minorem fuit ad mortem postu-
latus: cum confusione et clamore extra
civitatem ductus, ligno crucis oneratus;
vestibus suis spoliatus, inter latrones nude
25 suspensus: clavis affixus, felle et aceto
potatus. Gravia fuerunt impia verba;
graviora dura verbera: gravissima horrida
crucis supplicia. In tenerrimo, sanctissimo
purissimo, ac speciosissimo virgineo cor-
30 pore exercuerunt tam ignominiosa tor-
menta; ut a planta pedis usque ad ver-

ticem nulla esset sanitas corporis: sed
 tamquam leprosus appareret omnibus in-
 uentibus. Vide ergo nunc et considera
 si est dolor similis dolori eius: quem
 patitur pro te Deus tuus. Numera si potes
 omnia verbera omnia vulnera, omnes pla-
 gas, omnia impropria, omnia inquinam-
 enta, a multis sibi inflicta: et compatere
 corde compassivo, omnia ista aequani-
 miter patienti. Describe ea in tabula cor-
 dis tui pro memoriali perenni: et in omni
 tribulatione tua dirige oculum mentis ad
 Iesum pendentem in cruce. Haec enim
 crucifixio fuit Christo post tam multas
 poenas sibi incussas, ignominiosissima
 amarissima et gravissima. Fuit etiam
 tristissima sibi ex parte amicorum alonge
 stantium, et lugentium uberrime: quia
 eorum luctum et gemitum suum reputabat
 dolorem. Fuit quoque crudelissima ex
 parte adversariorum ipsum deridentium,
 conviciantium, et gratulantium de interitu
 eius: qui nulla miseratione de tantis poenis
 et malis movebantur. Ecce iam audisti
 quanta et a quantis passus est Christus:
 cui merito compati debet omnis christia-
 nus. Si quis videret patrem suum, aut
 aliquem carissimum amicum ante se tot
 poenis cruciari, et in publico patibulo
 ante portam suspendi; nonne statim quasi
 amens effectus prae dolore tabesceret et

deficeret? Multo magis ergo passio Christi debet intima viscera tua penetrare: et ad saluberrimum luctum provocare. Stude igitur omnem carnalem amorem a te abicere; omnem vanam laetitiam excludere: quatenus inter devotos amatores Christi merearis computari; qui cotidie in passione Dominica se exercent, et omnes dolores Christi ita in se trahunt: 10 ut de propriis laesionibus et iniuriis parum vel nihil ponderent. De quibus ait beatus Paulus apostolus Dominicae passionis amator. Hoc sentite in vobis, quod et in Christo Iesu: qui semet ipsum exinanivit formam servi accipiens, factus 15 obediens usque ad mortem crucis.

*De
quarto
puncto,
pro quibus
Christus pa-
titur.*

Quarto pensabis pro quibus passus est Christus: et qua de causa tam amaram mortem pertulit Deus. Vtique pro peccatis nostris, quae a parentibus nostris contraximus; et quae etiam singuli propria iniquitate perpetravimus: in qualicumque aetate vel statu, vel ordine, vel officio. Omnes enim peccaverunt et egent gloria 25 Dei ait apostolus; sive Iudaei sive gentiles, sive servi sive liberi: sive pauperes sive divites, sive reges sive principes; sive clerici sive laici, sive sacerdotes sive doctores, sive praelati sive subditi: 30 omnes inquam filii Adam, omnes filii irae per naturam geniti; sed per gratiam

Christi liberamur, per baptismum Christi mundamur: per mortem Christi ab aeterna morte salvamur. Sive ergo dicatur passio Christi, sive sanguis Christi, sive crux Christi, sive mors Christi ad idem valet;⁵ et hoc totum simul nobis proficit ad salutem: quia in Christum credendo, et Christum amando, Christo incorporamur et unimur. Caput enim pro membris passum est, caput pro membris do-¹⁰luit: caput pro membris in cruce oravit et veniam impetravit. Igitur pro omnibus mortuus est Christus; ut gustata morte temporali vinceret mortem aeternam, et de peccato damnaret peccatum:¹⁵ hoc est per poenam passionis suae solveret omnia debita peccatorum nostrorum. Hinc quoque beatus Petrus gratiam Christi et meritum passionis eius commendans ait. Christus semel pro pec-²⁰catis nostris mortuus est, iustus pro iniustis; ut nos offerret Deo mortificatos quidem carne: vivificatos autem spiritu. Hinc etiam in Apocalypsi legitur quod sanctorum animae cum magna gratiarum²⁵ actione ante thronum Dei ceciderunt: et coram Agno laudes pro sua redemptione cantaverunt dicentes. Redemisti nos Deo in sanguine tuo ex omni tribu et lingua et populo et natione: et fecisti nos Deo³⁰ nostro regnum et sacerdotes. Hinc quo-

que est quod sancta mater ecclesia in
 litanis sanctorum quando pro diversis
 necessitatibus et periculis orat: hanc peti-
 tionem specialiter ad Christum dirigit.
 5 Per passionem et crucem, per mortem
 et sepulturam tuam: libera nos Domine.
 Talis enim oratio maxime Deo placet;
 et ampliorem fiduciam praestat veniam
 impetrandi: propter meritum passionis
 10 Christi. Est autem passio Christi the-
 saurus ecclesiae qui non potest exhausti
 nec consumi: sed est infinitae virtutis
 et dignitatis. Per hanc quippe omne
 debitum solvitur: omne peccatum dimitti-
 15 tur; et paenitentibus regnum caelorum
 promittitur ac donatur: quod per multa
 milia annorum clausum tenebatur. O sua-
 vissima reconciliatio ad placandam faciem
 divinam: o dignissima oblatio ad recupe-
 20 randam gratiam amissam; o plenissima
 satisfactio ad abstergendam omnem ma-
 culam peccatorum filiorum Adam: in quo
 omnes peccaverunt et ceciderunt. Quia
 ergo Christus nullum a peccato liberum
 25 repperit: ideo liberandis omnibus venit;
 pro omnibus ex caritate satisfecit: ex
 pietate voluit; ex divinitate potuit: ex
 humanitate opus redemptionis implevit.
 Vnde beatus Paulus aiebat. Deus erat
 30 in Christo mundum reconcilians sibi; ob-
 secramus pro Christo: reconciliamini Deo.

Ecce habes et audisti, pro quibus passus est Christus, et qua de causa hanc mortem pati dignatus est: quia pro omnibus hominibus cuiuscumque aetatis et sexus ex Adam origine natis.

5

Quinto pensabis quam longo tempore Christus passus est, et quamdiu in poenis fuit; quia hoc ad longanimitatem patientiae eius pertinet: et notabilem confortationem pusillis ac tristibus praebet. Attende et diligenter perlege omnes sancti evangelii libros: et aperte invenies quia tota vita Christi ab initio nativitatis suae usque ad exitum vitae in magna paupertate, in persecutione et temptatione, in labore et fatione, in despectione et oblocutione pravorum exercitata fuit; ac tandem in crucis mortificatione consummata: sicque nullum tempus absque tribulatione pertransiit, quamdiu in saeculo vixit. Sed considerando certum diem et horam passionis suae, tunc a vespera sacratissimae cenae, tristitia imminentis doloris ac futurae mortis incepit; quando cenantibus adhuc discipulis eis praedixit, quod eadem nocte ab uno eorum tradendus esset in manus peccatorum: et duravit usque post horam sepulturae eius; immo usque ad tertium diem in qua resurrexit a mortuis: tunc enim apparuit discipulis suis vivus laetus ac gloriosus.

*De
quinto
puncto
quam
longo
tempore
Christus
patitur.*

Grave igitur fuit peccatum hominis quod tanto tempore et tantis doloribus vix expiari potuit: pro quo et Dei filium crucifigi ac mori necessarium fuit. Vnde quia
 5 fragilitas humana est valde magna, et ad malum prona ab adolescentia sua: insuper et ex multis occasionibus et temptationibus contingit homines peccare diversis temporibus et horis tam diurnis
 10 quam nocturnis, saepe etiam scienter saepe ignoranter: ita ut vix aliqua dies vel hora praetereat absque delicto et Dei offensa; idcirco ne homo propter nimietatem delictorum suorum desperet de venia
 15 consequenda: Salvator noster Iesus Christus passus est pro omnibus nobis gravissimos dolores, longo tempore et in diversis horis; quia per totam noctem et diem pro peccatis filiorum hominum
 20 laboravit sustinendo: saepissime pretiosum sanguinem suum effundens. Tunc etiam veraciter in his temporibus septem horas canonicas ad laudem Dei Patris sui complevit: non canendo sed patiando
 25 et orando pro nobis. Quapropter omnes religiosi exemplo Christi informati debent has septem horas cotidie Deo persolvere; quia Christus semet ipsum holocaustum Deo in odorem suavitatis in ara crucis
 30 optulit: et tamquam electus aries inter vepres peccatorum pendens, pro Isaac

id est pro omnibus electis immolatus est. De quo beatus Petrus Christi fidelibus scribens: ad gratitudinem eos hortatur dicens. Non enim corruptibilibus argento vel auro redempti estis de vana⁵ vestra conversatione paternae traditionis: sed pretioso sanguine quasi Agni immaculati Iesu Christi. Voluit ergo Redemptor noster Dominus Iesus Christus tam longo tempore tam multas poenalitates in suo¹⁰ sanctissimo corpore sustinere: ad delendum chirographum damnationis nostrae; ad excitandum nos ad fervorem strictae paenitentiae: ad dandum exemplum magnae patientiae cunctis diebus vitae nostrae.¹⁵ Et vere patientia est nobis omnibus summe necessaria, quamdiu degimus in hac misera vita temptationibus plena; quia nemo securus, nec una quidem die aut hora a laqueis diaboli et ruina peccati, in quo-²⁰ cumque loco fuerit aut ordine aut officio constitutus: nisi gratia et misericordia Dei fuerit omni hora desuper respectus et munitus. Sed inter haec mala et pericula confugiendum est praecipue ad²⁵ passionem Dominicam, et sub arbore crucis tamquam sub umbraculo divinae protectionis latitandum et pausandum: atque de patientia Christi intime et saepe meditandum; quia ipsa habet virtutem³⁰ sapidissimam dulcorandi et mitigandi om-

nes amaritudines passionum nostrarum: et alleviandi gravamina a quocumque homine vel spiritu fuerit aliquis exacerbatus.

*De laude
patientiae.*

Stude igitur exemplo Christi et sanctorum eius aequanimiter huius vitae adversitates sufferre: et patientiam pro armis tenere. Noli conqueri de longitudine temporis, nec de acerbitate afflictionis; sed pensa quia Christus graviora diutius pro te pertulit: et ideo iustum est ut eandem viam sequaris. Nam patiendo pro Christo multum promereris: et multa bona exinde consequeris. Primo quidem
15 Deum altius honorificas: si de manu eius quaelibet contraria benivole capis. Angelos laetificas: qui de tua tolerantia gaudent in caelis. Proximum aedificas: si iniurias tacite feras. Diabolum confundis: si laesus et contemptus gratias agis. Coronam tuam duplicas: quia hic maiorem gratiam, et in futuro altiore gloriam recipies. Siquidem omnis praesens labor parvus est, et brevis haec vita:
25 sed merces sequens grandis est et requies infinita. Revera totiens martyr Dei efficeris: quotiens pro Deo poenam libenter pateris. Non ergo aestimes Deum tibi adversari: si in hoc mundo molestaris
30 et deprimeris. Gaude potius quia hic humiliaris et flagellaris: ut postea cum

Christo in aeternum glorificeris. Saepe enim plus nocent prospera quam adversa: et citius decipiunt blandimenta quam amara vituperia. Noli ergo deficere in tribulatione tua pro Christi nomine et amore; sed constanter patienti animo omnia sustine, sicut Christus et omnes sancti fecerunt: qui dolores sustinendo hostem vicerunt. Nam adversa patiundo fit homo melior; auro pulchrior, vitro clarior: a vitiis purgator, virtutibus perfectior; Christo acceptior, sanctis similior: hostibus fortior, amicis amabilior. Fit etiam quisque ad custodiam sui cautior, ad compassionem promptior; ad humilitatem profundior, ad discretionem prudentior: ad orandum ferventior, ad caelestia paratior, ab inferno securior. Haec sunt bona germina sanctae patientiae; quae maxime relucent in Christi amarissima passione: et haec omnibus nobis proponitur imitanda. Ipsa namque sacratissima passio, cunctis sanctorum passionibus fuit dolore acerbissima; humilitate profundissima, caritate excellentissima: oboedientia perfectissima, patientia fortissima; puritate innocentissima, utilitate saluberrima: meritis dignissima, remediis efficacissima; satisfactione pro omnibus sufficientissima, placatione ap-
tissima: reconciliatione gratissima: ob-

latione acceptissima; redemptione fructuosissima, mysteriis plenissima: omnium virtutum suavitate redolentissima, omnibus scientiis, artibus et medicinis praeferenda. Tam magna, tam alta, tam longa
 5 tam profunda, tam dulcis tam devota, tam compunctiva, tam amorosa, tam fervida, tam solaciosa, tam sapida tam virtuosa est passio Redemptoris nostri: ut nullis
 10 vocibus humanis valeat plene commendari; nullis angelicis linguis digne queat explicari: sed semper nova est et vivida; semper reficit et confortat, instruit, et accendit: sed praecipue eos qui con-
 15 temptis omnibus, in vulneribus Iesu Christi solacium suum quaerunt.

*De vi
 puncto
 in quibus
 locis
 Christus
 patitur.*

Sexto notabis omnia illa loca in quibus
 Christus passus est pro te aliquas contumelias vel poenas. In monte siquidem
 Oliveti ter oravit; ibi prae tristitia et
 pavore sanguinem sudavit: et oratione
 facta in voluntatem Patris sui perfecte
 se resignavit. In horto a Iudaeis quaesitus est et inventus: non fugit ab eis,
 25 sed obviam processit; a Iuda proditus est, et ore ficto osculatus: ab armatis ministris captus et ligatus; a prava cohorte tamquam pessimus latro in tenebrosa nocte cum facibus et laternis ad
 30 civitatem violenter est tractus et ductus: et ne evaderet vel ab aliquo eriperetur

cautissime custoditur. In domo Annae primo examinatur, et quaeritur ab eo de doctrina sua et discipulis eius; et cum ad haec bene respondisset: ab uno ministrorum, in maxillam duriter est percussus. In domo Caiphae pontificis, ubi multi congregati erant contra eum, multis iniuriis et ludibriis vexatur; facies eius obvelatur, sputis inquinatur, colaphis caeditur: et ut reus mortis proclamatur. Mane autem facto vinctis manibus publice per plateas ad praetorium Pilati ducitur: et tamquam transgressor legis et populi subversor graviter accusatur. Deinde ad consistorium Herodis transmittitur: a quo derisus et alba veste indutus velut fatuus reputatur, et ad Pilatum remittitur; ubique illusus, ubique exprobratus: nullibi tutus, nullibi quietus; omnibus odiosus, omnibus abominabilis factus: foris audit clamores, intus patitur dolores; et post saeva verbera et multa vulnera accepta, quasi vita ista indignus, extra civitatem cum contumeliosa cruce educitur: atque inter latrones in loco Calvariae nudus in cruce suspenditur. Omnibus autem consummatis quae de ipso scripta erant, in corde terrae, scilicet in monumento novo exciso, a iustis viris Ioseph et Nicodemo reverenter sepelitur, et a sanctis mulieribus multis lacrimis et suspiriis

deploratur. Ecce quam multa loca in
passione sua Christus visitavit, quam
saepe in istis pretiosum sanguinem suum
fudit; quam multa impropria cum ver-
5 beribus sustinuit, ut populum suum sanc-
tificaret, et loca contaminata purgaret: in
quibus homines saepe peccant et Deum
offendunt. Quis enumeret pro dolor
omnia mala quae adhuc in multis locis
10 publice et privatim fiunt; tam in domi-
bus quam in plateis, in hortis, in villis,
in montibus et vallibus, in campis et
silvis, in atriis et palatiis terrenis? Non
est ibi Christus; non auditur ibi fletus
15 de passione Salvatoris: sed vanitas vani-
tatum, iocus et risus in conviviis Hero-
dis, cum suis principibus. Vae eis qui
sic elongaverunt se ab eo qui redemit
eos; faciem ad mundum habentes: et
20 dorsum ad Deum convertentes. Attamen
pius Dominus non cessat clamare post
tales: et ad paenitentiam revocare oves
errantes. Nam spem magnam miseri-
cordiae suae reliquit hominibus in tam
25 benigna sufferentia omnium malorum et
dolorum suae amarissimae passionis: et
praecipue in illis locis, ubi erat produc-
tus et lacessitus. Vnde pro malitiis ho-
minum extinguendis et pro immundis
30 locis purgandis: gravissime punitus est
in suo sanctissimo corpore a multis. Et

qui olim propter peccata hominum maledictionem mundo intulit: nunc per effusionem sacri sanguinis sui benedictionem et remissionem peccatorum omnibus paenitentibus promisit. Destruxit insuper per 5 verbum praedicationis suae idola gentium et habitacula daemonum: subvertitque aras et nomina falsorum deorum; et pro sacrilego ritu paganorum et vitulis Iudaeorum: verum ac novum sacrificium 10 pretiosi corporis sui instituit in multis locis celebrandum. Propter hoc enim fecit consecrari templa et altaria multa in multis locis ad honorem nominis sui et sanctorum; ut stet firma fides christianorum: et cultus floreat divinus cum 15 laudibus hymnorum. Sed et ad ornandum locum habitationis gloriae suae, et domum orationis optimis reliquiis illustrandam: reposuit ibidem devota et prae- 20 clara signa passionis suae in memoriale sempiternum; atque in titulum triumphalem devictae mortis erexit crucem sanctam, tamquam arram foederis et pacis inter Deum et hominem: et tamquam 25 arcum aereum contra diaboli terrorem.

Dignum igitur est, ut iam in diversis locis ab universis Christi fidelibus, a parvulis et magnis, a pauperibus et divitibus, a sapientibus et imperitis, a fortibus 30 et infirmis, a praelatis et subditis, per

totum orbem terrarum apertis ianuis et
 omnium linguarum vocibus Christus pas-
 sus praedicetur, laudetur et magnificetur:
 atque super omne nomen in caelo et in
 5 terra altius elevetur, pro omnibus con-
 fusionibus et poenis, in multis locis a
 multis personis sibi factis. Debes ergo
 et tu devotionis causa stimulatus in hoc
 sancto die parasceves omnia illa loca
 10 Dominicae passionis in mente tua de-
 pingere, et in spiritu Ierusalem perlu-
 strare; ad imaginem Crucifixi oculos
 frequenter erigere: et cum intima com-
 passione sacra Iesu Christi stigmata in-
 15 spicere, quam magna et multa fuerunt.
 Deinde veniam pete, ut ipse tibi miseri-
 corditer indulgeat: quotienscumque in
 aliquo loco vel tempore ipsum offendisti.
 Potes etiam altaria ecclesiae tuae visi-
 20 tare, et ad terram te prosternere; pavi-
 mentum sive scabellum altaris tribus aut
 quinque vicibus osculari: in recordatione
 sanguinis Christi super terram effusi.

Debes insuper propter amorem et ho-
 25 norem Christi, cuncta sanctae ecclesiae
 loca Deo consecrata, omnia monasteria
 et hospitalia, ubicumque religiose vivitur,
 et Deo servitur, in reverentia semper
 habere; eorumque bonis actibus congau-
 30 dere, et adversitatibus condolere: qua-
 tenus omnium bonorum quae ibi die ac

nocte ad laudem Dei peraguntur particeps effici merearis. Cito namque veniam a Deo obtinebit: quisquis de peccatis suis veraciter dolens, de cetero firmiter se emendare proponit. Magnam quoque fiduciam divinae propitiationis acquirat; qui in omni re et petitione passionem Christi in auxilium sibi assumit: et plus de meritis Christi et sanctorum suffragiis quam de propriis laboribus et virtutibus confidit. Nam opera nostra stricte discussa: raro ex toto sunt pura. Et ideo necesse ad humilitatem et confessionis remedium confugere; semper a Deo misericordiam petere ac totam spem salutis in Christo ponere: qui solus in omnibus perfectus est. Ipse enim potest imperfectiones nostras celeriter et perfecte curare: et amplio-
rem gratiam humilibus et contritis corde praestare. 20

Septimo et ultimo loco attendere debes et cum ingenti maerore pensare, in quibus membris passus est Christus: et quales poenas in singulis articulis et quinque sensibus corporis pertulit pro nobis. O quam dura verbera in flagellatione sustinuit: quam multa milia vulnera sibi inflicta fuerunt; quam saepe in eodem puncto reperi-
tus est: quam poenaliter ista sensit et tacuit. Non minus opposuit, nec pedem vel aliud mem-
brum De
septimo
puncto,
in quibus
membris
Christus
patitur.

brum ab ictibus retraxit; sed sponte ac libere totum corpus suum percutientibus tradidit: ut pro peccatis omnium hominum plene satisfaceret. Nam sicut cui-
 5 dam religioso in visione ostensum est, quotiens Christus unum ictum verberantis accepit; mox illum Patri pro nobis ex amore optulit: petens ut et delictis nostris ignosceret. Non enim tam dilec-
 10 tus filius contra Patrem aliquando murmuravit quia tantis poenis eum exposuit; non comminabatur torquentibus se duriter: non irascebatur conspuentibus se turpiter, non maledicebat accusantibus
 15 se fallaciter; sed magis condoluit; excusavit, toleravit: et oravit pro eis ut acciperent veniam dicens. Pater dimitte illis: non enim sciunt quid faciunt.

Sed quae causa tanti mali et doloris
 20 immensi? Certe multa peccata hominum; qui in multis membris suis per quinque sensus saepissime delinquent: et Dominum graviter offendunt. Nam corporis membra quibus Deo servire
 25 deberent, et multa bona operari possent; haec pro dolor timore divino excluso, diversis vanitatibus et delectationibus pravis ausu temerario tradunt: et ita peccando servi vitiorum et membra ac
 30 vasa daemonum fiunt. Quapropter Christus filius Dei compatiens hominibus et

cupiens sanare peccatores et a laqueis diaboli eripere, graves et longos cruciatus in sanctissimo corpore suo excepit et pertulit; ut per corporales dolores in quinque sensibus suis medicinam conferret animabus nostris: et omnes delectationes carnis quae militant adversus spiritum, doceret esse fugiendas et mortificandas. Ne ergo Deus hominem propter peccata sua aeternaliter puniret qui summum bonum desèrens creaturis adhaesit; pius Dominus Christus hanc in se poenam temporalem et mortem carnis pro culpis nostris sine omni culpa suscepit: ut iram Patris placaret, et ab aeternis poenis nos liberaret.

Sed iam ad singula membra vulneribus sauciata oculum cordis converte: et pio compassionis affectu lacrimas funde. A planta pedis incipe; et usque ad verticem capitis ascende: quia totum corpus Iesu repletum est amarissimo dolore. Enimvero si tu iam in tali esses dolore, aut iaceres in grabato gravatus languore; nonne placeret qui tibi condoleret, et displiceret qui te neglegenter praeteriret? Vide ergo Dominum Iesum propter te passum, propter te vulneratum et mortuum; et habeto super omnibus doloribus eius ad minus gemitum: si non potes elicere planctum. Cum enim beatus

Stephanus esset lapidatus: viri timorati
 et fideles fecerunt planctum magnum
 super eum. Et ecce maior Stephano,
 immo prae omnibus sanctis sanctorum
 5 maximus pendet in ligno crucis vulneri-
 bus plenus; et ideo merito condolere sibi
 debet omnis fidelis: sed praecipue reli-
 giosus devotus saeculo abdicatus. In-
 tuere igitur primum quam graviter Chri-
 10 stus passus est et vulneratus in suis
 speciosis ac mundis pedibus quibus per
 terram saepe fatigatus ambulavit verbum
 Dei praedicando: cum quibus undas maris
 calcavit sine navigio, sine humano ad-
 15 iutorio transfretando. Nam ea virtute et
 potestate divina qua omnia creavit: et
 ventis ac mari imperare, et ad usum sui
 habere potuit. Sed heu quam mirabilis
 rerum mutatio: et quam incomprehensi-
 20 bilis Dei dispensatio; quod auctor om-
 nium creaturarum et summus medicus
 animarum et corporum, qui multos clau-
 dos et aegrotos fecit subito ambulare:
 nunc tam ferociter in pedibus suis vul-
 25 neratur, tam fortiter ferreis clavis per-
 foratur; ut nec incedere quidem valeat
 neque se movere: sed instar pessimi
 latronis duris vinculis tenetur cruci alli-
 gatus. Tali itaque poena perfixus est in
 30 utroque pede innocens Christus; qui
 secundum prophetam solvit compeditos,

illuminat caecos: erigit elisos, diligit iustos. Et quare hoc? Profecto, ut vincula peccatorum nostrorum solveret, et maculas pedum ablueret: quae multotiens contrahuntur in discurrendo ambulando 5 spatiando ludendo saltando. O quam graviter peccant, qui pauperes conculcant: qui pompatice procedunt; qui tumultus in ecclesia excitant, et orantes impediunt: qui multos levi evagatione et moribus 10 incompositis scandalizant. Vae eis qui propter taedium boni operis et defectum devotionis: quaerunt consolationes in rumoribus et negotiis externis. Isti etenim si uno clavo timoris Domini essent con- 15 fixi, manerent utique libenter apud semet ipsos solitarii cogitando de passione Christi; aut de scripturis sanctis aliquid legerent, unde compuncti accenderentur in amorem Christi: per quem vincerent 20 omnia aspera et dulcia mundi. Beati pedes eorum, qui ad audiendum verbum Dei parati sunt: qui omissis vanis ad ecclesiam properant; orationi saepe incumbunt, sensus ab evagatione restringunt: ut cum bona 25 conscientia dicant. Ab omni via mala prohibui pedes meos: ut custodiam verba tua. Beati pedes qui sequuntur vestigia Iesu usque ad crucem; et amant ibi potius stare et cum Maria plorare: quam ad 30 epulas ire et spectaculis interesse.

Passus est etiam Christus et graviter
vulneratus in sacris manibus suis, qui-
bus saepe benedictionem dedit, infirmos
tetigit et sanavit; cum quibus panem
5 accepit et comedit: corpus suum con-
secravit, et discipulis suis in solacium
porrexit. Sed o pie Deus, cur pateris
manus tuas cum tanto dolore transfodi,
et tam multo cruore perfundi; qui caelos
10 extendisti sine labore, et terram ornasti
miro decore? Heu sancte Deus fortis
et immortalis, ecce manus tuae quae for-
maverunt primum hominem in paradiso,
sine defectu sine omni vitio: iam pro
15 dolor a perfidis hominibus et iniquis
manibus perforantur ferratis spiculis lu-
daeorum; et in oculis amicorum tuorum
extenduntur in ligno crucis, ab omnibus
tunc maledicto: et pro maximo scandalo
20 reputato. Sed o bone dulcissime Iesu,
hanc iniuriam et violentiam voluisti pro
primis parentibus nostris et filiis eorum
patientissime tolerare: ut chirographum
decreti disrumperes, et peccatum origi-
25 nale ex tactu ligni vetiti et esu pomi
noxialis contractum, tuo sancto cruore
detergeres; ut unde mors oriebatur per
culpam: inde salus rediret per poenam.
Ideoque iustitia exigente utrasque manus,
30 pro culpa delenda in ligno crucis ex-
tendisti: et pro peccatoribus universis

caritate trahente, cruentis manibus exorasti.

O quam grata et acceptabilis fuit ista oblatio pro nobis; quando tu amantissime Iesu unice fili Dei, temet ipsum obtulisti in sacrificium sempiternum ad placandam faciem Dei Patris omnipotentis, quem omnes offendimus in multis; a quibus non sufficimus per nos iustificari, nisi interveniente tua sacratissima passione,¹⁰ et temporali morte in arbore crucis: de qua prodiit sanctificatio et redemptio nostra in acquisitione aeternae salutis. Attende hic gravitatem peccatorum nostrorum et acerbiteriam vulnerum Christi;¹⁵ affectum caritatis eius supplicationemque pro inimicis: benignitatem quoque in omnibus contrariantibus sibi. Saepissime Christus oravit, et discipulos orare docuit: aliquando flexis genibus, aliquando²⁰ elevatis in caelum oculis; sed nusquam ita flebiliter et amicabiliter orasse reperitur sicut modo auditur: cum pro inimicis suis expansis manibus et pedibus confixis, ac membris omnibus dis-²⁵tensis et vulneratis, in ara crucis oravit. Tunc enim fudit precem dulcissimam in auribus paternis, ut ignosceret in se peccantibus. Igitur ad compescendam hominum malitiam qui ad irascendum fa-³⁰ciles sunt, et pigri ad benefaciendum

adversariis suis: Christus vulnera latissima in manibus suis accepit, informans omnes ad bona agenda et mala patienda; quia pro maximis lucris reputatur: si
 5 quis aemulis suis non talionem vindictae, sed orationis munus rependit. Caveas ergo homo paupercule fragilis et vitiose: ne aliquem laedas vel contristes verbo sinistro vel opere pravo, pro quo
 10 Christus passus est et mortuus; quia pretiosa est in conspectu eius omnis anima quae in eum fideliter credit: et mandata eius veraciter custodit. Iustum autem est ut de proximo tuo bene sentias et
 15 meliora speres; quia vel talis iam bonus est: vel per gratiam cito meliorari potest. Tu ergo ostende caritatem et roga etiam Deum Patrem; ut quem nunc habes adversarium: recipias iterum fratrem emendatum. Si autem tibi nocuit; indulge ex
 20 corde propter amorem Iesu Christi: qui in multis tibi pepercit. Ipse enim pius et misericors omnibus fuit; pauperes non despexit, leprosos non abhorruit: debilem
 25 non derisit, tristem delinivit, iratum placavit; perversum toleravit, paenitentem suscepit: errantem instruxit, innocentem defendit; vacillantem confortavit, caritatem ad omnes ostendit: et quod amplius est mirandum, plagis et vulneribus
 30 percussus ab oratione non cessavit. Ecce

qualiter Christus malos tolerando, bonos consolando, sanis et infirmis exemplum optimae doctrinae in passione exhibuit: et quasi duobus caritatis suae bracchiis, hostem et amicum pariter sibi attraxit; non reputans delicta ipsorum dummodo velint Deo reconciliari, et omnes offensas debitoribus dimittere: ac mutuam caritatem insuper conservare.

Passus est etiam Christus multum¹⁰ poenaliter in suo sanctissimo capite, tamquam in principali membro corporis sui pro omnibus membris inferioribus quae nos sumus qui in eum credimus: et per fidem ac dilectionem ei adhaere-¹⁵ mus. Debet enim quilibet fidelis tamquam vividum et sanum membrum Christo capiti suo in cunctis doloribus mentaliter compati et convulnerari; quia membrum quod capiti suo laeso et aegroto non²⁰ compatitur et congemiscit: aut putridum est aut insanum. Ergo si membrum Christi es, et de spiritu Christi vivis et sapis; attende nunc ad caput Christi, filii Dei vivi: et vide quantis spinarum²⁵ aculeis undique pro peccatis tuis perforatur. Non est facile dictu quam gravis quam longus quam acutus hic dolor fuit in benedicto et nobili capite Iesu, super omnia sanctorum et Nazaraeorum capita³⁰ consecrato; cuius sanctum verticem nova-

cula acuta non tetigit: nec capillus de
capite eius in terram cecidit; nisi forte
impii Iudaei cum ministris praesidis ali-
quos pilos de sancto capite furiose ex-
5 traxerint, vel etiam de barba sancta crines
indignis manibus evulserint. Quia plures
contumelias et verbera Christo irrogasse
aestimantur: quae per singula non sunt
ab evangelistis expressa. Dicit tamen
10 sanctus Lucas quia et alia multa blas-
phemantes dicebant in eum. Nam aliqui
velut insipientem, Christum aperte deri-
debant; alii perversiores contumeliosa
verba addiderunt: alii bestiis crudeliores
15 dentibus stridebant, et plagas non paucas
sibi intulerunt; et fortassis calcibus suis
sacros pedes Iesu calcarunt: quos dudum
Maria Magdalena multis lacrimis lavit et
unxit. Ai Domine Deus quam profunde
20 acumina spinarum, sanctissimum caput
tuum intrarunt: quam duriter tenuem
carnis tuae pellem cum ossibus et nervis
laeserunt; ita ut ex vulneribus impressis
rivi sanguinis per collum per oculos per
25 aures et vultum effluerent: ac decoram
faciem tuam et omnem pristinam pulchri-
tudinem penitus obscurarent. O generatio
prava et exasperans ut quid innocentem
tam severe punis? Cur pium ac humi-
30 lem opprimis; et quasi in circulo caput
eius contorques? Certe mendaciter ca-

pitale crimen ei imponis quod regem se fecerit; quia numquam hic regalia ornamenta secundum saeculi dignitatem habuit: neque calceos gessit, neque coronam concupivit. Nullum etiam hominem verbo vel facto laesit: quin potius laesos et oppressos a diabolo gratis sanavit.

Filiae Ierusalem et omnes devotae matronae, venite et videte Regem Christum, Iesum Nazarenum verum et pacificum 10 Salomonem ex regali progenie David ortum; videte quomodo in die coronationis suae coronatur corona spinea, a noverca sua synagoga impia: suadente diabolo, et perurgente sacerdotum invidia. Flebant 15 tunc uberrime mater eius beatissima Maria cum sancta Maria Magdalena, et omni comitiva sua nimium desolata; flebant et discipuli dispersi in turba Iudaica prae confusione et dolore ex visione spinea coronae, quae sacro capiti Christi Domini ac magistri sui durissime fuit impressa: clamante iudice coram populo furente, ecce rex vester.

Pensate nunc cuncti fideles, si um- 25 quam talem contumeliam et tam acerbissimam poenam in aliquo de prioribus sanctis regibus vel prophetis audistis vel legistis, sicut nunc agitur in Domino prophetarum; in Rege angelorum, in Prae- 30 sule omnium sacerdotum: in Agno Dei

qui venit tollere peccata mundi per varia tormenta corporalis supplicii. Ecce qui antea gloriosus effulsit in signis et virtutibus magnis; nunc valde irreverenter tractatur illusionibus multis: et percutitur virgis ac flagellis. Quem maxime honorare principes debuerant, et pro vero rege ac summo sacerdote suscipere; iam inauditis obprobriis dehonstant: et
 10 corona crudelissimae punctionis tormentant. Omnia enim in contrarium agunt praestitis sibi beneficiis multis: et acrius saeviunt in auctorem propriae suae salutis. Nam pro rosis et liliis: offerunt
 15 ei spinas acutas. Pro gemmis et margaritis: dant sibi alapas duras. Pro corona regia: sertum de iuncis marinis. Pro torque aurea: colaphum sine misericordia. Pro stola byssina: albulam fatui
 20 cum ignominia. Pro purpura regis: rubicundi sanguinis guttas. Pro balteo argenteo: linteum de tenui filo. Pro sceptro regali: arundinem vento agitatam. Pro equo habuit asinum: pro freno funicu-
 25 lum. Pro gladio virgam: pro scuto flagellum. Pro ocreis, tibus nudas: pro chirothecis, vincula in manibus. Pro calcaribus auratis: clavos ferreos in pedibus. Pro vexillo bellico: crucem cum
 30 titulo scripto. Pro lorica, tunicam inconsutilem: pro galea, oculorum vela-

men. Pro hasta regis: lanceam militis.
 Pro mitra pontificis: sudarium nudati
 capitis. Pro cathedra doctoris: colum-
 nam marmoris. Pro scypho spongiam:
 pro lagena, acetabulum. Pro vino ace- 5
 tum; pro nectare murrā: pro medone
 fel amarissimum. Pro osculo sputum;
 pro compassione, derisionis iaculum:
 pro valedictione, recepit maledictionis
 verbum. Praeter ista iam dicta: audi 10
 adhuc alia extremae desolationis
 gravamina. Nam derelictus est a
 Patre in maxima angustia quasi
 non esset filius eius dilectus:
 derelictus est ab amicis et discipulis om- 15
 nibus tamquam hospes et peregrinus.
 Perdidit sodales optimos: invenit hostes
 pessimos. Amisit sanctum Petrum pro-
 pugnatorem: recepit Malchum Petri ac-
 cusatorem. Quid plura? Pro reddituario 20
 habuit furem: pro secretario traditorem.
 Pro vexillifero Simonem Cyrenaeum qui
 portavit crucem: pro cubiculario latro-
 nem nequam qui exprobravit eum. Pro
 infirmario derisorem: pro vestiario spo- 25
 liatorem. Pro refectorio fellis braxa-
 torem: pro dormitorio sepulchrum: pro
 lectulo, saxum durum in petra excisum.
 Inter haec tamen mala in Christum Do-
 minum facta, non defuerunt amicorum 30
 pia lamenta; sed latebant et longe sta-

bant: tacebant et lugebant; quia numquam visum est tantum malum in Israel: a die quo natus est Iesus in Bethleem. Facta autem sunt haec omnia ordinatione
 5 divina pro salute nostra: et ad implendum prophetarum oracula sancta. Ecce his armis indutus est Rex noster Christus Iesus Nazarenus contra mundi principem pugnaturus: et suo pretioso sanguine
 10 genus humanum redempturus. Certavit usque ad mortem, vicit diaboli superbiam per humilitatem; mundi saevitiam per patientiam: carnis petulantiam per crucis acerbissimam poenam. Reliquit
 15 nobis exempla sancta vivendi: sacra verba bona meditandi; et contra singula vitia optima dedit remedia ad cavenda peccata: et ad aeternae vitae praemia per crucem consequenda. Cui laus et
 20 gloria de omni bono in caelo et in terra: per infinita saeculorum saecula. Amen.

IN FESTO PALMARVM DE PROCES-
 SIONE CHRISTI, ET SEX GENERIBVS
 HOMINVM, OBSEQVENTIVM
 25 CHRISTO.

[XXVII]

SERMO PRIMVS.

PVeri Hebraeorum tollentes ramos olivarum: obviaverunt Domino. Con-
 30 templari delectat in praesenti festo palma-

rum sollemnem sanctae ecclesiae processionem: necnon devotionem populi Iudaeorum obsequentium Christo cum gaudio magno et honore. Nam quod Iudaei olim corporaliter Christo exhibuerunt in carne 5 viventi: nos spiritaliter eidem debemus exhibere iam in caelo regnanti. Et tanto affectuosius hoc agere decet cum hymnis et canticis devotis; quanto interiora cordis nostri obsequia Deus plus diligit: et 10 in supernam Ierusalem nos perducere cupit. Propter hoc enim maxime venit ad terras: ut terrarum incolas revocaret ad caelos. Propter hoc properavit ad locum passionis: ut nobis pararet sedem 15 felicissimae mansionis in caelis. In cuius signum etiam asinam et pullum sibi adduci praecepit; et modeste equitando in Ierusalem civitatem terrestrem eos perduxit, quae caelestis beatitudinis imagi- 20 nem continet: ut nos speremus per Christum reducendos in vitam aeternam cum angelis sanctis. Qui animale corpus nostrum suscitabit de pulvere terrae: et immortalitatis gloria induet in futura iu- 25 storum resurrectione. Et ad hoc promerendum quis dignus esse poterit? Profecto qui se humiliaverit sicut parvulus in numero puerorum Hebraeorum; et factus fuerit tamquam pium iumentum sub 30 pedibus Christi: paratum se exhibens

omni loco et tempore ad beneplacitum
 Dei. Quicumque enim se mitem et humi-
 lem inter fratres suos exhibuerit: et quasi
 rudem asinum et inutilem servum se re-
 5 putaverit propter aliquod vitium, aut in-
 eptitudinem quam in se conspicit; hic per
 humile sentire suum Christo magis placet
 et propinquior erit: quam superbus ille
 Pharisaeus, qui tamquam equus turgidus
 10 de bono opere se extollebat. Excusabilior
 est simplicitas asini si errat: quam perversi-
 tas equi superbi qui recalcitrat. Elegit ergo
 Christus asinum ad sedendum propter
 mansuetudinem: recusavit equum qui hin-
 15 niret et alios morderet. Sic etiam nunc
 Christus simplicem et humilem ad servien-
 dum sibi assumit; et iugum sanctae religio-
 nis dorso eius imponit: ut per legem vitae
 et disciplinae recto et plano itinere pergat
 20 in Ierusalem caelestem post mortem.

Considera itaque quales quantasque
 virtutes in hac processione Christus no-
 bis per suam humanitatem ostendit: qui
 cum summus esset et dives ac potens
 25 super omnes utpote verus Dei filius se-
 cundum divinitatem; non tamen excellen-
 tiam maiestatis coram populo ostentavit
 foris per apparatus saecularem: sed cum
 multa humilitate et mansuetudine, ad re-
 30 bellem sibi perrexit civitatem. Hic est
 Rex noster quem Iohannes Baptista prae-

dicavit Agnum esse venturum in mundum; qui pro salute generis humani venit ad locum passionis, ut perficeret opus nostrae redemptionis: sicut revelatum fuerat sanctis patriarchis et prophetis. Non declinavit a facie inimicorum suorum: nec abhorruit locum sanctum propter malitiam populi; sed cum maxima caritate et pietate accessit ad invidos et passionatos, ut mitigaret commotos: insuper¹⁰ pro eorum excessibus et malis futuris doluit ac flevit. Non attendit ad plausum et laudem hominum; sed ad futura pericula perfidorum habuit oculum apertum: ita dicens ad secure laetantes. Quia si cognovisses et tu quae tibi imminet: utique¹⁵ magis doleres et mecum fleres. Nam cor sapientis ubi tristitia: cor autem stulti ubi laetitia. Per tristitiam enim corrigitur animus delinquentis: et per laetitia²⁰ tiam dissolvitur saepe status religiosae mentis. Et tanto longinquior fit homo a Deo et frigidior in se ipso: quanto occupatior et diuturnior in negotio externo. Dedit ergo Dominus consilium bonum²⁵ his qui in honore sunt, et reputatione hominum, ac societate delectantur amicorum; quatenus oculos a praesentibus avertant: et quam repente haec frivola gaudia transeunt, intenta cogitatione perpendant. Quapropter ad opera Christi³⁰

hodie gesta animus distractus recurrat:
omnes saeculares occupationes abiciat;
flores bonarum cogitationum de scripturis
sanctis assumat: et cum internis exer-
5 citiis quasi cum palmis virentibus caelesti
Regi occurrere festinet. Quod si aliqua
exteriora ad festum pertinentia videat,
vel per cantum audiat; non ibi tantum
remaneat: sed quid salutaris mysterii in
10 his latet diligenter inquirat.

Notandum ergo quod in hodierna pro-
cessionem Christi sex genera bonorum in-
veniuntur: qui Christo venienti per ali-
quem actum pietatis obsequuntur. Aliqui
15 praecedunt, aliqui sequuntur: aliqui ramos
caedunt; aliqui vestimenta prosternunt:
aliqui portant, et aliqui iuxta Regem am-
bulant. Nemo hic otiosus stat: nemo fa-
bulis intendit; unusquisque locum suum
20 tenet: officium suum quilibet laetanter
impendit. Mystice autem et moraliter
haec pulchre possunt intellegi: et ad fidei
instructionem et morum disciplinam ita
interpretari. Igitur qui Christum prae-
25 cedunt, patriarchae sunt et prophetae; qui
plura de Christo mysteria populo prae-
dixerunt: et magno desiderio Christum
videre desideraverunt. Qui vero Christum
sequuntur, discipuli eius sunt et alii fide-
30 les per Christum conversi; qui relictis
facultatibus suis et mundi curis Christum

perfecte imitati sunt: et alios multos verbo et exemplo ad bene vivendum traxerunt. Qui autem ramos de arboribus caedunt, rectores sunt ecclesiarum et praedicatores verbi Dei per orbem terrarum; 5 qui de libris sanctis et tractatibus doctorum pulchras et utiles sententias tamquam flores et frondes arborum studendo colligunt: quas postmodum in ecclesia praedicando coram populo fideliter exponunt. Et ne infirmi seu rudes auditores in via pedes suos ad lapidem scandali propter duritiam praeceptorum offendant: idcirco ad complanandum iter vitae caelestis, boni doctores multa exempla sanctorum quasi flores rosarum et lilia convallium proferunt; nunc martyrum patientiam, nunc labores confessorum: nunc virginum pudicitiam allegantes. Qui vero vestimenta sua in via 20 prosternunt; sunt boni dispensatores rerum temporalium qui pauperes et mendicantes cibo ac potu reficiunt: ne in via propter labores cotidianos deficiant. Isti ergo de his quae sibi superfluunt et tam 25 de vestibis quam de bursis necessaria aliqua extrahunt: quae nudis et indigentibus misericorditer tribuunt; quatenus per eleemosynas terrenas pro Christo oblatas: aeternas mercedes in regno Dei 30 recipiant post corporum sepulturas. Fue-

runt olim multi in sancta ecclesia ita
 ferventer ex divino amore accensi; qui
 non solum exteriora et temporalia bona
 pauperibus dederunt, aut ex voto omnia
 5 reliquerunt: sed etiam in tempore per-
 secutionis corpora sua pro fide Christi
 ad diversa supplicia tradiderunt. Isti certe
 in via Dei et processione Christi prae
 ceteris contemptoribus mundi corpora sua
 10 veluti animarum suarum indumenta et
 onera gravantia, postraverunt et abie-
 cerunt in terra ab hominibus malis cal-
 canda; ut perpetuas coronas in caelesti-
 bus gaudiis reciperent cum angelis sanctis:
 15 pro omnibus tormentis sibi temporaliter
 illatis. Qui autem Christum portant asina
 sunt et pullus: habentes quidem super se
 vestes apostolicas, sed ad Christi impe-
 rium procedentes. Per hos designantur
 20 boni et devoti religiosi saeculo renunti-
 antes; qui per doctrinam apostolorum ad
 Christum vocati monasterium intrant:
 iugum eius suave et onus leve super se
 regulariter tollunt; castitatem amantes,
 25 oboedientiam servantes: et sub disciplina
 praelatorum viventes; frenum silentii in
 ore tenentes: et dorsum suum ac collum
 ad correctionem sub virga humiliter in-
 curvantes; et haec omnia propter Chri-
 30stum qui eos de saeculi vanitate vocavit,
 ac suo servitio mancipavit: pie et liben-

ter per totius vitae suae tempora supportantes.

Qui vero in via iuxta regem ambulant apostoli sunt: et hi vultum eius raptim ex latere vident. Isti sunt viri contemplativi a mundanis actibus penitus segregati; solitudini et silentio maxime dediti: orationi, lectioni, sacrae meditationi frequenter intendentes; et per crebra suspiria ad caelestia aestuantes, summo desiderio Christum in gloria sua videre cupiunt; atque ex speciali gratia intime recollecti et supra se quandoque in spiritu subito levati: faciem Christi quasi ex latere modice contemplantur. Nam prae magnitudine dulcedinis eius, omnia visibilia et condita bona tamquam nihili et nullius momenti arbitantes: despiciunt et abiciunt omne quod a summo bono retrahit et vacationem Dei impedit. 20

Ex praedictis collige quod duo sunt ordines laudantium Dominum; unus qui praecedit: alius qui sequitur Christum. Et hi omnes una voce concorditer cantant; omnes Christum in carne venisse praedicant: et Christum Regem ex semine David natum confitentur. Per istos cantores congrue designantur ministri sanctae ecclesiae ad psallendum et celebrandum divinum officium ordinati; qui de historiis veteris ac novi Testamenti psalmos hymnos 30

et alia cantica ad laudem Dei edita certis
 temporibus resonant: et alacri corde et
 ore canentes, ad caelestia promissa se
 et alios erigere student; ne ex taedio et
 5 labore praesentis vitae fatigati, a perven-
 tione caelestis Ierusalem tardentur: quo
 nos hodie Christus Rex Israel Conditor
 noster sponte praecessit per crucem.
 Vnusquisque pro suo statu et ordine et
 10 officio: propriam mercedem accipiet se-
 cundum suum laborem. Debet ergo qui-
 libet fidelis servus Dei, sive clericus sit
 sive monachus tonsuratus, aut sacerdos
 beneficiatus, multum diligens esse et
 15 alacer ad cantandum in ecclesia in con-
 spectu Christi et sanctorum; et capiat
 exemplum de pueris Hebraeorum: qui
 Christum laudabant excelsa voce usque
 in altissima caelorum. Quotiens namque
 20 clericus seu monachus minus vivaciter
 in choro psallit, aut vocem subtrahit: vel
 etiam vanis phantasiis occupatus aliena
 revolvit, et ad singula verba divina negle-
 genter attendit; totiens pretiosam mar-
 25 garitam de corona capitis sui perdit: et
 pulchram ac bene redolentem rosam de
 sanctuario Dei ab inimico furari et ex-
 portari permittit. Caveat ergo religiosus
 choralis Christi titulo insignitus, ad psal-
 30 lendum et orandum a Deo deputatus: ut
 quamcito ad horas canonicas pulsatur,

ne tarde ad chorum veniat; ne cum taedio
ac vaga mente ibi consistat: ne forte hostis
versipellis latenter intret, et psalmum de
ore, vel sensum de corde tollat; ne meri-
tum sancti laboris per incuriam perdat: 5
et Christum ac angelos sanctos offendat
eo quod debitum suum male persolvit.
Haec pro laude et cantu bonorum puero-
rum: ad excitandam devotionem omnium
religiosorum. 10

Sed iam ulterius libet inspicere habitum
et apparatus humilis Regis nostri super
pullum asinae sedentis: qui cum esset in
medio populi gaudentis non risum osten-
dit sed flevit. Nusquam in tota veteris 15
Testamenti pagina invenio aliquem de re-
gibus Israel vel Ierusalem tam humiliter
equitantem: aut sine armis bellicis et tubis
sonantibus contra hostes properantem.
Nusquam etiam in tota vita Christi tale 20
aliquid gestum reperio; quale nunc ho-
dierna die Salvator noster coram tanta
multitudine concinentium populorum ges-
sit: ideoque stupendum nimis tam inso-
lita rei factum. Legitur denique quia 25
Iesus frequenter ibat per civitates et ca-
stella, praedicando verbum Dei: etiam ex
itinere fatigatus fuit; sed tamen non per-
cipio quod alicuius iumentum obsequium
sibi adhibuit, ut commodius sederet: aut 30
citius ad locum optatum perveniret. Sed


quis cognovit sensum Domini; aut quis consiliarius eius in hoc facto fuit? Credo et adverto istud divinum esse consilium; ut impleretur sacrum prophetae verbum
 5 diu ante praedictum: quia in humili habitu et spiritu mansuetudinis Rex Israel Christus erat venturus. Multi forte ignorabant de quo propheta dicebat: sed quando Christus per semet ipsum opere complevit,
 10 quod propheta prius verbis ad litteram expressit; tunc indubitanter creditum est et bene intellectum, quia de eo scriptum erat: et haec fecerunt ei ut beatus Iohannes testatur. Venit ergo Christus Rex
 15 regum Dominus non in manu potenti ad terrendum homines sicut faciunt saeculares principes: sed ad dandum exemplum humilitatis, per quam faciliter tenderent ad caeleste regnum. Est enim magna
 20 distantia inter Regem caeli et mundi: inter pauperem Christum et divitem Salomonem. Nam Salomon regnaturus in Ierusalem positus est super mulam regis David: Christus autem pugnaturus contra
 25 diabolum sedebat super pullum asinae. Ascendit ille tubis sonantibus: iste pueris canentibus. Ille laetatus est regalibus phaleris indutus: iste flevit propter periculum civitatis, in qua regnavit David
 30 XXXIII annis. In quo quidem facto se ad genus David pertinere monstravit:

qui patrum suorum hereditatem vindicans, templum Salomonis intravit; quod etiam gloriosis signis et doctrinis illustrando honoravit: aegros sanando et populum docendo. Vnde et populus in adventu Christi Regis sui multum congratulans clamabat. Benedictum quod venit regnum patris nostri David: hosanna in excelsis. Sed mirum videtur, quomodo populus simplex et indoctus, de tam paupere rege 10 non erubuit: nec de vili habitu suo offensus fuit. Nihil enim in eo de regia nobilitate foris claruit; sed sicut antea nudis pedibus et intecto capite incedere consuevit: ita nunc sine ornatu regio in urbem 15 regiam pergit. Nec in eo scandalizati sunt quia pauper advenit; sed mentis oculos ad signa Deitatis flexerunt: et plus de simplicitate habitus aedificati sunt. O Ierusalem intueri humilitatem Regis tui 20 et mansuetudinem et iustitiam atque paupertatem super cunctos reges terrae; quia ecce venit sine armatura virorum fortium, sine sonitu tubarum, sine equis et mulis: sine gladio et lorica, sine clipeo et lan- 25 cea; sine arcu et sagitta, sine corona aurea, sine mitra, sine infula: sine cingulo sine pallio, sine pilleo sine caputio; sine ocreis sine freno, sine calcaribus, sine vexillo, sine sceptro: sine omni tu- 30 multu saeculari et pompa militari. Omnia

enim ista ad eius curam et usum non
 pertinent: qui contemptum mundi verbo
 et exemplo praedicare veniebat. Assump-
 sit autem in equitatu suo animal vile et
 5 subiugale, in signum paupertatis et inno-
 centiae; ut ex humili gestu suo pius et
 amabilis magis appareret: quam rex ter-
 ribilis et dominus austerus. Associavit
 sibi pauperes et inermes homines; dimi-
 10 sit divites et potentes: quia regnum suum
 non erat de hoc mundo sed de caelo ab
 aeterno. Habuit multa contraria terrenis
 regibus et principibus; quia venit vocare
 humiles et pauperes quales erant eius
 15 discipuli: quibus promisit dare regnum
 Dei quod nemo poterit eis violenter
 auferre. Ad quod nos perducere dignetur
 per gratiam suam Iesus Christus Salvator
 mundi Rex gloriae: qui est super omnia
 20 Deus benedictus in saecula. Amen.

SERMO SECVNDVS.

DE EQVITATV CHRISTI NON IN
 CVRRV PHARAONIS SED IN
 ASELO HVMILITATIS.

25 [XXVIII]
 *Te in castellum quod contra vos
 est: et statim inuenietis asinam
 alligatam et pullum cum ea. Solvite et
 adducite mihi. Quid est hoc dulcissime*
 30 Iesu Rex meus et Deus meus, quod dis-

cipulos tuos pro asino mittis; et non pro aliquo equo ad obsequendum tibi in via ista quam saepe nudis pedibus ambulasti? Cur te pauperem et inopem in omnibus ostendis; cuius sunt omnia in caelo et⁵ in terra, tam homines quam iumenta? Cum natus esses in Bethleem Iudae, non grande palatium quaesisti; sed vile stabulum ad commorandum, et angustum praesepe ad quiescendum: et nunc pergens¹⁰ in Ierusalem mittis pro asino tibi breviter concedendo. Miror nimis et condoleo paupertati tuae, quod Rex omnis terrae, ita innocenter agis: et sine regali habitu procedere gestis. O Deus non erat ali-¹⁵ quis ex omnibus amicis tuis in Bethania et in Betphage, qui currum tibi praepararet aut equum unum concederet; ut vel sic honestius in Ierusalem equitares, et asinum istum relinqueres? Quis ex regi-²⁰ bus sic fecit? Legitur in libris Regum, quod Salomoni adducebantur multi equi de Aegypto magno pretio empti; et quomodo accidit, quod nec unus equus remansit ad usum adventus tui? Rarum et²⁵ novum spectaculum a saeculo inauditum: Regem saeculorum in toto exercitu suo non habere unum equum ad equitandum per breve spatium; sed tantum pullum asinae super quem nullus hominum sedit:³⁰ qui nec sellam ad sedendum habuit, nec

frenum ad tenendum. O mira Dei clementia, sessor aselli fieri dignatus est auctor saeculi: cum ad inclitam pergeret Hierosolymam. Sed multae sunt causae, et
 5 valde rationabiles et virtuosae: quare asinum conscendit et non equum. Egit hoc Christus sapientia Patris, ut prophetia de adventu suo impleretur non tantum verbis mysticis: sed etiam aliquo ex-
 10 teriori facto monstraretur hominibus pro testimonio dando. Exemplum etiam maximum in hoc dedit verae humilitatis et sanctae paupertatis: ad comprimendam hominum superbiam et avaritiam; qui in
 15 honoribus et divitiis ac magna familia delectantur: quaerendo gloriam temporalem, et commoda deliciarum. Si enim Rex noster Dominus Iesus Christus in comitatu suo pulchrum equum habuisset;
 20 quis tam pauper esset qui equitare non ambiret, et diceret quia Christus sic fecit? Quare ergo mihi non licet? Proni sunt enim sensus hominum in malum: et fere omnes anhelant ad altum statum.
 25 Nunc autem Christus Rex humilis et mansuetus contentus fuit venire in asino sicut praedixit Spiritus sanctus de eo: qui super humilem et quietum requiescit, et colla superbiorum et sublimium propria
 30 virtute calcat; qui dorsa regum subvertit: ac mentes perversas et fictas declinat. Rex

igitur noster Deus ante saecula et homo natus in fine saeculorum talem se voluit hominibus exhibere in omni verbo actu et gestu suo a nativitate usque ad horam mortis, ut esset omnibus exemplum virtutis et sanctitatis, tam subditis quam praelatis. Ostendit viam verae humilitatis in apparatu magnae paupertatis; per quam ad caelestem Ierusalem recto itinere posset ascendere etiam quilibet pauper sine 10 equo, sine curru, sine asino sine mulo: sine pera sine pecunia, sine praelatura sine bysso sine purpura. Siquidem huius sancti itineris ipse ductor comes et praecessor: ipse tutor et gubernator; qui a 15 Patre missus venit in mundum: ut planam et levem faceret viam humilitatis, qua secure venit ad caelum. Attendant haec pauperes et laetentur: audiant mites et consolentur; quia ad consolationem 20 pauperum Rex noster Dominus Iesus Christus cum esset dives et omnium princeps: pauper pro nobis factus est et patiens; ut sua paupertate nos divites faceret in gratia: et de exiguis magnos in gloria. 25 Ipse igitur in similitudine pauperis venit ad homines; pauper vixit inter homines: pauper obiit pro hominibus. Non habuit civitatem neque castrum, neque domum propriam in hereditatem praeclaram; et 30 tamen a pauperibus et simplicibus hodie

honoratus est: et rex Israel altis vocibus
 appellatus. Denique ut cunctis mundi
 principibus paupertatis suae nobilitatem
 innotesceret atque amabilem faceret; pro
 5 equo superbiae habuit pullum asinae:
 pro ducibus et militibus pauperculos disci-
 pulos, piscatores indoctos; pro armigeris
 et scutiferis, populos simplices, sutores
 et textores: pro cantoribus et tubicinis,
 10 pueros innocentes hosanna clamantes;
 pro gladiis et fustibus, ramos de palmis
 et olivis: quae erant signa laetitiae et
 pacis, non pugnae neque litis. Venit itaque
 Christus Rex nobilis et pacificus aeterni
 15 Patris unicus et dilectus filius, pacem
 cupiens reformare inter Deum et homi-
 nes; inter angelos et peccatores; inter
 Iudaeos et gentiles. Noli ergo timere filia
 Sion: sed gaude et laetare Ierusalem
 20 civitas sancta; quia non venit te casti-
 gare, sed pro peccatis tuis orare: non
 legem solvere, sed adimplere; non locum
 destruere, sed a diabolica potestate eri-
 pere: non contendere verbis, sed instruere
 25 moribus; non aliquem opprimere per po-
 tentiam: sed salvare per clementiam; non
 quaerere vindictam pro iniuria sibi facta:
 sed venit pati crucem et mortem pro
 iniquitate commissa. Intellege ex mira-
 30 culis eius quantum eminet sanctis omni-
 bus patriarchis et prophetis; et crede quia

vere est Dei filius Patri coequalis: pro salute mundi ex virgine natus, pro redemptione omnium moriturus. Considera ex operibus humanitatis eius quia mitis est et humilis; gloriam mundi spernens,⁵ obprobria sustinens: pro malis bona retribuens. Ecce qualis ipse: tales et servi eius. Elegit milites et barones, ornatos virtutibus, non vestibus pretiosis; qui sciunt contra diabolum orando certare:¹⁰ carnem ieiunando subiugare; et saeculi divitias et honores contemnendo vincere: sicut ab ipso didicerunt, et alios multos spiritualiter bellare docuerunt. His adiuncti sunt boni pueri a malitia et contentione alieni: cantantes et laudantes nomen Domini quoniam magna est gloria Domini. A maiore enim usque ad minorem, omnes in laude et gratiarum actione versantur; atque in conspectu et adventu²⁰ Regis sui exultant corde, plaudunt manibus, tripudiant vocibus altis: benedicentes Deum super omnibus virtutibus et signis, quae viderant et audierant de Christo Rege in finibus suis. O quam stupenda²⁵ et laudabilis fuit ista devotio: quam iucunda mentis iubilatio; cum humilis Iesus aeterni Regis filius deducitur a pueris innocentibus in templum Salomonis et in locum tabernaculi admirabilis: ubi in³⁰ figura suae benedictae passionis offere-

bantur hostiae pecuales, a sacerdotibus Moysaicae legis; qui tamen non poterant perfecte quempiam mundare a delictis secundum iustitiam carnis: sed secundum
 5 fidem offerentium de spe in Christo donandae salutis, firma expectabatur remissio et consolatio humanae redemptionis. Nam post istam processionem et magni honoris exhibitionem, paucis die-
 10 bus transactis; ampliori confusione et poenis est repletus: quam umquam prius a turbis fuerat honoratus. Denique multis iniuriis et verberibus affectus, in cruce est suspensus; ut veritas pateretur assump-
 15 tae carnis: et figura impleretur hostiae legalis de immolatione agni paschalis. Haec igitur duo opera Christi processio videlicet et passio recoluntur ubique hodie in sancta ecclesia: et habent in
 20 se magna mysteria, a sanctis doctoribus sufficienter expressa. Nam status sanctae ecclesiae in his duobus designatur: quae per prospera et adversa solet a Deo frequenter exerceri. Processio quae laeti-
 25 tiam praefert, ideo fit et celebratur cum ramis palmarum: ad excitandum corda fidelium in amorem caelestium gaudiorum. Sed ista processio tunc perfectissime implebitur: quando omnes sancti
 30 excitati a mortuis occurrent Christo in aera cum corporibus gloriosis. Tunc an-

gelis canentibus intrabunt electi in sancta sanctorum: tenentes palmas in manibus et lampades ardentes oleo plenas. Tunc recipient singuli praemia aeterna pro laboribus et meritis suis: contenti optime 5 in mansionibus a Deo sibi paratis. Passio autem quae processionem sequitur hoc indicat; quia per crucem et passionem Christi, et per multas tribulationes pro Christo, via nobis ostenditur: qua ad 10 regnum Dei post mortem pervenitur. In quo cum Christo in aeternum gaudebunt: qui nunc passionem eius devote recolunt; ex compassione gemunt: ex amore lacrimas fundunt; ex imitatione carnem ma- 15 cerant, pro gratiarum actione preces offerunt: missas libenter audiunt, cum metu et reverentia celebrant; a vanis et otiosis abstinere: divinae gratiae per cordis custodiam se praeparant; et in comme- 20 moratione passionis Christi sedule ac triste meditando legendo, laborando, sustinendo pie in eo animum exercitant: ut Christi passionibus in praesenti medullitus conformati, in futuro celsius 25 glorificentur. Cum enim venerit Christus remunerare labores omnium electorum suorum: tunc omnes absterget lacrimas ab oculis eorum. Processio praesens brevem habet laetitiam: sed processio 30 futura sanctorum perennem optinet lau-

dem. Nulla quippe festivitas sollemnior,
 nulla societas iucundior, nulla delectatio
 maior: nulla contemplatio excellentior,
 nulla felicitas dignior, quam Christum
 5 videre in gloria sua caelesti cum angelis
 sanctis; congregatis in superna et bea-
 tissima civitate Ierusalem omnibus electis,
 in saecula saeculorum cum Christo re-
 gnaturis: impiis et infidelibus aeternis
 10 ignibus cum diabolo traditis ac iuste
 damnatis. A quibus malis nos custodiat
 et praeservet; sed cum electis suis potius
 congreget et ad dexteram in regno suo
 constituat: qui per passionem et crucem
 15 nos redimere dignatus est Iesus Christus
 Dominus noster. Amen.

DE RESVRRECTIONE CHRISTI, ET
 SPIRITVALI CONSOLATIONE
 ANIMAE.

20

[XXIX]

R*Esurrexi et adhuc tecum sum alle-
 luia.* Vox Christi est ad eccle-
 siam, et ad quamlibet fidelem animam
 de eius passione nimis tristem: et quasi
 25 omni consolatione privatam. Hanc igitur
 Christus a morte resurgens in spiritu
 alloquitur: hanc iucundo oris sui affatu
 benignissime consolatur dicens. Resur-
 rexi et adhuc tecum sum. Non sum tui
 30 oblitus: sed memor sponsionis meae

tamquam victoriosissimus mortis triumphator tibi appareo, et aeternae felicitatis gaudia denuntio; quatenus mihi congratuleris de ineffabili resurrectionis gloria quam recepi: quia hanc numquam amis-
 surus sum, nec ultra moriturus. Multum quidem hesternæ die de passione mea doluisti et flevisti: sed iam noli diutius flere; quia resurrexi vere: et adhuc tecum sum praesentia maiestatis qui passus 10
 fui ex infirmitate carnis. Iam altiori gloria coronatus, et immortalitatis lumine sum amictus: qui pridie pependi in cruce morte turpissima condemnatus. Iacui tri-
 duo in sepulchro; sed nunc vivo ego dicit 15
 Dominus redemptor tuus: et tu vives propter me. Ego hodie resurrexi a mortuis per gloriam Patris; et tu resurges in novissimo die cum electis meis virtute divina de tumulo excitandus: et pro 20
 meritis tuis coronandus. Iubila ergo in voce exultationis; et cum magna gratiarum actione persolve devota cantica laudis alleluia canendo: atque te ipsum ad sup-
 perna festa erigendo. Corde et voce 25
 simul laetare filia Sion, quia transiit hora temporalis tristitiae; et rediit dies perennis laetitiae: spes gloriae tuae futurae. Tristentur Iudaei qui me cruci-
 fixerunt; confundantur gentiles qui me 30
 deriserunt: timeant omnes qui in me

credere noluerunt. Laetentur vero fideles qui me diligunt: consolentur universi populi qui meam passionem audientes doluerunt et fleverunt. Accedant ad me discipuli qui dispersi fugerunt: et inter tormenta me reliquerunt. Veniant ad me humiles et devoti: procedant sacerdotes et ministri albis induti; accedant ad mensam meam cum summa
 10 reverentia singuli christiani: et celebrent omnes populi, hanc diem paschae in qua resurrexi. Ego enim sum resurrectio et vita; ego sum panis vivus de caelo descendens: qui praesto vitam mundo. Ego
 15 sum pastor bonus qui pascio oves meas simplices et oboedientes: voluntatem propriam relinquentes, et meam in omnibus sequentes. Ego sum manna absconditum gaudium angelorum, pascha
 20 christianorum, felicitas sanctorum; angelos aperta visione laetificans: et homines in terra sacramento meo communicans. Noli ergo turbari quasi in mundo despectus; noli contristari quasi a Deo
 25 derelictus: noli timere quasi ab inimicis vallatus. Non te deserui nec deseram: non te abieci nec abiciam; sed in multis te probabo, et per varias tentationes te ducam: et quasi aurum
 30 igne examinabo te et purgabo. Et in tempore tribulationis apparebo

tibi; et consolabor te praesentia
 mea, devotionis gratiam infundendo:
 vino compunctionis primo te potando,
 deinde oleo laetitiae unguendo; ut
 lacrimas fundas, et mirabilem dulce-
 dinem sentias: ac totus ignescas et
 liquefias. Sic sic consolabor lugentes
 super me in hac lacrimarum valle; qui
 a levitatibus se avertunt: et ad
 interiora sua convertuntur. Cura mihi
 est de te: et oculi mei ad fideles meos;
 ut sedeant mecum in regno Patris mei:
 et videant claritatem meam quam aeterna-
 liter habui, et amicis meis praeparavi.
 Dabo eis mercedem plenam: quando
 ex mortuis resurgent etiam ipsi gloriosi
 et incorrupti. Propterea mortem pertuli,
 infernum confregi, diabolum vici; sanc-
 tos patres de limbo eripui, paradisi por-
 tas aperui: ut omnes electos in aeternam
 beatitudinem introducerem. Sed non
 aestimes te ab hac alacritate discretum,
 nec a felici sanctorum societate alienum;
 quia licet adhuc mortalitate circumdatus
 es, et inter tentationes vivis: tamen
 postea visione mea perfrueris, si fidelis
 et constans permanseris usque in finem
 vestigia mea sequendo: sicut et ego per-
 mansi in dilectione Patris mei usque ad
 mortem oboediendo. Esto ergo fortis in
 tentatione, et patiens in omni tribula-

tione: ut consors fias aeternae gloriae
 meae. Nec desperes quacumque adver-
 sitate imminente: et omni humana con-
 solatione recedente. Non soleo tri-
 stem praeterire, nec orantem
 5 spernere: sed ad me clamantem cum
 gemitu, clementer exaudire. Probo cer-
 tantem: coronabo perseverantem. Per-
 mitto ad modicum tribulari mihi dilectum;
 10 et dum minus aestimat, aut indignum
 se reputat aliquo solacio: subito
 appareo et illumino ignorantem. Feci sic
 cum discipulis meis: et cum dilectis vi-
 sitatricibus sancti sepulchri mei. Nam
 15 illi in tristitia magna fuerunt; omnem
 spem perdiderunt, nullum solacium scie-
 bant: quid agerent, quove abirent ignora-
 bant. Nil dulcius eis interim erat, quam
 amare flere, et saepius quaerere: si ali-
 20 quid de me percipere potuissent. Sed
 dum omne humanum auxilium
 defecit, affuit mox divinum. Et
 multo felicius eis contigit: quam aesti-
 mare potuerunt. Nam feci angelos meos
 25 praeire qui bona nova dicerent; ne diu-
 tius inconsolati remanerent: sed erecti
 in spem vitae, regem gloriae expec-
 tarent. Distuli igitur cito apparere,
 ut desiderium quaerendi cresceret, et
 30 purgatiores ad videndum fierent; qua-
 tenus me viso amplius gauderent, de-

votius constringerent: et reverentius adorarent. Sciebam tempus et modum consolandi tristes: et quantum capere possent mortalium mentes. Non ergo despexi vota piorum, nec recusavi laborem afflictorum; sed probavi fidem, instruxi ignorantiam, confortavi pusillanimitatem: accendi amorem, reppuli timorem. Igitur flendo, orando, quaerendo pulsando, perseverando: meruerunt videre quem desiderabant. Et ego implevi verbum meum quod praedixi; quia iterum videbo vos, et gaudebit cor vestrum: et gaudium vestrum nemo tollet a vobis. Tu ergo haec audiendo praepara te ad devotionis gratiam; expecta patienter donec veniam, et iterum visitem cor tuum, ab omni molestia te liberando: et in novae exultationis statum perducendo. Tunc poteris laetanter psallere, et experimentaliter cognoscere: quam verus et iucundus sit introitus iste, resurrexi et adhuc tecum sum alleluia.

DE GAVDIO DOMINICAE
RESVRRECTIONIS.

25

[XXX]

HAEC dies quam fecit Dominus: exultemus et laetemur in ea. Magnum quidem gaudium spirituale, administrat

nobis tam sollemne festum paschale. Gaudendum est igitur in eo non secundum carnem, neque secundum saeculi vanitatem: sed secundum Deum in azy-
 5 mis sinceritatis et veritatis. Iam amplior gratia est petenda, et puritas sincerior observanda: iam per novae conversatio- nis studium in caeleste desiderium ani- mus est transferendus. Fecit enim nobis
 10 Dominus iusta de causa hunc diem celeberrimum atque sanctissimum: ad laetandum in eo prae omnibus festivi- tatibus anni. Dicant nunc omnes, dicant singuli: ave clarissima dies quae illuxit
 15 nobis post taetras inferi noctes. Ipse namque Dominus noster Iesus Christus Rex gloriae et Princeps regum terrae, hodie resurrexit a morte: et omnibus in se credentibus per orbem fidelibus, con-
 20 tulit spem vitae aeternae. Eo siquidem resurgente cum carne quam sumpsit de Maria virgine, et pro nobis optulit in cruce; deletum est chirographum dam- nationis nostrae: et aeternitatis nobis
 25 aditus devicta morte reseratur. Aperi ergo os tuum anima devota: et canta voce sonora cum universa ecclesia ca- tholica: in vera cordis laetitia. Haec dies quam fecit Dominus: exultemus et
 30 laetemur in ea alleluia. O vere dulcis et notabilis versus: qui tam iucunde

psallitur, tam saepe in horis canonicis
 repetitur; et suis notulis devotionem ex-
 citat, et dispersos recolligit: et ad amorem
 Christi avidissime trahit. Ausculta igitur
 non tantum melodiam foris bene sonan- 5
 tem, sed sensum sanctorum verborum
 animadverte intus latentem: et per dulce-
 dinem cantus ascende ad interiora men-
 tis; ne perdas fructum laboris per clari-
 tatem vocis: qui in Spiritu sancto iuberis 10
 Deo psallere, et soli Domino in corde
 iubilare. Beatus qui in his bonis ver-
 satur; et totam intensionem suam ad in-
 terni festi gaudia convertit: quatenus per
 temporalia festa ad aeternam gloriam 15
 tendat, sicut apostolus dicit. Si consur-
 rexistis cum Christo quae sursum sunt
 quaerite; quae sursum sunt sapite: non
 quae super terram. Nescio quid laetius
 et festivius in toto anno cantatur: quam 20
 quod in his diebus paschalibus agitur.
 Nam vox et cantus omnium alleluia cre-
 brius resonant: et omnia cum alleluia
 terminantur. In qua re figurate nobis in-
 dicatur, quid in aeterna vita acturi su- 25
 mus: quando de praesentibus aerumnis
 erepti, et in caelestem requiem translati,
 Deum laudabimus cum angelis sanctis,
 in aeternitate summo bono repleti. Digne
 ergo ac venerabiliter caelum et terra cum 30
 omni plenitudine sua in resurrectione

Christi laetantur, et Deum laudare iubentur; per quem nobis tam pretiosa dona spiritualium charismatum collata sunt: et adhuc maiora et altiora in fine red-
 5 dentur. Ecce iam elementa hiemali frigore constricta paulatim se aperiunt: et ad sequentem festivitatem quadam vernali amoenitate se disponunt. Terra namque diu sterilis et inculta, fecunditatem
 10 virtutis suae patenter ostendit: ac laeta gramina parit. Arbores et virgulta suavissimos flores emittunt: et virentibus foliis tamquam novis vestibis adornantur. Volucres caeli gelu tristi terso,
 15 dulciter iubilant: et per agros ac nemora volantes, serenitatem aeris ac ubertatem messis redire congaudent. Sol et luna astraque superna: clarius sua lumina spargunt. Nulla quippe creatura
 20 iam cernitur: quae Christo resurgenti sua renovatione non applaudit. Cum ergo tanta iucunditas est in elementis: quanta exultatio debet esse angelis et hominibus, ceteris creaturis mundi praelatis. Vere
 25 haec est dies quam fecit Dominus; sicut apertissime nobis ostendit per scripturas, per figuras, per prophetas, per angelos per apostolos et doctores: eius resurrectionem contestantes et praedicantes.
 30 Et ubi omnia concinunt, et tam summa quam infima idem affirmant: nullum iam

dubietatis motivum debet in corde residere; quia omnipotens Deus potens est supra id quam intellegere valemus plenissime facere: et de non ente novum effectum producere.

Igitur Christo in carne nunc glorificato, et universo mundo denuo renovato: et tu homo mortalis glorifica Deum, et renovare in spiritu mentis. Gratias¹⁰ age semper Redemptori tuo pro donis suis immensis: tibi et universis fidelibus distributis. Erige sursum oculos cordis; intueri iter quo praecessit Iesus salutare vultus tui: sequere eum passibus¹⁵ amoris usque ad introitum caeli. Habes enim ante te speculum omnis sanctitatis, et lumen vitae caelestis; secure gradere post Iesum aeternae beatitudinis Largitorem: caeli et terrae Dominatorem.²⁰ Nemo sanctior illo, nemo purior: nemo praeclarius, nemo ditior, nemo potentior. Data est mihi inquit omnis potestas in caelo et in terra. Igitur fides tua in Christo Iesu firmiter stet: spes floreat, caritas tripudiet. Viriliter age et confortare; pugna contra carnem, contra mundum, contra diabolum et angelos eius: nullius adversae potestatis impetum formidando. Vicit enim leo de tribu Iuda: cuius irae³⁰ nemo resistere potest; nemo manus eius

evadere quibit: quia omnia subiecta sunt pedibus eius. Nunc caelum gaudet, terra plaudit; satan dolet, mors fugit: nec ultra dominabitur Christo. Sub tali igitur rege statutum est militare, sub tali pastore iucundum est stare, pasci et informari, subici et gubernari: qui nullius indiget, et omnibus bonis abundat.

Imitare ergo et tu Regem regum Dominum Deum tuum resurgentem a morte; ut de cetero ambules in novitate vitae melioris, calcando vitia, obliviscendo mala praeterita, non ad solitas ineptias revertendo: sed ad caelestia desideria ferventius te erigendo. Nam Christus devicta morte non rediit ad inferos: sed visitatis necessariis amicis suis in terris, ascendit laetanter ad caelos; supra angelicas potestates formam servi librans et exaltans: per gradus humilitatis et debitae subiectionis ministerium docens ascendere in gloriam aeternae felicitatis. Si igitur desideras caelitus consolari, et cum angelicis spiritibus perpetuo laetari: fuge carnalem delectationem quae generat mortem; quaere spiritalem animae refectionem quam Christus praeparavit accedentibus ad pretiosi corporis sui mensam: omnibus corporalibus epulis dulciorem. Nisi enim vetus homo

cum actibus suis totaliter exuatur: caelestis dulcedo intrare non potest. Et nisi caro fuerit spiritui subiecta, et omnis terrena cura postposita; Paraclitus promissus non veniet: nec 5 agni paschalis esus intus reficiet. Vt ergo interiora nostra plena sint gaudio spirituali: omnis malitia et nequitia tolli deberet a corde; ut quasi modo infantes geniti ambulemus in novitate vitae: 1a-10 crimis abluti et stolis albis induti. Sint proinde mores nostri humiles et maturi: oculi stabiles, et affectus puri; voces alacres, aures ad divina verba erectae: et omnes sensus undique 15 bene muniti. Assunt enim angeli sancti ministri Domini considerantes actus nostros, quis citius surgit; quis devotius orat, quis alacrius psallit: quis Iesum ferventius quaerit. Absint ergo 20 rumores saeculi, vitentur fabulae leves; sint sermones aedificativi ut dent gratiam audientibus cunctis: et pro his benedictionem bonae collationis recitator mereatur. Replicentur gesta Salvatoris; de Iesu 25 Nazareno bonus rumor in medium veniat: qui omnes laetificet et delectet. Crucifixus a mente non recedat: Christus resurgens ubique occurrat. Et si nondum oculis cernitur: crebris tamen gemitibus 30 secrete tangitur; et donec se revelaverit

oranti: a monumento eius non recedatur.
De angelis sanctis inquisitio fiat, qui
clara eius visione semper fruuntur; ut
ipsi nobis indicent ubi Dominus sit, aut
5 orent pro nobis quatenus tristibus ap-
parere dignetur: et sua dulcissima gratia
maerentium corda consoletur. Vtinam
Domine Iesu accendere digneris cor
meum ad quaerendum te cum Maria
10 diluculo, et in fide confortare: qui in-
sufflando, Spiritum sanctum apostolis de-
disti. Aperi mihi sensum scripturarum;
et in omnem sicut promisisti
induc veritatem: qui es super omnia
15 Deus benedictus in saecula. Amen.

DE MYSTICO PASCHAE NOMINE,
ET NOVAE VITAE CONVERSA-
TIONE.

[XXXI]

20 **P**ascha nostrum immolatus est Chri-
stus. Sacrum paschae nomen, ce-
leberrimum est et notum apud fideles:
cuius mysterium honorari maxime debet
inter Christianos. Pensemus igitur om-
25 nes: quid pro nostra salute gestum est
et institutum. Designat enim paschae
vocabulum Domini transitum; quia Chri-
stus hac die de morte rediit ad vitam,
de mundo migravit ad caelum: ut do-

ceret nos terrena despicere, et amare caelestia. Altas igitur laudes debemus caelesti Patri, qui convivicavit nos in dilecto filio suo in carne passo et crucifixo; cuius livore sanati sumus, et ab aeterna morte eius innocenti passione liberati: atque iterum de gloriosissima resurrectione eius magnifice laetemur.

Praecessit dolor dirae mortis in Christo, solvens inimicitias praevaricationis antiquae: et omnes abluens maculas cul-
pae nostrae. Secuta est inenarrabilis laetitiae dulcedo, et gloriae perennis cel-
situs; quae omnibus in Christo per baptismum renatis dabitur post huius mundi exilium: tamquam revertentibus
ex Aegypto ad paradisi gaudium. Nam per veri Agni immolationem liberatus
est spiritualis Israel de captivitate diabolicae damnationis: et novus Dei populus
in libertatem caelestis habitationis trans-
iit; quia Christus resurgens ex mortuis
vetus pascha in novum convertit: et tem-
poralem vitam transtulit in sempiternam.
Bene ergo apostolus dicit, et sancta mater
ecclesia gaudenter ubique decantat. Pa-
scha nostrum immolatus est Christus.
Semper igitur memores esse debemus
dolorosae Christi passionis nec non tam
iucundae eius resurrectionis pro consola-
tione nostrae mortalitatis; ut per patien-

tiam multarum tribulationum pro Christo:
spem habeamus et fiduciam perpetue re-
gnandi cum ipso. Studeamus nunc in hoc
sancto et laeto tempore in novae con-
5 versationis desiderium resurgere: et cum
spirituali gaudio laudes Deo iubilare. Po-
tens est enim Christus nos amplius iu-
vare: et in caelestis vitae desiderium
ferventius inflammare.

10 Obscurat autem claritatem festi pas-
chalis quicumque ad esum carniū magis
anhelat, quam ad communicationem pre-
tiosi corporis Christi: in quo fons to-
tius suavitatis et refectio animae
15 continetur. Quoniam quidem sine hoc
sacratissimo cibo inops est et arida,
omnis mensa divitis laute parata. Sicut
enim melior est anima omni corpore:
ita Christus qui est cibus animae ex-
20 cellit omnem saporem in suavitate. Et
quamvis iam propter Dominicae resur-
rectionis sollemnitatem amplius sit exul-
tandum, et meliores cibi licentius con-
cedantur; debet tamen usus epularum
25 esse moderatus: et cum timore Dei
appetitus carnis refrenari. Hoc enim
prodest corporis et animae saluti:
et aptior fit homo ad laudes Dei. Non
ergo te vincat concupiscentia carnis: sed
30 per devotionem mentis vince in virtute
Spiritus sancti, quidquid corporalis de-


lectionis tibi per sensus occurrit. Beata illa anima quae odore ungentorum Christi trahitur ad caeleste convivium degustandum: et cum psalmista clamat et dicit. Delectationes in dextera tua usque in finem: satiabor autem, cum apparuerit gloria tua. Falluntur certe omnes insipientes corde, qui omissis veris et caelestibus bonis, consolationes quaerunt in terrenis: et sine freno iusti moderaminis inhiant multis possidendis. Non est inquit apostolus regnum Dei esca et potus: sed pax et gaudium in Spiritu sancto.

Quis est ergo qui pascha in spiritu celebrat? Qui de vitiis ad virtutes transmigrat, qui de veteri vita et mala consuetudine in novae devotionis statum surgit. Quis est qui pascha digne honorat? Qui saeculares honores spernit: et gloriam Christi in cunctis bonis actibus suis quaerit. Quis est qui haedum ad vesperam paschae immolat? Qui de peccatis suis vere paenitet: et de cetero peccare desistit. Quis est qui agnum assum cum lactucis manducat? Qui Christum in cruce passum dolenter cogitat: et innocenter vivendo se castigat. Quis est verus Hebraeus, qui mare rubrum transit? Qui de sensu carnis ad suavitatem spiritus pergit: et ea quae retro

sunt obliviscens, ad anteriora se extendit. Quis est verus Abrahae filius? Qui de timore servili, in libertatem filiorum Dei proficit. Quis est verus Iesu discipulus? Qui omnibus terrenis perfecte renuntiat: et propriam voluntatem suam relinquit. Quis est dignus sedere ad mensam Christi? Qui sponte se humiliat pro amore Christi. Quis est aptus
 10 intrare regnum caelorum? Qui regnum mundi et omnem ornatum saeculi contemnit. Hic est amicus Dei, civis caeli: et dominus mundi. Quis est idoneus contemplari faciem Christi, et
 15 penetrare secreta caeli? Qui mundus est corde, fervidus in oratione: ac totus internis deditus. Quis Deo dilectus et acceptus? Qui abiectus est in oculis suis: et vilipendit omne quod transit.

20 DE ASCENSIONE IESV IN CAELVM.

[XXXII]

 scendo ad Patrem meum et Patrem vestrum, Deum meum et Deum vestrum alleluia. Benignissimus Iesus
 25 maerentium consolator, postquam resurrexit a mortuis, per fidelissimam amatricem suam Mariam Magdalenam, novae salutis gaudia mandavit nuntiari discipulis suis de morte sua vehementer contrista-

tis: ita inquit. Vade ad fratres meos: et dic eis. Ascendo ad Patrem meum et Patrem vestrum. O vere dulce et caeleste verbum: laetitia et amore plenum. Quid ita iucundum fidelibus ad⁵ audiendum, sicut ascensio Domini in caelum; sicut transitus Iesu ad Patrem ad interpellandum pro nobis, ut securi veniamus ad eum quem offendimus in multis? Cum enim peccata nostra sepa-¹⁰ rant inter nos et Deum; quomodo poterimus reconciliari, nisi per mediatorem Iesum Christum? Per quem accessum habemus ad Patrem, qui pro nobis debitum solvit peccatorum: et praeparavit¹⁵ locum ad manendum secum in regno caelorum. Ascendo inquit ad Patrem meum et Patrem vestrum. O miranda dignatio Dei ad homines pauperculos ad discipulos fugitivos: ad oves dispersas²⁰ et in desperatione positas. Non praefert nomen potentiae suae, nec terret eos comminationis verbo; non impropere crimen laesae maiestatis, nec obiurgat reos de scelere infidelitatis: sed memor²⁵ innatae pietatis suae, praetendit misericordiam, et suspendit vindictam; atque post gravem excessum et meticulosam fugam, exprimit fraternae dilectionis dulcedinem: et caritatem indeficien-³⁰ tem ad omnes expandit, ita inquit. Dic

fratribus meis. O melliflua dulcedo indulgentissimi Iesu in omni conversatione sua. Qui cum potens sit, et graviter ab amicis et subditis offensus; non misit
 5 tortores suos ad trahendum reos in carcerem, nec ab officio collato aliquem deposuit: sed tamquam pastor bonus qui proprias oves diligit, condolet eorum infirmitati, et consulit saluti; nunc quidem
 10 per angelos se revelat, nunc per Mariam ex suo nomine specialiter mandat nuntiari tristibus fratribus gloriam resurrectionis suae dicens. Vade ad fratres meos: et dic eis. Ascendo ad Patrem
 15 meum. Dulcis magister dulcia loquitur verba; et fratres eos nominat qui ipsum prius offenderant: ut amplius caritatem suam commendet, qua eos usque in finem dilexit. Nam primo quidem de saeculi
 20 vanitate eos ad fidem suam convertit; magna miracula inter eos operatus est: immensa beneficia eis ostendit; viam veritatis eos docuit: et ad apostolici gradus honorem prae omnibus sanctis
 25 elegit. Et hos post temptationis turbinem et lapsus infirmitatem revocat ad paenitentiam: et in ferventiorum sanctitatis erigit statum: atque visionis suae dignatione laetificat; apertis documentis et
 30 passionis suae stigmatibus ostensis confirmat in fide vacillantes, ut fortius re-

surgant: praebens eis iter quo ascendere debeant ad immarcescibilem gloriam. Ascendo inquit ad Patrem meum. Si diligeretis me gauderetis utique in hoc verbo; quia vobis proderit quod ascendo 5 ad Patrem qui me misit: ut praeparem vobis locum in regno Patris mei, ubi gaudebitis cum universis electis meis in aeternum. Nolite ergo turbari: nec de recessu meo nimis contristemini. Ego 10 pro vobis Patrem rogabo: ut dimittantur vobis peccata vestra. Ego confortabo vos inter adversa; ego consolabor in huius mundi exilio; ego coronabo vos in caelesti regno: ubi gaudium vestrum erit 15 plenum, et ab omni hoste securum. Placuit enim Patri meo vobis pauperculis et humilibus dare regnum Dei: qui spretis mundi illecebris vestigia mea secuti estis. 20

Ex hoc iam tempore Christo assumpto in Patris gloria, erecta sunt corda apostolorum ad caelestia; et sursum magis ire gaudebant: sperantes quod deposito carnis onere ipsum sequerentur ad gloriam. 25 Magna siquidem fiducia inerat eis perveniendi ad regnum supernum: qui calcatis infimis pauperem vitam ducebant pro Christo. Habebant insuper promissum sibi Spiritum sanctum: cuius munere 30 firmati, nec vincula nec carceres, nec

horrida mortis supplicia pati timuerunt.
O felix et gloriosa ascensio; qua humana
natura super omnes angelos est exaltata:
et ruina perditorum angelorum per nu-
5 merum electorum hominum Christi san-
guine signatorum instauratur.

Attende igitur nunc et tu anima fidelis
quae ista legis, ut Christum sequaris
passibus amoris; quia corporalis Christi
10 ascensio in caelum: spiritalis est elevatio
mentis in Deum. Non ergo ultra te de-
lectet inhabitatio vitae praesentis: sed
potius invitet mansio caelestis cum an-
gelis sanctis; ubi a laboribus et angustiis
15 cunctis requiescunt animae sanctorum:
contemplando faciem Christi in saecula
saeculorum. Rumina saepe dulce ver-
bum Christi quod dixit discipulis suis
ante passionem, quia vado parare vobis
20 locum: et recordare quia non habes hic
manentem civitatem. Suspira ex intimo
cordis, propter multa obstacula retrahentia
a caelestibus; et pete a malis praesenti-
bus liberari: et ad Christum celerius per-
25 venire. Hoc enim multo melius quam
hic cotidie contra vitia certare: et de
variis periculis semper timere. Clama
cum sponsa in Canticis et dic. Trahe me
post te: ubi omnia bona et laetitia sine
30 fine. Sed heu nondum venit hora ista
iucunda: nondum est tempus regnandi,

sed patiendi. Ideo expectare oportet
 tempus remunerationis a Deo prae-
 finitum; et orare indesinenter, donec ad-
 veniat regnum Dei: de quo frequenter
 locutus est Iesus cum discipulis suis⁵
 antequam ascenderet in caelum; quatenus
 auditis promissionibus gloriae perennis:
 tolerabilia fiant certamina vitae praesentis.
 Et tanto magis animus inardescat ad cae-
 lestia: quanto durius affligitur in hac¹⁰
 vita; quia hoc est evidens signum
 in electis pro adeptione perpetuae
 salutis: si sustineant patienter tribula-
 tiones et labores pro nomine Christi.
 Nam oportebat pati Christum: et ita in-¹⁵
 trare in gloriam suam. Ideoque per pa-
 tientiam et laborem itur ad requiem:
 quia Pater nullum recipit in caelum, nisi
 per passionem et crucem secutus fuerit
 filium suum dilectissimum: quem tradidit²⁰
 pro peccatis nostris crucifigendum. Leva
 igitur cor sursum, aspice versus caelum:
 considera quo abiit dilectus tuus, expande
 post eum manus tuas; ora flexis genibus
 et crebris gemitibus, ut mittat tibi Spiri-²⁵
 tum sanctum paraclitum in cor tuum
 aridum et frigidum: qui te accendat
 et dirigat ad omne bonum alacriter
 perficiendum. Amen.



IN FESTO PENTECOSTES, DE DONIS
SPIRITVS SANCTI.

[XXXIII]

R *Epleti sunt omnes Spiritu sancto: et*
5 *coeperunt loqui variis linguis prout*
Spiritus sanctus dabat eloqui illis. Hodie
in sancta ecclesia, gloriosa Spiritus sancti
sollemnitas celebratur; hodie votivis gau-
diis ubique conventus fidelium laetatur:
10 *chori clericorum in hymnis et psalmis*
iubilant; sacerdotes missas celebrant: et
omnes pariter in adventu Spiritus sancti
Deum altissime laudant. Hodie namque
apostoli Spiritum sanctum in linguis igneis
15 *manifeste acceperunt; et statim intus per*
amorem suaviter arserunt: et foris ver-
bum Dei fiducialiter praedicaverunt. Hodie
coepit fides Christiana publicari: et nu-
merus credentium in Ierusalem augmen-
20 *tari. Hodie facta est laetitia magna in*
populo: et per apostolos fiebant multa
signa super infirmos. Nam ab exordio
mundi: non est audita tam larga
donatio Spiritus sancti. Hodie
25 *sancta religio et apostolica vita sumpsit*
initium; quae deinceps facta est omnium
religiosorum sanctitatis speculum: et abs-
que proprietate norma in commune vi-
vendit. Hodie sancti apostoli in caritate
30 *Christi ita confirmati sunt, et in gratia*

Spiritus sancti clarificati; ut nullis adversitatibus frangi, nullis prosperis emol-
liri: nullis erroribus seduci, nullis rationi-
bus ab integritate fidei valerent separari.
Hodie homines humiles et simplices facti 5
sunt sapientes: et pauperes piscatores
efficiuntur magni doctores; et quod
in scholis non didicerunt disputando:
hoc de caelo acceperunt devote orando.
Hodie viri illitterati et timorati, facti sunt 10
eloquentes et robusti; et qui unam linguam
tantum noverant: docente Spiritu sancto,
omnium linguarum vocibus theologizant.
Hodie homines terreni facti sunt caele-
stes: et qui erant prius despecti, fiunt 15
omni nationi sub caelo mirandi; et
qui parum vel nihil scire putabantur: ex
lege et prophetis testimonia de Christo
proferunt et exponunt. Hodie angelica
vita orta est in terra, et novum caelum 20
apparuit in mundo: quia de carne ad
spiritum, de tepore ad fervorem, de
terra ad caelum didicerunt fideles eri-
gere mentem.

O quam ferventes fuerunt, qui tam 25
paucis contenti erant; quam devoti
et oboedientes extiterunt: qui apostolicis
consiliis sponte se subdiderunt. Haec
sunt opera Spiritus sancti, qui corda
fidelium de diversis nationibus in unam 30
fidem congregavit; spe aeternorum bo-

norum ad caelestia erexit: atque amoris
 sui facibus repente inflammavit. Ab his
 sanctis apostolis primitiva ecclesia fun-
 data est et per orbem dilatata; sacris
 5 doctrinis imbuta: et multis miraculis
 valide confirmata. Ab his sanctis apo-
 stolis et apostolorum sectatoribus olim
 sancti eremitaе perfectae abrenuntiationis
 formam primitus acceperunt: et plures
 10 post se discipulos in exemplum nobis
 reliquerunt. Ab his etiam apostolicis
 viris et Deo dilectis eremitis gloriosus
 pater noster Augustinus doctor eximius
 ad contemptum mundi pervenit: qui post-
 15 modum presbyter et episcopus factus,
 monasterium clericorum instituit; coepit-
 que cum multis Dei servis secundum
 apostolicam vitam in communi vivere:
 quibus et regulam suam, quam scripsit,
 20 tradidit observandam. Simili modo sanc-
 tus pater Benedictus apostolicae vitae
 imitator strenuus, aliam edidit monasti-
 cae disciplinae regulam virtutibus ple-
 nam: per quam monachi religiose viventes
 25 feliciter tenderent ad aeternae beatitudinis
 gloriam. Sed et alii quamplures religiosi
 viri gratia Spiritus sancti inspirati, evan-
 gelicae perfectionis consilia imitari cu-
 pientes: in diversis mundi partibus sacrae
 30 religionis ordines instituerunt; et tantam
 gratiam a Deo consecuti sunt, ut aposto-

licis fulgerent signis: et sanctam ecclesiam doctrinis illuminarent et exemplis. Merito ergo cuncti fideles diem hunc sanctissimum devotione praecipua honorare debent, et Spiritus sancti gratiam invocare; ut eius visitatione mereantur imbui et consolari: eius amore accendi, eius rore ab omni vitiorum sorde purgari.

Omnes namque sancti et electi ab origine mundi huius sancti Spiritus inspiratione, ad divinum cultum tracti sunt, et ab erroribus gentilium revocati; et quicumque charismata divina acceperunt: in humilitate Deo maxime placuerunt.

Adhuc etiam Spiritus sanctus operatur in fidelibus suis multa bona caritatis opera sibi grata, aliisque proficua; et si non aperta miracula: tamen frequenter internae devotionis praestat solacia. Aperit quoque orantibus et attente psallentibus sanctarum scripturarum arcana; quae sunt cognitionis et dilectionis suae signa verissima: confert et contra multiformia humanae fragilitatis temptamenta, spiritualis fortitudinis remedia sancta. Ipse quippe est qui fideles suos per sacra eloquia erudit; per praelatos regit, per sacerdotes sacramenta ministrat: ne in huius vitae pere-

grinatione, a recto itinere declinent, et
in laboribus deficient. Ipse compungit
cor hominis de peccatis praeteritis; arguit
de neglegentiis cotidianis et minimis de-
5fectibus: nec patitur morari culpam
maculae levis in conscientia ani-
mae fidelis. Ipse excitat ad innovan-
dum fervorem; ad devote orandum, ad
studiose legendum, ad prompte ob-
10oediendum: ad humilia sectanda,
ad exercitia devota servanda. Ipse
retrahit a terrenis: invitat ad quietem
cordis, increpat de verbis levibus; miti-
gat iram, expellit libidinem: tollit in-
15vidiam, reprimit gulam. Suadet vitare
acediam, tenere disciplinam: docet quid
agendum, quidve cavendum sit, intus et
foris. Ipse adest tribulatis corde: con-
solatur humiles, erigit pusillanimes; ex-
20audit gementes, miseretur flentibus: ve-
niam tribuit paenitentibus.

Quotiescumque igitur tribularis vel
temptaris, ad caeleste auxilium protinus
recurre: Spiritus sancti gratiam humiliter
25invoca; omnem anxietatem tuam ei ex-
pone: atque totaliter pietati eius te com-
mitte; ut pro suo beneplacito et honore
cuncta gravamina tua ad uberiores ani-
mae tuae profectum misericorditer or-
30dinet: et ad salutarem finem omnia per-
ducat. Ipse enim omnia novit, omnia

scrutatur et penetrat; et nihil sine causa tibi contingere permittit: flagellat et medetur humiliat et exaltat. Haec namque specialis est operatio Spiritus sancti in hoc fragili corpore multis miseriis infecto, ut per veram contritionem purgentur maculae peccatorum; ut mala praeterita convertantur in humilitatem ampliore: atque bona incepta crescant ad perfectiora; quatenus nulum tempus sine spirituali fructu transeat: sed omnis actio, sermo, et cogitatus ad honorem Dei et beatissimae Trinitatis gloriam tendant et perseverent. Quae nobis orantibus largiri dignetur Spiritus sanctus sua benignissima gratia: qui apostolorum corda largissime implevit die hodierna. Amen.

DE CONSOLATIONE SPIRITVS SANCTI.

20

[XXXIIII]

EGo rogabo Patrem: et alium Paracletum dabit vobis. Cum esset recessurus Dominus noster Iesus Christus corporaliter a discipulis suis, promisit de sua absentia contristatis spiritualem consolationem sancti Spiritus; qui numquam ab eorum cordibus recederet: sed in aeternum cum ipsis permaneret.

O quam beata promissio Christi, non de laetitia mundi, sed de consolatione Spiritus sancti; quae tam pretiosa est et suavis: ut nihil ei comparari
 5 possit in rebus humanis. Habebant sancti apostoli magnam consolationem in humanitate Christi, audiendo palam ex ore eius eloquia divina, et videndo oculis
 10 suis stupenda miracula; ideoque non immerito de suo recessu tristabantur, tamquam orphani a dulcissimo eius consortio separandi: timentes inter pravitates et
 scandala Iudaeorum sine necessario sibi praesidio derelinqui. Quapropter ipse
 15 benignissimus magister secretorum cognitor ac praescius futurorum, dilectos discipulos suos ab imminente tristitia recreat, et pro corporali sua praesentia spiritualem et permanentem eis con-
 20 solationem firmiter spondet. Erant enim tales: qui caelesti consolatione et divina inhabitatione essent digni; utpote veri iam contemptores mundi: et perfecti imitatores humilis vitae
 25 Christi. Nam Pater tales amat; Filius pro talibus orat: Spiritus sanctus tales exaudit et illuminat.

Vide nunc inaestimabilem gratiam divinae pietatis: qualiter filius Dei elegit
 30 pauperes et simplices in societatem praedicationis suae ad convertendum mun-

dum; quibus etiam pro parvis vilibusque mundi rebus quas reliquerant: pretiosa Spiritus sancti munera gratis donare decrevit. Quare hoc? Vt mundi gloriam spernendam doceret: et humilitatem⁵ sibi maxime placere monstraret. His itaque auditis tam divinis oraculis, o religiose fuge honores atque delicias; postpone curas saeculares: et praepara cor tuum ad susceptionem doni Spiritus sancti¹⁰ orationibus devotis. Et si iam in bono statu consistis, et vias saeculi reliquisti; noli iterum retro respicere, noli praesentibus contentus esse: sed ad perfectiora et sacratiora ardentius anhelare; et¹⁵ ut capere merearis nunc novam gratiam, compunctioni insiste: et in cella quasi in cenaculo cum apostolis te concludere. Nam hoc est probabile signum gratiae Dei praesentis, si quis ad potiora²⁰ habenda aestuat; si de sua cotidiana defectione intime dolet, si a multis sibi licitis abstinet: si qualiter in melius proficiat diligenter recogitat; si numquam se perfectum in aliquo²⁵ existimat: nec aliquid digne peregrisse se credit. Oportet namque te omnibus infimis funditus renuntiare, si Spiritus sancti consolatione desideras recreari; si eius vis virtute³⁰ firmari: si eius cupis amore accendi.

Sed adhuc inquirendum: quibus exercitiis apostoli sancti ad tantam gratiam pervenerunt. Non enim subita conversione, nec una tantummodo die, ad tam
 5 magnam perfectionem ascenderunt: sed paulatim per incrementa virtutum in schola Christi tamquam boni discipuli a bono magistro diligenter instructi profecerunt. Et primo quidem omnia sua
 10 sponte propter Christum reliquerunt; parentibus et cognatis, aliisque mundanis affectionibus renuntiaverunt: parati cum eo labores et penurias atque hominum maledictiones sustinere. Vnde ante passionem
 15 suam eis dixit. Vos estis qui permansistis mecum in temptationibus meis. Ecce bona initia apostolorum; quia terrenis nudati et adversitatibus probati: Christo perseveranter adhaeserunt. Et licet tem-
 20 pore passionis metu mortis ab eo aliquatenus recesserunt, de hoc tamen multum doluerunt: et suam infirmitatem plenius cognoscentes, cum maiore humilitate, et ferventiori affectu ad
 25 Christum redierunt. Nam post resurrectionem eius ab eo iterum visitati sunt, et verbis ac scripturis roborati: ut sic in fide et spirituali vita altius proficerent. Demum Christo ascendente in caelum,
 30 ipsi totam spem suam ad caelestia transulerunt: nec tunc tristitiam de recessu

eius habuerunt; sed potius de magnificentia gloriae suae gratulabantur: ita ut cum gaudio magno in Ierusalem reverterentur. Ibi pariter in cenaculo congregati, orationibus ac meditationibus sanctis unanimiter intenti erant: et ad gratiam Spiritus sancti caelitus sibi mittendam humiliter ac multum desideranter se praeparabant. Ibi cum Maria matre Iesu commorantes de actibus et doctrinis atque miraculis Salvatoris nostri devote conferebant: et ut pie credendum est non pauca mysteria Christi a beata virgine audierunt et didicerunt. Ibi postpositis saeculicis, et locutionibus vanis exclusis, totale desiderium suum ad interiora et caelestia promissa converterunt: quatenus super dona quae iam habebant adhuc plenius Spiritum sanctum accipere mererentur. Et factum est ita. Nam in adventatione eius omnes repleti sunt, et tantis charismatibus donati et clarificati: ut signis et virtutibus ac doctrinis super patriarchas et prophetas coruscarent. Quitquid enim in lege et propheticis dictis mysticum velabatur, hoc Spiritus sancti illustratione intellexerunt: et eloqui variis linguis potuerunt. Quod valde necessarium ad totius ecclesiae aedifica-

tionem fuit; ut ipsi primitus de omnibus
salutis nostrae sacramentis perfecte in-
struerentur: qui postea per totum mun-
dum omni creaturae evangelium Christi
5 debuerant praedicare. Dedit itaque Pater
caelestis Spiritum bonum petentibus se:
et tam copiosa benedictione aposto-
lorum pectora locupletavit, ut iam nihil
de terrenis ambirent; nec ulla
10 saeculi adversa timerent: sed
pro nomine Iesu contumelias
pati gauderent. Adiecit autem eis
cum plenitudine scientiae, armaturam
spiritualis militiae; ut contra errores
15 gentilium haberent sapientiam divinam,
ad superandam philosophorum eloquen-
tiam: et contra persecutorum saevi-
tiam, tenerent fortiter patientiae palmam.
Vere magna gratia in apostolis emicuit;
20 eo quod tam imperiti secundum saecu-
lum homines in tam brevi tempore ad
tantam celsitudinem sanctitatis excreve-
runt: ut usque ad extrema terrae Spiritu
sancto cooperante eorum praedicatio per-
25 veniret.

Consequenter etiam ex iam dictis per-
pende, quia sancti apostoli qui erant
Christo carissimi, non sine labore et
debita praeparatione hanc spiritalem con-
30 solationem acceperunt: nec sine certa-
mine et corporis afflictione in hoc sae-

culo vixerunt; sed tanto ferventiores erga
Christum et proximorum salutem ex-
titerunt: quanto prae ceteris ampliora
dona se accepisse cognoverunt. De qui-
bus non propriam gloriam, non transito-⁵
riam mercedem, nec laudem quaesierunt
humanam: sed pure Dei honorem, et
caelestem gloriam post huius vitae la-
borem. Qui utique in omni conversa-
tione sua inter gentes multas, cum hu-¹⁰
militate et mansuetudine cordis
acceptam caelitus gratiam sollicite cu-
stodire studuerunt: non otio torpentes,
nec commoda carnis quaerentes: sed
animarum lucra pensantes, ver-¹⁵
bis et exemplis subditos suos aedi-
ficaverunt: et maximum fructum Deo
obtulerunt. Horum igitur actus et dicta,
valde utile est omnibus religiosis et de-
votis sedule pensare; qui crucem suam²⁰
pro Christo tollere, et apostolicam vitam
sectari proposuerunt; quatenus ad me-
lioris vitae profectum semper ferveant:
et in disciplina ordinis perseverando,
Spiritus sancti gratia adiuvante vitam²⁵
aeternam cum omnibus sanctis apprehendant. Amen.



DE SANCTA ET VNANIMI CONVER-
SATIONE PRIMITIVAE ECCLESIAE
IN HIEROSOLYMIS.

[XXXV]

5 **M**ultitudinis credentium erat cor
unum et anima una in Deo. O
quam sancta et iucunda fuit illa congre-
gatio in primitiva ecclesia, Spiritu sancto
congregata; quae nequaquam potuit con-
10 turbari: quamdiu unitas fidei in vinculo
caritatis illaesa servabatur. Ad hanc per-
fecte tenendam, maxime iuvant abdicatio
proprietas in rebus temporalibus; con-
formitas in bonis moribus: oboedientia
15 prompta in subditis; vita exemplaris in
praelatis: pia condescensio cum infirmis;
stricta correctio pro excessibus: debita
ordinatio in singulis officiis. Et ne quid
forte communitati desit vel depereat:
20 debent omnes pro posse commune bonum
promovere; ut caritas in omnibus pro
opera sancta luceat: et Deus inde summe
glorificetur. Omnia ista bona inveniuntur
a sanctis apostolis primitus observata;
25 et per eos postmodum ad alios fideles
derivata: sed praecipue religiosi ac prae-
latis ecclesiae ad imitandum sunt com-
mendata. Nam quamdiu apostolica vita
claruit in capite et in membris: erant
30 bona cum ipsis, et magna gratia in uni-

versis. Et quia Deum quaerebant, et terrena spernebant: addita sunt eis cum spiritualibus donis temporalia bona; et tanto maiore honore digni habebantur: quanto humiliter de semetipsis sentiebant,⁵ et omnem mundanam gloriam vilipendebant. Bene ac modeste usi sunt donis acceptis; nec superbiebant in dignitatibus et beneficiis sibi collatis: sed sollicitudine paterna regebant subditos suos in magna¹⁰ disciplina. Insuper multis pauperibus ac debilibus compatiētes, libentissime subveniebant; afflictis quoque et temptatis sacrae consolationis verba exhibebant: ab otiosis sermonibus se et alios com-¹⁵ pescebant; scientes quod de omni verbo otioso quod locuti fuerint homines: singuli reddituri sunt rationem in iudicio.

Cum autem coepissent quidam a calore fidei tepescere, et ad commoda carnis²⁰ immoderatus declinare; propria quaerere, honores ambire: heu statim orta sunt murmura et scandala; et apparuerunt dissensionum zizania ab inimico nequiter iniecta: ad corrum-²⁵ pendum in agro Dominico boni seminis grana. Sed huic pestifero morbo et queruloso principio occurrerunt apostoli sancti consilio saluberrimo: et elegerunt fideles ministros qui sanctae multitudini³⁰ necessaria victualium providerent. Ipsi

vero orationi et praedicationi instabant,
 prout a Spiritu sancto edocti erant,
 spiritualia temporalibus prae-
 ferentes: et contra quaestiones motas
 5 et casus emergentes legis et prophetarum
 testimonia protulerunt. Adiecit autem
 Spiritus sanctus adhuc latius sua munera
 noviter conversis impartiri. Nam im-
 plevit quosdam ex credentibus spiritu
 10 prophetiae ad consolationem ecclesiae
 primitivae: instituit quosdam doctores
 ad instructionem imperitorum; convertit
 etiam plures sacerdotes, et legis magistros
 ad evangelicam veritatem: fecit quoque
 15 signa et prodigia multa inter gentes lon-
 ginquas ad fidem catholicam propagan-
 dam. Vidit ista et invidit saevissimus
 hostis diabolus; doluit et commovit reges
 et principes terrae: ut insanirent armis
 20 et persequerentur ubique fideles. Et quia
 Hierosolymis maior gratia vigit, et apo-
 stolicus fervor altius crescere coepit;
 ideo satanas ibi durius fremuit, et per-
 secutionis flagello primordia nascentis
 25 ecclesiae extinguere conatus est: atque
 de locis suis ad exterarum nationes venti-
 lare. Verum hanc diaboli malitiam, et
 temporalem fidelium persecutionem, Deus
 convertit ad multorum salutem: et sancti
 30 nominis sui notitiam clariorem. Factaque
 est temporalis tribulatio iustorum, utilis

purgatio vitiorum; et quod temptator ver-
 sipellis paraverat ad ruinam: pius Sal-
 vator ordinavit patientibus ad coronam.
 Nisi enim fuisset tam gravis persecutio
 in mundo: non essent tot martyres co-
 ronati in caelo. Multi namque fidelium
 decreverunt magis sanguinem fundere,
 quam fidem negare; et mortem libentius
 subire: quam ab amore Christi resilire.
 Absit absit ut valentior esset¹⁰
 satanas cum adversariis suis ad
 nocendum: quam Christus cum
 angelis sanctis ad defendendum.
 Nihil quippe potuit agere contra pios
 spiritus malignus, nisi Deus hoc iuste¹⁵
 permisisset; qui singulorum actus et vires
 cognoscens, per tales occasiones afflic-
 tivas, electos ad perpetuam gloriam
 transtulit: et adversarios illorum crudeli
 damnatione in ignem aeternum demersit.²⁰
 Sic boni et mali pro suis meritis quod
 iustum est recipere merentur: quia iusti-
 tia Dei nullum bonum irremuneratum,
 nec ullum malum dimittit impunitum.

Nec debet infirmos animos scanda-²⁵
 lizare, quod in sancta ecclesia tam cito
 apparuerunt zizania et murmura multa;
 quia cum bonis semper admixti sunt
 mali: et cum perfectis ambulant aliqui
 imperfecti. Quanto enim sanctiores tanto³⁰
 pauciores: sicut experimur in diversis

locis religiosis. Nam maior videtur numerus incipientium quam perfectorum: et minor est copia contemplativorum quam activorum. Inter multos etiam subditos pauci reperiuntur ad officia utiles: et ad bene regendum se et alios adhuc multo rariores. In his apparet humana fragilitas, et humiliatur superbia nostra; quia tam proni sumus ad vitia: 10 et tardi ad perfectiora sectanda. Nemo tamen alteri impropere recte potest quod defectuosus sit et ineptus: quia sicut alius fragilis est, ita et tu. Rara avis in terra perfectio vera: et in omni 15 loco reperiuntur vascula fracta. Debet ergo quilibet ad se ipsum oculum habere, et proximo erranti misereri: nec indignari si quandoque offendit. Vnde beatus Iacobus ait. In multis offendimus omnes. 20 Ad humilitatis igitur confessionem recurrendum est: ut quod minus habet defectio sanctitatis nostrae, suppleat confessio propriae fragilitatis. Et tanto humiliores in omnibus simus: 25 quanto longius a vera perfectione distamus. In peccando et cadendo fratres sumus: nemo securus est de sua perseverantia. Quamdiu ergo hic vivimus: oportet infirmos tolerare: et etiam aliquos 30 adversarios habere. Nam Christus imperfectiones discipulorum suorum diu

toleravit; et detractioes Pharisaeorum
 frequenter audivit: qui in omnibus per-
 fectus fuit. Novit autem Deus huius
 mundi adversa, ad multa bona disponere:
 quae raro desunt bonis et rectis corde. ⁵
 Nam istis spinis et turbinibus retrahitur
 animus a delectationibus terrenis; excita-
 tur cor ad amorem caelestium: exercetur
 homo per patientiam; discit compati afflic-
 tis, humiliatur in doloribus: conformatur ¹⁰
 Christi passionibus; fit magis compunc-
 tus, minus dissolutus: orat ferventius,
 gemit frequentius; taedet vivere, cupit
 dissolvi et esse cum Christo: quia non
 est pax in hoc mundo. Sed pius Domi- ¹⁵
 nus qui novit quid nobis sit salubrius;
 saepe differt implere desideria servorum
 suorum, propter melius: quatenus adhuc
 clarius purgentur ad obtinenda promissa
 gaudia in caelis. Audit clamorem eorum, ²⁰
 videt afflictionem tribulatum; sed non
 statim aufert ab eis dolorem: ut amplius
 mereantur per tolerantiam malorum. Mi-
 seretur utique et exaudit ad salutem:
 sed non semper ad propriam volunta- ²⁵
 tem. Et quia disponit eis dare regnum
 aeternae beatitudinis: admiscet vitae ipso-
 rum varia pocula amaritudinis; ut spem
 suam non ponant in terrenis: nec exi-
 lium diligant pro patria caelestis iucun- ³⁰
 ditatis.

Valent autem maxime temporales miseriae patienter toleratae pro ablutione peccatorum; pro reconciliatione divinae misericordiae, pro diminutione poenae purgatoriae: pro optentu maioris gratiae, pro augmento celsioris gloriae futurae. Quis hominum tam purus, tam custoditus, et perfectus est in omni conversatione sua a mane usque ad vesperam; qui non
 10 delinquat aliquando ore vel opere, aut cogitatione scienter vel ignoranter? Quis tam bonae conscientiae; ut nihil habeat ad confitendum? Quis tantae puritatis et abstinentiae; ut non metuat argui pro
 15 aliquo delicto in iudicio futuro? Nam omnia districtissime examinabuntur coram Deo iudice rectissimo: etiam illa quae nunc parum vel pro nihilo reputantur. Dum ergo tempus adest, et misericordiae locus patet; omnes simul
 20 paeniteamus: et ferventer nos emendemus. Benignus est Deus; libenter ignoscet delictis nostris: si nos veraciter cognoscimus et dolemus. Et quia in
 25 Christo fratres sumus, oremus pro invicem sicut fraterna caritas exigit; serviamus invicem, supportemus invicem, admoneamus invicem, consolemur invicem: gaudeamus invicem, tristemur
 30 invicem. Diligamus nos invicem sicut et Christus dilexit nos, et tradidit semet

ipsum pro nobis; qui diu sustinuit nos in malis praeteritis, et adhuc cotidie sustinet imperfectiones nostras ob spem emendationis: ut proximis nostris compati discamus, et pro eis oremus. Haec⁵ attendentes et facientes implebimus legem Christi, et erimus veri discipuli eius et amici carissimi; a Patre dilecti, a Filio adoptati, a Spiritu sancto inflammati: a tota sancta Trinitate praedestinati et bene-¹⁰ dicti. Tunc etiam de nobis poterit dici et verificari quod de primitiva ecclesia in actibus apostolorum legitur; quia multitudinis credentium erat cor unum et anima una in Deo: et erant eis omnia commu-¹⁵ nia. Amen.





ALPHABETVM MONACHI



INCIPIT PARVVM ALPHABETVM MONACHI
IN SCHOLA DEI.

DISCIPVLVS.

V*ias tuas Domine demonstra
mihi: et semitas tuas doce
me. Obsecro te Deus meus:
doce me vias bonae vitae pro
salute animae meae.*

MAGISTER.

LECTIO I. **A**ma nesciri: et pro nihilo¹⁰
reputari. Hoc tibi salubrius est et utilius:
quam laudari ab hominibus.

LECTIO II. **B**enivolus esto omnibus bonis
et malis: et nulli onerosus.

III. **C**ustodi cor tuum ab evagatione:¹⁵
os tuum ab otiosa locutione: et ceteros
sensus tuos sub rigore disciplinae.

IIII. **D**ilige solitudinem et silentium:
et invenies quietem magnam et con-
scientiam bonam. Vbi enim multi-
tudo ibi frequenter strepitus: et magna
distractio cordis.

V. Elige paupertatem et simplicitatem;
et cum paucis sis contentus: et non facile
murmurabis.

VI. Fuge homines et saeculi rumores:
5 quia non potes satis esse Deo et homini-
bus, aeternis et transitoriis.

VII. Gratias age Deo semper corde et
ore: qualitercumque tibi succedit in gra-
uamine et dolore. Nam Deus omnia pro-
10 vide dispensat in mundo: vero et recto
iudicio ab aeterno.

VIII. Humilia te in omnibus et sub
omnibus: et mereberis gratiam ab om-
nibus. Eris quoque Deo acceptus et
15 hominibus dilectus; et diabolus a te fugiet
citius: propter humilitatis virtutem sibi
valde contrariam.

IX. In omni opere bono habeas inten-
tionem puram ad placendum Deo qui in-
20 spector est cordis: et diligit iustos et
puros.

X. Karissimos reputa amicos et patro-
nos: qui te premunt et vituperant. Si
enim recte sapis et consideras: lucrum
25 inde acquires. Nam prosunt tibi in bono:
qui obsunt in malo.

XI. Labore et dolore cum gemitu et
fletu acquiritur regnum Dei: deliciis et
honoribus perditur paradisu.

30 XII. Magnum donum Dei est pauperem
esse in hoc mundo propter Christum:

et infimum tenere locum. Magna superbia: altum petere gradum. Ad alta semper diabolus suadet: honores ambire, fugere despectum; ut cadat ascensor eius retrorsum: cum ad breve dominatus fuerit pauperum. Minima dona pro magno reputa: et eris dignus maiora accipere.

XIII. Neminem spernas, nulli noceas; afflicto condoleas, egeno subuenias: et numquam te extollas.

XIII. Omne tempus utiliter cum Deo expendas; nihil enim pretiosius tempore: in quo promereri potes regnum Dei in perpetuum. Omnibus quoque te amabilem, benignum et affabilem: sine dissolutione exhibeas. Omnia bona ad laudem Dei referas: et sine consilio et deliberatione nihil facias.

XV. Primo semper quaere in opere tuo an Deo placeat vel displiceat: nec timore nec amore age contra conscientiam tuam. In dubiis ad scripturam, et obediendam praelati tui recurre: nec tibi ipsi nimis confide. Prius disce tacere quam loqui: potiusque velis instrui quam docere: tutius est enim velle latere, quam apparere.

XVI. Quaecumque ad te non pertinent, de his non iudices, nec te intromittas: ut pacem semper habeas. Qui communia

sectatur, et singularia vitat, magis diligetur et citius ad bonum finem perveniet. Qui tempestive facit quod debet: laetior postea erit.

- 5 XVII. Revertere ad interiora cordis tui, et claude ostia oris tui: ne vagari incipias per varia desideria mundi consilio diaboli. Nocent mala audita: tentant pulchra visa: turbant illata vituperia.
10 Recede ergo ab homine iracundo, indocto dissoluto: et mane in silentio cum Deo.

XVIII. Sobrius esto in victu, modestus in vestitu; providus in verbis, honestus
15 in moribus: maturus in consilio, fortis in adversis, humilis in prosperis; gratus pro beneficiis, hilaris in despectibus, patiens in doloribus: discretus in omnibus agendis.

- 20 XIX. Time Deum offendere in minimis neglegentiis et defectibus tuis; noli praesumere in bonis: nec desperare in adversis. Timor Dei facit recedere a peccato; et sollicitat in bono opere: ut
25 bonum bene fiat. Totum te Deo committe; et quod tibi est grave: fiet cito portabile. Pax tua in patientia multa: levis est omnis tribulatio pro vita aeterna.

XX. Vende Deo omnia commoda tua;
30 et dabit tibi solacia meliora: adveniente gratia in una hora. Nemo ditior nemo

liberior eo, qui se et omnia Deo dedit:
et Christum amando emit, qui mundum
cruce redemit.

XXI. Xristus sit vita tua, lectio tua:
meditatio tua, locutio tua. Ipse desiderium ⁵
tuum, lucrum tuum: tota spes tua et
merces tua. Si aliud quaeris quam pure
Deum, damnum patieris: laborabis et
requiem non inuenies.

XXII. Ymnos et psalmos canere, mo- ¹⁰
nachorum opus est et clericorum; qui-
bus congaudent angelorum chori: lau-
dantes Deum iugiter in regno caelorum.
Servire carni mors animae, cibus ver-
mium, nidus daemonum, vita pecorum; ¹⁵
fomes morborum, corruptio corporum,
inquinatio morum: perditio bonorum, ac-
quisitio multorum malorum et dolorum.
Servire Deo beatitudo animae, sanitas
corporis: prudentia spiritus, vita caelestis. ²⁰
Dulces hymnos Deo cantat: qui in tribu-
latione sua Deum semper laudat. Initium
et finis omnis boni religiosi, Deum corde
amare, ore laudare: et fratrem suum ex-
emplo aedificare. ²⁵

XXIII. Zachaeae frater descende de alti-
tudine saecularis scientiae; veni et disce
in schola Dei viam humilitatis, mansue-
tudinis et patientiae: per quam possis
Christo docente ad aeternae beatitudinis ³⁰
gloriam secure pervenire. Amen.

CONCLVSIO.


Scribe novelle monache alphabetum
istud in corde tuo quasi in libro vitae;
et per singulos dies chartulam tuam in-
spice: et bonos mores assuesce. Pauca
sunt verba: sed magna habent mysteria,
et perfectorum opera. Ornant exterius:
et quietant interius. A contemptu et sui
ipsius abnegatione incipit vita boni re-
ligiosi monachi: et proficit usque ad
contemplationem Dei.

BENEDICTIO.

Beatus discipulus ille qui sequitur
Christum per iter asperum, tradens ei
omne velle suum et nolle; portans cotidie
pro Christo crucem suam: ut habeat cum
ipso gloriam magnam et vitam aeternam.
Amen.



VAN GOEDEN WOERDEN TO
HOREN ENDE DIE TO
SPREKEN





VAN GOEDEN
WOERDEN TO
HOREN ENDE
DIE TOSPREKEN.

Onse lieue he-
re ihesus xps
secht. *Salich sijn sy
die dat woert godes
horen, ende dat be-
waren. Nu merct
dat hier na volghet.*

Een goet woert, is
loues weert. Een ydel
woert, is beter ghe-
sweghen. Een oet-
moedich woert,
dat styctet meest.
Een sacht woert,
brecht den toern. Een
hart woert, verstuert

[DE BONIS VER-
BIS AVDIENDIS
ET
LOQVENDIS.

Dominus noster ⁵
dilectus Iesus
Christus dicit. *Beati
qui audiunt verbum
Dei et custodiunt il-
lud. Attendite nunc ¹⁰
quae hic sequun-
tur.*

Bonum verbum est
dignum laude. Va-
num verbum, melius ¹⁵
tacetur. Humile ver-
bum, aedificat ma-
xime. Mite verbum,
frangit iram. Du-
rum verbum, turbat ²⁰
corda. Discretum

| | |
|--|---|
| <p>die herten. Een be-
scheiden woert, ghe-
uet verstandnisse.
Een zuet godlic
5 woert, maket vrou-
de. Een troestlic
woert, is goldes
weert. Een wijslic
woert, is seer nû
10 in synre tijt. Een
haestich woert, ver-
iaghet die vrende.
Een loes woert, is
schande weert. Een
15 waerachtich woert,
is eren weerdich.
Een dienstich woert,
is danckes weert.
Een voersienich
20 woert, is seer kostel,
ende allen menschen
noet, die onbegrepen
wil wesen in sinen
leuen. Dat moet
25 een seer goet
stichtich woert
wesen, dat een
swighen sal ver-
beteren. Beter is
30 ghesweghen, dan
ghekeuen. Allen</p> | <p>verbum, dat intel-
lectum. Dulce re-
ligiosum verbum,
laetificat. Consola-
torium verbum, com-
pensatur auro. Sa-
pidum verbum, valde
utile est in suo tem-
pore. Impetuosum
verbum, fugat ami-
cos. Dissolutum ver-
bum, ignominiosum
est. Sincerum ver-
bum, honore dignum
est. Officiosum ver-
bum, gratiam mere-
tur. Providum ver-
bum, valde pretio-
sum est, et omnibus
hominibus neces-
sarium, qui irrepre-
hensus esse vult in
vita sua. Oportet
valde bonum
aedificabile ver-
bum esse, quod
emendet silen-
tium. Melius est
tacere, quam litigare.
Non quibuslibet ver-
bis credendum est,</p> |
|--|---|

woerden en sal men
nyet ghelouen, noch
oec voert segghen.

Swighen ende ly-
den, maket vrede
ende doet verbliden.
Also langhe als ghi
leuet, so seldi leren
lyden, luttel spre-
ken, vake beden, die
crancken draghen,
den quaden wyken.
Luttel onder wyn-
dens, maket vele vre-
des. Ghene hoecheit
sueken, noch eer be-
gheren, is die rechte
wech ten ewighen
leuen.

Set uwen troest
ende hope in gode
alleen, west oet-
modich ende barm-
hertich totten armen
int ghemeen. Doet
na godes raet, ende
schouwet die quade
paede, so seldi gode
wel behaghen, ende
des viants stricke
ontgaen, mitter hul-

neque ulterius enun-
tianda sunt.

Tacere et pati, ac-
quirit pacem et facit
laetitiam. Quamdiu
vivitis, debetis di-
scere pati, modicum
loqui, frequenter
orare, infirmos sub-
levare, malos vitare.
Modicum subire, fa-
cit multam quietem.
Nullam dignitatem
quaerere, neque ho-
norem affectare, via
recta est ad aeternam
vitam.

Ponite fiduciam²⁰
vestram et spem in
Deo solo. Estote hu-
miles et misericor-
des in miseros in
commune. Agite se-
cundum Dei con-
siliu, et declinate
semitas malas, sic
Deo bene placebitis,
et inimici laqueos³⁰
evadetis, auxilio Dei

pe godes in doechden wassen, ende vast van bynnen staen.

5 So edel is die doghet ende en goet heilich leuen, dattet gaet bouen alle schoenheitenderijc-
10 heit, ende starcheit, ende verdient sekerlike dat ewighe leuen. Die doeghet verwin-
15 t alle boesheit, ende ydelheit der werelt, si wederstaet des viants becoringhe, endedwin-
20 ghethat cranckelicham te volgen der reden ende den heilighen gheist.

God moet ons alle gader in doechden
25 stercken, ende voer alle sunden behoe-
den, dat wi na desen sterfliken leuen weerdich werden te
30 comen in dat ewighe leuen. Amen. In

in virtutibus crescentis, et firmiter abintus stabitis.

Tam nobilis est virtus et bona sancta vita, ut supertranseat omnem pulchritudinem et divitias et fortitudinem, et certe mereatur aeternam vitam. Virtus vincit omnem malitiam, et vanitatem mundi, resistit inimici temptationi, et cogit infirmum corpus ob-
oedire rationi et Spiritui sancto.

Deus debet nos omnes universos in virtutibus confortare, et ab omnibus peccatis praeservare, ut post hanc mortalem vitam digni efficiamur venire in aeternam vitam.

•

❧❧❧❧ VAN GOEDEN WOERDEN ❧❧❧❧

| | |
|---|---|
| <p>allen noden ende
 stonden, in allen be-
 ghinne ende eynde,
 so come ons te hulpe
 die heilighe moder
 gods Maria, mit
 ihesus horen lyeue
 kynde. Amen.</p> | <p>Amen. In omnibus
 necessitatibus et mo-
 mentis, in omni ini-
 tio et fine, succurrat
 nobis sancta mater
 Dei Maria, cum Iesu
 dilecto filio suo.
 Amen.]</p> |
|---|---|

·ANNO DOMINI· M·CCCC·LVI·


Finitus et scriptus per manus fratris Thomae Kempis



•

**ORATIONES DE PASSIONE
DOMINI ET BEATA VIRGINE
ET ALIIS SANCTIS**

•





ORATIONES DE PASSIONE DOMINI.

I.

*Oratio ad Patrem legenda infra missam
de oblatione corporis Christi, de merito
passionis eius et de nostra resignatione.* 5

R Espice, clementissime Pater, de
sanctuario tuo et de excelso cae-
lorum habitaculo super sacri-
ficiū acceptabile tibi. Intuere
sacrosanctam hostiam unigeniti filii tui,¹⁰
quam offert vultui tuo pro nobis. Ipse
est enim summus sacerdos et verus ponti-
fex, qui non alienam hostiam, sed pro-
priam carnem dedit ad immolandum in
ara crucis pro vita saeculi. Propitiare¹⁵
ergo mihi peccatori hodie per hanc salu-
tarem victimam. Esto exorabilis mihi
infirmo homini, multum labili et vitioso:
qui non sum dignus respicere caelum
neque calcare terram, quoniam te Crea-²⁰
torem meum offendi saepissime, saepius
agendo, loquendo, cogitando contra prae-

cepta tua irreverenter et insensate. Propter
 quae omnia merito incurri gravissimam
 indignationem tuam nec non omnium
 creaturarum accumulavi mihi inimicitiam.
 5 Te enim offenso et despecto iam utique
 iusto iudicio omnis adversatur creatura
 peccatori. Sed omnipotens et Deus totius
 consolationis, miserere mihi servo tuo ex
 intimo corde paenitenti et dolenti. Quon-
 10 iam ex nihilo factus sum et in peccatis
 conceptus, ut fragilis homo cecidi. Parce
 mihi, Domine, parce. Da veniam filio
 prodigo ad te revertenti de siliquis por-
 corum et stanti ante thronum gloriae
 15 tuae et postulanti manum misericordiae
 tuae a mane usque ad vesperam: donec
 descendat ros gratiae et pluvia consola-
 tionis super terram cordis mei, quod iam
 aruit et contabuit prae multitudine pec-
 20 catorum. Propter temet ipsum inclina,
 Deus meus, aurem tuam mihi et exaudi
 verba mea. Mirifica misericordias tuas,
 qui salvos facis sperantes in te. Scio,
 quia non propter opera mea facies, si
 25 qua forte videntur: sed propter boni-
 tatem tuam, Domine, quae immensura-
 bilis praedicatur. Amplius autem exaudi
 me per singulare meritum amantissimi et
 dulcissimi filii tui Iesu Christi, qui pro
 30 peccatoribus crucifixus est et mortuus,
 ut omnium peccata sua deleret passione.

Recordare, alme Pater, inaeſtimabilis caritatis eius, quomodo in mortem tradidit animam ſuam, ut vivificaret populum ſuum, qui in nullo ſibi pepercit, ut reis et damnatis in aeternum parceres.⁵ Memento amariffimae paſſionis eius, quam gravia et indigna ſuſcepit: qualiter ab hora matutina uſque ad exitum ſuum in cruce pro humano genere laboravit clamans ſanguinis ſui effuſione pro re-¹⁰ conciliandis tibi peccatoribus: ut amicos de inimicis faceret et de ſuis profugis adoptionis filios. O ſumme et venerande et colende Pater, hodie tibi repraeſento omnia ſigna paſſionis unici filii tui cum ¹⁵ noſtra ſupplicatione atque ſuffragio omnium beatorum martyrum, qui eandem paſſionem ſpecialius imitati ſunt. Aspice et cognoſce, cuius ſunt ſigna haec amabilia adoranda per ſaecula. Ecce crux,²⁰ clavi, lancea, fel, arundo, ſpongia, ſputa, flagella, corona ſpineae, ſudor, ſanguis, alapa, virga, reſtis, columna, alba veſtis, purpura et inſuſtilis tunica. Iſta ſunt pretioſa ornamenta et regalia vexilla, qui-²⁵ bus ad debellandas aereas poteſtates proceſſit unigenitus tuus in noſtrae carnis ſubſtantia. Iſta ſunt arma bellica, quibus mors devicta eſt, et humana natura redempta. Per haec igitur benedicta et ³⁰ glorioſa paſſionis inſignia, dimitte mihi

omnia peccata mea. Sit mihi haec veneranda armatura et decora contra omnia vitia et temptamenta singularis potentia. Sit mihi cotidianum speculum et dulcissimum animae meae solacium tam dolorosum et flebile spectaculum.

Suscipe, sanctissime Pater, gratissimam hostiam oblatis corporis filii tui, quam tu ipse tibi praeparasti ac in sempiternum satisfactoriam, dignam atque sufficientem esse voluisti, ad exhaurienda omnia peccata tam contracta quam voluntate admissa. Suscipe me pariter hodie in sancta oblatione, qua nulla sanctior est et praestantior, quae tibi venerabiliter offertur per manus sacerdotum tuorum diebus singulis pro vivis et mortuis ac pro cunctis necessitatibus nostris. Proficiat haec mihi et omnibus orationibus meis commendatis, quorum necessitas et fides tibi nota est, sive iam praesentes sive absentes huic sollemni celebrationi existant. Perveniant ad te preces eorum et devotio, coope-retur illis ad salutem ineffabilis virtus et efficacia sacramenti, quod divinitus est institutum, non humanitus investigandum, sed pie colendum, fideliter adorandum, firmiter credendum et usque ad consummationem saeculi continuandum. O pretiosissimum et suavissimum sacrificium, quod tibi aeterno Patri pro nobis optulit

coaeternus filius tuus factus et ipse hostia
vera, viva, salutaris, unica et perfecta:
qui erat solus pontifex immaculatus,
sanctus et immunis ab omni delicto, non
habens necesse prius pro semet ipso
rogare et hostiam secundum legem of-
ferre; sed pro debitoribus mortis semel
moriens intercessit, non habentibus nec
invenientibus in universa creatura, quid
pro delicto suo redderent. Iam igitur 10
non despero neque ultra desperabo de
venia et curatione peccatorum, quotiens-
cumque etiam me peccatum apprehenderit.
Inveni enim, quo lavandus accedam medi-
cum, ad quem sanandus recurram. Scio, 15
ubi sit spes mea et universa consolatio
mea; quia in passionibus et vulneribus
Domini mei Iesu Christi summa salutis
totaque ratio spei meae consistit et abun-
dat. Per omnia benedictus sis, Deus meus, 20
qui tam magna et immensa divinae largi-
tatis beneficia contulisti mihi. Istis nam-
que vehementer me accendis ad regratian-
dum tibi et dilecto filio tuo.

Sed, o mi Pater fidelissime, quid agam, 25
quia nil dignum in me reperio aptum dono
gratiae tuae. Verumtamen, bone Pater,
cuius sunt omnia dona bonorum, scio, quia
nullius indiges, et tamen te parva nostra
delectant, si ea devote et spontanee tibi 30
videris offerri. Dabo igitur aliquid et

modicum, quod mihi relictum deperire potest, amoris tuo sacrificabo. Nam tibi oblatum melius mihi manet, et tamen merces futura non deerit tam libere offerenti. Si auderet quis inhaesitanter se donare tibi, tu te utique redderes illi, fieretque, quod ore Capitis nostri dictum est: Date, et dabitur vobis. Nunc ergo si digneris accipere, ecce voluntarie me ipsum offero et tuae dispositioni animam meam et corpus meum fidenter derelinquo. Voluntatem quoque propriam, qua pinguius nil tibi offertur, ex hac hora et deinceps promptissimo corde resigno, quemadmodum dilectus filius tuus Christus Dominus noster suam tibi commisit voluntatem, ut nostram in sua abnegatione obtineret salutem, formam praebens sequentibus se fidelibus brevi et pleno sermone, quem dixit. Pater mi, non sicut ego volo, sed sicut tu, fiat voluntas tua.

Hoc itaque exemplo vehementer admonitus te inspirante et iuvante denuo me resigno, omnibus, quae mundi sunt, renuntio. Carnis desideria despicio, omnes actus et nefaria consilia maligni spiritus abicio, tuo servitio me despondeo, tibi adhaerere cunctis diebus vitae meae concupisco, iam iamque devote id agere instituo. Adhuc vero ut plenius perficiam voluntatem tuam, en meam frangere pa-

ratus sum per veram oboedientiam, quam tibi in praelato meo teneor exhibere. Eius enim voci cum oboedio, tibi veraciter oboedio. Ergo illius manibus tamquam parvulus in Christo renatus, qui se baptistae sui manibus humiliter inclinavit, gubernandum me submitto. Fratrum quoque meorum consiliis et sermonibus tota humilitate et pia caritate libens parebo, quos nimirum sanctiores et longe me sapientiores intellegens iure meae imperfectioni praefero. Tibi autem eandem imperfectionem meam cognitam esse sciens in defectibus me accuso atque sanioris emendationis remedium multa contritione a te exposco: quatenus benivolentissima manus tua, quae omnem infirmitatem curat et omnem impotentem roborat, meam indigentiam non relinquat. Per eundem Dominum nostrum Iesum Christum.

II.

*Oratio de recordatione et imitatione
passionis Dominicae.*

Domine Iesu Christe, qui pro nostra salute pati, crucifigi ac mori venisti, da mihi passionem tuam doloroso corde saepius percogitare et eam constanter posse imitari. Da, ut, quidquid adversitatis, gravitatis vel iniuriae mihi

obvenerit, de manu tua benivolenter accipiam et pro nomine sancto tuo aliquid perpeti gaudeam, qui tam multas iniurias et poenalitates innocenter pro me tolerare dignatus es. Nempe ad digne re-
 5 pendendam tibi vicem non possent adaequari omnis hominis maledictiones mihi illatae, quanto magis breve vel asperum verbum seu molestum aliquod factum
 10 sine mordaci cogitatione perferre debeo. Procul igitur omne murmur sit, sileat indignatio, conquiescat suspicio, sed magis benigna patientia humilisque confessio loquantur, quod ampliora mereatur iniqui-
 15 tas mea recipere, quam aliquis mihi possit irrogare.

Dehinc quaeso, ut largam mihi infundas caritatem, quatenus plenam indulgentiam et compassionem devotam,
 20 precem et excusationem debitoribus meis reddam nec non gratiarum actiones pro magnis lucris patientiae persolvam: quoniam tuus debitor sum in valde multis lugendis excessibus. Exceptis enim bene-
 25 ficiis, unde tibi debitor sum in quibuscumque sufficio, immo ultra quam sufficio, adhuc revera pondus peccatorum meorum praeteritorum et cotidianorum gravibus me debitis admonet, cuius tamen,
 30 ut confido, pars maxima solutionis erit sustinentia et dimissio iniuriarum et sup-

plex oratio pro adversantibus. Exemplum namque mihi reliquisti memoriale, qui pro crucifixoribus exorasti, ne perirent. Vtinam et pro me peccatore Patrem nunc exorare digneris, ut dimittat mihi, quid-5 quid conscientia meruit, et adiciat, quod tenuitas mea petere non praesumit. Tu es enim advocatus meus iustus et fidelis apud Patrem, qui tuo sanguine me redemisti tuoque exemplo ad viam perfectae 10 humilitatis, mansuetudinis et patientiae dulciter invitasti. Aduva me ergo, Domine Iesu, spes mea et refugium in die tribulationis, ut non declinem a via patientiae quacumque adversitate exurgente: 15 sed ad te incunctanter recurram pro iuvamine et ereptione necessitatum mearum. Multa namque sunt huius vitae adversa, quae sustinere non est possibile. Ego non sufficio, notum est tibi, quando in 20 minimis me probas, nec alium quam infirmum hominem me invenio.

Quapropter oro te, Domine, aperi mihi thesaurum miserationum tuarum et illud mirificum maximumque passionum tua-25 rum revela mysterium, in quo omnium infirmorum et tribulatorum continentur remedia, ex quo etiam saepe novellus devotionem, et devotus consolationem multam haurire consuevit. O Iesu, fons gratiarum, 30 fac intrare cor meum amaritudinem calicis

tui, quae omnem gravitatem mihi convertat in dulcedinem. Perfora quoque manus et pedes meos clavis caritatis tuae, ut nec in opere nec in affectu meo quicquam vanitatis vel carnalitatis ultra vivat. Sed vive tu in me, et ego in te: nihilque mali interveniat, quod nos separet. Nullae ergo deliciae nec ullae me poenae solvant a tua dilectione: sed sive ad mortem sive ad vitam vocaveris, quocumque volueris, Domine, illuc pergam in nomine tuo. Sapiat mihi beata crux tua et taliter sapiat, ut meam libenter feram. Suscepi illam spontanee aeternae salutis intuitu, tamen portare non valeo, nisi continuo manum tuam apposueris. Te vero adiuvante et ducente leve est onus tuum, fitque planum ac calcabile omne asperum carni. Nunc, o dulcissime Iesu, salus et virtus animae meae, confirma me pusillum in hac hora verbis oris tui et praecipue in recordatione passionis tuae me totaliter accende et ad te intime trahe: ut cum frequentatione exercitationis sapor crescat devotionis: ut cum debita laudatione fructus effulgeat pia conversationis. Qui cum Patre et Spiritu sancto vivis et regnas Deus per omnia saecula saeculorum. Amen.



III.

*Oratio ad compatiendum Christo
et dilectae matri eius.*

Recto genua mea ad te, Domine Iesu Christe, quem pro me in⁵ cruce cerno suspensum. Saluto te, o veneranda imago crucifixi Domini mei Iesu Christi, cuius sanguine redemptus sum de manu inimici. Salve Salvator mundi, qui hanc amarissimam mortem pro me¹⁰ sustinuisti. Peto te, dulcissime Iesu, praesta mihi secundum multitudinem misericordiae tuae tibi in omnibus poenis compati nec non sanctissimae matris tuae doloribus intimo cordis affectu condolere¹⁵ et cum beatissimo Iohanne apostolo largiter sub cruce flere. Etenim solaciosum mihi nunc fore scias, si possem etiam exteriores lacrimas prae magnitudine compassionis coram imagine crucis tuae fun-²⁰ dere, qui pro me pretiosum sanguinem abunde saepius effudisti.

Sed quia a te omne donum, bonum imple hoc desiderium meum ad honorem tuum, ut et memoria sacratissimae passionis tuae²⁵ cum singulari recordatione gloriosae matris tuae adiuncto semper carissimo discipulo tuo Iohanne, eiusdem fidelissimo custode, ex hac hora et deinceps in me ferventius accendatur, copiosius dilatetur, intimius³⁰

sentiat, perfectius moribus et vita teneatur. Sit insuper crucifixio tua speculatio mea, dolor matris tuae consolatio mea, fletus sancti Iohannis intercessio mea.
 5 Non sit sine interna compassione mentis aspectus mortis tuae tam deformis. Quotiescumque igitur tuam passionem recolo, aut figuratum in cruce video, da hoc interius cordi meo sentire, quod multis
 10 devotis dedisti experiri. Qui vivis et regnas Deus per omnia saecula saeculorum. Amen.

III.

Oratio ad Christum.

15 **I** Aus et gloria tibi semper sit, Domine Iesu Christe, qui pro me peccatore descendere dignatus es de caelis et arborem ascendere crucis ad satisfaciendum pro peccatis meis, in qua nudus
 20 et toto corpore vulneratus tamquam vilissimus latronum inter latrones pependisti: qui es speciosus forma prae filiis hominum, verus Dei filius, Rex regum et Dominus angelorum. Benedictio et claritas,
 25 gratiarum actio et vox laudis tibi sit, Agne Dei mitissime: quoniam dignus es accipere omnem honorem propter passionem mortis et multimodam, quam passus es in cruce, confusionem. Accipe igitur
 30 humiles has laudes, devotas gratias, men-

tales genuflexiones et pia oris mei obsequia pro summa et immensa caritate mihi in passione tua ostensa. Revera tibi gratias agere teneor pro omni, quod vivo, quod sapio: sed multo intentius et copiosius, quod tuo pretioso sanguine redemptus sum. Magna bonitas, quia me non existentem condidisti; sed maior caritas superlucet, quod perditum reformasti. Et si in te bonitas et caritas aequalis ac una 10 semper fuit, mihi tamen carior et utilior visa est caritas, quae ita superabundavit.

O quanti me existimasti, quem tam caro commercio redemisti. Dedisti certe pretiosissimum, quod habuisti; nam te 15 pretiosius nihil est, et ecce te totum pro me tradidisti. Quapropter obsecro te, benignissime Iesu, fons bonitatis et caritatis, ut haec a memoria mea non defluant: sed semper imago crucifixi corporis tui mihi resplendeat, et singula plagarum loca amorem tuum cordi meo profunde imprimant; signa enim sunt validissimae dilectionis tuae ad me. Nam omnia haec pro me suscepisti, pro te 25 autem nihil horum merueras, qui peccatum non fecisti, nec maculam quidem peccati contraxisti; in quo dolus non est inventus nec causa mortis, sicut pro te loquebatur Pilatus. Sed ideo oblatus es, 30 quia tu ipse voluisti, qui ad redemptionem

totius mundi te missum cognovisti. Innocenter ergo passus es et atroci crucis supplicio interemptus: sed tamen infructuose non es mortuus, quia per crucem
 5 et per mortem tuam omnes liberati sumus. O beata et nimium amabilis crux, arbor decora atque salutifera, in qua pependisti vita mea pro me mortua: ut mortem occideres et vitam mihi donares. O quam
 10 felix et pretiosa mors ista fuit, quae mortis auctorem vicit, infernum ex morsu spoliavit, paradisi ianuam reseravit. Benedicta sit passio tua, Domine Iesu Christe, crux tua et mors tua, quae antiquam
 15 parentum nostrorum maledictionem in caelestem convertit benedictionem. Benedicta sint omnia membra tua, in quibus passus es: et omnia vulnera tua tibi inflicta aeternaliter sint benedicta. Nam
 20 ipsa sunt mea maxima medicamenta contra quaelibet vitia et optima solacia inter adversa.

Iesu bone, dulce est tecum esse in cruce, quod magis opto habere, quam
 25 omnes solationes naturae. Melius est mihi tecum esse in magnis doloribus, quam sine te in summis mundi honoribus. Oh mihi est, quod patior, cum te in cruce contemplor. Sub hac sedebo
 30 et lugebo, considerabo et pensabo, quanta passus sit pro me Deus meus. Multi

sancti multa passi sunt, sed tu, Sancte sanctorum, amplius. Nam tenerrium et dignissimum corpus tuum a summo usque deorsum multiplicibus plagis et vulneribus erat dispunctum. Quae etsi evangelistae non recitant, quibusdam tamen devotis fuisse revelatum multi affirmant, sicut his duobus versibus continetur.

*Septuaginta quinque quatercentum milia 10
quinque :*

*Tot fertur Christus pro nobis vulnera
passus.*

Benedictum ergo sit semper sanctissimum et pretiosissimum corpus tuum sanguineis 15 guttis ornatum. Nam variis incisionibus venarum perforatum suae effusionis non potuit tenere modum. Vere tu es dilectus meus candidus et rubicundus, electus ex milibus: candidus in virgine, 20 rubicundus in cruce, electus in paternae gloriae confessione. O nobilissimum corpus omnia corpora sanctorum sanctificans, omnes electorum animas a peccatis emundans, ave nunc sanctissimum corpus Do- 25 minicum natum ex Maria virgine, vere passum immolatum in cruce pro homine, sepultum ab hominibus in corde terrae, resuscitatum a Deo tertia die.

Pretiosum est mihi hoc venerabile corpus 30 tuum Spiritus sancti operatione de puris-

simo sanguine virginis Mariae formatum:
 sed pretiosius mihi efficitur, quia pro me
 tam deformiter est in passione martyriza-
 tum. Non mihi sordet facies tua olim tam
 5 amabilis, nunc autem tam contemptibilis
 et paene incognoscibilis effecta propter
 immunda sputa et validos percutientium
 ictus ac irreverendos capillorum tractus
 cum velatione illudentium et multa igno-
 10 miniosa tibi improperantium. O gloriosa
 facies Dei mei, quam angeli videre de-
 siderant, et quae prius quandoque reful-
 sisti in monte Thabor ut sol, quomodo
 nunc sic denigrata es, ut nulla in te ap-
 15 pareat species neque decor? Propter me
 denigrata es inclita Dei facies in terris,
 ut dignus efficerer contemplari divinam
 faciem tuam in caelis. Ergo illa foeda
 consputio formosi vultus tui, lotura et
 20 purgatio facta est foeditatis animae meae.
 Insuper et omnia, quae passus es, pro
 mea satisfactione et redemptione gesta
 sunt. Erit itaque summam sapientia mea
 ista meditari et configurari in carne passo.
 25 Expoliatus es Conditor orbis terrae, ut
 ego vestimentis induerer perennis gloriae.
 Denudatus es, ut me ab omnibus quae
 mundi huius sunt nudarem et te sine
 retardatione sequerer. Illusus es, ut me
 30 ab illusionem daemonum eriperes. Con-
 temptus es, ut me doceres amare con-

temptum et abiectionem hominum. Accusatus es, ne me leviter excusarem: sed quam multa falsa pertulisses, cogitarem. Condemnatus es, ut aeternam damnationem evaderem. Ligatus es, ut a peccatorum vinculis absolverer. Flagellatus es, ut aeterna flagella cum reprobis non sentirem et temporalia flagella cum electis patienter ferrem. Coronatus es spinea corona, ut ego immarcescibili 10 corona dignus essem coronari: si tamen tibi compatiar, tamquam membrum suo conforme capiti. O Rex aeternae gloriae, quam acutam et despectam coronam pro me vilissimo peccatore portasti. Et quo- 15 modo possum sine ingenti cordis dolore cogitare benedictum caput tuum spinis obsitum, arundine percussum, ac omni populo in derisum ostensum?

Eductus es extra civitatem Ierusalem ad 20 crucifigendum, ut me reduceres in caelestem Ierusalem ad perpetue laetificandum. Crucem propriis umeris baiulasti, ut me ipsum abnegarem, crucem tollerem et post te venirem. Affixus es cruci, ut mihi 25 mundus crucifixus esset, et ego mundo. Elevatus es toto corpore a terra, ut ego toto corde elevarer ad superna. Aceto et felle potatus es, ut peccatum, quod gustu vetiti cibi in mundum venit, amaro poculo ex- 30 piares, et ut tuae felleae potationis inter

epulas recordarer. Derelictus es a Patre
 in crucifixione, ne ego desperarem in
 temptatione vel gratiae subtractione. De-
 relictus es etiam a notis et discipulis
 5 tuis, ut spes mea non figeretur in homini-
 bus. Compassus es tamen cordialiter matri
 et discipulorum infirmitati, ut proximo-
 rum semper condolerem necessitati. Pro
 crucifigentibus rogasti, ut ego in me pec-
 10 cantibus benigne indulgerem et tibi omne
 iudicium committerem. Post haec testa-
 mentum fidele statuisti: nam animam Patri,
 matrem discipulo discipulumque matri
 commendasti: ut et ego instante mortis
 15 articulo animam meam tibi commendarem
 et sanctissimae matris tuae praesentiam
 specialiter invocarem. Cuius clementiam
 humiliter invoco, ut cum beato Iohanne
 apostolo tuo et ceteris sanctis N. N. mihi
 20 assistere dignetur morienti, sicut tibi
 astitit in cruce pendenti. Enimvero tuus
 fuit eius dolor, et tuus dolor nihilominus
 eius erat, cuius cor compassionis gladius
 penetravit. Cumque vidisses matrem et
 25 discipulum stantem, quem diligebas, ne-
 quaquam descendisti de cruce propter
 eos, scilicet in oboedientia Patris tui us-
 que in finem permansisti praebens mihi
 exemplum perseverandi in via et in lege
 30 tua, quam nunc relictis parentibus et
 amicis coepi ambulare. Ambulabo in ea

duce gratia tua, et si perseveravero tecum,
erit sine dubio merces mea aeterna.

Sicut ergo tu, Domine Iesu, nec propter
matris tuae fletus nec propter Iudaeorum
obprobria consensisti de cruce descendere: 5
sic nec ego moveri debeo cuiusquam
blando sermone vel consilio, aut etiam
vano terrore contrariorum a statu sanctis-
simae servitutis tuae: sed tecum vivam,
tecum moriar in cruce: nec mihi con- 10
tingat parcere animae meae propter te,
qui animam tuam pro me posuisti, ut
non perirem in aeternum. Inclina ita-
que nunc ad me caput tuum in signum
praecipui amoris: et ego cor meum ad 15
te in signum intimae compassionis: et
simul moriatur anima mea cum anima
tua, ut ubi tu es, illic sit et ipsa; nunc
per desiderium, post per praesentiam et
beatificam fruitionem. Aperi quoque mihi 20
latus tuum ad pausandum in eo. Ideo
enim apertum est, ut ego intrarem et ab
aestibus vitiorum curarer. Profluxit ex
eo sanguis et aqua; aqua, ut lavarer a
contractis maculis et privatis; sanguis, 25
ut redimerer a iugo diaboli et poenis in-
ferni. Eia suscipiam te iam de cruce
cum singulari reverentia. Ponam te dul-
citer inter brachia mea, qui non habuisti,
ubi caput tuum reclinares dispunctum 30
corona spinea. Plangam te quasi uni-

genitum Patris et primogenitum virginis
matris, antequam ponaris in monumento
ab oculis meis: et considerabo omnia quae
fecisti, docuisti et passus es in mundo,
5 ab hora nativitatis tuae usque ad horam
mortis et sepulturae tuae. Exinde mihi
sit tua reverenda sepultura omnium mun-
danorum perfecta clausura. Hic requie-
scam, hic habitem, hic cunctis tumultibus
10 exclusis tecum sepeliendus ingrediar; ubi
tibi soli unitus toti mundo mortuus sim
ac sepultus. Amen.

V.

Oratio ad Christum.

15 **S**cribe, Domine Iesu Christe, vul-
nera tua in corde meo pretiosissimo
sanguine tuo: ut in eis legam tuum do-
lorem et tuum amorem ad omnia terrena
et ad omnia adversa pro te libenter sus-
20 tinenda. Fac me, quaeso, participem
sacrae passionis tuae et acerbissimi do-
loris, quem sustinuisti in gravi et longa
appensione crucis. Tunc enim benedictae
manus ab impiis conclavatae, et specio-
25 sissimi pedes tui ligno durissimo sunt
affixi. Tunc enim totum corpus tuum
ita extensum est, ut omnia ossa tua di-
numerari possent. Tunc denique, post-
quam emisisti spiritum sanctissimum,

latus tuum lancea militis tam valide perforatum est, ut continue exiret sanguis et aqua in redemptionem totius mundi.

O inaestimabilem caritatem, ut damnatum servum redimeres, temet ipsum tantis suppliciis exposuisti et innoxiam mortem, ne aeternaliter morerer, libentissime suscepisti. Ego, Domine, peccavi; ego hoc grande peccatum feci; ego sum reus omnium vulnerum tuorum. Quid igitur retribuam tibi pro omnibus, quae retribuisti mihi? Si dederò me et omnia mea, quae umquam habui et habiturus sum, pro caritate hac maxima, quam fecisti mecum, quasi nihil esset. Et si tradiderò me ipsum tibi in perpetuum servum, non poterit dignum esse pretium. Insuper si totum mundum haberem ipsumque dare possem, adhuc non esset digna retributio pro minima gutta pretiosissimi sanguinis tui, quem pro me in cruce effudisti. Vna enim gutta pretiosissimi sanguinis tui universum mundum expurgare potuisset. Verumtamen non sufficit amorì tuo dare congruentiam satisfactionis, sed ex abundanti expendisti pretium, quo totum mundum salvare decrevisti, in quo etiam mihi spem unicam reliquisti. Nam ex quinque corporis tui vulneribus voluisti largissime emanare dulcedinem caritatis tuae, quam ab aeterno

habuisti cum Patre absconditam, sed etiam specialiter passionis tempore in cruce moriens revelasti.

VI.

5 *Gratiarum actio.*

Gratias itaque nunc refero tibi, benignissime Iesu, pro omnibus doloribus et obprobriis, pro universis quoque rubicundis vulneribus tuis, quibus
 10 repletus es a planta pedis usque ad verticem pro mea reconciliatione et reductione in aeternam gloriam tuam. Sed heu, Domine, quia dignas tibi referre gratias non sufficio. Siquidem tam excellens
 15 et pretiosa est sanctissima passio tua, ut si omnium creaturarum etiam virtutes haberem, adhuc plene tibi regratiari nequaquam sufficerem. Excedit enim omnium hominum merita et vota: super-
 20 ascendit omnium creaturarum dignitatem. Attamen, ne omnino ingratus sim, saltem in modico regratiari tantae caritati et tam amarae passioni tuae desidero per verba devotae orationis et meditationis, quae
 25 tu inspiraveris et cordi meo sapida feceris: quatenus et ex hinc fructus multiplex proveniat animae meae, atque tibi gratiarum actio cum perfecto amore resultet sine fine. Memento mei, Domine Iesu,

in regno tuo, qui latroni confitenti in cruce respondisti. Hodie mecum eris in paradiso. Amen.

ORATIONES DE BEATA VIRGINE.

VII.

5

*Oratio de amore et laude beatae virginis
Mariae.*

DEprecor te, benignissima Dei gen-
trix, virgo Maria, ut pietatem tuam
et dulcissimam caritatem, qua semper ¹⁰
existis plena, mihi servo tuo pauperi et
infirmo aperire nunc et in perpetuum
digneris atque instillare intimis cordis
mei scriniis dulcedinem tuam, quam geris
in pectore tuo et habes absconditam in ¹⁵
uberibus tuis sanctissimis, quatenus te
matrem super omnes benedictam et uni-
cum filium tuum Dominum nostrum Iesum
Christum puro et integro corde amare
et devotissime laudare valeam: et ita ²⁰
mihi ex hoc bene fiat super terram om-
nibus diebus vitae meae in amore et
spiritus fervore tibi et filio tuo serviendo.

O aurea rosa, tota suavis et formosa,
virgo Maria, perveniant, quaeso, ad te ²⁵
preces meae instanter effusae, quibus
pulso ante ostium tabernaculi tui, quod
est in domo Domini, in hac praesenti

hora confidens de tua affluenti misericordia in quacumque fuero tribulatione et angustia. Nam tu mater es misericordiae, et per te suscipitur peccator in
 5 maximam spem veniae. Sed et maior est bonitas et pietas tua, quam rumor, quem audiui in terra mea, quia vincis omnem laudem et gloriam sanctorum et praecedis propterea, virgo beata et domina
 10 veneranda, in virtute dulcedinis et mansuetudinis angelicam etiam creaturam. At nisi sic esset, unde miseris et reis tanta infundi consolationis dulcedo, tantaque alacritas veniae posset ingeri? Nam
 15 tu exhauriri non poteris, quia in te requievit novem mensibus infinitae bonitatis fons Iesus Christus. Tu es ornamentum caeli caelorum, tu gaudium et iubilatio omnium sanctorum. Tu es re-
 20 clinatorium aureum Sancti sanctorum, tu tripudium et expectatio patrum antiquorum. Per te matrem benedictam, virginem singulariter praelectam, datur omnibus et promittitur cunctis divinam
 25 misericordiam exorantibus indulgentia peccatorum et sors inter filios Dei et beatitudo sine fine mansura in regno utique caelorum.

O clarissima stella renitens in caelo, caeli
 30 regina. O domina mundi, nulla potest comparari tuae virgineae pulchritudini qualis-

cumque virgo ornata virtute caelesti, quia tu es post unicum filium tuum Iesum Christum prima inter omnes sanctos et sanctas nobilissimaque creatura, quam Deus Pater praescivit ante saecula et creavit in plenitudine temporis, ut esses unigeniti filii eius mater intacta. Quem quidem peperisti cum ineffabili gaudio et stupendo aeternoque miraculo in salutem omnium credentium. Te igitur, o beatissima omniumque virginum regina pulcherrima, totius iam orbis mediatrix effecta, te, o perpetua virgo Maria, cum iucundissimo cordis iubilo affectuque purissimo laudet et glorificet summeque veneretur et intime diligat omne genus humanum. Et omnis creatura caeli et terrae, quam condidit Deus in laudem et gloriam sui altissimi nominis, tibi personet gratiarum dulcisonas melodias. Amen.

20

VIII.

Oratio ad beatam virginem Mariam, ut subveniat in hora mortis.



Amantissima Dei genetrix, virgo semper Maria, quae superabundas dulcedine mirabili, quam capere et enarrare non valet mens humana. Ecce assum ego servus tuus cum intima affectione cordis mei humiliter me inclinans ante

gloriosissimam sedem tuam super omnes
choros angelorum in caelesti regno ex-
altatam. Quam idcirco meruisti, dignissima
mater Dei, quoniam inventa es humillima
5 inter omnes filias Ierusalem et placuisti
oculis eius virgo decora valde, nec fuit tui
similis in omni terra. En iterum flecto
me ante scabellum vestigiorum tuorum de-
votis labiis et mundo corde officiosissime
10 et salutare et collaudare desiderans. Sed
scio, electa mater, quia dignus non sum
levare impuros oculos meos, quos saepius
inquinavi concupiscentia carnis, concupi-
scentia oculorum et superbia vitae, in
15 serenissimam faciem tuam divino lumine
radiantem omnique caelesti militiae ad-
mirandam: quae labiis candidissimis et
rubentibus rosis aureisque flosculis ex
omni parte decentissime adornata es. Ideo-
20 que confundor ab impuritate mea triste
pensans indignitatem meam. Sed rursus
propter multitudinem misericordiae tuae
spem gero bonam et firmam impetrandi
citius gratiam et plenam reconciliationem
25 te mihi benigne apparente et pro me
interpellante. Quid aliud possum de
misericordissima matre et de dulcissima
virgine nisi misericorditer et dulciter
sentire in meum et omnium peccatorum
30 solacium? Propter hanc clementiam et
mansuetudinem sub tuam protectionem

confugio, ubi infirmi accipiunt virtutem, et captivi liberationem. Esto ergo misericors mihi et bona mater cordi meo, ut felici experientia nunc sentiam te omnium esse consolatricem omnium-5 que tibi servientium et in te sperantium fidissimum sublevamen.

Iterum precor te, gloriosissima mater Dei Maria, quatenus ab hac praesenti hora usque ad extremam horam propitio ac se-10 reno vultu cordeque dulcissimo super me respicere non fatigeris, sed in tuam custodiam me accipias atque sanctissima brachia tua super me, quocumque ambulavero, maternaliter expandas. Cum autem ve-15 nerit dies meus novissimus, quem ignoro, et hora mortis metuenda valde, quam non possum praeterire, o clementissima domina, mea singularis fiducia in omni angustia, sed in hora mortis maxime, tunc 20 memento mei et assiste fini vitae meae consolando trepidantem animam meam. Protege eam ab illis taetris et immundis spiritibus, ne audeant me appropinquare, quam tua gratiosa praesentia dignetur 25 cum multitudine angelorum et sanctorum visitare. Satage quoque placare mundissimis precibus tuis, priusquam decedam ex hac luce, divinam faciem filii tui, quem totiens et tam graviter offendi pec-30 catis meis. Post haec suscipe enavi-

gantem ab hoc exilio inopem animam et
 introduc eam per portas caeli ad amoena
 paradisi. Statue me iuxta te et loquere
 ad filium tuum pro me, Regem omnium
 5 saeculorum, verbum bonum et suave,
 quae ab ore Gabrielis benedictum illud
 ave accepisti. Per cuius virtutem me
 conservare digneris viventem atque mor-
 rientem, et dona mihi hanc, obsecro, cum
 10 devotione cordis saepius replicare in lau-
 dem et gloriam melliflui et benedicti
 nominis tui. Accipe itaque deprecationem
 servi tui, quam modo coram te fundo,
 et respice in me, misericordissima mater
 15 Iesu, virgo Maria, super omnes dilecta,
 et recordare mei semper. Quod si ali-
 quando obliviscor tui, hoc utique est in
 magna displicentia mihi. Sed tamen tu
 noli mei oblivisci, quae misericordiam
 20 omnibus peperisti. Vale iam virgo Maria:
 ecce te saluto flexis genibus, tibi inclino
 devotis nutibus, tibi gratias ago coniunctis
 manibus. Et ut orationem meam libenter
 audias et confirmes, adhuc una reverenda
 25 salutatione faciem tuam honorabo. Ave
 Maria, gratia plena, Dominus tecum,
 benedicta tu in mulieribus, et benedic-
 tus fructus ventris tui Iesus Christus.
 Amen.



IX.

*Oratio ad beatam virginem Mariam pro
speciali consolatione.*

SVscipe, misericordissima mater Dei
Maria, servum tuum ad te de qua-⁵
cumque tribulatione fugientem. Suscipe
me, virgo piissima, sicut unicum non
habentem consolatorem. Vide, domina
mea, afflictionem meam et sinum cle-
mentiae tuae aperi mihi. Ecce pulso,¹⁰
clamo, peto et adoro. Non recedo nec
te dimitto; sed tibi adhaerebo, donec
miserearis mei. Scio incomparabilem dul-
cedinem tuam: novi affectum maternalem
cordis tui ex abundantia divini amoris¹⁵
sic liquefactum, ut desperare de tua con-
solatione nimis sit forefactum. Ideoque
frequentissime et desideratissime me con-
fero ad te: ut sive bene sive etiam male
mecum fuerit, semper tuis gratiosis au-²⁰
xiliis merear amiciri et suavissimis con-
solationibus oris tui refoveri. Te enim
loquente consolatoria quae iam poterit
cordi inesse tristitia? Aut quomodo illi
nocebit inimicus, cui ad te patet semper²⁵
liber recursus? Inclina itaque nunc, beni-
gnissima mater, humiles aures tuas pre-
cibus meis. Inclina, illustris virgo, hydriam
tuam et da mihi pauxillum bibere: hoc
est, de copiosa gratia tua, quae in te latet³⁰

et exuberat, parvulam mihi consolationem
effunde. Est enim pro praesenti valde
necessaria et omni tempore acceptabilis
nec umquam pro paucitate fastidibilis.
5 Tantae siquidem efficaciae est et nobili-
tatis etiam guttula stillans ex ore tuo
super labia mea: ut eius comparatione
vile sit et nihilum omne delectabile in
hac vita. Propterea, dilectissima Maria,
10 dives et larga in donis, in verbis quoque
gratiae mirabiliter suavis: in cuius vir-
ginali utero summa habitavit Sapiencia,
ut quam Spiritus sanctus ab initio con-
secravit, angelus custodivit, archangelus
15 docuit, virtus Altissimi obumbravit, refice
me salutaribus monitis tuis. Dic verbum
tantum, et consolabitur anima mea. Non
peto rem difficilem nec aliquid impos-
sibile, sed hoc tantum precor, domina
20 mea, loquere mihi verbum solacii intimi,
quod auditui meo det gaudium et laeti-
tiam. In necessitate mea ad te venio:
eia suscipe me vultu benigno. In hoc
cognoscet servus tuus, quia invenit gra-
25 tiam coram oculis tuis: si ei aliquid
amicabile protuleris: si consolationem,
quam a te expectat, non diu tardaveris.
Veni, carissima Maria, cum melliflua
unctione tua ad visitandum cor meum
30 in tribulatione sua, quia tu optime nosti
lenire dolores cordis et ad pacem pri-

stinam reformare. Veni, piissima domina, cum nova Christi gratia et iacentem servum tuum erige dextera tua sancta. Veni, electa mater Dei, et solitam tuae miserationis largitatem mihi revela, quia, ut cernis, ad nihilum redactus sum: sed tui oblitus non sum nec obliviscar in aeternum. Veni ergo, veni, spes mea et gaudium meum, dilecta et dulcis virgo Maria: quia te veniente et mecum ser-¹⁰ mocinante omnia pariter bona venient, mala autem longius foris stabunt. O quam desiderabile, quam ingens et laetabile mihi erit audire verbum matris Domini mei Iesu Christi. Sed quale¹⁵ verbum? Verbum utique pium, dulce satis et amicum: quod audivit beatissimus apostolus Iohannes a dilecto sibi magistro, filio tuo, quando illi dixit. Ecce mater tua. Hoc ille audivit a Do-²⁰ mino, sed ego idem peto audire a te, domina mea, in spiritu et devotione mentis. Dic ergo mihi. Ecce mater tua: ecce ego sum. Ad hanc benignissimam vocem tuam reconvalescat anima mea²⁵ laeteturque coram te, sicut laetari solet filius inventa matre sua. Intret, intret amicabile vox ista in aures cordis mei, et ex suavi alloquentia oris tui simul influat spiritalis quaedam consolatio Spiri-³⁰ tus sancti. Sumat cor meum fiduciam

novam, timor abscedat, ambiguitas non
 me moveat amplius: nec desperatio per
 varias temptationes frangat, sed conso-
 letur me verbum istud, quod a te petii
 5 audire et cordi meo attentius commen-
 dare. Ecce mater tua. Amplectere nunc,
 anima mea, hanc commendationem, am-
 plectere dulcissimam Mariam, amplectere
 Dei matrem cum parvulo filio suo Iesu
 10 prae filiis hominum speciosissimo gratias
 illi agendo semper, quia ipsa est, quae
 preces consuevit audire pauperum nec
 inconsolatos dimittit, quos perseveranter
 ad se clamare conspexerit. Haec est illa
 15 deifera virgo et virga mystica, quae ex
 regali stirpe progenita divini floris pro-
 tulit amygdalum, ipsum Christum, Regem
 ac Salvatorem omnium, cui sit honor et
 gloria in saecula saeculorum. Amen.

20

X.

*Oratio ad beatam virginem Mariam
 quacumque tribulatione insurgente.*

Ave Maria, gratia plena, Dominus
 tecum, virgo serena. Ave singu-
 25 laris spes egenorum. Ave benigna mater
 orphanorum. O Maria, quando omnes
 caeli portae clausae sunt, et ad Deum
 undique mihi accessus denegatur propter
 peccata mea: quando omne consilium

et robur mentis a me recedit, et in nulla re me ipsum iuvare possum: quando taedium praesentis vitae et anxietas cordis me ita constringit, ut paene nihil in hoc mundo libeat: quando sol laetitiae in noctem transit pavoris et maestitiae: quando caelestis subtrahitur consolatio, et gravis imminet desolatio: quando venti temptationum insurgunt, et motus passionum se erigunt: quando etiam infirmitas improvisa accidit, et alia quaelibet adversitas occurrit: quando haec omnia veniunt super me, ubi fugiam et quo me vertam, nisi ad te, benignissimam consolatricem pauperum? Et quorsum respiciam, ut portum attingam salutis, nisi ad praeclarissimam maris stellam semper fulgentem et numquam sui luminis gratiam abscondentem? O Maria, dilecta et dulcis mater, tu es ista praeclarissima maris stella, quae universos in te respicientes et ad te clamantes consolaris et ad portum tranquillitatis citius perducis. Ad te ergo hodie confugio et a te iuvari suppliciter exposco, quia quidquid voveris, a filio tuo facile impetrabis. Si tu, o gloriosa domina, pro me fueris, quis stabit contra me? Et si mecum gratiam feceris, quis est, qui me repellere queat? Expande igitur nunc brachia tua super me, ut fugiam sub eis. Dic

animae meae. Advocata tua ego sum,
 noli timere. Sicut mater consolatur filium
 suum, ita et ego te consolabor. Vox tua
 haec est, o dulcis Maria. Quis det cordi
 5 meo eam semper audire? Quam dulcia
 faucibus meis eloquia tua. Loquere, do-
 mina mea, ad cor servi tui, quia audit
 servus tuus. Servus tuus ego sum et
 filii tui. Amplius dico. Mater mea tu,
 10 et frater meus Iesus, filius tuus. Fiden-
 ter dixerim: quia non tantum tibi, sed
 et toti mundo ipsum genuisti. Nolo id-
 circo matrem mihi vocare super terram:
 recuso aliam habere, praeter te solam
 15 Dei genetricem. Non est similis tui in
 virtute et decore, in caritate et mansue-
 tudine, in pietate et dulcedine, in fideli-
 tate et materno solamine, in misericordia
 et miserationibus multis. Hodie te eligo
 20 et assumo. Hodie me tibi fiducialiter
 trado et istud in aeternum per te con-
 firmari desidero. Sufficit enim mihi in-
 firmo, si tecum bene confoederatus fuero.
 Propterea laetabor et consolabor copiose
 25 in te et nomini sancto tuo magnifice laudes
 personabo.

O quam pulchra es et amicabile, domina
 mea, sancta Maria, omni gratia plena. Si
 quis potest stellas caeli numerare, poterit
 30 et virtutes tuas explicare. Sicut enim exaltati
 sunt caeli a terra, sic vita tua exaltata est

super vitas hominum: et splendor gloriae
 tuae super omnes emicat choros angelorum.
 Ascendat igitur nunc pauper cula oratio mea
 ad ditissimam dominam meam, et deside-
 rium meum ad te perveniat, ut in con-
 spectu filii tui causam meam pronunties:
 ante cuius examen nemo ex se ipso in-
 nocuus invenitur. O clementissima do-
 mina, propter nimiam caritatem et sin-
 gularem confidentiam, quam ad te gero,
 tibi revelavi causam meam et amodo
 tutius revelabo. Sentio enim de te exire
 virtutem magnam, et memoriale nominis
 tui solacium fore animae meae. O dul-
 cissimum nomen Mariae, nomen unctionis
 et gratiae semper cogitandum, semper
 nominandum et venerandum. O nomen
 caelicum et vere angelicum: quod ore
 evangelistae constat fidelibus pie com-
 mendatum: et nomen, inquit, virginis
 Maria. O sacratissima et omni laude
 dignissima Maria: tu porta caeli: tu ianua
 vitae: tu templum Dei: tu sacrarium
 Spiritus sancti. Quidquid igitur pulchri-
 tudinis et amoenitatis in creaturis cerno:
 quidquid magnum et virtuosum in sanctis
 Dei considero, totum tuae generosae celsi-
 tudini aptare desidero, quia dignum est,
 ut mecum omnibus creaturis ad tuam
 perpetuam laudationem transferam, quam
 in specialem matrem ac fidelissimam ad-

vocatam mihi elegi nunc et post hanc vitam ad benedicti filii tui Iesu Christi gloriam promerendam. Amen.

ORATIONES DE ALIIS SANCTIS.

5

XI.

Oratio de eximiis virtutibus beati Iohannis Baptistae.



Sanctissime et praeclarissime Iohannes Baptista, specialis amice
 10 Iesu Christi, fidelissime praeco Dei et acceptabilis praecursor Domini, o summe venerande et semper amande patrone, magnus et excelsus in latitudine terrae, sed maior in altitudine caeli, ubi nunc
 15 inter summos sanctos luce clariori prae-fulges et honore speciali. Tu namque omnium prophetarum eximius vates priores patriarchas et prophetas ortu temporis secutus es, sed virtutum iubare et meri-
 20 torum gloria praecessisti. Siquidem velut caelestis quidam lucifer a Deo missus in mundum et aeterni Regis nostri adventum solemque iustitiae in tenebris exortum actibus mirabilibus et verbis fide dignis
 25 praenuntiasti. Tu ab angelo Gabriele in templo Dei annuntiatus es, tu in utero sanctificatus, tu Spiritu sancto repletus et ad vocem loquentis genetricis Dei

Mariae in utero materno exultasti. Tu puer propheta Altissimi vocatus es et muto patri loquelam diu amissam sacri nominis tui editione reddidisti. Tu itaque mirabiliter natus, sed multo sanctius es ⁵ conversatus. Tu paterna domo et omni parentela relictā puer adhuc septennis eremum intrasti: ubi humano solacio destitutus angelicam vitam usque ad diem ostensionis suae in Israel solitarius ¹⁰ exegisti. Tu asperum iter aggressus, vili contentus cibo et duro accinctus indumento delicias regum et divitum molli-
tiem strenue declinasti. Tu Spiritu sancto inspirante ad ostendendam populo viam ¹⁵ perpetuae salutis, ad agendam paenitentiam et regnum caelorum consequendum multa exhortatione evangelizans verbum Dei fortiter praedicasti. Tu Agnum Dei venturum turbis praedixisti et quem ²⁰ ceteri ab initio prophetae verbis, signis, vita, moribus ac magnis desideriis diu praefati sunt, tu, fidelissime serve Dei ac sollemnis praecursor, Christum in carne iam praesentem digito demonstrasti ²⁵ dicens. Ecce Agnus Dei, ecce qui tollit peccata mundi. Hic est enim, de quo dixi. Tu venientem ad baptismum tuum Iesum, Dei filium, tuis sanctissimis manibus, o venerabilis Baptista, inclite ³⁰ Iohannes, summa, ut decuit, cum reve-

rentia et tremore in Iordane baptizasti. Tu Patris vocem de sublimi sonantem audisti. Hic est filius meus dilectus, in quo mihi bene complacui. Tu Spiritum
 5 sanctum in columbae specie super Dominum Salvatorem descendentem ac manentem beatis oculis conspexisti. Tu summae Trinitatis ineffabile mysterium superna revelatione didicisti: atque Christo Iesu
 10 Domino nostro indubitabile testimonium perhibuisti, quia hic est filius Dei. Sed et Iesus rursus tam magnificum tuae sanctitati testimonium reddidit, quale sanctorum aliquis audire in hac mortali-
 15 tatis luce non meruit. Inter natos mulierum, inquit, maior Iohanne Baptista nemo surrexit.

O signifer martyrum, honorande Iohannes, tu zelo iustitiae et amore casti-
 20 tatis effervens impiissimi Herodis regis incestum detestabilem voce imperterrita obiurgasti. Et pro constantia veritatis taetrum carcerem et dura vincula patienter subisti ac demum ad petitionem
 25 nem mulierum turpissimarum sanguinem tuum furiose sitientium benedictum caput tuum ab infantia Deo consecratum gladio spiculatoris amputandum spontaneus tradidisti, sicque sanguine proprio
 30 purpuratus et martyrii palma dignus effectus quasi lampas mundi ardentissima ad

limbum sanctorum patrum serenus descendisti. Quibus tunc novum exultationis gaudium intulisti, dum ipsum humani generis Redemptorem in proximo adventare pro eruendis ex ore inferni electis, 5 praenuntiares: quem profecto nascendo, baptizando, praedicando, ostendendo ac moriendo ut boni nuntii baiulus in mundo prius praecursasti. O sublimissime virorum sanctorum, quomodo te magnificem 10 et praedicem, penitus ignoro. Ita divitem enim et magnum in omni gratia sanctitatis te invenio, ut in omni choro sanctorum singulariter splendidum ac decoratum gloria conspiciam. Immo nec prae 15 splendore excellentis gloriae tuae satis iam queo te conspiciari: sed neque ad plenum tuam dignitatem admirari sufficio. Vbique enim nomen tuum volitat: et in omni ecclesia laus sancti Iohannis Bap- 20 tistae excellenter claret. Si inter angelos te quaesiero, Iohannes par angelis et socius angelorum atque homine maior recte praedicatur: si inter prophetas, etiam plus quam propheta Christo teste 25 diceris: si inter apostolos, apostolorum vox et evangelii primicerius dignissime nominaris: si inter martyres, tu fortissimus athleta martyrum nobiliter decantaris: si inter confessores et doctores, 30 tu almus Christi confessor ac doctor

praeclarus iure appellaris: si inter virgines, tu virgo purissimus, virginis legatus et cognatus legitime comprobaris: si inter monachos et eremitas, tu devotus eremi
 5 cultor ac monachorum sanctus institutor demonstraris: si inter innocentes et puros, innocentior et purior homo tibi similis non est inventus: si inter paenitentes et abstinentes, tu cunctos paenitentiarios austeritate vitae et sinceritate conscientiae praecedis.

O virum sanctissimum, super omnes et in omnibus laudabilem, Deo carissimum, angelis acceptabilem et hominibus valde amabilem. O ardens et lucens lucerna omnipotentis Dei terram illuminans, caelum laetificans, peccatores convertens, iustos conservans, lapsos erigens, stantes roborans omnesque pa-
 20 riter ad Deum trahens atque in caeleste regnum perducere affectans. Esto, quaeso, pie memor mei et tuis sanctis precibus apud districtum iudicem omnium peccatorum mihi indulgentiam impetra atque
 25 virtutum germina in me satage plantare: quatenus liberatus a vitiis omnibus Spiritus sancti unctione efficiar dignus atque post huius mundi varia discrimina ad perpetuae beatitudinis portum te suffragante
 30 merear salvus pervenire. Subveni mihi, precor obnix, columna praesidii caelestis,

in hora mortis imminentis et pro salute indigentis servuli tui verbum bonum et placabile apud Regem angelorum potissime amicorum eius loquere confidenter, ut quem propriae actionis pondus maxime gravat et perterret, tuae sanctissimae orationis scutum ab hostium insultatione defendat, et per tua gloriosa merita anima mea de carcere carnis egressura occurrentibus beatis angelorum choris ad aeternum caeli palatium feliciter ac secure transire mereatur. Amen.

XII.

*Oratio de privilegiis praecipui amoris
beati Iohannis Evangelistae.* 15

Ave dulcissime Iohannes apostole. Ave sanctorum evangelistarum altissime. Ave sanctae Mariae matris Iesu custos fidelissime. Saluto te devotis animi mei obsequiis. Honorifico te ex totis cordis mei praecordiis. Invoco te affectuosis precibus et suspiriis. En cupio laudes tuas personare, desidero virtutes tuas enarrare, affecto magnalia tua praedicare. Quaeso ergo te, piissime apostole, dignare me laudare te, virgo sanctissime. Tu es enim dilectus ille discipulus et inter ceteros magis dilectus, quem de saeculi nuptiis ad caelibem

vitam attraxit Iesus Dei filius et pro
carnis illecebris caelestibus te replevit
charismatibus. Tu pro amore Iesu pa-
rentem in navi cum retibus reliquisti et
5 caelestem Patrem cum Iesu filio eius
invenisti. Tu Dominum Iesum, evange-
lium regni caelestis praedicantem sequi
non es fatigatus. Tu signis illius mira-
biliter es delectatus. Tu doctrinis eius
10 et salutaribus monitis crebro es infor-
matus. Tu in persecutionibus eius et
obprobriis sibi illatis vehementer com-
passus fuisti. Tu cum Iesu in montem
Thabor ad videndam claritatem corporis
15 eius ascendisti. Tu ex auditu Paternae
vocis in excessu mentis raptus paene a
magnifica gloria defecisti. Sed tamen ex
hac stupenda visione in agnitione filii
Dei multum profecisti.

20 O sacer et nimium felix apostole, quanta
tibi de Iesu tuo fuere revelata, quae mens
humana infimis dedit nec capere potest nec
sentire. Quare te rogo, Iohannes dulcis-
sime, ora pro me ferventissime: quatenus
25 totum saeculum, cum suis vanitatibus et
delectationibus universis valeam ex corde
funditus relinquere, atque salutaribus Iesu
doctrinis, quibus inebriatus es, me in-
terius accende, ut spretis et oblitis omni-
30 bus terrenis ad montem virtutis et pu-
rioris vitae celsitudinem te adiuvante

valeam expedite ascendere. Cuncta enim vana sunt et nulla, quae in hoc saeculo videntur concupiscibilia. Idcirco quidem Christus, aeterna Dei Sapientia, tibi revelavit suae claritatis gloriam sanctis in futuro donandam: quatenus his visis secretis caelestibus ad subeunda pro nomine eius quaelibet adversa ignireris nec deficeres laccessitus verberibus aut iniuriis. Tu etiam appropinquante termino passionis, quo de hoc mundo ad Patrem Christus erat transiturus, ad parandam cenam agni paschalis in civitatem cum Petro emissus es. Vbi cena facta sancta pius Dominus et humilis magister tuos tibi ac reliquorum discipulorum suorum dignatus est lavare pedes. In hoc magnum praebens dilectionis suae signum nec non devotae humilitatis memoriale relinquens exemplum. O venerande Iohannes apostole, conviva Regis aeterni, ad latus residens dilecti magistri, tu es ille dilectus discipulus, qui in hac cena perpetuo memoranda supra pectus Iesu dulciter recubuisti et dixisti. Domine, quis est, qui tradet te? Qui mox ob indicium praecipui amoris tibi secrete personam intimavit sui traditoris. Ille inquit est, cui ego intinctum panem porrexero. O vere singulariter praedilectum apostolum et inter ceteros dilectos discipulos am-

pliori castitatis gratia ac familiaritatis dono insignitum, cui ceteris tacitum revelatur in aurem verbum.

O dulcissime Iohannes, quanta tunc de
 5 pectore Iesu traxisti arcana sapientiae. Testantur sacra evangelii tui fluenta toto orbe terrarum diffusa, quod magno quodam praesagio futurae gratiae supra pectus Iesu caput tuum amicabilem reclinasti, unde
 10 tibi tanta emanavit affluentia doctrinae caelestis. Obsecro te, sancte apostole, dulcis amice Christi, refice esurientem animam servi tui suavitate eloquii divini meque fac saepius interesse cenae Iesu et pul-
 15 cherrimo illo sermone delectari, quem Dominus Iesus novissime edidit coram discipulis, et tu ad legendum nobis clarissime scripsisti. O pretiose et amande discipule, tu egresso Iesu trans torrentem
 20 Cedron ipsum cum reliquis discipulis secutus es ad hortum. Tu in secretum orationis locum ab ipso specialiter cum duobus assumptus es. Tu Domino Iesu a Iudaeis capto et ligato post ipsum sequi
 25 usque in atrium summi pontificis non trepidasti et dilectum consortem tuum Petrum introduci fecisti. Amor siquidem Iesu vos pariter illum prae ceteris audacius sequi fecit, sed humana fragilitas
 30 nondum valida mortem ferre fugere compulit ac timere. Sicque Iesus solus per-

mansit in passione sua a notis derelictus: quia sic voluntas Patris fuit, ut innocens occideretur pro nocentibus.

O beatissime Iohannes apostole, tu Iesu ad mortem crucis damnato ac multis vulneribus sauciato usque ad locum crucifixionis ipsum tristi mente et flebili vultu prosecutus es virgine Maria maestissima matre eius tecum pariter comitante cum pia Magdalena prae dolore iam paene deficiente. Vere in hoc apparuit ingens vis amoris tui et maternae compassionis cordialis affectus: quod Iesu in cruce demum suspenso et matri virgini gladio doloris vulneratae tam proxime et firmiter astitisti. Ideoque et in extremo constitutus spiritu Christus tibi matrem suam specialiter commendavit: ut virgo virginem servares et de reliquo in necessitatibus illius curam gereres ac studio officiosissimae caritatis tamquam propriae matri ei filialiter deservires. O fidelissime et castissime custos beatissimae matris Christivirginis Mariae, cubicularius Sponsi ecclesiae, thesaurarius Regis aeterni: qui post Christum quasi alter subdelegatus es filius, tibi commissae est arca Dei continens manna caeleste: tibi servanda creditur porta caeli lucida, per quam introivit Rex gloriae, cum idem in cruce moriens ait. Ecce mater tua. O mater


tua, mater Dei, mater alma, mater in
 aeternum benedicta, tibi commissa, tibi
 credita, tibi associata. O quis mihi det
 talem habere matrem et talem cum ea
 5 custodem: quibus tute valeam pauper-
 culam animam meam committere prote-
 gendam, ne in hora exitus terribilis me
 perterreat severus ille inimicus. O bone
 et clementissime Iesu, memento mei in
 10 novissimis meis, et dum mihi subtrahitur
 vox carnis, et omnis sensus deficit, tunc
 pia me muniat oratio tuae dilectissimae
 matris, et beati Iohannis apostoli fida
 custodia mihi potenter assistat. Eia ma-
 15 ter pia et misericors virgo Maria, rogo
 te per filium tuum carissimum et eius
 apostolum tibi in cruce commendatum,
 subveni mihi in omni loco et hora,
 maxime in extremis agonizanti, quae
 20 dilecto filio tuo Iesu cum beato Iohanne
 et Maria Magdalena astitisti. O dulcis-
 sime Iohannes apostole, clemens custos
 et fidelis semper amice, protege me armis
 militiae caelestis et signo sanctae crucis
 25 Christiani nominis inimicum a conspectu
 meo repelle meque in Iesu nomine libera,
 cum horrida mortis ingruit hora. O duae
 speciosae olivae summae pietatis et mi-
 sericordiae, ego me vestris intercessioni-
 30 bus et perpetuae protectioni devote com-
 mendo, ut omnibus hostibus remotis ad

Christi regnum me vobiscum feliciter
perducatis. Amen.

XIII.

*Oratio de laudibus sancti Thomae
apostoli.*


5

 Ve gloriose Thoma apostole, omni
laude et honore dignissime. Ave
illustrissime praedicator evangelicae veri-
tatis, lux et decus ecclesiae universalis.
Ave ferventissime amator Christi, cuius 10
sanctissimum latus tangere meruisti. Ave
lucidissime contemplator abyssalis veri-
tatis, profundissime penetrator Trinitatis,
certissime explorator glorificatae humani-
tatis. Ave solidissime confessor fidei, ma- 15
gnifice reparator fidei, validissime pro-
pulsator omnis dubietatis. Ave clarissime
illuminator hominum, qui potentissimum
Indiae regem signis ac doctrinis con-
vertisti ad Dominum. Ave eximie pa- 20
trator miraculorum mortuos suscitans,
leprosos mundans, caecos illuminans,
daemones fugans et omnem infirmitatem
in Christi nomine curans. Ave sapien-
tissime architector caelestis fabricae, qui 25
pro terreno palatio parasti regi Indorum
perpetuam mansionem in caelo. Ave
purissime zelator castitatis, altissime
laudator virginitatis, honestissime con-

servator integritatis, devotissime venera-
tor sacerdotalis dignitatis. Ave perfec-
tissime contemptor divitiarum, largissime
distributor eleemosynarum, benignissime
5 refector pauperum, sollemnissime aedifi-
cator ecclesiarum. Ave patientissime to-
lerator persecutionum, infatigabilis labo-
rator pro salute animarum, fidelissime
pastor credentium populorum. Ave for-
10 tissime athleta martyrum, debellator dae-
monum, extirpator errorum, destructor
idolorum, victor tyrannorum flammās
superans, incendia non sentiens, qui pro
amore Christi gladio transfixus vitam
15 gloriosa passione terminasti. Amen.

XIII.

*Oratio de meritis et virtutibus
sancti Thomae apostoli.*

20  summe venerande et semper
amande patrone sancte Thoma
apostole Christi Iesuque electe dis-
cipule; supplices ad te preces cum de-
siderio effundo et per cotidiana oris mei
obsequia tua gloriosa imploro suffragia.
25 Fac te mihi exorabilem et cordi meo ex-
hibe te semper amabilem, ut laus tua ex
ore meo numquam deficiat, sed de die in
diem nova devotione excitetur. Ferveat
mens in oratione, et in meditatione mea

ignis divini amoris accendatur, atque in
 veneratione tui sancti nominis omnia in-
 teriora mea dulci iubilatione repleantur.
 Tu es enim electus discipulus Iesu et
 meus dilectus apostolus, quem mihi spe-
 cialem in patronum et advocatum elegi,
 cui etiam animam meam custodiendam
 et totam vitam meam protegendam fide-
 liter et devote committo. Tu plurimum
 potes apud Regem gloriae. Ideoque pre-
 cor te, memor esto mei peccatoris tuis
 sanctis precibus faciem placando pii Con-
 ditoris. Tu a Deo Patre aeternaliter prae-
 cognitus es et electus, tu a filio eius
 unigenito, incarnato temporaliter, vocatus
 es et apostolico ordini insertus praedica-
 tionis officium fideliter adimplesti. Te
 Christus ore proprio instruxit, mellifluo
 colloquio confortavit, in fide recta funda-
 vit et corporali sua praesentia frequenter
 laetificavit, tu a Christo multa signa fieri
 beatis oculis conspexisti, tibi etiam vir-
 tutem faciendi miracula, infirmos curandi
 daemonesque pellendi contulit potesta-
 tem. Tu omnibus relictis Iesu vestigia
 ardentem es secutus paupertatem eius hu-
 militatemque libenter amplexando. Tu ob-
 probria Iudaeorum, odium quoque mundi
 ab amatoribus huius saeculi cum Iesu
 patienter tolerasti. Quin etiam cum Chri-
 sto lapidari et mori paratus fuisti ita lo-

quens ad condiscipulos. Eamus et nos
et moriamur cum illo.

Tu in cena Dominica ad mensam Christi
tamquam unus ex caelestis Regis convivis
5 cum apostolis cenasti: atque post agnum
typicum sanctissimum Christi corpus et
sanguinem de sanctis et benedictis manibus
eius plena fide et magna reverentia ac-
cepisti. Tu ibi a Christo summo sacerdote
10 ad tantum mysterium celebrandum in sa-
cerdotem novi testamenti consecratus es
et a summo pontifice Iesu in pastorem et
episcopum animarum fidelium ordinatus.
Tibi Christus tuos dignatus est lavare
15 pedes exemplum tradens suae maximae
humilitatis, perpetuae dilectionis insigne,
docens et tali mysterio affectus animae
a vitiis esse mundandos. Tu de Christi
traditione, discessu, passione ac morte,
20 quam palam praedixit, vehementer con-
tristatus es paratum habens animum et
in carcerem et in mortem cum ipso trans-
ire, quemadmodum et ceteri omnes dis-
cipuli dixerunt. Vnde, quod tunc dispen-
25 sative tuo negatum fuit affectui, postea
ferventius triumphali passione consum-
masti. Tu Christo sermocinante et mul-
tam consolationem adversus mundi pres-
suras proferente ipsum de transitu suo
30 ad Patrem fiducia devotae mentis inter-
rogasti dicens. Domine, nescimus quo

vadis, et quomodo possumus viam scire?
 O quantus fervor amoris cordis tui ad
 sequendum iter dilecti magistri. Respon-
 dit tibi dulcis Dominus et magister. Ego
 sum via, veritas et vita. Nemo venit ad
 Patrem, nisi per me. O beatissime Thoma,
 quam sublime meruisti responsum, quam
 sacrum et profundum audisti mysterium.
 Tibi Christus se ipsum revelavit, tibi
 viam ad Patrem ostendit, se unum cum 10
 Patre esse docuit ac vitam aeternam se
 daturum diligentibus se promisit. Tu
 quoque hymno dicto cum Iesu in mon-
 tem olivarum exivisti et appropinquante
 traditionis hora de captivitate illius et 15
 alligatione maestissimus remansisti. At
 ille, qui pro mundi redemptione pati
 venerat, mortis subire supplicium non
 recusavit. Nec ultra triduum a mortuis
 resurgere distulit, sed die tertia dis- 20
 cipulis glorificato in corpore apparuit et
 die octava tibi specialiter suae humani-
 tatis praesentiam indulsit.

Signa victoriosae passionis ostendit, ad
 palpandum se invitavit, manus ac latus vul- 25
 neribus sacris insignitas ad tangendum pa-
 tenter prae-buit et de pectore tuo omnem
 dubitationis scrupulum eduxit. O sacer-
 tator vulnerum Christi, quantam gratiam
 et dulcedinem de vulneribus Salvatoris 30
 traxisti. Ex tactu quippe veri corporis

Christi fidem resurrectionis recuperasti,
spem veniae recepisti et ampliorem caritatis fervorem denuo conquisisti. In latere Christi reconciliatus es in palpatibus
5 vulneribus totus sanatus es et Christo intime copulatus. Ex aperto latere Christi latitudo tibi influxit divinae caritatis, ex sacro tactu stigmatum certitudo tibi infulsit clarificatae humanitatis. Tu ex
10 dubio factus es certior, ex tactu firmior, ex visu iucundior, ex auditu sermonum Christi doctior. Nil ergo tibi dubitasse nocuit, quando tot signa credulitatis inde provenerunt. O fortissima columna coe-
15 tus apostolici, quam validis probationibus fidem nostram roboras, quam libenter recte credentes suscipis, quam misericorditer infirmis compateris, quam maxime in fide titubantes erigis ac tuo
20 exemplo, ne desperent, dulciter consolaris. Tu fidei nostrae scutum inexpugnabile, tu ancora spei nostrae firmissima, tu caritatis lucerna, tu castitatis speculum, tu iustitiae norma, tu virtutis splen-
25 dor, tu miraculorum gloria. O lampas ecclesiae ardentissima, caelestis gratiae balsamo repleta, quam fervida sunt et ubertim fragrantia tuae fidelissimae confessionis verba. Deum enim verum con-
30 fessus es et hominem, quando dilecti magistri latus tetigisti dicens. Dominus

meus et Deus meus. O amantissimum et dulcissimum verbum plenum fide, auditu iucundum, delectabile ad ruminandum. Vere totus in admiratione raptus, totus in amore liquescens, totus divina dulcedine inebriatus fuisti, cum Redemptoris nostri arcana intrasti et de Dominici lateris fonte dulcissimum fidei verbum reportasti dicens. Dominus meus et Deus meus. O quam salutaria mendicamenta in aperto Christi latere invenisti. Quam mellifluum aeternae sapientiae gustum de fontibus Salvatoris hausisti.

Beatus es, sancte Thoma apostole,¹⁵ et benedictus sermo oris tui, qui summam salutis nostrae et aeternae redemptionis pretium in passione Christi et resurrectione nobis demonstrasti. In Christi siquidem passione salus nostra²⁰ et redemptio, in resurrectione eius vita nostra et perennis spes gloriae. Huius beatissimae resurrectionis Dominicae tu factus es testis veracissimus, sicut Ioseph, sponsus Mariae virginis, custos²⁵ virginitatis eius fuit et testis fidelissimus. Ioseph ab angelo doctus est de mysterio incarnationis, tu ab angelorum Domino de veritate resurrectionis. Ille iubetur Mariam coniugem suam accipere, tu³⁰ Christi gloriosam carnem iuberis tangere.

Joseph post revelationem angelicam beatam Mariam in suam accepit reverenter custodiam, tu post compertam Domini apparentiam clariorem accepisti fidei intellegentiam et insuperabilem evangelizandi constantiam. Maria Magdalena amoris plena Iesum tangere voluit et prohibetur: tu Christum sine prohibitione iuberis tangere, ut fides tua firmaretur, et desiderium cordis tui citius impleretur. Ex certa causa mysterii illa a tactu pedum ad modicum tempus suspenditur, ut prudentiam disceret et Christum non iam secundum carnem quaereret: tu statim viso Domino, ne diutius dubitans maneres, ob necessarias causas et pusillorum fidem instruendam ad sacra loca vulnerum dexteram tuam porrexisti dicens. Dominus meus et Deus meus. O felix apostole, cui omnia cedunt ad gloriam et maiorem divinitatis Christi cognitionem capessendam, tu etiam cum sancto Petro et Iohanne ac aliis bis binis discipulis ad piscandum in mari Tiberiadis ut laetus sodalis navem ascendisti ibique Dominum mane in litore stantem aspexisti; quod iusserat, fecisti et de magna piscium captura cum discipulis laetatus es et de pane Christi assoque pisce ibidem divinitus paratis Domino ad convivium exhortante iucunde refec-

tus es. Tu Dominum Iesum, postquam multis apparitionibus, variis signis et documentis suam declaraverat resurrectionem, ad caelos sursum ferri ac Patris dexteram potenti virtute petere aspexisti; 5 sanctos angelos quoque in vestibus albis vidisti apparenter assistere et his qui simul aderant ad tam grande spectaculum, de secundo Christi adventu audisti reverendae maiestatis verba praenuntiare 10 dicentes. Sic veniet, quemadmodum vidistis eum euntem in caelum. Tu Christo assumpto in gloriam Patris statim regressus es cum gaudio a monte Oliveti in locum cenaculi grandis, ubi Dominus 15 pascha sollemniter celebravit cum discipulis et ianuis clausis post resurrectionem eis apparuit ac tibi etiam sua sacra vulnera palpanda exhibuit. Ibi cum Maria matre Iesu et apostolis eius 20 familiariter de virtutibus et actibus Salvatoris contulisti atque devotis insistendo precibus Spiritus sancti adventum magno cum desiderio expectasti. Tu in die sancto pentecostes Spiritum sanctum in 25 linguis igneis accepisti et omnium linguarum scientia plenissime imbutus es omniumque caelestium virtutum charismatibus largissime repletus ac tanto fidei etiam calore accensus, ut omni metu Iu- 30 daeorum excluso verbum Dei cum fiducia

praedicares et testimonium resurrectionis
 Iesu Christi magna virtute perhiberes.
 Tu spiritu fortitudinis indutus et patien-
 tia clipeo praemunitus nec pontificum
 5 minas, nec magistratuum potentiam ex-
 pavisti: sed Dei oboedientiam mandatis
 principum praetulisti eligens potius pro
 nomine Iesu contumeliam pati, carcerem
 quoque ac mortem subire, quam verbum
 10 Dei coram plebe reticere.

Tu Spiritu sancto inspirante per diversas
 regiones evangelium seminasti ac tandem
 Christo tibi apparente ad Indiam longe
 transmissus es. Vbi maximum fructum po-
 15 pulorum Domino acquisisti multis gloriosis
 signis et prodigiis evangelicam veritatem
 confirmando. Tu divina providentia dis-
 ponente tres sanctos reges magos vene-
 randos, qui Christum natum stella duce
 20 visitaverunt, perfectissime de actibus
 Christi, de passione eius ac resurrec-
 tione atque de cunctis fidei mysteriis
 informasti, quos et sacri baptismatis
 fonte ablutos et in Christo renatos pro-
 25 ficiente Dei gratia in sacerdotes et archi-
 praesules devote consecrasti. Tu plures
 per Indiam ecclesias cum idoneis et pro-
 batissimis ad celebrandum ministris in-
 stituisti et praedicationis verbo diligenter
 30 insistendo ope etiam curationis fidelium
 animos ut pius pastor a terrenis ad cae-

lestia sublevasti. Tu contra varios animae languores salutaria adhibuisti virtutum remedia atque perpetuis paradisi gaudiis corda maerentium ut spiritualis medicus studuisti clementissime consolari. Tu ⁵ largissimus in pauperes nihil de terrena substantia concupiscendo, tu misericors super peccatores nullum propter enormitatem criminum despiciendo, sed omnes ad emendationem vitae pia admonitione ¹⁰ exhortando gratissimum Deo sacrificium de animarum lucro suppliciter optulisti. Tu serenus aspectu, moribus disciplinatus, verbis discretus, actu strenuus, humilis corde, corpore castus, sublimis ¹⁵ intellectu, oratione devotus, lacrimis profusus, meditatione purus, praedicatione fervidus, contemplatione crebra ad Deum suspensus fuisti. Tu meritis locuples, virtutibus eximius, conversatione sanc- ²⁰ tus, fama clarus, signis mirificus, plenus Spiritu sancto et gratia, Deo dilectus ac hominibus multum venerabilis apparuisti. Tu post multos labores et varia pro Christo tolerata certamina ad aeternam meruisti ²⁵ conscendere requiem beatorum. Ibi perfrueris claritate divina et pura mentis intellegentia Christum in sua specularis gloria certus iam de aeterna Patris mansione ac felici Deitatis visione, de qua ³⁰ ante passionis horam ad Patrem orans

dicebat. Pater, quos dedisti mihi, volo, ut ubi ego sum, et illi sint mecum, ut videant claritatem meam, quam dedisti mihi.

5 Gaude, beatissime Thoma apostole ad mensam Christi residens in regno Patris eius, non bibiturus ultra de calice vitis terrestres nec mortem gustaturus in aeternum, quoniam hora persecu-
 10 tionis transiit, nox temptationis abiit, et potestas tenebrarum ad nihilum rediit. Iam princeps mundi huius eiectus est foras, iacet sub pedibus tuis, devictus est cum suo tyranno, et tu exultans
 15 sublimiter coronatus in caelo. Iam fulges in choro apostolico, ut sidus clarissimum et inter agmina beatorum martyrum locum obtines dignissimum. Iam de multi-
 20 pli laborum tuorum fructu laetaris et de copiosa fidelium turma, quam tecum ex ore inferni traxisti ad caelum, ut potens miles peracta gloriaris victoria. Laetetur et congaudeat gloriae tuae sancta mater ecclesia et pro tuarum magnifi-
 25 centia virtutum sollemnes Deo referat grates ac laudes. Gratuletur speciali devotione inclita gens Indorum sacri corporis tui dotata reliquiis venerandis, et cuncta per orbem contio christianorum
 30 tuis gloriosis muniatur suffragiis. Vale, gloriose ac semper honorande apostole

Thoma, impetra gratiam servis tuis et in adventu districti iudicis asta fideliter iudicandis cum interventu pia^e Dei genetricis Mariae virginis, cuius fructus ventris aeternaliter sit benedictus. Amen. 5

Collecta.

DEus, qui beato Thomae apostolo tuo post resurrectionem tuam apparuisti et ei vulnerum tuorum cicatrices ad palpandum prae^bere dignatus es: concede nobis gloriosis eius meritis et precibus fidem rectam firmiter tenere atque passionis tuae sacra stigmata in mente iugiter portare, quatenus tua sancta vestigia sequendo ad resurrectionis gloriam 15 pervenire mereamur. Qui vivis et regnas Deus.

Collecta.

Domine Iesu Christe, illuminator mundi et dator vitae aeternae, 20 qui beato Thomae apostolo ac dilecto discipulo tuo in cena respondisti. Ego sum via, veritas et vita, da nobis eiusdem sanctissimi apostoli tui intervenientibus meritis per humanitatis tuae humilitatem 25 ad divinitatis ascendere maiestatem nec non caelestis mensae in regno tuo participes effici. Qui vivis et regnas Deus per omnia saecula saeculorum. Amen.

Collecta.

DEus, qui beatum Thomam apostolum tuum ad praedicandum gentibus fidem ad Indiam longe transmisisti et multorum miraculorum gloria ipsum sublimasti, da cunctis fidelibus tuis suffragia eius implorantibus, ut in fide inveniantur stabiles et in opere efficaces. Per Christum Dominum nostrum.

10

XV.

*Oratio de magnis privilegiis beatissimae
Mariae Magdalenae.*

Salve, beatissima Maria Magdalena a Christo praelecta et vocata, multis ac magnis divinae familiaritatis privilegiis sublimata. Te veneror et collaudo, te humiliter invoco et exoro, te affectu sincerissimae devotionis amplector et amo, quoniam Iesus aeternus amor te dilexit plurimum et ad caelestis vitae traxit fastigium. Tu es illa nobilis et famosissima Maria Magdalena, de qua sacra nobis pandunt evangelia multa pietatis et sanctitatis opera. In te peccator spem veniae, iustus unctionem gratiae apud fontem concipit misericordiae. Tu es enim illa quondam nominata peccatrix, sed nunc sancta et milies felix, quia re-

pente de caelo respexit Dominus, et Altissimus dedit vocem suam, immutando tibi cor aliud, ut contrita et humiliata venires ad paenitentiam, iustificata vero et consolata redires cum pace in domum 5 tuam nec iam ultra esses peccatrix, sed ardentissima amatrix Iesu Christi. Tu es igitur illa sancta Maria paenitens et lacrimosa femina, quae pedes Domini lacrimis inundantibus rigasti, capillis ter- 10 sisti, crebris osculis strinxisti pretiosoque unguento unxisti tot offerens Deo holocausta, quot prius habuisti vitae delectamenta. Accepit benignissimus Dominus tuam gratanter paenitentiam dicens. Re- 15 mittuntur tibi peccata tua, et fides tua te salvam fecit, vade in pace. O dulcissimum et piissimum verbum, fiducia et gratia plenum, omnibus peccatoribus adoptandum. O caelestem medicum, mi- 20 sericordem, compatiensem et humilem, qui cum sit omnium altissimus et sanctissimus, non est tamen dedignatus tangi peccatricis manibus. Gaude igitur, beatissima Maria, pro tam copiosa Dei cle- 25 mentia. Ora pro peccatis meis et pro omnibus, qui peccatorum foveam incidimus, ut divina misericordia te interveniente non solum nos in ore Leviathan ire prohibeat, sed ab ore eius etiam redire 30 concedat.

O Maria, tu es illa religiosa et benedicta femina, quae Dominum secuta es per civitates et castella ministrando ei de facultatibus tuis, qui erat omnium rerum creator et dator. Vnde ipsum aliquando hospitio suscepisti cum venerabili sorore tua Martha. Quae cum sollicita esset in ministrando, de otio tuo conqueri coepit. Sed Dominus pro te respondit, sicut saepius faciebat, plus commendans tuum otium, quam Marthae negotium. Maria, inquit, optimam partem elegit, quae non auferetur ab ea. Rogo iam te, o felix et caelestis Maria, fac me huius optimae partis participem, ut post hanc laboriosam vitam perveniam ad aeternae contemplationis quietem. O Maria, tu es illa fidelissima et carissima Lazari soror, quem a mortuis resuscitavit Dominus et Salvator noster. Ibi namque pius Dominus tuis lacrimosis precibus sororisque tuae anxiiis querimoniis in tantum compassus est, ut lacrimas funderet ostendens, quam vere nobis in sua humanitate coniunctus esset. Quaeso te, piissima Maria, Christo familiaris et dilecta, esto mihi supplex exoratrix pro gratia, quae est animae vita, ut in ea vivere et mori merear ac in futurae resurrectionis gloria cum sanctis resuscitari.

O Maria, tu es illa odorifera unguentaria, quae in domo Simonis leprosi unxisti secunda iam vice pedes Domini Iesu et solita devotione liberior effecta super caput recumbentis pretiosum unguentum largius effudisti. Tunc impleta est domus ex odore unguenti: sed et nunc cotidie impletur ex virtutis tuae fragrantia tota ecclesia Dei. Vtinam et ego indignus peccator tam sancti et miri odoris liquore in interiori thalamo cordis ad modicum perungi merear, quatenus omnis foetor vitiorum expellatur, et virtutum suavitas in me meritis tuis accendatur. O Maria, tu es illa infatigabilis imitatrix passionis Christi, quae Dominum baiulantem sibi crucem alonge secuta es per portam Ierusalem dolens et maerens nimis propter ipsius ignominiosam mortem, quae nullius culpa habuit maculam, nec non propter benedictae matris eius doloris vehementiam. O quam libenter illam crucem portasses post Iesum, si admissa fuisses. Verumtamen iam in cruce suspenso astisti cum matre eius et discipulo dilecto. Tandem eo sepulto nova tristitia orta est in corde tuo. O quantus luctus omnium amicorum Christi; quanta praecipue lamenta sanctarum mulierum. Illae tamen plus omnibus fleverunt, quae prae ceteris cordialius amaverunt, scilicet

Maria mater Domini et Maria Magdalena.

Quis mihi peccatori arido ligno, fontem
det lacrimarum, ut plangam saltem una
5 hora diei passionem Domini mei Iesu
Christi cum Maria Magdalena devotis et
amerosis lacrimis plena. O Maria, audi
vota mea etiam hac vice, ut discam tecum
lacrimari. O sancta et praefulgida Maria,
10 tu es illa ferventissima visitatrix sepulchri
Domini, quae valde mane ante solis ortum
cum aromatibus ad monumentum venisti.
Ibi sanctos angelos, Dominicae resurrec-
tionis testes, vidisti. Sed parum tibi fuit
15 angelos videre, nisi et angelorum Domi-
num videres. Propterea foris ad monu-
mentum stabas et plorabas, quia ablatum
putabas. Iterum te inclinabas et intro-
spiciebas, quia amanti non sufficebat
20 semel quaesisse. Sed, o Maria, noli
diutius flere, ecce surrexit auctor vitae,
et tu eris nuntia tantae gloriae. Quod
et ita factum credimus et Deum in te
glorificamus. Surgens enim Iesus mane
25 prima sabbati primo apparuit tibi, et tu
ceteris gloriam resurrectionis eius nun-
tiasti. Facta es ergo apostolorum apostola
et inter tres feminas illustrior et prima.
Nunc humiliter vestigiis tuis prostratus
30 peto, ut intercedas pro me et pro om-
nibus te diligentibus et venerantibus, tibi

congaudentibus de donis et privilegiis tuis, quibus Dominus et Salvator noster mirifice te glorificavit, benedixit et exaltavit. O felix Maria, o pia patrona, memento mei in hac hora et in separatione ultima, quando anima mea Deo erit praesentanda. Amen.

Collecta.

DEus, qui beatæ Mariæ Magdalenæ paenitentiam clementer suscepisti ¹⁰ et ei post peccatorum veniam gratiam tuam copiosius infudisti, tribue nobis eius intercessionem mala nostra districtè plangere et post planctum spe veniæ respirare ac aeternæ vitæ perceptione ¹⁵ laetari. Qui vivis et regnas Deus.

XVI.

*Oratio de virtutibus et moribus
nobilissimæ virginis Agnetis.*

Agnetissima et dulcissima Agnes, pietati tuæ intime supplico, caritati tuæ me integre trado, orationibus tuis me devote commendo. Exaudi servum tuum ad te clamantem, tibi servire cupientem, tuis laudibus insistentem et te sincerissimo corde diligentem. In te invenio, ²⁵ quod amo, in te cerno, quod cupio, in

te lego, quod stupeo, in te considero,
quod laudo. Tu speculum castitatis, tu
decor virginitatis, tu splendor fidei, tu
ornamentum domus Dei; tu angelorum
5 gloria, nobis exemplum sanctimoniae, tu
amatrix devotorum, gubernatrix viatorum,
nutrix infirmorum, effugatrix vitiorum,
suscitatrices tepidorum; tu apostolorum filia;
tu martyrum socia, tu confessorum amica,
10 tu virginum soror, tu viduarum honor,
tu continentium patrona.

O virgo mitis, humilis et devota. O virgo
prudens, innocens et casta. O virgo prae-
clara, cuncta despiciens terrena quasi ster-
15 cora. Non aurum, non divitias, non posses-
siones, non familias, non nuptias seu quas-
libet delicias attendisti, sed amorem Christi
omnibus, quae in mundo sunt, praeposuisti.
Igitur facta es Christo nimis cara et eius
20 sponsa a cunabulis consecrata. Nobili
etiam ex genere Romanorum, sed no-
biliores fide et pudicitia splenduisti. Fecit
tandem amor Christi immensus, ut pro
ipso subires ignem et ensem. Dulce et
25 optabile tibi fuit pro Christo mori, quia
tuam animam praestolabantur angeli
sancti, ut eam perferrent ad gaudia para-
disi. Cum palma igitur decorata mar-
tyrum thalamum es ingressa caelestis
30 Sponsi. Quem quaeso, pro me exorare
digneris, ut mihi salutem mentis et cor-

poris tribuat, temptationes diaboli compescat, carnis desideria extinguat, saeculi vanitates auferat, a societate mala custodiat, bonis et sanctis me iungat, per viam mandatorum suorum me dirigat, spatium 5 verae paenitentiae et emendationem vitae concedat, indulgentiam et remissionem omnium peccatorum mihi tribuat, gratiam et consolationem Spiritus sancti cordi meo frequenter infundat, ab omni malo abs- 10 tinere, omnibus virtutibus adhaerere faciat, finem bonum et felicem mortis horam invenire propitius adiuvet, laetam et securam viam evolandi ad caelestem habitationem paret, a sanctis angelis suscipi 15 me iubeat ac in aeternae beatitudinis aulam introducat, ubi omnium sanctorum gaudiis sociatus merear iucundum vultum gloriae ipsius sine fine speculari. Amen.



EPILEGOMENA.

A. CONSPECTVS SVBSIDIORVM COMPENDIORVMQVE.

I. CODICES MANV SCRIPTI:

A2 = Autographum bibliothecae regiae Bruxellensis 4585—4587.

A = Autographum eiusdem bibliothecae 5855—5861¹.

Re = codex olim Rebendorfensis, nunc Haganus O. 99 anni 1488².

T = codex Monacensis 18526₂ anni 1492³.

T2 = codex Monacensis 23871 eiusdem aetatis, cuius *T*².

II. EDITIONES OPERVM THOMAE A KEMPIS:

Pr = editio Traiectensis anni circiter 1473³.

Nor = editio Norimbergensis anni 1494².

Asc = editio Ascensiana anni 1523⁴.

S = editiones operum omnium Sommalianae:

SI = eiusd. ed. I, Antverpiae MDC—MDCI⁵.

SII = eiusd. ed. II, Antverpiae M.DC.VII⁶.

SIII = eiusd. ed. III, Antverpiae M.DC.XV⁶.

SIIII = eiusd. ed. IIII, Duaci M.DC.XXV.

SVII = eiusd. ed. VII, Coloniae Agrippinae M.DC.LXXX.

SVIII = eiusd. ed. VIII, Coloniae Agrippinae M.DCCXXVIII.

Kraus = Opera omnia recognovit F. X. Kraus. Vol. I. Opuscula. Augustae Treverorum, MDCCCLXVIII⁷.

¹ Cfr. vol. II 436. 439—468. ² Ibid. 487.

³ Ibid. 475. 487. ⁴ Ibid. 474. 487.

⁵ Ibid. 437. ⁶ Ibid. 438.

⁷ Ibid. 469.

III. LIBRI VARI ARGVMENTI:

J. Marchal = Catalogue des manuscrits de la bibliothèque royale des ducs de Bourgogne, 1842¹.

Nolte = Zur Geschichte des Bûchleins, welches man gewöhnlich die „Nachfolge Christi“ nennt. Wien 1855².

De Coussemaker = Chants liturgiques de Thomas à Kempis in: *Messenger des sciences historiques, des arts et de la bibliographie de Belgique*, Gand 1856, p. 66–81.

Malou = Recherches historiques et critiques sur le véritable auteur du livre de l'Imitation de Jésus-Christ. 1858³.

Hirsche = Prolegomena zu einer neuen Ausgabe der *Imitatio Christi*. I. Band, Berlin 1873, II. Band, 1883⁴.

Sommervogel = Carlos Sommervogel, S. J., *Bibliothèque de la Compagnie de Jésus*, Tom. I–IX, Bruxelles et Paris, MDCCCXC–MDCCCC.

B. DE CODICE ARCHETYP.

I. HISTORIA.

De historia¹ codicis A2, ad cuius verba tractatus, qui hoc volumine continentur, praeter Orationes exacti sunt omnes, haec pauca ex ipso comperta habemus. Nimirum in scida parti aversae tegumenti antici eius inducta haec scripta sunt: *Dono dedit anno 1755 R. P. Rumoldus Wynants Museo nostro praesente et consentiente R. P. Provincia(le)*². Pater autem Rumoldus quis fuerit, nescimus, nisi quod eum consanguineum fuisse conicere licet P. Simonis Wynants, quem anno 1687 in societatem Iesu adsumptum atque circiter annum 1758 mortuum Cortoraci grammaticam professum esse Sommervogel³ narrat. Cumque in summo folio 1⁴

¹ Cfr. vol. II 442.

² Ibid. 435.

³ Cfr. *Hirsche* II 89, *Nolte* p. 18 sq. nota 38.

⁴ Litterae *le* in margine scidae sine dubio praecisae sunt.

⁵ Vol. VIII (1898) 1305.

Epilegomena.

haec scripta sint: *Collegij soc^{tis} Iesu Cortraci* Museum illud ipsum Cortoriacense fuisse facile ad colligendum est. Vnde codicem post societatem Iesuitarum anno 1773 dissolutam cum ceterarum eiusdem societatis bibliothecarum Belgicarum libris manu scriptis in bibliothecam Bruxelensem perlatum esse verisimile est ¹.

II. DESCRIPTIO.

Codex A2 scidis seu foliis constat CXXII longis circiter 0,148 m, latis circiter 0,102 m. Foliorum pars membranacea, pars chartacea est. Ac membranacea quidem sunt LV haec: 1, 2, 3, 6, 7, 10, 11, 14, 15, 18, 19, 22, 23, 26, 27, 31, 32, 36, 37, 41, 42, 46, 47, 48, 52, 53, 57, 61, 62, 66, 67, 71, 72, 77, 78, 82, 83, 87, 88, 91, 92, 95, 96, 99, 100, 101, 104, 105, 109, 110, 114, 115, 118, 119, 122; reliqua LXVII chartacea sunt. Hoc videlicet numero non comprehenduntur singula folia chartacea illa, quae et in primo et in extremo codice, cum liber abhinc annos circiter CL ligatus est, addita sunt. Praeterea executorum foliorum scidulae eaeque asterisco insignitae membranaceae residuae sunt inter fol. *1—2, 28—29, *36—37, *56—57, 70—71, 79—80, 80—81, 85—86, 86—87, *87—88, *99—100, in qua re folia 2, 28², 87 in locum folii excisi ad scidulam fini-

¹ J. Marchal p. CLXXXVIII sq.

² Fol. 28 (= p. 64, ¹⁵—67, ¹⁶), quamquam scriptura Thomae similis sit, Hirsche II 98 eius manu scriptum esse negat. Sed fortasse folium, cuius litteratura cum fol. 116 similitudinem quandam habet, a Thoma tempore aliquanto posteriore exaratum est. Ceterum cfr. infra tab. fotogr. II.

timam adglutinata esse adnotandum est. Ex hac turba foliorum consuti sunt fasciculi tredecim, quorum primum duo folia separata praecedunt. Singuli autem compositi sunt ex his foliis: Fasciculus I: fol. 3—10, II: 11—18, III: 19—26, IIII: 27—36, V: 37—47, VI: 48—56, VII: 57—66, VIII: 67—77, VIIII: 78—87, X: 88—95, XI: 96—104, XII: 105—114, XIII: 115—122, quorum priora a quibus verbis incipiant, adiectis huius editionis paginarum versuumque numeris non inutile censeo hic adnotare: I: 5, ¹ *Incipit meditatio*, II: 25, ¹⁴ *Ipse est*, III: 47, ¹⁴ *mortem vinceret*, IIII: 61, ¹ *De desiderio*, V: 91, ⁹ *De mansione*, VI: 121, ²⁴ *De perditione*, VII: 137, ²⁵ *De sacra*, VIII: 168, ⁸ *te "sceleris" perpetrati*, VIIII: 200, ¹¹ *redemit*, X: 228, ¹³ *Per hanc*, XI: 252, ²² *In festo*, XII: 272, ¹⁷ *De resurrectione*, XIII: 304, ²⁶ *Consequenter*. Horum fasciculorum suturae cernuntur inter fol. 6—7, 14—15, 22—23, 31—32, 41—42, 52—53, 61—62, 71—72, 82—83, 91—92, scidulam et fol. 100, 109—110, 118—119. Ac ne foliorum numeros, quos supra scripsi, ab A 2, si forte inspexeris, discrepare mirere, eum, qui tempore recentiore folia numerorum ordine plumbo usus signavit, neque duo prima folia in ratione duxisse scito et munere suo neglegenter functum folia prima fasciculorum et tertii et decimi numeris insignire praetermisisse, ita ut numeri plumbo scripti usque ad 16 binis, deinde usque ad 84 ternis, denique usque ad finem quaternis unitatibus mihi augendi fuerint.

III. SCRIPTVRA.

Vacua sunt fol. 2, 47^v, 53^v, 54, 55, 56, 103, 104, 121, 122, partim vacua, quibus quot versus contineantur, uncis inclusi, fol. 23^v (6)¹, 26^v (6)¹, 36^v (28), 61^v (22), 102^v (10), 109^v (25), 117^v (13). Ceterum versuum numerus completarum paginarum inter vicanos septenos et tricenos quinos variat. Atque quoniam quae de titulis tractatum deque primis horum litteris minio exaratis, de enuntiatis, vocabulis, litteris, quae rubris lineolis sive subscriptis sive directis insignita sunt, de grandibus litteris, de partibus orationis cum per litteras C et Π, tum per distinguendi notas discriminatis in vol. II 446—448 in univsum exposui, ea omnia in A2 quoque quadrant, repetere nolo hic singularia quaedam adnotasse huius editionis instituto sufficere ratus. Ac rubra quidem lineola directa carent primae litterae horum vocabulorum: 38, 20 *Missus*, 40, 25 *Ego*, 41, 22 *Mihi*, 67, 11 *Dicite*, 141, 14 *Attende*, 149, 13 *Ibi*, 210, 30 *Non*, 214, 22 *Vnde*, 238, 16 *Deinde*. Littera grandi post colon scriptum est 205, 20 *Est*. His quinque locis Π exaratum est ante haec vocabula: 137, 7 *Potest*, 150, 27 *Sed*, 237, 27 *Dignum*, 241, 17 *Sed*, 285, 9 *Praecessit*, 297, 17 *Adhuc*. Puncta deesse adnotavi his locis: 16, 23; 31, 29; 39, 8; 53, 5 (post *Patris*); 54, 24; 55, 1. 4 (prius); 57, 10; 64, 21. 24. 26. 30. 31; 65, 4. 10. 12. 16. 19. 23. 26. 30; 66, 1. 7. 13. 16². 25. 31; 67, 2 (utrumque). 4. 7. 11; 121, 23 (post

¹ Senis illis versibus notae musicae superscriptae sunt.

² 66, 17. 21 puncta minio facta sunt.

Epilegomena.

aeternum); 130, 20 (*prius*); 137, 6; 184, 14; 214, 22; 272, 16 (*prius*); 284, 24; 317, 17; 318, 18; 319, 8. 9. 11. 12. 28; 320, 12; 321, 26¹. Puncta evanida sunt 62, 16 (post *videre*); 107, 3 (post *natum*); 139, 6 (post *orationibus*); 142, 4; 189, 27 (*superius*); 267, 6. Punctillum post *cum* 112, 19 forte fortuito ortum esse arbitror.

Aliquid dubitationis habent insignia interpunctionis his locis: Flexae insolentius sic formatae : lineola directa 85, 27 et 92, 3 atramento pallidior facta est; 84, 15 addita lineola incurva flexa e colo effecta est, quae eadem lineola 113, 26 subobscura et 265, 29 pallidior est; 120, 31 flexa sic figurata est, ut colon puncto dextrorsus adpicto (:) esse videatur. 182, 6 et 214, 12 flexae an cola sint, dubito, ac 214, 12 quidem utrumque punctum superius pallidum est.

Rasuras his locis apparere adnotavi: 68, 11 *se ||| in*; 84, 14 in verbi *contristari* postrema littera *i*, quae ex *e* facta est; fol. 36^v = p. 91 post v. 8 in fine paginae tres quattuorve versus erasi sunt; utrum 120, 3 punctum eradi coeptum sit necne, mihi dubium est; 101, 6 *in omni* nigriore atramento scripta in rasura sunt; 156, 18 *niter ||*; 172, 21 post *inquit* rasura, foramen, duae litterae minio deletae cernuntur; 173, 13 coli (:) punctum superius; 196, 4 flexa in rasura est; 219, 27. 28 *tandum. Passio* sqq. — *efficax*; 220, 19 post *dehonestatur*, 221, 3 *cinus inauditum*; 223, 2 *amitant*; rasurae fortasse reliquum

¹ Haec enumeratio quin admodum manca sit, nullus dubito.

est punctum, quod post *clamitant* est; 8 post *est*, 10 ante *ut*, 287, 17 ante *qui* coli punctum superius; 225, 17. 18 *alonge stancium*; 271, 26—28 *Cum* — *suorum*; 283, 15. 16 *sensus* — *muniti*; 283, 31 *tangitur*; 284, 10—12 *qui* — *dedisti*; 284, 24 *christianos*; 292, 8 *legis* || *ut*; 292, 13 *invitet man* sio (sio in margine adscriptum est); 296, 1 *erexit*; 296, 6 *valide*; 296, 11. 12 *apostolicis* — *heremitis*; 296, 19 *et* || *regulam*; 297, 17 *Adhuc* *eciam* *spiritus*; 297, 19 *aliisque*; 298, 26 post *pietati* foramen est ratura ortum; 301, 8. 9 *honores* — *postpone*; 304, 14 *ut* || *contra*.

Haec vocabula inter se copulata scripta sunt: 131, 8, 180, 22, 225, 17 *alonge*, 139, 11 *genuflectit*, 140, 5 *tuiipsius*; 172, 4 *teipso*, et sic, quantum memini, passim, nisi quod 204, 27 *semet* ipsum exaratum est, 176, 27 *cordetenus*, 190, 26 *paruipendens*, eodemque modo *abintus*, *quamplures*, *in-
eternum* 291, 8. 9, *tantomagis* 293, 9, contra disiuncta haec: 102, 17 *ab hinc*, 298, 17 *quid ve*; porro *quo ve*, *et si*, *etiam si*.

Calami errores sunt: 2, 27 *teuconico*, 39, 14 *puta* || *tari*, 40, 20 *conuicitur*, 90, 16 *plamasti*, 177, 1 *inci* || *me*, 254, 26 *diui* || *tatem*, quibus haud scio an adnumeranda sint 215, 19 omissum *si* et 266, 6 *concessit* pro *conscendit* scriptum.

Additamenta manus evidenter posterioris, quale est 196, 29 *crux* (†) in margine picta, plerumque non curavi.

Denique ne his minutiis, quae multis esse videntur, Adnotationem criticam onerem, genetivum nominis *Moses* adnoto constanter exire in *i*, velut 1, 24;

Epilegomena.

148, 15; 150, 24; 160, 10¹, accusativum in *en*, velut 10, 23; 35, 13. 15; 148, 23², nominativum pluralem nominum *cherubin* atque *seraphin* 53, 14. 15 in *in*, de quo conferas vol. II 491 ad 105, 30.

Restat, ut de tribus verborum generibus i. e. de verbis aut in margine aut inter versus additis, de verbis transmutatis, de verbis minio deletis dicamus. Atque in margine quidem scripta sunt suo, ubi opus erat, singulis additamentis loco nota aliqua adsignato haec:

24, 1 quedam; 100, 17 propter (post *venisti*); 109, 30 pacienter; 118, 28 et (iuxta *egenus*); 156, 2 exuri; 172, 2 tuo; 173, 1 sicut; 175, 24 tempora; 176, 16 frequenter; 177, 8 illi, 29 aperitur; 199, 8 es; 203, 11 eius; 217, 16 et corda plus; 219, 17. 18 et pro penis illu gemere, 28 leccio; 221, 1. 2 immortalis occiditur dominus pro servo suspenditur; 222, 17 nostri fruens; 223, 9 iudei; 226, 20 nostris; 228, 22 peccatorum; 231, 12 nostre; 240, 10 aliquando; 241, 10 sua; 242, 12 sepe fatigatus; 246, 30 mirandum; 250, 24 habuit; 256, 22 pulchre; 257, 11 auditores; 258, 17 quidem; 260, 17 pueris; 268, 12 et oliuis; 271, 28 tunc; 275, 23 sanctorum; 285, 29 tam; 290, 6 aliquem; 297, 19 non; 298, 28 eius te; 299, 3 namque; 301, 1 eciam; 312, 10 aliquando; 320, 6 ne (alia manu additum).

¹ Cfr. Neue-Wagener, Formenlehre der Lateinischen Sprache, 3. Auflage, Leipzig 1901, I 511, et Georges, Wortformen der Lateinischen Sprache p. 434.

² Georges ibid.

Supra versus plerumque¹ adscripta sunt suis locis accurate aut superposita aut signo aliquo attributa haec:

107, 2 r (scriptum supra litteras *ur* verbi *precucurissem*); 111, 3 hominibus; 131, 30 eum; 172, 12 se; 175, 14 eam; 194, 31 non; 229, 31 suis; 237, 14 in multis locis; 251, 6 *i* (supra *o* substantivi *medone*); 283, 13 et (posterius); 284, 9 cum; 298, 19 †; 306, 27 vita; 310, 22 nostre.

Verba transmutanda esse locis xxxiiii indicatum est hisce:

14, 11 "mirabilem pastum |; 17, 10 "tua plenitudine |; 21, 28 "propheta "beatus. |; 31, 6 "adhibenda "fides; 68, 27. 28 "tamen "specialiter |; 73, 8 "loquitur "propheta |; 84, 17 hac "nocte"; 106, 4 "mundi "principibus |; 115, 31 "quero "per te |; 158, 5 "sui abnegacio |; 161, 3 humiles et simplices. |; 164, 31 appetenda "recreacio; 168, 8 "sceleris "perpetrati; 180, 31 multis "doloribus |; 192, 21 "adorandum "terre. |; 208, 13 "sibi "tantum |; 210, 20 "ad eum "dicere |; 212, 31 diebus "singulis |; 221, 11 "tempus "breue |; 223, 17. 18 f'inxerunt "falsa |; 231, 26 "dominica "passionem |; 234, 17 loca illa |; 248, 12 deridebant "aperte |; 249, 8 "matrone deuote. |; 258, 1 ecclesia "sancta |; 259, 8 "meditacioni "sacre ||, 26 regem xpm |; 268, 28 pati venit |; 279, 1. 2 "repetitur "canonicis; 285, 1. 2 celestia amare |; 297, 18 "opera "caritatis |; 308, 24. 25 "ecclesie "nascentis |; 311, 4 "aduersa "mundi |.

¹ Duo excipiuntur: 172, 22 omnia et 235, 27 scripta infra loca sua exarata.

Epilegomena.

Haec, quae infra uncinis inclusi, sive minio, sive atramento sive rasura deleta sunt, colorum tamen tantum punctum superius:

1, 30 et [scriptu] misericordia; 88, 27. 28 pastores [alacres et deuoti]. Hic; 89, 29 vlcerosus [:] sana; 101, 4 cordis. [verum] solacium; 124, 30. 31 regulas [fidei] fidei; 151, 19 cui [preerat] per; 171, 18 dicite [quoniam] serui; 172, 21. 22 inquit¹. [nia] que; 173, 13 spiritus [:] ut; 180, 17 viam [:] attendite; 209, 19 quesui [quesui] paruum; 211, 3 sapiencia [.] salus; 215, 7 potuerint [:] dummodo, 21 excedit [:] quod; 220, 1 emollit² [et] ad; 222, 2 affligitur [:] et; 235, 30 sepelitur [:] et; 257, 18 pacenciam [pacenciam]. nunc; 267, 5 mortis [:] ut; 271, 17 audiunt. [et] cum; 297, 16. 17 placuerunt [maxime placuerunt]: Adhuc; 299, 3 Hec namque [Nac] specialis³; 303, 17 ad [ad] interiora; 309, 15. 16 iuste [et viuoe(?)] permisisset.

Orthographiae id est recte scribendi ratio³ qualis sit, vel maxime inlustratum iri existimo tota materia in tres partes discripta vocabulorum aut recte aut falso aut inconstanter scriptorum.

a) Recte scripta.

Huc quoniam per se patet pertinere omnia sine ulla adnotatione in orationis contextum ex A2 recepta, satis erit hic

¹ Post *inquit* rasura et foramen sunt.

² *namque* in margine iuxta *Hec* est; *Nac* 299, 4 primo loco est.

³ Cfr. V 409—411, II 455—461.

Epilegomena.

indicasse aliqua, quae vel in recentioribus editionibus interdum pessumdata reperiantur. Sunt autem maxime memorabilia haec:

anulus, artare, artus (adiectivum), *baleus, bucina, caritas, carus, consilium, cotidianus, cotidie, cum* (coniunctio), *locutus et secutus* (cum compositis et derivatis), *solacium, iohannes* constanter, *calciamentum, cerimonia*¹, *inclitus, limbus, lacrima, benivole, benivolus, malivolus, tegimentum, paraclitus, prodisti, quaesisti*, verba composita *iaciendi*: *abicere, adicere, deicere, subicere, milia, mille, paulisper, pilleus, sollicitare, sollicitudo, sollicitus, sollicite, tamquam, umquam, quociens, quocienscūque, tociens, multociens, temptare* cum derivatis, *repperi, reppuli, litteras* (66, 1), *quattuor*.

b) Falso scripta.

scobabo 104, 13; *accidiam* 298, 16; *brachium, ach, proch, michi, nichil, nichili, cypho* 251, 4; *ci* ante vocalem constanter modo recte, modo falso pro *ti*, veluti *solaciari, solacium, arcus, eciam, nunciare* (cum compositis), *preciosus*; *reamares* 174, 30; *redditibus* 160, 26; *redditus* 162, 3; *e* etiam pro *ae* et *oe* constanter scribitur, veluti: *celestis, celicus, celum, cepit* (pro *coepit*), *obedire, obediencie, merorem, merencium* (pro *maerentium*), *pena, penitere, penitencie, seculum; elemosinas* 257, 29;

¹ Vix opus erit admonere *cerimonia* et *quociens* similiaque non propter falsas *e* aut *c*, sed propter rectas *i* et *n* hic adnotata esse.

letanijs 228, 2; *vendicans* 263, 1; *Katherina* 51, 15; *faleratis* 73, 13; *fantasia*; *nephandum* 155, 21; *h* additum: *abhominabilis*, *abominatus*, *archa*, *archanus*, *choruscare*, *habundare* (cum compositis), *helias*, *heremitare*, *heremus*, *humerus*, *israhel*, *israhelita*, *iheremias*, *iherosolima*, *iherusalem*, *iheronimus*, *ihesus*, *lintheamen*, *lintheum*, *penthecoste*, *perhennis*, *prothomartir*, *sathan*, *sathanas*; *h* omissum: *Abbacuc*, *apoteca*, *character*, *carisma*, *cartula*, *Crisostimus*, *Cristus*, *cyrographum*, *cyroteca*, *exalare*, *armonia*, *ortus*, *osanna*, *ymnidicus*, *ymnizare*, *ymnus*; *hij*, *hijs*, *genitrix*, *negligenter*, *mirre* 176, 9; *i* pro *y*: *apocalipsis*, *azimis* 278, 4, *bissinus*, *bissus*, *Crisostimus*, *egiptus*, *elemosina*, *gazophilacium*, *iheronimus*, *iherosolima*, *iherusalem*, *martir*, *misterium*, *mistice*, *misticus*, *presbiter*, *Karissimos* 318, 22, *Katherina*, *humilimus*, *solempnis*, *solempnitas*, *solempnizare*, *comoda* 213, 11, *rennueret* 194, 31, *strennue*, *strennuus*, *adolescentulus*, *iocunditas*, *iocundus*, *columpna*, *dampnum*, *dampnare* (cum compositis), *erumpna*, *sampson*, *solempnis*, *solempnitas*, *solempnizare*, *sompnium*, *sompnus*, *contempnere*, *verumpniam*; *oportunitas*, *oportunus*, *immarcescibilis*, *colaphisare*, *sabbatiset* 65, 21, *theologisant* 295, 13, *abcederent* 149, 21, *abceffit* 146, 25, *reconsiliare* et *reconsiliacio* *constanter* 15, 22; 112, 15; 197, 23; 205, 13; 228, 18. 30. 31; 233, 31; 247, 7; 289, 12; 312, 3¹; *retulisti* 29, 21; *xpristum* 204, 25, *Xpristus* 321, 4; *y* pro *i*: *asye*, *ay* 248, 19,

¹ Cfr. vol. II 464. (*Consilium* 262, 2 et *consiliarius* 262, 2 recte scripta sunt.)

beniamyn 186, 11, *cayphe* 235, 6, *cycatrix*, *cyrographum*, *cyroteca*, *cythara*, *eya*, *gygas*, *hynniret* 254, 14, *messyas*, *nycode-mus*, *pylato* 224, 7, *sydere* 32, 20, *symeon*, *symonis*, *Synai* 11, 15, *synay* 1, 24, *syndone* 201, 25, *syon*, *ydolum*, *ydoneus* 10, 13, *yesse*, *ymaginis* 175, 21, *ymaginacio*, *ymbri-cus*, *ymmo*, *ympressione* 175, 22, *ymus*, *yfaac*, *ysaias*, *ysidorus*; *azellus* (sed recte *asinus* et *asina*).

c) Inconstanter scripta.

abhraham (in margine) 6, 29, *abraham* (in contextu) *ibid.*, *auctor*¹ 169, 15. 27; 188, 20; *autor* 156, 10; 242, 20; 266, 3, *autoritatem* 6, 14; *aput* 1, 13, *quidquam* 100, 29, *quit-quam* 76, 29, 139, 31, *quidquid* fere constanter, *quicquid* numquam, sed *quitquid* 79, 14, 216, 22 et 303, 27; *dextera* 111, 7, *dexteram* 17, 17, 148, 9, 272, 13 vel per compendium *dexta* 69, 14 et 287, 5; *dextris* 42, 9; *schola* 2, 26 et 317, 2; *scola*; *clipeus*, sed *clypeus* 197, 28; *hyemale*, sed *hiemali* 90, 18 et 280, 5; *abscisionem* 50, 4, sed *abs-cisus*² 20, 21. 29; s post *ex*³ in verbis compositis velut *exilium*, *expectare* et *exultare* cum derivatis, *extiti* passim abest uno excepto *exspoliare* 213, 30; *spiritualis* et

¹ Exempla vocabulorum recte et solito more scriptorum, qualia sunt *auctor*, *admirari*, *admiscere*, *admonere*, *schola*, nec volui nec debui enotare omnia; at falso vel insolenter scriptorum, qualia sunt *autor*, *ammirari*, *ammonere*, *scola*, vix ullum me fugisse meo iure mihi videor posse spondere. Idem valet de quibusdam in numerum recte scriptorum a me supra relatis, veluti *paraclitus* et *quatuor*, quae quoniam non prorsus barbara sunt, etsi sequioris aetatis esse non ignoro, meam secutus rationem reicere nolui.

² Cfr. Thesaurum linguae Latinae Vol. I col. 152 v. 65: „? abscissio, —onis f. num re vera extiterit, dubium, cf. abscisio.“

³ Cfr. vol. II 456.

spiritalis; ungere et ungentum, sed unguentum 177, 24; *Synai, synay*.

Iam ut hanc quisquiliarum orthographicarum congeriem tandem aliquando finiamus, hic sub uno aspectu ponamus, quae de praepositionum, quam dicimus, assimilatione adnotavimus. Atque illius aetatis usum plerumque secutus Thomas constanter scripsit *acquirere, admiscere, admixtus, ascendere* cum derivatis, *asscribere* (sic constanter *s* geminata), *aspicere, assum, assumere, collocutio, illatus, immarcessibilis, obprobrium, opponere, opprimere*, reliqua, ut habes in contextu orationis supra fideliter typis descripta; contra variat in his: *amministrat* 277, 29, *admirabilis, ammirabilis* 16, 25, *admirandus, ammirabor* 185, 1, *ammiracionem* 11, 3, *amnoneamus* 312, 28, *obtinere et optinere, obtuli et optuli*¹.

III. ARGVMENTVM.

Insunt in A2 praeter ea, quae in indice eius fol. 1 = huius voluminis p. 1 et 2 enumerantur, post 57, 11 = fol. 21^v inde a v. 11 usque ad fol. 26^v med. aliquot carmina², quae fol. 27^r = p. 61, 1 sermo primus de desiderio prophetarum excipit, et quattuor versus de sancta cruce³, qui in fine fol. 119^v spatii explendi causa videntur adscripti esse. Quae carmina quomodo factum sit, ut in indice

¹ A constanter habet *optuli*.

² Cfr. *SII* 594, 30—595, 2, 2, *Hirsche* II, 90, *De Coussemaker* p. 77 sqq.

³ Cfr. *SII* 595, 2, 6—13.

omitterentur, non aliter habeo quomodo explicem, nisi ut et ipsa post indicem demum confectum ad fasciculi tertii folia vacua complenda addita esse statuum. Quin a Thoma scripta sint, neque De Coussemaker¹ neque Marchal² dubitat, qui cum ceteros codicis tractatus anno 1456 scriptos esse dicat, carmina illa saeculi XV alteri tertiae parti, annis scilicet 1456—1467, attribuire videtur. Sed in praesens missis his, utpote quae voluminis quarti canticis inserenda reservaverimus, nunc de reliquis codicis tractatibus videamus.

Ac Sommalius quidem, qui quae a me p. 5, 1—313, 16 exhibentur, exceptis duabus orationibus³ primus (anno 1600) atque unus sic inscripta edidit: *Conciones et meditationes triginta-sex vtilissimae*, haec praefatus: *In hac parte secunda Tomi primi, continentur tum conciones, tum meditationes admodum vtilis & piae. Conciones sunt eiusmodi, ut meditationes esse videantur. Similiter meditationes ita scriptae sunt, ut ex iis conciones haberi possint*, sane notabilem in modum paene eadem „De vita et beneficiis Iesu Christi Salvatoris nostri meditationibus et orationibus“⁴ praemisit haec: *Hic de vita Christi ac de beneficiis eiusdem libellus, tum iis qui meditari, tum vero illis qui oratione vocali uti consueverunt, admodum vtilis erit, etiam & pastoribus concionatoribusque, ut hinc (si voluerint) pios, devotos, spiritualesve conceptus eliciant, quos*

¹ p. 72. ² p. 92.

³ *SII* 566—567 = p. 53, 10—57, 11.

⁴ *SII* p. 617—720 = editionis meae vol. V.

suis auditoribus proponant. Et profecto horum tractatuum accuratius conlatorum inter se similitudinem tantam esse repperi, ut iam persuasum mihi sit, quod probabile esse dixi in vol. V 396, eam ipsam causam fuisse librario, cur alterum opus in *SIII* et sequentibus editionibus omitendum esse censeret. Quod ne temere dixisse videar, infra iuxta se ponam magnam exemplorum copiam ex utroque libro petitam nequaquam tamen omnia me enotasse ratus. In quibus hoc quoque tenendum est, similitudinem haud ita raro versari in solis verbis, in sententiis non item.

E volumine quinto:

p. 3, 14. 15 rapi in
excessum mentis

5, 21. 22 Laus tua,
Deus, tu ipse es; nec
ab aliquo dignius
laudaris, nisi a te ipso

10, 19—24 prophetas
... miris signis ac
multiplicibus oracu-
lis praenuntiare, pro-
mittere ac praefigu-
rare

11, 21—23 desideria
... incarnationis ...
adimplesti

E volumine tertio:

p. 5, 16 totum spi-
ritum meum in te
rapit

103, 22—25 rogo ut
te ipsum tu ipse lau-
des; quia nisi te
ipsum laudaveris:
numquam eris plene
et digne laudatus.

5, 23—6, 2 prophe-
tarum: quorum ora-
culis miris et multi-
plicibus modis prae-
nuntiatus es et prae-
figuratus

17, 24. 25 desiderio
... impleri ... in-
carnationis 56, 27—29
Tu es ... adimpletio
desiderii mei

13, 26—29 gratias ago
tibi, Domine Iesu
Christe, . . . qui . . .
natus ineffabiliter
dignatus es

16, 16—18 O pauper-
tas . . ., qui totum
tegis mundum

17, 27. 28 quem lau-
dant angeli in caelis,
sugit ubera matris

18, 1. 2 ut impotens
tenetur manibus;
portatur bracchiis

32, 22 De inven-
tione Iesu in templo

32, 26—29 stupendae
. . . dum festivitatis
gratia Hierosoly-
mam cum parentibus
ascendisti

32, 26 humilitatis
tuae exemplo

33, 2. 3 in medio
doctorum . . . sedisti

33, 3 puer duoden-
nis

33, 9—12 parentibus
. . . subditus

5, 5—12 Domine
Iesu, . . . incarnatio-
nis tuae mysterium
. . . tibi semper gratias
agere, pro dignatione
tanta, et caritate tam
inaestimabili

97, 15. 16 quem totus
mundus non capit:
ut pauper

97, 18. 19 Quem lau-
dant cherubin atque
seraphin: modico
lacte alitur

119, 9. 10 sicut homo
impotens sub matris
cura 97, 12. 13 ut pos-
sit teneri tamquam
puerulus, portari ut
infantulus

121, 24. 25 De per-
ditione et inventione
Iesu in templo

122, 7—11 stupidos
. . . cum ad templum
festivitatis gratia pa-
rentes eius ascende-
runt

125, 11. 12 humili-
tatis . . . exempla Iesu
Christi

127, 14 inter doc-
tores sedentem

125, 14 puer duo-
dennis

125, 19. 20 parenti-
bus . . . subiectus.

33, 25. 26 oboedire
et in perfecta sub-
iectione

39, 2. 3 De . . . sa-
lutari doctrina Iesu

40, 4. 5 salutaris
doctrinae tuae

40, 5. 6 sitibundo
. . . pectore

41, 28 pedes tui
speciosissimi, 204, 24
O speciosi pedes

41, 28—31 pedes . . .
saepius . . . fatigati
. . . ambulasti

45, 12 De festo pal-
marum

45, 17. 18. 20 humili-
tatis . . . pietatis . . .
exhibere

45, 22 puerorum

45, 22. 23 civitatem
Ierusalem

46, 2 invicta man-
suetudine

46, 5—7 pro quorum
peccatis et malitiis
uberis fudisti lacri-
mas . . . mala futura

47, 9 ducente ad
Ierusalem supernam

52, 31—53, 1 non
tantum pedes meos,
sed et manus et
caput

122, 27. 28 perfectae
oboedientiae exem-
plum

162, 18. 19 De . . . sa-
lutari eius doctrina

164, 29; 165, 6 doc-
trina Iesu . . . salu-
taris

165, 30 sitibundo
pectore

242, 10. 11 in suis
speciosis . . . pedibus

109, 19. 22 pedes . . .
ambulabitis et saepe
fatigati

252, 22 In festo pal-
marum

253, 30. 31 pium . . .
exhibens, 254, 2. 3 hu-
mitem . . . exhibuerit

253, 29 puerorum

253, 19 Ierusalem
civitatem

254, 29 multa . . .
mansuetudine

255, 7—12 malitiam
. . . pro eorum ex-
cessibus et malis fu-
turis doluit et flevit

253, 11 in super-
nam Ierusalem nos
perducere

110, 10. 11 non tan-
tum pedes: sed et
manus et caput

| | |
|---|---|
| 77, 28 talionem ... vindictae | 246, 5 talionem vindictae |
| 95, 21—23 benedictum caput tuum super omnes Nazareos sanctificatum | 247, 29—31 in benedicto ... capite Iesu, super omnia sanctorum et Nazaraeorum capita consecrato |
| 95, 26—96, 1 ut largi sanguinis rivi per collum et aures, per oculos et genas undique fluerent atque dulcem faciem tuam ... redderent ... deformem | 248, 23—27 ut ... rivi sanguinis per collum per oculos per aures et vultum effluerent: ac decoram faciem tuam ... obscurarent |
| 103, 8 vitae indigne | 235, 23 vita ... indignus |
| 106, 5—14 cum ... crucis ligno ... extra urbem ... ignobiliter ductus es, ... tamquam ... princeps latronum in medio ... in altissimo patibulo suspendendus | 235, 23—26 quasi ... extra civitatem cum contumeliosa cruce educitur: atque inter latrones ... in cruce suspenditur |
| 135, 12. 13 blasphemationibus a perfidis Iudaeis | 248, 3 impii Iudaei
10 blasphemantes |
| 135, 17 ut canes, dentibus fremebant ut leones | 248, 14. 15 bestiis crudeliores dentibus stridebant |
| 204, 24—26 pedes Domini mei Iesu ... clavi incussione ... transfixi | 109, 26—28 pedes Domini mei Salvatoris ... clavis perforandi |
| 204, 25 durissimi | 242, 28 duris |
| 205, 1 stando | 243, 30 stare |

| | |
|--|---|
| 205, 1 deambu-
lando | 243, 5 ambulando |
| 206, 11—13 manus
... ferreis clavis
grossis perforatae | 244, 12. 16 manus
... perforantur fer-
ratis spiculis |
| 206, 12 in cruce
longius extensae | 244, 10 extendisti,
18 extenduntur in
ligno crucis |
| 206, 14 fideliter | 246, 12 fideliter |
| 206, 15. 16 abstergi,
... illicito ... contactu | 224, 25. 27 tactu ligni
vetiti ... detergeres |
| 208, 13—23 caput ...
habens acutissimam
coronam de spinis
vertici impressam ...
capilli sanguine ...
sacra vulnerum ...
peccatorum ... mem-
bra | 247, 24—248, 1 ca-
put ... spinarum ...
peccatis ... acutus ...
verticem ... capillus
249, 21. 23 coronae ...
sacro capiti ... im-
pressa 248, 23. 24 vul-
neribus ... sanguinis
249, 3 habuit 247, 13
membris |
| 337, 16 pauperculis | 291, 17 pauperculis |
| 337, 19—27 mundo
... ascenderes ...
confortasti ... cae-
lestia ... consolati ...
in adversis | 291, 5—15 ascendo
... confortabo ...
inter adversa ... con-
solabor ... mundi ...
caelesti |
| 340, 1. 2 flexis geni-
bus ... exoro | 293, 24 ora flexis
genibus |

Atque ut, quae ratio inter utrumque opus intercedere mihi videatur, breviter dicam, in exemplis, quae supra scripsi, colligendis adductus sum, ut propter orationis modo simplicitatem, modo brevitate, modo vim Orationes et meditationes existimem antiquius opus esse, quod in altero opere vel potius alteris tractati-

bus¹ nunc dilatando nunc premendo quasi retractatum sit; sed eos non uno tenore scriptos esse effici videtur tum fasciculorum III, V, VI, XI partibus vacuis, tum fasciculorum V et XI exordiis scriptis atramento splendidiore nigrioreque vel etiam litteris paulo grandioribus tum additamentis *Sermo primus* 61, 4 et 252, 21, *Sermo secundus* 264, 21 praescriptis.

Duos denique tractatulos postremos qui inscripti sunt *Parvum alphabetum monachi in schola Dei* et *Van goeden woerden to horen ende die to spreken*, ne fasciculi XIII folia 118—120 inutiliter vacua essent, additos esse credibile est.

V. AETAS.

Fol. 120^v hisce verbis finitur Thomae manu scriptis: *ANNO DÑI. M̃. CCC̃. LVĨ*.² Ex quibus verbis quamquam hoc tantum sequi mihi videtur, ultimum codicis tractatum anno 1456 finitum et scriptum esse, tamen ne antecedentes quidem tractatus longe ante scriptos esse ex eis probabile est, quae de scripturis *consilium*, *reconsiliare*, *reconsiliatio* vol. II 462—464 disputavimus.

VI. AVCTOR.

Infra illam anni designationem, de qua modo diximus, haec eiusdem Thomae

¹ Hirsche II 100 Meditationem de incarnatione et titulo et magno ambitu (fol. 3—21^r = 5, 1—53, 6) subscriptioneque sua recte dicit peculiarem esse tractatum probari.

² Illis verbis paululum oblitteratis recentior manus explicationis causa atramento superscripsit: *Anno Dni M̃. CCC̃. LVĨ*; cfr. Hirsche II tabul. fotogr. N° IV d.

manu scripta sequuntur: *Finitus et scriptus per¹ ma⁹ fr̄s thōe kēpis*, id est: *Finitus et scriptus per manus fratris Thomae Kempis*. Quibus verbis ipsis Thomam scribam, non auctorem notari, non est, quod pluribus exponamus; sed quin auctor sit, nemini dubium esse potest. Namque is, qui tabulam illam tractatum et librorum Thomae composuit, de qua vol. V 385 sq. egi, locis XX et XXI haec enumerat: *Sermones de incarnatione Domini scilicet: Scrutamini scripturas &c.* et: *Sermones de vita et passione Domini, scilicet ab adventu Domini* et loco XXVII: *Alphabetum monachi scilicet: Vias tuas Domine demonstra &c.*, et Iohannes Mauburnus² in codice Bruxellensi 11816 inter alia Thomae scripta minus dilucide haec memorat: *Sermones multos* et: *De passione Domini*. Quibuscum sententiae et verba ceteris Thomae tractatibus simillima saepenumero congruunt. A quibus ne tractatulum quidem Teutonice scriptum, etsi aliunde notus non sit, segregandum esse Hirsche I 290. 294 argumentis allatis demonstravit.

C. DE HVIVS EDITIONIS RATIONE.

Cum excepto *Alphabeto monachi*³ ceterorum tractatum praeter A 2, quod sciam,

¹ per scriptum est per compendium.

² Cfr. vol. V 386 sq.

³ *Alphabetum* inest in codicibus Bruxellensibus 1526, 4661, 5024, 11167, 11841—11846 (ab J. Marchal omissum), 21889, praeterea in Re, T, T2, Pr, Nor, Asc, S, Kraus.

codices non extent, in his recognoscendis unus A2 nimirum sequendus nobis fuit neglectis editionibus, quarum lectiones eo tantum consilio aliquotiens commemoravi, ut, quam non fidendum eis esset, planum facerem. Orationum quidem prorsus alia ratio est, quas etsi neque scio unde Sommalius sumpserit, neque in ullo codice offendi, tamen quin Thomae esse censendae sint, nihil dubito. Quod ut credam, moveor inprimis testimoniis anonymi loco XXII haec tradentis: *Orationes de passione et beata virgine et aliis sanctis et Mauburni haec enumerantis: De laude beatae virginis. Et sanctae Agnetis. Orationes ad sanctos*¹, quibus sex de passione Domini orationes, quae in SII 216—223 primum² habentur, et quattuor orationes de beata virgine Maria, singulas de ss. Iohanne Baptista et Iohanne Evangelista, duas de s. Thoma apostolo, singulas de beata Maria Magdalena et de s. Agnete ibid. p. 571—585 (= supra 355—399) collectas significari apertum est. Rem ita se habere eo certius est, quod et Thomas apostolus patronus fuit Thomae a Kempis in altera ad illum oratione³ has preces fundentis: *Tu es enim electus discipulus Iesu et meus dilectus apostolus, quem mihi specialem in patronum et advocatum elegi: cui etiam animam meam custodiendam et totam*

¹ Malou p. 93 pro sanctos falso legit fratres.

² Haec Sommalius eis praemisit: *Aliquot orationes piaae ac devotae, de passione Domini nostri Iesu Christi, quae huic editioni secundae accesserunt.* Vide supra 333—355.

³ Cfr. supra 381, 4—9 = SII 579.

vitam meam protegendam fideliter et devote committo, et s. Agnes patrona canonicorum regularium s. Augustini monasterii, cuius conventualis Thomas erat, in monte s. Agnetis consistentium. Neque hoc casui tribuendum est, quod idem Thomas de passione Domini, de ss. Iohanne Baptista et Iohanne Evangelista deque ss. Agnete et Maria Magdalena cantica composuit¹. Quibuscum omnibus egregie conveniunt, quae *Hirsche* II 508—516 de orationis altissimae et sententiarum praeclarissimarum cum tractatibus de imitatione Christi similitudine, de numerorum copia, de versuum clausulis inter se consonantibus congressit. Quibus addere placet haec duo exempla ex Orationibus et meditationibus de vita Christi petita:

Vol. III:

p. 383, 25—28: *manus . . . ad tangendum patenter prae-buit et . . . omnem dubitationis scrupulum eduxit.*

p. 385, 9. 10: *dicens. Dominus meus et Deus meus.*

Vol. V:

p. 294, 26—28: *ut patenter . . . manu . . . tangeret et omnem dubitationem relinqueret.*

p. 295, 3. 4. 10: *dicens: Dominus meus et Deus meus.*

Quae cum ita essent, in castigatione Orationum standum erat in lectionibus *SIII*, cuius et posteriorum editionum ope haud ita pauca menda editionis *SII* tollere licuit. Velut in *SII* 218, 2, 23 = 340, 31

¹ *SII* 595—597, *SIII* 812—817.

est *diuisio* pro *dimissio*, 218, 2, 24 = 340, 30
deest *et*, 219, 2, 19 = 343, 30 legitur *ac-*
cendas pro *accendatur*, 221, 24 = 348, 28
nudarer pro *nudarem*, 221, 44 = 349, 18
ab pro *ac*, 221, 2, 6 = 349, 30 *tibi* pro *cibi*,
221, 2, 45 = 351, 8 *affatu* pro *a statu*,
222, 2, 17 = 353, 24 *potuisses* pro *potuisset*,
227, 7 = 351, 21 *pensandum* pro *pausandum*,
571, 2, 11 = 356, 21 *trepudium*¹ pro *tri-*
podium, 576, 2, 45 = 373, 19 *omnis* pro
animi, 577, 43 = 375, 8. 9 *igniretur nec*
deficeret pro *ignireris nec deficeres* in *SII*,
SIII, *SIIII*, quod correxerunt *SVII* et
SVIII, 578, 16 = 377, 17 *in* deest, 578, 2, 41
= 379, 29 *laudatur* pro *laudator*, 582, 2, 8
= 391, 16 *mereatur* *SII*, *SIII*, *SIIII* pro
mereamur *SVII*, *SVIII*.

De bonis verbis audiendis et loquendis
tractatulum, quem unum Thomas Theo-
tisca Germaniae inferioris patriae suae
dialecto usus scripsit, addendum hic est
adiecta translatione Latina primum edi-
tum esse a *Malou* p. 389—391, qui tamen
recte neque legit omnia neque vertit².
Iterum eundem Hoffmann a Fallersleben
in Francisci Pfeifferi *Germania. Viertel-*
jahrsschrift für deutsche Alterthumskunde,
15. Jahrgang, Wien, Carl Gerold's Sohn,
1870 p. 365 sq. ad Hirschii apographum
edendum curavit, tertium, qui et ipse in
Latinum transtulit, *Hirsche* I 291—294,
quartum denique me auctore Guilelmus
Schmitz cum translatione sermone patrio
conscripta et a me correcta in *Thomas*

¹ 281, 26 *A2* habet *tripudiet*, 269, 22 *tripudiant*.

² Cfr. *Hirsche* I 290. 294. 295.

a Kempis. *Katholisches Sonntagsblatt*.
Kempen 1893 No. 37 p. 146 sq.

Quem tractatulum mihi quoque in Latinum convertenti eo consilio, ut etiam rudes linguae Theotisca capere possent, non hoc spectandum erat, ut quam optime Latine scriberem, sed ut et sententias accurate redderem et sermonis Thomaei colorem quam possem fidelissime imitando exprimerem. Quas quidem leges tam religiose servavi, ut ne soloecismis quidem abstinuerim, veluti 326, 21. 22 *qui irreprehensus esse vult pro: qui irreprehensi esse volunt.*

Iam ut summam eorum, quae adhuc disputavi, paucis complectar, in hoc volumine tractando easdem rationes secutus sum, quas in volumine altero p. 479—482 exposui. Quas ut breviter repetam, retinui codicis A2 orthographiam, dummodo ne prorsus barbara medio demum aevo orta esset, in qua re ipsius antiquitatis inconstantiam non perhorruī; retinui distinguendi notas, nisi quod pro flexa (!) a nostro usu aliena constanter scripsi semicolon (;), pro puncto ante minutam litteram virgulam (,), in fine enuntiatorum ante grandem, etiam ubi in A2 deest, aequalitatis causa punctum. In A2 minio scripta itemque, licet in A2 praeter primas enuntiatorum litteras omnia vocabulorum principia minutis exarata sint, nomina propria reverentiaeque causa ad numen divinum pertinentia, qualia sunt *Deus, Trinitas, Pater, Dominus, Salvator, Spiritus sanctus* rell. grandibus litterarum formis describenda curavi, atramento

Epilegomena.

scripta, subter quae rubra linea ducta est, litteris inclinatis ¹, subter quae atra ², latius dispositis, quae ego addidi, uncinis inclusa. Litterae C et II, de quibus supra p. 405 dixi, in hac editione omissae ubi in A2 occurrant, passim novo versu indicavi. In quibus omnibus quoniam nihil mutavi, quin legentes aut in Epilegomenis aut in Adnotatione critica edocerem, verendum mihi non est, ne quis doli mali me iure insimulet, quem Servius quidem ita definierit machinationem quandam alterius decipiendi causa, cum aliud simulatur et aliud agatur ³.

¹ Exceptis titulis 252, 22-25 et 264, 22-24, quos ad reliquorum titulorum similitudinem conformavi. Linea rubra errore deest 148, 19. 20 subter *diebus et quadraginta noctibus*.

² Etsi atra illas lineas a Thoma ductas esse non crediderim, tamen, quia illis fere vel sententiae vel notiones graviores indicantur, inter singulas litteras spatiola vacua relinquere non inutile esse iudicavi.

³ Cfr. Iustiniani Digesta recognovit Theodorus Mommsen, Berolini apud Weidmannos MDCCCLXXVII p. 53 = IIII 3, 1.



ADNOTATIO CRITICA.

Codicem *A2* anno 1900 Kempas mihi missum contuli, annis 1902 et 1903 Bruxellis saepius inspexi, 1903 et 1904 Bonnam missum ad dubia quaedam tollenda quarto et quinto consului. Quo tanto commodo frui ut mihi liceret, contigit benivola summorum magistratuum, penes quos cura bibliothecae regiae Bruxellensis est, liberalitate, pro qua facere non possum quin maximas eis gratias agam.

p. 1 et 2 indicem titulorum, licet in *A2* sit, Sommalius omisit.

17, ¹¹ *Ierusalem* constanter scripsi pro eo, quod aequae constanter in *A2* est: *itherusalē* vel *itherl̄m*. Cuius erroris similiterque scriptorum *ihesus*, *itheremias*, *iheronimus*, *therosolima*, *israhel*¹ origo unde repetenda sit, cum indagasse mihi videar, hic omnem rem, quo pacto habeat, paucis comprehendam.

Ac proficiscendum quidem est a Graeca nominis Ἱεροσόλης scribendi ratione. Quod cum saepissime non perscriberetur, sed tribus litteris *IHC* notaretur, Graecae

¹ Similiter apud Walther, Lexicon diplomaticum, Ulmae 1756, p. 169, ²³ saeculo XIII exeunte *ihico* pro *lericho* scriptum est.

autem grandis litterae *eta* et Latinae *H* forma eadem esset, factum est, ut scribae librorum Latinorum, etiam cum minuta litteratura uterentur, illud *ihs* retinerent atque Graecarum litterarum notitiam non iam habentes sic recte scribi opinati etiam *iherus* abundanter scriberent, quem deinde usum vel potius abusum in scribenda nomina similia, qualia sunt *Ieremias* et *Ierusalem* transtulerunt¹. Contra ea nominum *Hieronimi* et *Hierosolymae*² vel *Hierosolymorum*³ similis illa quidem, sed non prorsus eadem ratio est. Quae in promptu est ad similitudinem illorum dirigi tunc demum potuisse, cum *h* littera iam optima rei publicae Romanae aetate interdum fluctuans posterioribus et praecipue medii aevi temporibus modo saepe falso adhiberi coepta, modo adspirari plane desita esset⁴. Itaque cum *Ieronymus*⁴, *Ierosolyma* pronuntiaretur, quominus, ut *Iherusus*, sic etiam *Iheronymus*, *Iherosolyma* scriberetur, nihil obstat.

19, 16. 17 *alvus* antiquiore tempore haud raro etiam masculinum erat; quod *S* traditum in *A 2 immaculato* in *immaculata* mutans videtur nescivisse.

21, 28 et 23, 28. De nominativo singulari *isdem* pro *idem* antiquis neque poetis neque inscriptionibus inaudito cfr. Neue-Wagener, Formenlehre der Lat. Sprache

¹ Cfr. W. Wattenbach, Anleitung zur Lateinischen Palaeographie. 4. Aufl. Leipzig, Hirzel, MDCCCLXXXVI, p. 67.

² Utraque forma Thomas utitur.

³ Cfr. W. Corssen, Über Aussprache, Vokalismus und Betonung der Lateinischen Sprache. Leipzig, Teubner, 1868, I 103—113.

⁴ Inde explicantur Francogallicum *Jérôme*, Italicum *Girolamo*.

II 390, Ritschl, Opuscula 2, 432 et 4, 315 sq.

32, 17 TRES minio scriptum est sic: *ēres*.

35, 16 *postfetantes* A2.

49, 30 *expectabilis*, quae varietas fortasse mere orthographica sequioris aetatis est pro *spectabilis*, ut Iordanes (ed. Theod. Mommsen 1882) p. 10, 31 *expectaculum* et Landulfus (ed. H. Droysen 1879) p. 253, 11 *expectaclum* pro *spectaculum* scripserunt; cfr. F. Vogel ad Ennodium (1885) p. 348 sq.

52, 25 *sensibilior* A2 inaniter pro *insensibilior*. *Insensibilia elementa* Thomas scripsit vol. V 168, 4.

Quae 53, 10—57, 11 leguntur orationes duae, eas hic omissas Sommaliius inverso ordine inseruit SI 694 sqq., SII 566—567, SIII 767—769¹, SIII 767—769¹, SVII 682—684, SVIII tom. 2, 269 sq.

76, 15 in margine manu, ni fallor, Sommalii scriptum est: *oratio in omni festo*. Idem in SI, SVII, SVIII addidit: *Ista meditatio seu concio*², *potest cuius festo aptari*, in SII, SIII, S IIII: *Ista cuius (SIIII cuius) festo aptari possunt*.

78, 30 *doctor veritas* habetur etiam vol. II 221, 30, contra vol. V 32, 25 *veritatis doctor*. Huic respondet Ioan. 14, 6: *Ego sum via et veritas et vita*, illi Ioan. 16, 13: *Docebit vos omnem veritatem*.

106, 10 *pluent* causative hic dictum esse Sommaliius *pluet* scribens non vidit.

¹ SIII et SIIII vel paginarum versuumque numeris plerumque consentiunt.

² Sic Sommaliius constanter falso scribit pro *contio*.

136, ¹⁶ In codicibus manu scriptis *flagrare* et *fraglare* saepe leguntur pro *fragrare*; cfr. Georges, Wortformen p. 281, ubi commemorantur: Ribbeck in Neue Jahrb. 77, 191, Bücheler ibid. 105, 11, Ellis ad Catullum p. 346², Fronto ad M. Caes. 1, 3 p. 5, ⁹ *flaglantes* et 2, 2 p. 27, ¹⁶ *flagrantissimo*.

149, ¹⁴ *susurrii* est in A2 itemque in A1 fol. 44^v = SII 73, ²⁷ et in A vol. II 143, 10, ubi postea demum a me visum recipere debebam. Ceterum *susurrum* minus quam *susurrus* usitatum ubi legatur, videsis apud Forcellini-De-Vit, Totius Latinitatis Lexicon, Tom. V (1871) 795, Du Cange, Gloss. med. et infim. Lat. tom. VI (1846) 464, L. Quicherat, Addenda lexicis Latinis, Parisiis 1862, p. 287.

212, ²⁶ Verba VOX CHRISTI propter 211, ⁷ hic abundant.

215, ¹⁹ *si* om. A2, corr. S; cfr. 207, ⁹.

251, ⁶ *medo* est aqua mulsa, et melicraton medicis et hydromeli, potio melle mixta; cfr. Du Cange l. l. tom. IIII (1845) 342.

259, ³¹ A2 *p̄s* habet, quod S et Hirsche II 178 *post* legendum esse opinati sunt. Walther, Lex. dipl. Tab. CXLIII illumque secutus Cappelli p. 266 *p̄s* falso statuunt *Psalmo* esse, quod potius per compendium *ps̄o* notatur apud Baring, Clavis diplom. Hannoverae, MDCCLIV (Compend. Tab. 11) et per *p̄s̄o* apud Cappelli l. l.; immo *p̄s* est, quod in orationis contextum recepi, *psalmos*. Cfr. SII 50, 2, ⁴⁶ = SIIII 25, ⁶ ab infra = SVIII, I 19, 2, ¹ ab infra: *psalmos et hymnos*.

266, 6 quod Thomas manifesto errore *concessit* scripsit pro *conscendit*, id ortum esse veri simile est memoria anteceden-
tium animum scribentis quasi in languo-
rem quendam vertente, cum 265, 11. 12
legatur: *pro asino tibi breviter concedendo*
et 265, 18: *equum unum concederet*. Nam
Thomam per inscientiam peccasse in-
credibile est 162, 27 *asinum ascendisse* et
vol. V 45, 20. 21 *dorsum aselli . . . ascendisti*
verbum in tempora recte declinantem.

285, 2 *de-||mº* pro *debemus*. Simile in-
solentioris compendii exemplum exhibent
Walther, Lex. dipl. 70, 10, Chassant,
Dictionnaire des Abréviations, Paris 1884,
p. 20, Cappelli, Lexicon Abbreviatura-
rum, Milano 1899, p. 81: *dcº*, id. Leipzig
1901, p. 81: *deº*.

297, 16 colon (:) loco puncti (.) post de-
leta *maxime placuerunt* aut non deletum
aut non mutatum est.

317, 8 post *animae meae* haec *Asc*,
quem secutus est *S* (*SII*, *SIII*, *SIIII*),
nescio unde sumpta, quae in *A* 2, *Pr*, *Nor*,
SVIII non leguntur, interpolavit: *Monstra*
mihi vias mandatorum tuorum, vt curram
eas. Doce me semitas consiliorum tuorum,
vt ambulem in via immaculata. Aufer
caecitatem meam ne sit non satis mon-
strasse: infunde gratiam spiritus tui qui
deducet me in viam rectam.

*Magister*¹ *Deus.*

Intellectum tibi dabo, et instruam te in
via hac qua gradieris: firmabo super te
oculos meos, itemque 317, 11 si vis ad
vitam ingredi post utilius, 13 non solum

¹ Apud *Asc* *Magister* deest.

post omnibus, sed post bonis, 21 est post frequenter, 318, 4 quantum potes post Fuge, 319, 5 tempus post breve, 23 sanctam post scripturam, 320, 8 enim post Nocent, 321, 5 sit post Ipse, 10 Deo post psalmos, 19 est post beatitudo, 20 caelestis vita curiae pro vita caelestis, 23 est post religiosi, 26 Charissime post frater, 322, 8 mundi ante et.

318, 22 Karissimus, pro quo Thomas alibi constantissime carissimus scribit, ordinis alphabeti gratia hic per K scribendum erat, contra 321, 10 non solum hac de causa, sed etiam ut sibi constaret, Ymnus sine h. Similiterque apud Venantium Fortunatum ed. Leo (1881) in carmine quadrato V 630 ymnus litterarum serie firmatum est, itemque I 16, 85 ymnum legitur, contra p. 403 hymnus. Neque Wölfflinus in Benedicti Regula monachorum, Lipsiae in aedibus B. G. Teubneri MDCCCXCV, in hoc substantivo adspirationem probavit ceterum ne ortus quidem pro hortus aspernatus. Eodemque modo aliae editiones discrepant velut Ennodii (1885), in qua F. Vogel hymnus, et Sedulii, in qua Huemer eodem anno ymnus scripsit.

326, 30—327, 3. Cfr. S II 57, 2, 24—26 = S III 36, 22. 23 = S VIII, I 28, 2, 10—12: Non debetis omni verbo credere: nec ulterius cito audita proferre.

346, 27 Post Oh vel quam leve vel simile quid excidisse putaverim.

356, 14 alacritas pro alacritate emendavit S VIII (Amort).

359, 12 tuam custodiam correxi pro tua custodia coll. 386, 2. 3.

368, 28 *SII, SVII, SVIII genetricis, SIII et SIII genetricis.*

369, 10 pro *suae*, quod *S* et *Kraus* habent, coll. *Luc.* 1, 79: *usque in diem ostensionis suae ad Israel* scribere debebam *tuae*, cum oratio *Lucae* referentis mutata sit in orationem *Thomae* adloquentis.

372, 9 pro *primos*, quod e compendio *pñiōs*¹ male soluto ortum esse arbitror, scripsi *paenitentiarios*. *Kraus* adnotavit: „Forsan primus“; sed requiritur vocabulum, quod notionibus praecedentium *paenitentes* et *abstinentes* respondeat dumtaxat, quale esse *paenitentiarius* colligas e *Du Cange*, *Gloss.* tom. V (1845) 327: „... 2. POENITENTIARIUS. Vir, cui imposita est poenitentia, nostris *Penancier*.“ Cfr. *Dictionnaire de l'ancienne langue française* par *Frédéric Godefroy*, Paris, É. Bouillon, 1889, tome VI p. 79: „*Pe-neancier, penancier, — chier, s. m., celui qui fait pénitence, pénitent, flagellant. ...*“

376, 3 *SII, SIII, SIII in aure, SVIII aure, in aurem ego.*

379, 17 pro *regnum*, quod editiones omnes habent, e coniectura scripsi *regem* duabus de causis, quarum prior est, quod *regnum convertere* dici vix crediderim, altera, quod 379, 24. 25 legitur: *parasti regi Indorum perpetuam mansionem in caelo.*

383, 10 pro *monte* ex *Matth.* 26, 30 restitui *montem*.

Ad 386, 19 cfr. *Ioan.* 21, 2.

386, 22 *Sommalius littore.*

¹ Cfr. *Walther*, *Lex. dipl.* Tab. CXL.

387, ¹³ *gloriam* pro *gloria* scripsi cll. Marc. 16, 19; Act. 1, 11.

392, ²⁷ *SII*, *SIII*, *SIIII* *alendi* exhibent, quod *SVII* et *SVIII* (*Amort*) et *Kraus* deleverunt. Scripsi *aliud* ex 1 Reg. 10, 9: *immutavit ei Deus cor aliud*, ubi *aliud* per prolepsin dictum est.

393, ¹⁴ *peccatoribus* pro *pectoribus* correxit *Kraus*.

Post 397, ¹² quinque strophas versuum ternorum (= *SII* 584, 2, ¹⁰⁻¹⁹, *SIII* 794, ¹¹⁻¹⁶, *SIIII* 794, ¹⁰⁻¹⁵) hic omittendas et vol. IIII canticis inserendas esse censui.

397, ¹³⁻³⁹⁹, ¹¹ tot paribus verborum exitibus abundat, ut Thomas quodammodo sibi ipse satisfacere non potuisse videatur.

398, ¹² *Nobilis* pro *Nobili* coniecit *Kraus* sine dubio motus analogia sequentis *nobilior*; sed si Thomas plenam consensionem sectari voluisset, propter *Nobilis ex genere* etiam *nobilior ex fide* scribere debebat, utrumque insolenter.



LOCI SCRIPTURAE SACRAE.

Tractatus I:

Huius vol. p.

| | |
|-----------|-------------|
| 5, 4 | Ioan 5, 39 |
| 20-21 | Ps 118, 18 |
| 6, 23-24 | Ioan 5, 39 |
| 7, 1-2 | Gen 22, 18 |
| 8-9 | Marc 16, 16 |
| 9, 9-12 | Gen 49, 10 |
| 27-28 | Agg 2, 8 |
| 28 | Deut 18, 15 |
| 10, 8-10 | Ioan 6, 14 |
| 16-18 | Exod 4, 13 |
| 29-29 | Ioan 21, 25 |
| 11, 24-28 | 3, 35 |
| 31 | Hebr 1, 5 |
| 12, 8-10 | Ps 109, 1 |
| 12 | Mat 28, 18 |
| 16-16 | Hebr 11, 6 |
| 13, 2-4 | 9, 7 |
| 23-24 | Ps 143, 5 |
| 14, 25-26 | 79, 3 |
| 26-28 | 84, 8 |
| 29-30 | 88, 50 |
| 30-31 | 50, 8 |
| 15, 5-6 | 18, 6. 7 |
| 15-19 | 84, 12 |
| 20-21 | 44, 3 |
| 23-24 | 73, 12 |
| 26-28 | 71, 6 |
| 20-31 | 109, 3 |
| 16, 2 | 4 |
| 3-5 | 7 |
| 6 | 46, 6 |
| 13-16 | Is 7, 14 |
| 19-20 | 9, 6. 7 |
| 22-28 | 11, 10 |
| 29-31 | 1 |
| 17, 1 | 16, 1 |
| 5-7 | 2, 2 |
| 7-10 | 60, 1 |
| 11-12 | |

Huius vol. p.

| | |
|--------------|--------------------|
| 17, 13-14 | Is 28, 16 |
| 18-16 | 4, 2 |
| 21-23 | 40, 1 |
| 23-24 | 52, 6 |
| 27-28 | 64, 1 |
| 31-18, 2 | 62, 1 |
| 18, 21-24 | 6, 1. 3 |
| 26 | 53, 2 |
| 28-29 | 4, 5 |
| 19, 2-3 | Ier 31, 22 |
| 28-31 | Bar 3, 36. 38 |
| 20, 3-4 | Ez 1, 26 |
| 4-6 | 9, 3 |
| 10-13 | 64, 23 |
| 21-27 | Dan 2, 34. 35 |
| 21, 10-18 | 7, 13. 14 |
| 28-22, 1 | Mich 5, 2 |
| 22, 8-11 | Hab 2, 3 |
| 12-16 | 3, 4. 5. 13 |
| 19-21 | 18 |
| 25-28 | Soph 3, 14. 15. 17 |
| 29-23, 2 | Agg 2, 7. 8 |
| 23, 5-7 | Zach 2, 10 |
| 7-11 | 9, 9 |
| 16-18 | 10 |
| 24-26 | 11 |
| 25, 11-12 | Is 52, 3 |
| 14-16 | Mal 3, 1 |
| 22-23 | Ioan 8, 24 |
| 26 | Num 20, 10 |
| 29-26, 2 | Deut 31, 27 |
| 26, 31-27, 1 | Ioan 5, 46 |
| 27, 17-18 | Mat 20, 16 |
| | 22, 14 |
| 28, 21-22 | 1 Cor 10, 11 |
| 30-29, 2 | Ps 72, 25. 26 |
| 29, 8-9 | Ioan 1, 14 |
| 27-28 | Exod 12, 46 |
| 29-30 | 5 |
| 30, 5-6 | Ps 21, 17. 18 |
| 7 | 7 |

Loci Scripturae Sacrae.

[illegible]

Loci Scripturae Sacrae.

| | | | |
|------------|--------------------|------------|--------------------|
| 130, 26 | Luc 10, 23 | 210, 15-17 | vide ad 195, 11-13 |
| 136, 3 | Phil 1, 21 | 18-19 | Gal 6, 14 |
| 137, 21-24 | Ioan 10, 9 | 20-21 | Cant 7, 10 |
| 28-29 | 2 Cor 6, 2 | 213, 19-20 | 2, 14 |
| 140, 3-4 | Mat 4, 4 | 22-25 | Ioan 20, 27 |
| | Deut 8, 3 | 216, 11-12 | Gal 2, 19 |
| | Luc 4, 4 | 15-16 | 6, 17 |
| 148, 18-20 | Exod 24, 18 | 27-30 | 2 Cor 4, 10 |
| 150, 26-26 | vide ad 140, 3, 4 | 217, 8-9 | Cant 7, 10 |
| 151, 6-7 | Exod 24, 12 | 13-14 | Thren 1, 12 |
| 28-29 | 32, 7 | 223, 3 | Ioan 19, 15 |
| 152, 28-29 | Ioan 6, 24 | 224, 12 | Luc 22, 58. 59 |
| 153, 8-9 | Mat 5, 8 | 226, 13-16 | Mat 26, 69 |
| 11-12 | Ps 50, 12 | 24-25 | Phil 2, 5. 7. 8 |
| 155, 30-31 | Ioan 12, 25 | 227, 20-23 | Rom 3, 23 |
| 156, 26 | 15, 16 | 28-31 | 1 Petr 3, 18 |
| 158, 12-17 | Mat 8, 20 | 228, 29-31 | Apoc 5, 9. 10 |
| 28-30 | Luc 9, 58 | 231, 4-8 | 2 Cor 5, 19. 20 |
| | Mat 17, 4 | 240, 17-19 | 1 Petr 1, 18. 19 |
| 160, 7 | Eccl 2, 10. 21 | 242, 1-3 | Luc 23, 34 |
| 161, 21-24 | Ioan 4, 6 | 21-243, 2 | Act 8, 2 |
| 162, 21-22 | Ps 41, 3 | 243, 26-27 | Ps 145, 7. 8 |
| 165, 30-31 | Ioan 4, 34 | 248, 10-11 | 118, 101 |
| 166, 12-14 | 3 Reg 19, 4-8 | 249, 24 | Luc 22, 65 |
| 167, 4-5 | Ioan 8, 6 | 252, 28-29 | Ioan 19, 14 |
| 21-23 | 7 | 255, 17-19 | Mat 21, 8 |
| 30 | 11 | 262, 1-2 | Ecc 7, 5 |
| 168, 10-11 | Luc 18, 13 | 13 | Rom 11, 34 |
| 25 | Ioan 7, 15 | 23-24 | Ioan 12, 16 |
| 169, 2-3 | Mat 10, 42 | 264, 26-29 | 3 Reg 1, 33 |
| 170, 9-11 | Luc 17, 10 | 265, 22-23 | Mat 21, 2 |
| 171, 17-19 | Ps 142, 2 | 277, 12-14 | 3 Reg 10, 28 |
| 172, 1-3 | Luc 17, 10 | 27-28 | Ioan 16, 22 |
| 21-23 | Ps 118, 106 | 278, 28-30 | Ps 117, 24 |
| 173, 27-28 | 117 | 279, 16-19 | Col 3, 1. 2 |
| 174, 2-4 | Thren 1, 12 | 280, 25 | Ps 117, 24 |
| 9-11 | Ps 22, 5 | 281, 23-24 | Mat 28, 18 |
| 177, 14-15 | Deut 32, 13 | 284, 20 | 1 Cor 5, 7 |
| 26-27 | Col 2, 3 | 285, 26-27 | Ps 15, 11 |
| 178, 24-25 | 1 Cor 2, 2 | 287, 6-7 | 16, 15 |
| 28-29 | Thren 1, 12 | 11-14 | Rom 14, 17 |
| 180, 16-19 | 2 Reg 1, 17 | 288, 22-24 | |
| 186, 4-5 | Gen 37, 33. 34 | 289, 1-3 | |
| 7-8 | 45, 1. 15 | 17-18 | |
| 10-14 | 2 Reg 18, 33 | 31-290, 1 | Ioan 20, 17 |
| 187, 10-12 | Ioan 19, 16. 17 | 290, 13-15 | |
| 189, 8-10 | Gal 6, 14 | 291, 3 | |
| 195, 11-13 | Act 4, 12 | 16-18 | Luc 12, 32 |
| | Ioan 11, 25 | 292, 19-20 | Ioan 14, 2 |
| 26-27 | Luc 23, 43 | 20-21 | Hebr 13, 14 |
| 196, 18-19 | Gal 6, 14 | 28-29 | Cant 1, 3 |
| 204, 17-20 | vide ad 195, 11-13 | 293, 15-16 | Luc 24, 26 |
| 25-28 | Hebr 12, 3 | 294, 4-6 | Act 2, 4 |
| 209, 4-5 | Cant 7, 10 | 299, 22-23 | Ioan 14, 16 |

Loci Scripturae Sacrae.

| | | | |
|----------------|----------------|------------|----------------|
| 302, 16-10 | Luc 22, 28 | 345, 26-29 | 1 Petr 2, 22 |
| 306, 5-6 | Act 4, 32 | 29 | Luc 23, 4 |
| 307, 16-18 | Mat 12, 36 | | Ioan 18, 38 |
| 310, 19 | Iac 3, 2 | 30-31 | Is 53, 7 |
| 313, 13-15 | Act 4, 32 | 349, 25-26 | Gal 6, 14 |
| | | 351, 29-30 | Mat 8, 20 |
| | | | Luc 9, 58 |
| Tractatus III: | | 362, 15 | 1, 35 |
| 317, 4-6 | Ps 24, 4 | 16-17 | Mat 8, 8 |
| | | 21 | Ps 50, 10 |
| Orationes: | | 363, 20-23 | Ioan 19, 27 |
| 334, 10 | Sap 2, 2 | 366, 6-8 | 1 Reg 3, 9. 10 |
| | Is 41, 24 | 30-31 | Is 55, 9 |
| | 2 Mach 7, 28 | 367, 20-21 | Luc 1, 27 |
| 10-11 | Ps 50, 7 | 369, 9-10 | 1, 79 |
| 13 | Luc 15, 16 | 383, 13-14 | Mat 26, 30 |
| 18-19 | Ps 101, 5 | 390, 1-3 | Ioan 17, 24 |
| | Is 13, 7 | 7-8 | Mat 26, 29 |
| 20-23 | Ps 16, 6. 7 | 8-9 | Marc 14, 25 |
| 335, 13 | Rom 8, 15 | | Luc 22, 18 |
| 338, 8 | Luc 6, 38 | | Ioan 8, 52 |
| 20-21 | Mat 26, 39. 42 | 11 | Mat 16, 28 |
| | | | Marc 8, 39 |
| | | | Luc 9, 27 |
| | | | Col 1, 13 |

Corrigenda:

- p. 15, 18 lege currendam.
 19 " egressio.
 16, 3 " nostrae.
 10 " vidisti carnis corruptionem.
 64, 24 post intellegere punctum facias.
 79, 27 lege modis pro motibus.
 83, 15 " po-test.
 88, 16 " angeli Dei omnes.
 149, 14 " susurrii. (Cfr. Epileg. p. 431 ad h. l.)
 196, 28-197, 1 et 197, 3 (amare) non inclinatis, sed latius dispositis typis describenda erant.
 369, 10 lege tuae pro suae. (Cfr. Epileg. p. 434 ad h. l.)
 In tabulae photographicae V versu ultimo deest in p compendii pro per scripti lineola transversa, quae per inferiorem illius litterae hastae partem in A2 ducta est.



Tabulis photographiis extremo libro appendicis instar
adiectis hae autographi partes repraesentantur adscriptis
hulus voluminis paginis versibusque:

| | | | | |
|--------|----------------------|----------|--------|-------------|
| Tab. I | fol. 27 ^v | = p. 62, | 28—64, | 16. |
| " II | " 28 ^r | = " | 64, | 15—65, 30. |
| " III | " 43 ^v | = " | 110, | 3—111, 16. |
| " IIII | " 44 ^r | = " | 111, | 16—112, 29. |
| " V | " 120 ^v | = " | 327, | 13—329, 10. |

Dulcedine cogitat ih̄s. Neq̄ em̄ dubitadū q̄m stu-
 diosis mētibz mille lacc ac pulchre scē modiciss-
 mo occurrēt materie. q̄ desidiis et negligētibz
 velaret sūt et v̄mote? quia xp̄i mysteria intelligē
 digni nō sūt: qui ea cū hūilitate et desiderio non
 inquirūt. Hic ad discipulos ip̄e dicit. Vobis dāū
 est nosse mysteriū regni dei: ceteris aut̄ ī p̄bolicis.
 Truhit aut̄ vehemēter amor ih̄s amatores suos
 ad viuificadū mellissimā v̄ba ex ore ei⁹ procedētia.
 et ad cogitandū dina ei⁹ opa ī carne patiens: ad
 que digne p̄sanda. nulla sufficiūt t̄pa v̄l momenta.
 Et alibz em̄ familiare ē in quibuslibz nēcessitatibz
 suis et causis ad discipulū amīcū et consolatore m̄
 suū ih̄m r̄currē: quia ip̄e fons om̄ gr̄ar et vir-
 tutū: qui solo v̄bo et v̄mco nutu auct̄ p̄t m̄dispo-
 sira ē formare. Diuisio aut̄ modis ab ip̄o asolatio-
 nē v̄apiūt: et m̄cedū valde magnas mētis illu-
 minaciones merent̄: qui sic deuote ac hūilē ad xp̄m
 cōfugiūt. Et q̄nto it̄m se ad xp̄m quērit: t̄cō
 alacros mētis excessus ab ip̄o visitati cōmittūt. Ad
 dā est ergo magna opa h̄is deuotis diebz: et sep̄
 aliqd salutare in corde v̄sandū. De lege: et p̄phetia:
 de desiderio ānquorū pat̄. De celestiu p̄fidentie mis-
 terior. De v̄elacōe suauorū: āplius aut̄ de as̄ple-
 cōi om̄ p̄missor. Et frequēter cōā et īstātē ē oran-
 dū. ut affectus m̄ ad xp̄m it̄mē nūtiat: et intel-
 lectus sp̄ualiu rerū cū p̄phetis nobis appat̄. Et it̄
 om̄ in agnecō filij dei p̄fici potant̄. et ī v̄nicibus
 āplius crescat: qui p̄ nr̄a salute dignat̄ ē hō fieri.
 Quā exaustione poteris aīa mea p̄cedē? si t̄cā
 neglexeris gr̄ā cogitare: Quod it̄m xp̄s in fūcō



erubescit: si uo suis gratia tante beneficis. quibus te p
 rogamus pre multis gemis et ligetis. Quam enim
 fuerit qui xpm no cognouerit: n' de illo audi
 erit. qm ena q' nescierit et crede noluerit Tibi
 datur e uo solu crede et audire: si ena q' de xpo scia
 st et pphetia lege ac intellige. His igit' de exhibi
 tione talium beneficiorum deo gra: et in assecutione opm di
 uinorum studiosa. Totu' utiq' e plenu' spm et ueritate:
 totu' plenu' amore et suauitate: ipso de xpo scribit
 uel amant. No deest materia optende deuotionis: nec
 hoc sacre meditationis Libri ena apti sunt. et fructuosissi
 mi multiplicati: et oia eni ordinata a patribus i agendis
 diuinis officiis. Et igit' h'c dic' n'sum uales p bona
 meditatione: n' tanta sunt spata in q' totu' fidelis co
 solate. Temp' ena hoc hyemale aptu' sans e pro d'
 uoce optenda: et unde n' dno possideat. Quis
 enim ffigidus sit: in m'm amoris m'ediu' impedi' no
 pot. nec exiguu' sed et noctes solus logiores. diuina
 orandi' aux' p'cedi' t'binu' facultate: n' uo aspuat
 umbram uentoru' uis et algore. euagandi tollit opor
 tunitate. Quia enim uident' m'c dic' maneat unus
 q' apud se: et occupet se n'm cu' ihu die ac nocte
 itaq' egrediat' ex' ostii tabernaculi sui. q' tpe no
 parat: sed sabbatis et sabbat' mens: et p'per dno locu'
 pulcherrime in se m'asioris. Ita q'nto sensu solidiores
 magis stricte sunt et uniti: t'mo sp'us n'ri liberi
 or fit: et ad diuina q'seplanda potentior. Quia u'
 reslae uidet: p' q'm et unus sp'us su' in q' iops e vi
 ta n'm: et ista iactes hois quibet diligencia. Per

destinati. Ista sunt pedes misericordie et iusticie.
 ante quos prostrantur ethiopes. fugiet demones:
 et adorabunt reges et principes. Tunc accedent
 peccatores penitencia agentes: et deuote eos deos-
 culantes: veniam consequentur et gratiam. O amabile
 puer. non tantum pedes: sed et manus et caput ac-
 cede membra prebe mihi ad osculandum. benedicendum et
 laudandum. O pulcherrime et mundissime manus. ve-
 tornatiles: nichil superfluum vel diminutum haben-
 tes. Iste sunt manus tue domine que me fecerunt et plas-
 mauerunt: et nunc ad repandum me venerunt. Iste
 me uiuabit operari fideliter: et conformabit contra
 varias temptationes vincit. Iste sustentabit
 me in bono ne corruam: et eriget a malo ne despe-
 rem. Iste benedicet puillis: et donabit sanitatem
 multis infirmis. Iste contra diabolum pugnabit: et
 omnem virtutem eius ad nichilum deducet. Iste post
 multos annos cruce affigetur: et tunc latus sanguis
 riuos emittet. Iste in cruce extensus pro me supplica-
 bit: et propter in indulgentiam vulnerum impetra-
 bit. Iste portas paradisi aperiet: et ualuas inferni
 destruet: et uinctos eius inde liberabit. Iste in
 iudicio cum suis cyathis apparebit: et quanta
 deus pro salute eorum operatus sit et passus. paten-
 ter demonstrabit. Sit hoc leuius sub capite meo:
 et dextera ista amplectatur me. O si tantum bonum
 merueris: quoniam felix et lenis ero. Ex hoc iam fiducia
 alius ad oris osculum audebo accedere: et labi me
 fac labio tuo ausu caritatis exprime. Et si tunc
 altitudo dimittaris: prouocat in maxime similitudo
 humanitatis: et mira suauitas infantilis puritatis.

lufel onder wyndens. maket vele medes.
 Ghene hoerheit sueten. noch eer begheer
 is die rechte wech ten ewighen leuen.
 Der ulben moest en hope in gode alleen.
 weest oetmodich en barmhertich toeten ar
 men mit ghemeen. Doet na godes vaet
 en schou wer die quade paede. so seldi go
 de wel behaghe. en des viants starke or
 ghen. mider hulpe godes in doeghe waf
 sen. en vast van bymnesten. So edel
 is die doghet en een goet heilich leue. dat
 gaet ter bouen alle schoenheit en rüchheit. ende
 starchheit. en verdient selierlike dat ewi
 ghe leuen. Die doeghet ver rime alle boef
 heit. en ydelheit der werelt. si weder staet
 des viants becoringhe. en dwinghet dat
 cranche licham te volghen der reden ende
 den heilighen gheste. God moet ons alle
 gader in doechden stercken. en voer alle
 sunden behoeden. dat wi na desen sterf
 ten leuen roechdich worden. te come in dat
 ewighe leuen. amen. In allen noden ende
 stonden. in allen beginne en eynde so co
 me ons te hulpe die heilige gode maria.
 mit ihesus hore syne synde. amen.

Anno dñi M. CCC. Lvi.

Anno dñi. m. ccc. lvi.
 Innoet script p ma^o frische kopia

